

RENATI DES CARTES  
SPECIMINA  
PHILOSOPHIÆ:

SEV  
DISSERTATIO  
DE  
METHODO

Rectè regendæ rationis, & veritatis in scientiis  
investigandæ :

DIOPTRICE,  
ET  
METEORA.

Ex Gallico translata, & ab Auctore perlecta, variis-  
que in locis emendata.

*Nunc denuo hac Editione diligenter recognita,  
& mendis expurgata.*



AMSTELODAMI,  
Apud Ludovicum & Danielem Elzevirios,  
Anno MDCLVI.  
*Cum Privilegio.*

# P R I V I L E G E.

**L** OUIS par la grace de Dieu Roy de France & de Navarre, a nos amez, & feaux Conzels des gens tenans nos cours de Parlement, Baillifs, Seneschaux, Prevosts, Juges, ou leurs Lieutenans, & autres nos Juges & officiers quelconque, A chacun d'eux, ainsi qu'il appartiendra, salut. L'invention des Sciences & des Arts accompagnée de leurs demonstrations, & des moyens de les mettre à execution, estant une production des Esprits qui sont plus excellens que le commun, a fait que les Princes & les Estats en ont tousjours receu les inventions avec toutes sortes de gratifications; afin que ces choses introduites es lieux de leur obissance, ils en deviennent plus florissans. Ainsi nostre bien aimé Des Cartes nous a fait remonstrer qu'il a par une longue estude rencontré & démontré plusieurs choses utiles & belles, auparavant inconnues dans les Sciences humaines, & concernant divers arts avec les moyens de les mettre en execution. Toutes lesquelles choses il offre de bailler au public, en luy accordant qu'il puisse faire imprimer des Traitez, qu'il en a composés & composera cy apres, soit de theorie, soit de pratique, separément & conjointement en telle part que bon luy semblera dedans ou dehors nostre Royaume, & par telles personnes qu'il voudra de nos sujets & autres, avec les defences accoustumées en cas pareil. Nous regardant humblement nos lettres à ce necessaires. A ces causes desirant gratifier ledit Des Cartes, & faire connoistre que c'est à luy que le public a l'obligation de ses inventions, nous avons par ces presentes accordé, permis, voulons, & nous plaist, que le dit Des Cartes puisse faire & face imprimer toutes les œuvres qu'il a composées. & qu'il composera touchant les sciences humaines, en tel nombre de traitez, & de volumes que ce soit, separément & conjointement, en telle part que bon luy semblera, dedans & dehors nostre obissance, par telles personnes qu'il voudra choisir de nos sujets ou autres. Et que pendant le terme de dix années consécutives à compter pour chascun volume ou traité du jour qu'il sera parachevé d'imprimer, mesmes auparavant ce terme commencé, aucun ne puisse imprimer ou faire imprimer, en tout ny en partie, sous quelque pretexte ou déguisement que ce puisse estre, aucune des œuvres du dit Des Cartes, que ceux de nos sujets ou autres auxquels il en aura donné la permission, ny personne en vendre & debiter d'autre impression que de celle qui aura esté faite par sa permission, à peine de Mille livres d'amande, confiscation de tous les exemplaires, despens, dommages & interets, applicables moitié aux pauvres & moitié au profit du dit Des Cartes. Si vous mandons & à chascun de vous enjoignons par ces presentes, que du Contenu en celles vous faites, laissez & souffrez pour & user pleinement & paisiblement le dit Des Cartes, faisant cesser tous troubles & empeschemens contraires. Et d'autant que de ces presentes on pourroit avoir assés en plusieurs lieux. Nous voulons qu'au Vidimus & extraits d'icelles deüement collationnés par un de nos amez, & feaux Conseillers & Secretaires soy fait adjousté comme au present original. Car tel est nostre plaisir. Donne à Paris le 1111 Jour de May mil six cens trente sept, & de nostre regne le vingtiesme.

Par le Roy en son conseil

Céberet.

Et Scellé du grand sceau de cire jaune sans  
ample queue.

# MATERIARVM CONTENTARVM

in Differtatione de Methodo recte utendi ratione,  
& veritatem in scientiis investigandi.

1. **V** *Aria circa scientias considerationes.* 1
2. *Præcipua illius Methodi, quam investi-*  
*gavit Autor, regula.* 7
3. *Quadam Moralis scientia regula, ex hac*  
*Methodo deprompta.* 14
4. *Rationes quibus existentia Dei & ani-*  
*ma humana probatur. quæ sunt Meta-*  
*physica fundamenta.* 20
5. *Questionum Physicarum ab Autore in-*  
*vestigatarum ordo; ac in specie motus*  
*coræis, & quarundam aliarum ad Me-*  
*dicinam spectantium perplexarum opinio-*  
*num enodatio: tum, quæ sit inter nostram*  
*& Erutorum animarum differentia.* 26
6. *Quid requiri putet Autor, ad ulterius*  
*progrediendum in Natura perscrutatione,*  
*quam hæcenus factum sit; & quæ ratio-*  
*nes ipsum a scribendum impulerint.* 37

I N D E X

## Matariarum contentarum in Dioptrica.

C A P V T I.

De Lumine.

1. **V** *isus præstantia; & quantum nuper*  
*inventis perspicillis adiuvetur.* 49
2. *Sufficere, naturam luminis concipere, ad*  
*omnes ejus proprietates intelligendum.* 50
3. *Quomodo radii ejus in instanti à Sole ad*  
*nos perveniant.* *ibid.*
4. *Quomodo ejus ope colores videantur; &*  
*quantum sit natura colorum in genere.* 51
5. *Non opus esse speciebus intentionalibus*  
*ad eos videndum; neque ut in objectis*  
*aliquid sit nostris sensibus simile.* *ibid.*
6. *Non interdiu videre ope radorum qui ab*

- objectis in oculos nostros veniunt: Contra*  
*feces noctis videre ope radorum, qui ab*  
*ipforum oculis in objecta tendunt.* *ibid.*
7. *Quantum sit materia quæ radios trans-*  
*mittit: & quomodo diversorum objecto-*  
*rum radii simul in oculum ingredi pos-*  
*sint: aut ad diversos oculos tendentes per*  
*eundem æris locum sine permixtione*  
*transire; aut ita, ut ali non sint aliis*  
*impedimento: nec ab æris fluiditate im-*  
*pediantur; nec à ventorum agitatione;*  
*nec à vitri aut aliorum ejusmodi pelluci-*  
*dorum corporum duritie: & qui fieri*  
*possit, ut nihilominus sint recti.* 52
  8. *Quid proprie sint isti radii: & quomodo*  
*infiniti à singulis illuminati corporis pun-*  
*ctis exeant.* 53
  9. *Quid sit corpus nigrum, quid album. I-*  
*tem, quid sit speculum; & quomodo spe-*  
*cula, tam plana, quam convexa, radios*  
*refleclant. In quo consistat natura medio-*  
*rum colorum.* 55
  10. *Quomodo colorata corpora radios refle-*  
*clant; & quid sit refraclio.* *ibid.*

C A P V T II.

De refractione.

1. **Q** *uomodo fiat reflexio.* 56
2. *Non esse necesse ut corpora mota ali-*  
*quo momento hæcant in illis à quibus re-*  
*flecluntur.* 57
3. *Cur angulus reflexionis sit æqualis angu-*  
*lo incidentia.* *ibid.*
4. *Quantum motus pila inflectatur, cum*  
*lenteum trajicit.* 58
5. *Et quantum, cum in aquam ingreditur.* 59
6. *Cur refraclio tanto sit major quanto in-*  
*ciden-*

- eidentia est obliquior: & nulla, cum incidencia est perpendicularis. Et cur aliquando bombardarum pila versus aquam disposita in eam non possint ingredi, sed versus aërem reflectantur. *ibid.*
7. Quantum radius refringatur à pellucidis corporibus, in qua penetrant. 61
8. Quomodo refractionum magnitudinem metiri oporteat. 62
9. Radios facilius trajicere vitrum, quam aquam, & aquam quam aërem, & cur id fiat. *ibid.*
10. Cur radiorum aquam subeuntium refractionis aequalis sit radiorum inde exeuntium refractionis. Et cur id non sit universale in omnibus pellucidis corporibus. 63
11. Radios aliquando incurvari posse, nec tamen ex eodem pellucido corpore exire. *ibid.*
12. Quomodo fiat refractionis in singulis curvarum superficialium punctis. *ibid.*

### CAPVT III.

#### De Oculo.

1. **M**embranam, vulgo retinam dictam, nihil aliud esse quam nervum opticum. 64
2. Quales sint refractiones ab oculi humoribus producta. 65
3. In quem usum pupilla contrahitur & dilatetur. *ibid.*
4. Motum istum pupilla voluntarium esse. 66
5. Humorem crystallinum esse muscoli instar, qui totius oculi figuram mutare potest: & filamenta processus ciliares dicta, illius esse tendines. *ibid.*

### CAPVT IV.

#### De Sensus in genere.

1. **A**nimam sentire, non corpus; idque quatenus est in cerebro, non quatenus a membris animae. 67

2. Ipsam nervorum ope sentire. *ibid.*
3. Interiorem istorum nervorum substantiam ex multis tenuissimis capillamentis constare. *ibid.*
4. Eosdem esse nervos qui sensibus & qui motibus inserviunt. *ibid.*
5. Spiritus animales in istorum nervorum membranis contentos membra movere: substantiam illorum internam sensibus inservire: & quomodo ope nervorum fiat sensus. 68
6. Ideas, quas sensus externi in phantasiam mittunt, non esse imagines objectorum; aut saltem opus non esse ut eis similes sint. *ibid.*
7. Diversos motus tenuium uniuscujusque nervi capillamentorum sufficere ad diversos sensus producendum. 69

### CAPVT V.

#### De Imaginibus quæ formantur in fundo oculi.

1. **C**omparatio istarum imaginum cum illis quæ in obscuro cubiculo conspiciuntur. 71
2. Explicatio istarum imaginum in oculo animalis mortui. *ibid.*
3. Hujus oculi figuram paulo longiorem esse reddendam, cum objecta propinqua sunt, quam cum sunt remota. 73
4. Multos in hunc oculum radios ab unoquoque objecti puncto ingredi: omnes illos qui ab eodem puncto procedunt, in fundo oculi congregari debere circa idem punctum; figuramque suam in hunc finem esse collocandam: diversorum radiorum puncta ibidem in diversi punctis congregari debere. *ibid.*
5. Quomodo colores videantur per chartam albam, quæ est in fundo istius oculi. Imagines quæ ibi formantur, similitudinem objectorum referre. *ibid.*
6. Quomodo pupilla magnitudo istarum imaginum perfectioni inserviat. 75

2. Quo-



7. *Quomodo etiam eidem inferuiat refractionis qua fit in oculo; & obfutura effet, si maior foret aut minor quam re ipsa est.* ibid.

8. *Quomodo internarium istius oculi partium nigredo, & cubiuli obfcuritas in qua ista imagines conspiciuntur, eidem etiam inferuiat: cur nunquam adeo perfecta sunt in suis extremitatibus atque in medio; & quomodo intelligi debeat quod vulgo dicitur, visionem fieri per axem.* 77

9. *Amplitudinem pupille, dum colores vividiores facit, figuras minus distinctas reddere; ac proinde medicrem tantum esse debere. Objecta, qua sunt à latere illius ad cuius distantiam oculus dispositus est, ab eo remotiora aut propiora, minus distincte in eo representari, quam si aequali prope distantia abessent.* ibid.

10. *Imagines istas esse in versas; sicut, atque illarum mutari aut contrahi, pro rationis distantia aut situs objectorum.* 79

11. *Imagines istas perfectiores esse in oculo animalis vivvi, quam mortui; & in oculo hominis, quam bovis.* ibid.

12. *Illas qua apparent ope lentis vitrea in cubiculo obscuro, ibi eodem modo, atque in oculo, formari; & in iis experimentum capi posse multorum, qua hic dicta confirmant.* ibid.

13. *Quomodo hæc imagines ab oculo in cerebrum transeant.* 81

## C A P I T V L V I.

### De Visione.

1. *Visionem non fieri ope imaginum, qua ab oculis transeunt in cerebrum; sed ope motuum qui ipsas componunt.* 82

2. *Istorum motuum vi percipi lumen, & colores; item sonos, vapores, titillationem, & dolorem.* ibid.

3. *Cur illius in oculo acceptus efficiat, ut*

*veluti plurima conspiciantur lumina, & in auribus, ut soni audiantur; atque ita eadem vis diversis sensationes in diversis organis producat.* 83

4. *Cur clausis paulo post conspectum Solem oculis, varios colores videre videamur.* ibid.

5. *Cur aliquando diversi colores appareant in corporibus tantum pellucidis, sicut in iride tempore pluvio.* ibid.

6. *Sensum luminis majorem aut minorem esse, prout objectum propius aut remotius est; item prout pupilla, atque imago qua in oculi fundo depingitur, major aut minor est.* ibid.

7. *Quomodo capillamentorum nervi optici multitudo visionem distinctam reddit.* 84

8. *Cur prout diversis coloribus variegata, eminens unius tantum coloris appareant, & cur omnia corpora minus distincte minus quam continus conspiciantur, atque imaginis magnitudo visionem distinctiorem reddat.* 85

9. *Quomodo agnoscamus situm objecti quod intuemur, aut ejus quod digito nobis eminens monstratur.* ibid.

10. *Cur inverso imaginis qua fit in oculo, non impediatur, ne objecta recta appareant; & cur id quod duobus oculis conspiciatur, aut duabus manibus tangitur, non ideo duplex appareat.* 86

11. *Quomodo motus qui immutant oculi figuram, efficiant ut objectorum distantia deprehendatur.* 87

12. *Etiamsi motus isti nobis inscitiæ fiant, nos tamen quid significant agnosceere.* ibid.

13. *Amorum oculorum conspiratio, animadvertenda distantia inferuit; nec non unius oculi, si loco suo moveatur.* ibid.

14. *Quomodo distinctio aut confusio figura, & majus aut minus lumen, efficiant ut distantia animadvertatur.* 88

15. *Objectorum, qua intuemur, & accedant cognitionem, ipsorum distantia melius distinguenda.*

gnosenda inservire: idemque situm effi-  
cere. 89

16. Quomodo uniuscujusque objecti magni-  
tudo & figura dignoscatur. ibid.

17. Cur nos aliquando visus fallat; & phre-  
netici, aut qui dormiunt, putent, se vide-  
re quod non vident. ibid.

18. Cur aliquando objecta duplicia videantur;  
& talis efficiat, ut objectum duplex  
esse putetur. 90

19. Cur stricci, aut qui per flavum vi-  
trum conspiciunt, omnia qua vident, fla-  
va esse judicent. Et quis sit locus è quo  
conspectitur objectum per vitrum planum,  
cujus superficies non sunt parallela; &  
per vitrum concavum; curque tunc ob-  
jectum minus, quam sit, appareat. Item,  
quis sit locus è quo per vitrum convexum  
videtur; & cur ibi aliquando ma-  
jus & remotius, aliquando vero minus  
& propius appareat quam revera sit,  
aut etiam inversum. Denique, quis sit  
locus imaginum, qua conspiciuntur in  
speculis tam planis quam convexis aut  
concavis; & cur ibi appareant rella aut  
inversa, majores aut minores, & propio-  
res aut remotiores, quam sunt ipsa ob-  
jecta. 91

20. Cur facile decipiamur in judicando de  
distantia; quomodoque probari possit, nos  
non solere distantiam 100 aut 200 pedi-  
bus maiorem imaginari. 93

21. Cur Sol & Luna majores videantur  
Horizonti proximi, quam ab eo remoti:  
apparenterque objectorum magnitudi-  
nem ex angulo visionis non esse mensu-  
randam. ibid.

22. Cur alba & luminosa objecta, propiora  
& majora, quam sunt, appareant. ibid.

23. Cur omnia corpora valde parva aut  
valde remota, appareant rotunda. 94

24. Quomodo remotiones sunt in tabulis  
secundum Perspectivæ regulas delinentis.  
ibid.

De modis visionem perficiendi.

1. **T**RIA in visione esse consideranda:  
objecta, organa interiora, & ex-  
teriora. 95

2. Quatuor tantum ad visionem perfectam  
reddendam requiri. ibid.

3. Quomodo natura primo istorum prospice-  
rit; & quid sit superfluum, quod ars illi  
addat. 96

4. Quod discrimen sit inter juvenum &  
senum oculos. ibid.

5. Quomodo incedi oporteat myopum &  
senum oculis. ibid.

6. Inter multa vitra, qua illi rei inservire  
possunt, facillima politu sunt deligenda:  
item ea qua melius efficiant, ut objecta, à  
diversis punctis manantia, videantur à  
totidem aliis diversis punctis procedere. 97

7. Non opus esse, alium hac in re delectum  
habere, quam circumvicinà, & cur. 99

8. Imaginum magnitudinem pendere tan-  
tum ab objectorum distantia, à loco ubi se  
radii, qui in oculum ingrediuntur, decus-  
satim secant, & ab ipsorum refractione.  
ibid.

9. Refractionem non esse hic magna consi-  
deratione dignam; ut nec objectorum ac-  
cessibilem distantiam: & quid, ubi inac-  
cessibilia sunt, facere conveniat. ibid.

10. In quo consistat inventio perspicillorum  
pulecarium, unico vitro constantium; &  
quis sit illorum effectus. 100

11. Augeri posse imagines, efficiendo ut radii  
procul ab oculo decussentur, ope tubuli  
aquâ pleni: quantoque longior est iste tu-  
bulus; tanto magis imaginem augere; &  
idem prestare ac si natura tanto longio-  
rem oculum fecisset. 101

12. Pupillam oculi obstrare, tantum abest ut  
adjuvet, cum quis ejusmodi tubulo uti-  
tur. 102

13. Nec refractionem vitri quod aquam in  
tubulo

# D I O P T R I C Æ.

tubulo continet, nec membranarum quibus humores oculi involvuntur, ulla consideratione esse dignas. ibid.

14. Id ipsum aque fieri posse tubulo ab oculo separato, atque conjuncto. ibid.

15. Qua in re consistat inventio Telescopii. 103

16. Quomodo impediri possit, ne via radiorum in oculos ingredientium nimis magna sit. ibid.

17. Quomodo contra impediri possit, cum nimis delatus est, & objecta accessibilia sunt. 104

18. Et quomodo, cum accessibilia sunt, & telescopio utimur. ibid.

19. Quanto majus pupilla fieri possit horum conspiciendorum orificium; & cur majus fieri debeat. ibid.

20. Objectionum accessibilium causa, non oportet esse ita augere tubuli orificium. 105

21. Ad diminuendam radiorum vim cum utimur conspiciis, prestare, illorum orificium angustius facere, quam id vitro colorato tegere. Et ad id angustius reddendum, prestare extrema viri extrinsecus tegere quam intrinsecus. ibid.

22. Ad quid utile sit, multa objecta eodem tempore videre; & quid fieri oporteat, ne ea re opus sit. 106

23. Vix acquiri posse facilitatem videndi objecta propinqua aut remota. ibid.

24. Unde factum sit ut Gymnosophista illaso oculo Solem intueri poterint. 107

## CAPUT VIII.

De figuris, quas pellucida corpora requirunt, ad detorquendos refractione radios, omnibus modis visui intervenientibus.

1. DE quibus figuris hic agendum sit. 107

2. Quid sit Ellipsis; & quomodo sit describenda. ibid.

3. Demonstratio proprietatis Ellipsis in refractionibus. 109

4. Nullis aliis adhibitis lineis, præter circulos aut ellipses, posse fieri ut radii paralleli in unum punctum coeant; aut ut ii qui ab eodem puncto procedunt, paralleli evadant. 110

5. Quomodo fieri possit, ut radii qui ab uno viri latere sunt paralleli, ab altero disgregentur, tanquam si omnes ab eodem puncto exirent. 111

6. Quomodo fieri possit ut cum ab utroque latere sunt paralleli, in minus spatium ab uno quam ab altero latere contrahantur. 112

7. Quomodo idem obtineri queat, efficiendo præterea, ut radii sint inversi. 113

8. Qua ratione fieri possit, ut omnes radii ab uno puncto procedentes, in alio puncto congregentur. ibid.

9. Et ut omnes ii qui ab aliquo puncto exeunt, disgregentur, quasi ab alio puncto promanarent. ibid.

10. Et ut omnes ii qui disgregati sunt quasi ad idem punctum tenderent, iterum disgregentur, quasi ab eodem puncto prodirent. ibid.

11. Quid sit hyperbola, & eam describendi modus. 115

12. Demonstratio proprietatis hyperbolæ quoad refractiones. 116

13. Quomodo ex solis hyperbolæ & lineis rectis fieri possint vitra, quæ radios omnibus iisdem modis mutant, atque illi qui ellipsis & circulis constant. 118

14. Etiam si multa alia figura sint, quæ eodem effectum producere queunt, multas tamen præcedentibus ad conspicienda esse aptiores. 121

15. Figuras solis hyperbolæ & lineis rectis constantes delineatæ esse faciliores. ibid.

16. Quacunque sit viri figura, non posse id accurate efficere, ut radii, à diversis punctis procedentes, in totidem aliis punctis congregentur. 122

17. Vitra hyperbolica omnium optima esse in hunc finem. 123

18. Radios à diversis punctis procedentes, magis

## Descriptio Specillorum.

- magis dispergi vitro hyperbolico trajecto, quam ellipso: quantoque ellipticum densius est, tanto minus illud trajectiendo dispergi. 114
19. Quantatuncumque densitatem habeas, non posse id imaginem quam isti radii pingunt, nisi quarta aut tertia parte, minorem reddere quam faciat hyperbolicum: & inaequalitatem tanto maiorem esse, quanto maior est vitri refraetio. Nullam vitro figuram dari posse, qua imaginem istam maiorem reldas hyperbolica aut minorem elliptica. 126
20. Quomodo intelligendum sit, radios à diversis punctis promanantes decussari in prima superficie, qua efficere potest, ut in totidem aliis diversis punctis congregentur. ibid.
21. Vitra Elliptica magis urere, quam Hyperbolica: & quomodo metiri oporteat vim speculorum aut vitrorum urentium. Nulla posse fieri, qua linea recta urant in infinitum. 127
22. Minima vitra antspecula tot radios congregare ad urendum, in spatio in quo eos congregant, atque maxima, qua figuras minimis istis similes habent, in aequali spatio, istaque maxima nullam aliam prerogativam habere, quam eos in spatio majori & remotiori congregandi. atque ita specula aut vitra valde parva fieri posse, qua tamen magnam urendi vim habeant. Speculum comburens cuius diameter non excedit 100 partem distantia ad quam radios congregat, non posse efficere, ut vehementius urant aut calefaciant, quam illi qui directe à Sole procedunt. 128
23. Vitra elliptica plures ex eodem puncto radios accipere posse, ut eos postea parallelos reddant, quam ullius alterius figura. ibid.
24. Sape vitra hyperbolica ellipticus esse praferenda, quod uno tantundem atque duobus effici possit. 129
1. **Q**uatuor eligenda sit perspicillorum materia: & cur fere semper fiat aliqua reflexio in corporum pellucidorum superficie: curque reflexio ista validior sit in crystallo quam in vitro. 130
2. Descriptio confusillorum qua myopibus inserviunt, & in qui tantum eminus videre possunt. 131
3. Cur supponi possit radios à puncto sat remoto prodeuntes esse quasi parallelos: & cur non sit necesse, confusillorum quibus utuntur senes, figuram valde accuratam esse. ibid.
4. Quomodo perspicilla pulcra ex unico vitro fieri debeant. 132
5. Quid requiratur in telescopiis, ut sint perfecta. 133
6. Qualia itidem esse debeant perspicilla pulcra, ut sint perfecta. 136
7. Ad his perspicillis utendum, prestare, alterum oculum velo aliquo obscuro tegere, quam cum muscutorum ope claudere. Virile quoque esse, visus sui aciem antea debilitare, in loco valde obscuro se continendo: atque etiam imaginationem dispositam habere, quasi ad res valde remotas & obscuras inveniendum. 139
8. Qui fiat, ut minus antehac felices fuerint artifices in accuratu telescopiis consciendus, quam in aliis perspicillis. ibid.

## CAPVT X.

## De modo exoliendi vitra.

1. **Q**uomodo magnitudo refractionum vitri, quo uti volumus, sit invenienda. 140
2. Quomodo inveniantur puncta urentia & vertex hyperbola, cuius vitrum illud, cuius refractiones cognita sunt, figuram amulati debet: & quomodo punctorum istarum distantia augeri aut minui possit. 141
3. Quo-

3. *Quomodo hac hyperbola sime describi possit; vel multorum punctorum inventionem.* 142
4. *Quomodo inveniatur Conus, in quo eadem hyperbola à plano axi parallelo secetur.* 143
5. *Quomodo ope machina uno ductu hac hyperbola describi queat.* 144
6. *Alia machina, qua istius hyperbola figuram dat omni rei, qua ea ad vitra polienda indiget: Et quomodo illa sit utendum.* 145
7. *Quid in vitris concavis; Et quid in convexis speciatim observandum sit.* 149
8. *Ordo observandus ad se istorum vitrorum politura excutendum. Vitra convexa qua longioribus telescopis inserviant, acurvatius ceteris esse polienda.* 150
9. *Quanam sit precipua perspicillorum publicarium utilitas.* 151
10. *Quomodo fieri possit, ut duarum ejusdem vitri superficies una centra directe sibi invicem opponantur.* ibid.

INDEX

Materiarum contentarum in Meteoris.

CAPVT I.

De natura terrestrium corporum.

1. *Q*uid Auctor in hoc tractatu proposuit sibi habuerit. 153
2. *Argumentum primi capitis.* ibid.
3. *Alquam, terram, aërem, & reliqua corpora qua nos circumstant, ex variis particulis componi. Poros esse in omnibus istis corporibus subtili quadam materia repletos. Particulas aqua esse longas, teretes & leves. Aliorum corporum fere omnium particulas habere figuras irregulares, angulosas & ramorum instar expansas. Ex istiusmodi particulis simul junctis & implexis corpora dura componi. Easdem, si non sunt implexa, nec tam crassa quin à*

*materia subtili possint agitari; oleum vel aërem componere.* 154

4. *Hanc materiam subtilem indesinenter moveri. Ipsam solere celerius ferri iuxta terram, quam prope nubes; versus Æquatorem, quam versus Poles; aestate, quam hyeme; ac die quam nocte.* 155
5. *Ipsius etiam particulas esse inaequales. Quas minores sunt, minus virium habere ad alia corpora movenda.* ibid.
6. *Crassiusculas precipue inveniri in locis ubi maxime sunt agitatae. Illas multorum corporum meatus ingredi non posse; ideoque ista corpora esse alius frigidiora.* ibid.
7. *Quid sit calor; Et quid frigus. Quomodo corpora dura calefiant. Cur aqua liquida esse soleat, ac quomodo frigore dureseat. Cur glacies eandem semper retineat frigiditatem & duritiem quamvis glacies est, etiam in aestate; nec paulatim ut cera molliatur.* 156
8. *Qua sint salum particula; qua etiam spirituum; sive aquarum ardentium. Cur aqua rarefiat dum congelatur, atque etiam dum incalcescit. Et cur servescit citius congeletur.* 157
9. *Particulas de quibus hic agimus, non esse indivisibiles: nec in hoc tractatu quidquam negari eorum, qua in vulgari Philosophia traduntur.* ibid.

CAPVT II.

De vaporibus & exhalationibus.

1. *Q*uomodo vi Solis corporum terrestrium particula nonnulla sursum attollantur. 158
2. *Quid sit vapor; Et quid exhalatio. Plures vapores quam exhalationes generari. Quomodo crassiores exhalationes ex corporibus terrestribus egrediantur.* ibid.
3. *Cur aqua in vaporem versa valde multum loci occupet.* 160
4. *Quomodo idem vapores magis aut minus densari possint. Quare insolens calor aesti-*

- te interdum aëre núbulo seminat. Et quid vapores calidos aut frigidos reddat. *ibid.*
5. Cur halitus calidior emittatur ore valde aperto, quam propemodum clauso. Et cur majores venti semper frigidi sint. 162
6. Cur vapores interdum magis, interdum minus, radios luminis abundant. Cur halitus oris magis videntur hyeme, quam aestate. Plures vapores solere esse in aëre, cum minime videntur, quam cum videntur. *ibid.*
7. Quo sensu vapores alii aliis humidiores aut sicciores dici possint. *ibid.*
8. Qua sint varia exhalationum natura; & quomodo se ipsas à vaporibus segregent. 163
- CAPVT III.  
De Sale.
1. Quæ sit natura aqua salis: & cur oleum ex corporibus eo madefactis non tam facile egrediatur, quam aqua. *ibid.*
2. Cur tanta sit in vapore differentia inter salem & aquam dulcem. Cur sal carminum corruptionem impediat, easque duriores reddat: cur vero aqua dulcis eas corrumpat. 164
3. Cur aqua salis grauior sit, quam dulcis; & nihilominus salis grana in aqua marina superficie formantur. Particulas salis communis esse longas, rectas, & in utraque extremitate aequaliter crassas: quomodoque disponantur inter particulas aqua dulcis: & maiorem esse particularum agitationem in aqua salis, quam in dulci. *ibid.*
4. Cur sal facile humilitate solvatur: & cur in certa aqua dulcis quantitate, certa tantum ejus quantitas liqueat: Cur aqua marina pellucidior sit fluviali, & paullo major in ea fiat luminis refractione. 165
5. Cur non tam facile congeletur: & quo-

- modo aqua ope salis in glaciem vertatur. *ibid.*
6. Cur difficillime sal abeat in vaporem; & aqua dulcis facillime. 166
7. Cur aqua maris arena percolata dulcescat; & aqua fontium & fluminum sit dulcis. Cur flumina in mare fluentia ejus aquas nec dulciores, nec copiosiores reddant. *ibid.*
8. Cur mare magis salsum sit versus aquatorem, quam versus polos. 167
9. Cur aqua salis minus apta sit incendiis extinguendis, quam dulcis: & cur nocturnum agitur in mari, lumen emittat. Cur nec maria, nec aqua maris diu in vase servata, sic luceat: & cur non aequaliter omnes ejus gutta sic luceant. *ibid.*
10. Cur aqua in litore maris fossis quibusdam minime profundius includatur, ad sallem consiciendum: & cur sal non fiat nisi aëre calido & sicco. 168
11. Cur omnium liquorum superficies sit admodum lavis: & cur aqua superficies difficiliter diradatur, quam ejus interiores partes. *ibid.*
12. Quomodo salis particula in aqua superficie harent. 169
13. Cur cujusque salis grani basis sit quadrata: & quomodo basis ista sit aliquantum curva, quantum plana videntur. *ibid.*
14. Quomodo integrum salis granum isti basi inadhaeret. Cur sit quadam cavitas in medio istorum granorum: & cur eorum superior pars laticior sit quam basis: & quid basim reddat maiorem vel minorem. 170
15. Cur interdum particula salis aqua fuerdum petant, priusquam in grana possint concrefcere. Quomodo quatuor latera cujusque grani modo magis, modo minus inclinata & inaequalia reddantur. Cur commissura istorum laterum non sit admodum accurata, faciliusque in ipsius, quam alibi grana frangantur: & cur carvi-

- caruius, qua in medio est cuiusque grati, rotunda potius sit quam quadrata. ib. 171
16. Cur grana ista in igne crepient quum integra sunt; contracta autem non crepient. ibid.
17. Unde oriatur odor salis naturaliter albi, & color nigri. ibid.
18. Cur sal sit friabile, album vel transparent. & cur facilius liqueat quum grana eius integra sunt, quam quum fuerunt contracta & lenis siccata. Cur ejus particula minus flexiles sint quam aqua dulcis; & cur tam ha, quam illa, teretes sint. ibid. 172
19. Quomodo oleum quoddam sive potius aqua acidissima ex sale extrahatur. Et cur magna sit differentia inter saporem istius aqua acida, & salis. ibid.

CAPVT IV.

De Ventis.

1. Quid sit ventus. 173
2. Quomodo in Aëolipili generetur. ibid.
3. Quomodo etiam in aëre fiat. Ventos precipue ex vaporibus oriri, sed non ex iis solum componi. Et cur à vaporibus potius, quam ab exhalationibus oriuntur. 174
4. Cur venti ab Oriente sicciores sunt, quam ab Occidente; & cur mane potissimum ab Oriente, ac vespere ab Occidente, flent venti. 175
5. Quod ceteris paribus venti ab Oriente fortiores sint, quam ab Occidente; & cur ventus Borealis sapius flet de die, quam de nocte. Cur potius tanquam ex caelo versus terram, quam ex terra sursum versus; & cur ceteris soleat esse fortior; atque valde frigidus & siccus. 176
6. Cur ventus Australis sapius flet noctu quam interdiu; & cur flet tanquam ex imo in altum. Cur soleat esse lenior caeteris & debilior; nec non calidus & humidus. 177

7. Cur inuente vere venti sint sicciores; & tunc aëris mutationes magis subitaneae ac frequentes fiant. 178
8. Qui sint venti ab antiquis Ornithia dicti. Et qui sint Etesiae. 179
9. Quid conferat terrarum & marium diuersitas ad ventorum productionem. Et cur saepe in locis maritimis interdiu flent venti à mari, & noctu à terra. Curque ignes fatui noctu viatores aquas ducant. ibid.
10. Cur saepe venti in litore maris cum ejus fluxu & refluxu mutantur. Et cur idem ventus sit multo validior in mari quam in terra: soleatque in quibusdam regionibus esse siccus, in aliis humidus. Cur in Aëgypto ventus Meridionalis sit siccus, & vix unquam pluat. ibid. 180
11. Quomodo & quatenus Astra conferant ad Meteora producenda. ibid.
12. Quid etiam ad ipsa conferant inaequalitates partium terra. Undeque oriatur varietas ventorum particularium, & quam difficile sit ipsos pradicere. ibid.
13. Ventos generales facilius prafosci: Et cur minor in iis sit diuersitas longissime à litoribus in mari, quam prope terram. ibid. 181
14. Omnes fere aëris mutationes pendere à ventis. Curque aër interdum sit frigidus & siccus, flante vento humido & calido. Mutationes aëris à motu vaporum intra terram etiam pendere. ibid.

CAPVT V.

De nubibus.

1. Quid sit differentia inter nubem, nebulam & vaporem. Nubes constare tantum ex aqua guttulis aut particulis glaciæ; & cur non sint pellucida. 182
2. Quomodo vapores in aqua guttulis versantur. Et cur gutta aqua sint accuratè rotunda. ibid.
3. Quomodo fiant parua vel magna. 183

\*\*\* 2

4. Quo-

4. Quomodo vapores in glaciæ particulas mutantur. Cur hæ glaciæ particulae sicut inuicem rotunda & transparentes; interdum minuta & oblonga; interdum rotunda & alba. Et cur hæ ultima quibusdam quasi pilis perexiguis lecta sint; quidque eas majores aut minores reddat, earumque pilos crassiores vel tenuiores.

184

5. Solum frigus non sufficere ad vapores in aquam aut glaciem vertendos. Quæ causa vapores in nubes cogant; & quæ eosdem in nebulas congregent. Quare veris tempore plures nebulae appareant; & plures in æquis locis, quam in siccis. ib. 185

6. Maximas nebulas aut nubes oriri ex duorum vel plurium ventorum occursu. Aqua guttas, aut particulas glaciæ, ex quibus nebula componitur, non posse non esse perexiguas. Nullas in ære inferiore nebulas esse solere ubi fiat ventus, vel statim ipsas tolli. 185

7. Multas sæpe nubes unam supra aliam existere; præsertim in locis montosis. ibid.

8. Superiores nubes solis particulas glaciæ constare solere. 186

9. Nubium superficies à ventis premi, perpolari & planas reddi. In his planis superficiebus globulos glaciæ ex quibus componuntur, ita à seponi ut unumquemque sex alii circumstent. ibid.

10. Quomodo interdum duo venti diversi, in eodem terræ loco simul flantes, unus inferiorem, alius superiorem eisdem nubibus superficiem perpeliat. 187

11. Circumferentias nubium non idcirco ita perpolari, sed solere esse valde irregulares. 188

12. Multas interdum glaciæ particulas infra nubem aliquam congregari, ubique in variis planis foliorum instar tenuibus ita disponi, ut unaquaque sex aliis aequidistantibus cingatur. Sæpe illas quæ in unoquoque sunt plano, separatim ab aliis moveri. Nonnunquam etiam integras nubes

ex solis glaciæ particulis sic dispositis componi. Aqua guttas in nubibus eodem etiam modo disponi posse. ibid. 189

13. Quamvisdam maximarum nubium ambitum fieri aliquando circularem, & crusta glaciæ suis crassa circumtegi. 189

## CAPUT VI.

De nive, pluvia & grandine.

1. Quare nubes solo ære suffulta non cadant. ibid.

2. Quomodo calor, qui alia multa corpora rarefacit, nubes condenses. 190

3. Quomodo in nubibus particula glaciæ multa simul in floccos congregentur. Et quomodo isti flocci in nivem, vel pluviam, vel grandinem cadant. ibid.

4. Cur singula grandinis grana interdum sint pellucida & rotunda: Cur aliquando etiam sint una parte depressiora. Quomodo crassiora grandinis grana, quæ irregularis figura esse solent, generentur. Cur interdum solis major astus in adibus sentiat. 191

5. Cur crassiora grandinis grana in superficie sint pellucida, & intus alba. Et cur fere tantum in aestate decidat talis grando. Quomodo alia grando instar sacchari alba generetur. ibid.

6. Cur ejus grana interdum sint rotunda, & in superficie quam versus centrum duriora. Cur aliquando sint oblonga, & pyramidis habeant figuram. 192

7. Quomodo nivis particula, in stellulas sex radius distinctas efformetur. 193

8. Unde etiam fiat, ut quadam grandinis pellucida grana tres exiguos quasi radios, ex altissima nivæ compositis, circa se habeant. ibid.

9. Quare etiam interdum decedant lamellæ glaciæ pellucida, quarum circumferentia est hexagona. 195

10. Et alia, quæ tanquam rosa, vel dentata horologii rotæ, circumferentiam sex crenis,



- erenis, in modum semicirculi rotundatis, incisam habent. 196
11. Cur quadam ex ipsis punctum quoddam album in centro habeant: & bina interdum scapo exiguo conjuncta sint, unamque alia majorem esse contingat. 197
12. Cur nonnulla duodecim radiis distincta sint: & alia, sed perpauca, octo radios habeant. ibid.
13. Cur quadam sint pellucida, alia alba instar nevus; & quarundam radii sint breviores, & in semicirculi formam retarsi; alii longiores & acutiores, ac saepe in varios ramulos divisi; qui nunc plumulas aut filicis folia, nunc lilii flores repraesentant. 199
14. Quomodo ista nives quasi stellula ex nubibus delabuntur. Cur, cadentes aëre tranquillo, majorem nevus copiam praeannuncient, non autem vento flante. 200
15. Quomodo pluvia ex nubibus cadat; & quid ejus guttas tenuiores aut crassiores efficiat. 201
16. Cur interdum pluvie incipiat, antequam nubes in caelo appareant. ibid.
17. Quomodo nebula in rorem vel pruinaem variantur. ibid.
18. Qua sit aura illa vespertina, qua caelo sereno timeri solet. 202
19. Unde Manna oriatur. ibid.
20. Cur, si ros mane non decidat, pluvia sequatur. ibid.
21. Cur, si Sol mane luceat, cum nubes in aëre conspiciuntur, pluviam etiam praeannunciet. ibid.
22. Cur cuncta pluviae signa incerta sint. ibid.
2. Cur hirundines, solito demissius volantes, pluviam praeannuncient; & cur aliquando cineres, aut festuca, juxta focum in modum turbinis gyrent. ibid.
3. Quomodo fiant ista majores procellae, quas voce barbara Travares vocant. ibid.
4. Quomodo ignes Castor & Pollux vocati generentur. Quare gemini isti ignes felicitis augurii olim habiti sint; unus vel tres, infelicitis. Et cur hoc tempore interdum quatuor aut quinque simul in eadem nave conspiciantur. 204
5. Qua sit causa tonitruum. 205
6. Cur rarius audiat hyeme, quam aestate. Et cur aura calida & gravior, vento Boreali succedens, illud praeannunciet. 206
7. Cur ejus fragor tantus sit; & unde oriantur omnes ejus differentiae. ibid.
8. Quanam etiam differentia sit inter fulgebras, turbines & fulmen; & unde fulgetra procedant. Curque interdum fulgures cum non tonant, vel contra. Quomodo fiant turbines. ibid.
9. Quomodo fiat fulmen: quod interdum vestes comburat, corpore illaeso; vel contra gladium liquefaciat, vagina intacta, &c. 207
10. Quomodo etiam lapis in fulmine generetur: & cur sapius cadat in montes vel turres, quam in loca humiliora. 208
11. Cur saepe singulos tonitruum fragores repentina pluvia consequatur; & cum multum pluit, non amplius tonet. ibid. 209
12. Cur sonitu campanarum, aut bombardarum, vis tempestatis minuat. ibid.
13. Quomodo generentur illi ignes, qui stella cadentes dicuntur. ibid.
14. Quomodo interdum pluit lacte, sanguine, ferro, lapidibus, &c. ibid.
15. Quomodo fiant stella transientes; & ignes satui; atque ignes lambentes. ibid.
16. Cur minima sit vis istorum ignium; contra autem fulminis maxima. 210
17. Ignis qui juxta terram generantur, aliquandiu durare posse; qui autem in sum-

C A P V T V I I.

De tempestatibus, fulmine, & ignibus aliis in aëre accensis.

1. Quomodo nubes suo descensu ventos aliquando validissimos efficiant; & cur saepe maximas & repentinas pluvias praecedat salu ventus. 203

- mo aëre, celerrime debere extinguui. Nec ideo Cometæ, nec trabes per aliquot dies in cælo lucentes, ejusmodi ignes esse. ibid.*
18. *Quomodo qualiam prætorum simulacra, & talia qua inter prodigia solent numerari, possint apparere in cælo: Et Sol etiam noctu videri possit. 211*

### CAPVT VIII.

#### De Iride.

1. **N**on in vaporibus, nec in nubibus; sed tantum in aqua gustis Iridem fieri. 212
2. *Quomodo ejus causa ope globi vitrei aqua pleni detegi possit. ibid.*
3. *Iridem interiorcm & primariam oriri ex radiis, qui ad oculum perveniunt post duas refractiones & unam reflexionem: exteriorem autem sive secundariam ex radiis, post duas refractiones & duas reflexiones ad oculum perveniensibus; quo fiat, ut illa sit debilior. 214, 215*
4. *Quomodo etiam ope vitres prismatis colores Iridis videantur. 215*
5. *Nec figuram corporis pellucidi, nec radiorum reflexionem, nec etiam multiplicem refractionem ad eorum productionem requiri: sed una saltem refractione & lumine, & umbra opus esse. 216*
6. *Vnde oriatur colorum diversitas. ibid.*
7. *In quo sita sit natura rubei coloris, & flavi, & viridis, & carulei; prout in prismatico vitreo conspiciuntur. & quomodo caruleo rubens miscetur; unde sit violaceus sive purpureus. 218*
8. *In quo etiam aliorum corporum colores consistant: & nullos falsos esse. 219*
9. *Quomodo in Iride producantur; & quomodo ibi lumen ab umbra terminetur. Cur primaria Iridis semidiameter 42 gradibus major esse nequeat, nec secundaria semidiameter 51 gradibus minor. Curque illius superficies exterior magis determinata sit quam interior; hujus autem contra interior, quam exterior. 220*

10. *Quomodo ista mathematicè demonstrantur. ibid.*
11. *Aqua calida refractionem minorem esse quam frigida; atque idcirco primariam Iridem paullo majorem, & secundariam minorem exhibere. Et quomodo demonstratur, refractionem ab aqua ad aërem esse circiter ut 187 ad 250. Ideoque semidiameter Iridis 45 graduum esse non posse. 224*
12. *Cur pars exterior primaria Iridis, & contra interior secundaria, sit rubra. ibid.*
13. *Quomodo possit contingere, ut ejus arcus non sit accurate rotundus: item ut inversus appareat. 225*
14. *Quomodo tres Irides videri queant. 226*
15. *Quomodo alia prodigiosa Irides, variae figuras habentes, possint arte exhiberi. ibid.*

### CAPVT IX.

De nubium colore; & de halonibus seu coronis, quæ circa sidera interdum apparent.

1. **Q**uam ob causam nubes interdum alba, interdum nigra appareant. Et cur nec vitrum contusum, neque nix, neque nubes paullo densiores, luminis radios transmittant. Quanam corpora sint alba: & cur spuma, vitrum in pulverem redactum, nix & nubes, alba sint. 227
2. *Cur cælum appareat caruleum aëre puro; & album aëre nubiloso: Et cur mare, ubi ejus aqua altissima ac purissima sunt, caruleum videatur. 228*
3. *Cur sæpe Oriente vel Occidente Sole cælum rubescat: & ista rubedo mane pluviæ, aut ventos; vesperti serenitatem præannunciet. 229*
4. *Quomodo Halones vel corona circa Astra producantur: & cur varia sit earum magnitudo. Cur cum sunt colorata, interior circulus sit ruber, & exterior caruleus. Et cur interdum dua, una intra alteram,*

teram, appareant, & interior sit maxime conspicua. *ibid.*

5. Cur non videri soleant circa Astra, cum oriuntur vel occidunt. Cur earum colores dilutiores sint quam Iridis. Et cur sapius quam illa, circa Lunam appareant; interdumque etiam circa stellam conspiciantur. Cur ut plurimum alba tantum sint. 231

6. Cur in aqua guttis inflat Iridis non fermentur. *ibid.*

7. Qua sit causa coronarum, quas etiam interdum circa flammam candela conspiciamus. Et qua causa transversorum radiorum, quos aliquando ibidem videmus. Cur in his coronis exterior ambitus sit ruber: contra quam in iis, qua apparent circa stellam. Et cur refractiones, qua in humoribus oculi finis, nobis Iridis colores ubique non exhibeant. 232

C A P V T X.

De Parheliis.

1. **Q**uomodo producantur ea nubes, in quibus Parhelii videntur. Magnam quendam glaciem circum in ambitu istarum nubium reperiri, cujus superficies aequalis & lavis esse solet. Hunc glaciem circum magnam esse solere in parte Soli obversa, quam in reliquis. Quid obstat, quo minus ista glacies ex nubibus in terram cadat. Et cur aliquando in sublimi appareat magnus circulus albus, nullum fidem in centro suo habens. 234

2. Quomodo sex soles diversi in isto circulo videri possint; unus visione directa, duo per refractionem, & tres alii per reflexionem. Cur si qui per refractionem videntur, in una parte rubri, & in alia carulei

appareant. Et cur qui per reflexionem, albi tantum sint & minus fulgentes. 235

3. Cur aliquando tantum quinque, vel quatuor, vel tres conspiciantur. Et cur, cum tres tantum sunt, saepe non in albo circulo, sed tanquam in alia quadam trabe appareant. 236

4. Quamvis Sol ad conspectum altior vel humilior sit isto circulo, semper tamen in eo videri. *ibid.*

5. Hac de causa Solem aliquando conspici posse, cum est infra Horizontem; & umbras Horologiorum retrocedere vel premoveri. Quomodo sepius Sol, supra vel infra sex alios videri possit. Quomodo etiam tres diversi unus supra alium stantes appareant; & quare tunc plures conspici non soleant. 237

6. Explicatio quarundam observationum hujus phaenomeni: ac praecipue illius, qua Roma facta est Martii 29, anno 1629. 238

7. Cur quinque tantum Soles tunc apparuerint. Et cur pars circuli albi à Sole remotior, visa sit major, quam revera esset. 240

8. Cur unus ex istis Solibus caudam quandam subigneam habuerit. *ibid.*

9. Cur dua corona praecipuum Solem cinxerint; & cur non semper tales Corona simul cum Parheliis appareant. Harum coronarum locum non pendere à loco Parheliarum: Ipsarumque Centra non accurate coincidere cum centro Solis; nec etiam centrum unius cum centro alterius. 241, 242

10. Qua sint causa generales aliarum insolitarum apparitionum, qua inter meteorum censenda sunt. 243

R. DES CARTES LECTORI SVO

S. D.

**H**Æc specimina Gallice à me scripta , & anno 1637 vulgata, paullo post ab amico in linguam Latinam versa fuere , ac versio mihi tradita , ut quicquid in ea minus placeret , pro meo jure mutarem. Quod variis in locis feci: sed forsàn etiam alia multa prætermisi; hæcque ab illis ex eo dignoscuntur , quod ubique fere fidus interpres verbum verbo reddere conatus sit; ego vero sententias ipsas sæpe mutavi , & non ejus verba , sed meum sensum emendare ubique studuimus. Vale.

# DISSERTATIO

De

# METHODO

rectè utendi ratione ,

*Et veritatem in scientiis investigandi.*



Vlla res æquabiliùs inter homines est distributa quàm bona mens : eà enim unusquisque ita abundare se putat, ut ne quidem illi qui maximè inexplēbiles cupiditates habent, & quibus in nulla unquam alia re Natura satisfecit, meliorem mentem quàm possideant optare consueverint. Qua in re pariter omnes falli non videtur esse credendum ;

I.  
*Varia circa scientias considerationes.*

sed potius vim incorruptè judicandi, & verum à falso distinguendi, (quam propriè bonam mentem seu rectam rationem appellamus) naturâ æqualem omnibus nobis innatam esse. Atque ita nostrarum opinionum diversitatem, non ex eo manare quod sinus aliis alii majore rationis vi donati, sed tantum ex eo quòd cogitationem non per easdem vias ducamus, neque ad easdem res attendamus. Quippe ingenio pollere haud sufficit, sed eodem rectè uti palmarium est. Excelliores animæ, ut majorum virtutum, ita & vitiorum capaces sunt : Et plus promouent qui rectam perpetuò viam insistentes, lentissimo tantum gradu incedunt, quàm qui sæpe aberrantes celerius gradiuntur.

Ego sane nunquam existimavi plus esse in me ingenii quàm in quolibet è vulgo : quinimo etiam non rarò vel cogitandi celeritate, vel distinctè imaginandifacilitate, vel memoriæ capacitate atque usu, quosdam alios æquare exoptavi. Nec ulla ab his alias doctes esse novi quibus ingenium præstantius reddatur. Nam rationem quod attinet, quia per illam solam homines sumus, æqualem in omnibus esse facile credo: neque hic discedere libet à coniuncti sententiâ Philosophorum, qui dicunt, inter *accidentia* sola, non autem inter *formas substantiales individuorum ejusdem speciei*, plus & minus reperiri.

a

Sed

Sed profiteri non verebor me singulari deputare felicitati, quòd à primis incipere eas cogitandi vias inciderim, per quas non difficile fuit pervenire ad cognitionem quarundam regularum sive axiomaticum, quibus constat Methodus, cujus ope gradatim augere scientiam, illamque tandem, quam pro ingenii mei tenuitate & vitæ brevitate maximam sperare liceat, acquirere posse confido. Iam enim ex eâ tales fructus percepi, ut quavis de me ipso satis demisse sentire consueverim; & dum varias hominum curas oculo Philosophico intueor, vix ullæ unquam occurrant quæ non vanæ & inutiles videantur; non possim quin dicam, me ex progressu quem in veritatis indagatione jam fecisse arbitror, summa voluptate perfundi; talemque de iis quæ mihi quærenda restant, spem concepisse, ut si inter occupationes eorum qui meri homines sunt, quædam solidè bona & seria detur, credere ausim illam eandem esse quam elegi.

Me verò fortasse fallit opinio, nec aliud est quàm orichalcum & vitrum, quod pro auro & geminis hîc vendito. Novi quam proclives simus in errorem cum de nobis ipsis judicamus; & quàm suspècta etiam esse debeant amicorum testimonia, cum nobis favent. Sed in hoc libello declarare institui quales vias in quærenda veritate sequutus sim, & vitam omnem meam tanquam in tabella delineare, ut cuilibet ad reprehendendum pateat accessus, & ipse post tabulam delitescens liberas hominum voces in mei ipsius emendationem exaudiam, atque hunc adhuc discendi modum cæteris quibus uti soleo adjungam.

Ne quis igitur putet me hîc traditurum aliquam Methodum, quam unusquisque sequi debeat ad rectè regendam rationem; illam enim tantum quam ipsemet sequutus sum exponere decrevi. Qui aliis præcepta dare audent, hoc ipso ostendunt, se sibi prudentiores iis quibus ea præscribunt, videri: ideoque si vel in minima re fallantur, magna reprehensione digni sunt. Cum autem hîc nihil aliud promittam quàm historię, vel, si malitis, fabulæ narrationem, qua inter nonnullas res quas non inutile erit imitari, plures aliæ fortasse erunt quæ fugiendæ videbuntur; spero illam aliquibus ita profuturam, ut nemini interim nocere possit, & omnes aliquam ingenuitatis meæ gratiam sint habituri.

Ab incunte ætate ad literarum studia animi adjeci: & quoniam à Præceptoribus audiebam, illarum ope certam & evidentem cognitionem

tionem eorum omnium quæ ad vitam utilia sunt acquiri posse; incredibili desiderio discendi flagrabam. Sed simul ac illud studiorum curriculum absolvi, quo decurso mos est in eruditorum numerum cooptari, planè aliud cœpi cogitare. Tot enim me dubiis torque erroribus implicatum esse animadverti, ut omnes discendi conatus nihil aliud mihi profuisse judicarem quàm quòd ignorantiam meam magis magisque detexissem.

Attamen tunc degebam in una ex celeberrimis totius Europæ scholis, in qua, sicubi in universo terrarum orbe, doctos viros esse debere cogitabam. Omnibus iis quibus alii ibidem imbuebantur, utcunque tinctus eram. Nec contentus scientiis quas docebamur, libros de quibuslibet aliis magis curiosis atque à vulgo remotis tractantes quotquot in manus meas inciderant evolveram. Aliorum etiam de me judicia audiebam; nec videbam me quoquam condiscipulorum inferiorem æstimari; quamvis jam ex eorum numero nonnulli ad Præceptorum loca implenda destinarentur. Ac denique hoc sæculum non minus floridum, & bonorum ingeniorum ferax quam ullum præcedentium esse arbitrabar. Quæ omnia mihi audaciam dabant de aliis ex me judicandi, & credendi nullam in mundo scientiam dari, illi parem cujus spes facta mihi erat.

Non tamen idcirco studia omnia quibus operam dederam in scholis negligebam; fatebar enim, linguarum peritiam quæ ibi acquiritur, ad veterum scripta intelligenda requiri; Artificiosas fabularum narrationes ingenium quodammodo expolire, & excitare; Casus, historiarum memorabiles animum ad magna suscipienda impellere, & ipsas cum prudentiâ lectas non parum ad formandum judicium conferre: Omnem denique bonorum librorum lectionem eodem ferè modo nobis prodesse, ac si familiari colloquio præstantissimorum totius antiquitatis ingeniorum, quorum illi monumenta sunt, uteremur; & quidem colloquio ita præmeditato, ut non nisi optimas, & selectissimas quasque ex suis cogitationibus nobis declarent; Eloquentiam vires habere per magnas, & ad ornatum vitæ multum conferre; Poësi nihil esse aîncenius aut dulcius; multa in Mathematicis disciplinis haberi acutissimè inventa, quæque cum curiosos oblectant, tum etiam in operibus quibuslibet perficiendis, & Artificum labore minuendo, plurimum juvant: multa in scriptis quæ de moribus tractant præcepta, multasque ad virtutem cohortationes utilissimas, contineri: Theologiam Cælo potiundi rationem docere: Philosophiam

phiam verifimiliter de omnibus differendi copiam dare, & non parvam ſui admirationem apud ſimpliciores excitare; Iuriſprudentiam, Medicinam & ſcientiarum reliquas, honores & divitias in cultores ſuos congerere; nec omnino ullam eſſe, etiam ex maximè ſuperſtitioſis & falſis, cui aliquam operam dediſſe non ſit utile, ſaltem ut poſſimus quid valeant judicare, & non facilè ab ullâ fallamur.

Verùm jam ſatis temporis linguarum ſtudio, & lectioni librorum veterum, eorumque hitoriiis & fabulis me impendiſſe arbitrabar. Idem enim ſere eſt agere cum viris priſci ævi, quod apud exterar gentes peregrinari. Expedit aliquid noſſe de moribus aliorum populorum, ut incorruptius de noſtris judicemus, nec quidquid ab iis abladit, ſtatim pro ridiculo atque inepto habeamus, ut ſolent ii qui nunquam ex natali ſolo diſceſſerunt. Sed qui nimis diu peregrinantur, tandem velut hoſpites & extranei in patriâ ſiunt; quique nimis curioſè illa quæ olim apud veteres agebantur inveſtigant, ignari eorum quæ nunc apud nos aguntur eſſe ſolent. Præterea fabulæ plurimas res quæ fieri minimè poſſunt, tanquam ſi aliquando contigiſſent repræſentant, invitantque nos hoc pacto vel ad ea ſuſcipienda quæ ſupra vires, vel ad ea ſperanda quæ ſupra ſortem noſtram ſunt. Atque ipſæ etiam hitorix; quantumvis veræ, ſi pretium rerum non augent nec inmutant; ut lectu digniores habeantur, earum ſaltem viliores & minùs illuſtres circumſtantias omittunt: unde ſit ut ea quæ narrant, nunquam omnino qualia ſunt exhibeant, & qui ſuam vivendi rationem ad illarum exempla componere nimium ſtudent, proni ſint in deliria antiquorum Heroum, & tantùm hyperbolica facta meditentur.

Eloquentiam valde æſtimabam, & non parvo Poëſeos amore incendebar: ſed utramque inter naturæ dona potiùs quam inter diſciplinæ numerabam. Qui ratione plurimùm valent, quique ea quæ cogitant quàm facillimo ordine diſponunt, ut clare & diſtincte intelligantur, aptiſſime ſemper ad perſuadendum dicere poſſunt, etiamſi barbarâ tantùm Gothorum linguâ uterentur, nec ullam unquam Rhetoricam didiciſſent. Et qui ad ingenioſiſſima figmenta excogitanda, eaque cum maximo ornatu & ſuavitate exprimenda ſunt nati, optimi Poëtæ dicendi eſſent, etſi omnia Poëticæ Artis præcepta ignorarent.

Mathematicis diſciplinis præcipue delectabar, ob certitudinem  
atque



atque evidentiam rationum quibus nituntur; sed nondum præcipuum earum usum agnoscebam: & cum ad aites tantum Mechanicas utiles esse mihi viderentur, mirabar fundamentis adeò firmis & solidis nihil præstantius fuisse superstructum. Vt è contrario veterum Ethnicorum moralia scripta palatiis superbis admodum & magnificis, sed arenæ tantum aut cæno inædificatis, comparabam. Virtutes summis laudibus in cælum tollunt; easque cæteris omnibus rebus longe anteponendas esse recte contendunt; sed non satis explicant quidnam pro virtute sit habendum, & sæpe quod tam illustri nomine dignantur, inhumanitas potius & durities, vel superbia, vel desperatio, vel parricidium dici debet.

Theologiam nostram reverebar, nec minus quam quivis alius beatitudinis æternæ compos fieri exoptabam. Sed cum pro certo atque explorato accepissem, iter quod ad illam ducit doctis non magis patere quam indoctis, veritatesque à Deo revelatas humani ingenii caput excedere, verebar ne in temeritatis crimen inciderem si illas imbecillæ rationis meæ examini subjicerem. Et quicumque iis recognoscendis atque interpretandis vacare audent, peculiari ad hoc Dei gratiâ indigere ac supra vulgarium hominum sortem positi esse debere mihi videbantur.

De Philosophia nihil dicam, nisi quod, cum scirem illam à præstantissimis omnium sæculorum ingeniis fuisse exultant, & nihil tamen adhuc in ea reperiri, de quo non in utramque partem disputeretur, hoc est, quod non sit dubium & incertum: non tantum ingenio meo confidebam, ut aliquid in eâ melius à me quam à cæteris inveniri posse sperarem. Et cum attenderem quot diversæ de eadem re opiniones sæpe sint, quarum singulæ à viris doctis defenduntur, & ex quibus tamen nunquam plus unâ vera esse potest; quidquid ut probabile tantum affertur, propemodum pro falso habendum esse existimabam.

Quod ad cæteras scientias, quoniam à Philosophia principia sua mutuantur, nihil illas valde solidum & firmum tam instabilibus fundamentis superstruere potuisse arbitrabar. Nec gloria nec lucrum quod promittunt satis apud me valebant, ut ad illarum cultum impellerent. Nam lucrum quod attinet, non in eo me statum esse putabam, ut à fortuna cogerer liberales disciplinas in illiberalem usum convertere. Gloriam verò etsi non plane ut Cynicus aspernari me profiterer; illam tamen non magni faciebam, quæ non nisi falso nomine,

hoc est ob scientiarum non verarum cognitionem, acquiri posse videbatur: Ac denique jam satis ex omnibus, etiam maxime vanis & falsis degustasse me judicabam, ut facile caverem ne me unquam vel Alchymistæ promissa, vel Astrologi prædictiones, vel Magi imposturæ, vel cujuslibet alterius ex iis qui videri volunt eas scire quæ ignorant, inanis jactantia fallere posset.

Quapropter, ubi primum mihi licuit per ætatem è præceptorum custodiâ exire, literarum studia prorsus reliqui: Captoque consilio nullam in posterum quærendi scientiam, nisi vel quam in me ipso, vel in vasto mundi volumine possem reperire, insequentibus aliquot annos variis peregrinationibus impendi; Atque interea temporis, exercitus, urbes aulasque exterorum Principum invisendo, cum hominibus diversorum morum & ordinis conversando, varia hinc inde experimenta colligendo, & me ipsum in diversis fortunæ calibus probando, sic ad omnia quæ in vita occurrere attendebam, ut nihil ex quo eruditior fieri possem mihi videretur omittere. Quippe multo plus veritatis inveniri arbitrabar in iis ratiocinationibus quibus singuli homines ad sua negotia utuntur, & quorum malo successu paulo post puniri solent quam non recte judicarunt, quam in iis quas doctor aliquis, otiosus in Musæo sedens, excogitavit circa entia rationis, aut similia quæ ad usum vitæ nihil juvant, & ex quibus nihil aliud expectat, nisi forte quòd tanto plus inanis gloriæ sit habiturus, quo illæ à veritate ac sensu communi erunt remotiores; quia nempe tanto plus ingenii atque industriæ ad eas verisimiles reddendas debuerit impendere. Ac semper scientiam verum à falso dignoscendi summo studio quærebam, ut rectum iter vitæ clarius viderem, & majori cum securitate persequer.

Fateor tamen me vix quidquam certi didicisse quamdiu sic tantum aliorum hominum mores consideravi: tot enim in iis propemodum diversitates animadvertēbam, quot antea in opinionibus Philosophorum. Atque hunc tantum iere fructum ex iis percipiebam, quòd cum notarem, multa esse, quæ licet moribus nostris plane insolentia & ridicula videantur, communi tamen assensu apud quasdam alias gentes comprobantur, discebam nihil nimis obstinate esse credendum quod solum exemplum vel consuetudo persuaserit: Et ita sensum multis me erroribus liberabam, mentemque veris rationibus agnoscendis aptiorem reddebam. Sed postquam sic aliquandiu quidnam in mundo ab aliis ageretur inspexissem, & nonnulla inde

inde experimenta collegissem, semel etiam mihi proposui seriò me ipsum examinare, & omni ingenii vi quidnam à me optimum fieri posset inquirere. Quod felicius, ut opinor, mihi successit, quàm si priùs nec à patria, nec à scholasticis studiis unquam recessissem.

Eram tunc in Germaniâ, quò me curiositas videndi ejus belli, quod nondum hodie finitum est, invitarat; Et quum ab inauguratione Imperatoris versus castra reverterer, hyemandum fortè mihi fuit in quodam loco. Vbi quia nullos habebam cum quibus libenter colloquerer, & prospero quodam fato omnibus curis liber eram, totos dies solus in hypocaulo morabar, ibique variis meditationibus placidissimè vacabam. Et inter cætera, primum ferè quod mihi venit in mentem, fuit, ut notarem, illa opera quibus diversi artifices, inter se non consentientes, manum adhibuere, rarò tam perfecta esse quàm illa quæ ab uno absoluta sunt. Ita videmus, ædificia quæ ab eodem Architecto incepta & ad summum usque perducta fuere, ut plurimum elegantiora esse & concinniora, quàm illa quæ diversi diversis temporibus novos parietes veteribus adjungendo construxerunt. Ita antiquæ illæ civitates, quæ, cum initio ignobiles tantum pagi fuissent, in magnas paulatim urbes creverunt, si conferantur cum novis illis quas totas simul metator aliquis in planicie liberè designavit, admodum indigestæ atque inordinatæ reperiuntur. Et quamvis singula earum ædificia insipienti, sæpe plus artis atque ornatus in plerisque appareat quàm in ullis aliarum; considerant tamen omnia simul, & quomodo magna parvis adjuncta plateas inæquales & curvas efficiant; cæco potius & fortuito quodam casu, quàm hominum ratione utentium voluntate, sic disposita esse videntur. Quibus si addimus, fuisse tamen semper Ædiles aliquos in istis urbibus quorum officium erat procurare ut privatorum ædes publico ornatui quantum fieri posset inservirent; perspicue intelligemus, quàm difficile sit, alienis tantum operibus manum admovendo, aliquid facere valde perfectum. Ita etiam putare licet, illos populos, qui cum olim valde barbari atque inculti fuissent, non nisi successu temporis urbanitatem asciverunt, nec ullas leges, nisi prout ab incommotis, quæ ex criminibus & discordiis percipiebant, suere coacti, condiderunt, non tam bene institutâ republicâ solere uti, quàm illos qui à primo initio quo simul congregati fuere, prudentis alicujus legislatoris constitutionibus observant. Sic certè non dubium est quin status veræ religionis, qui legi-

II.  
Præcipua  
illius Metho-  
di quam in-  
vestigavit  
Author,  
regule.

legibus à Deo ipso sancitis gubernatur, sit omnium optimè constitutus, & cum nullo alio comparandus. Sed ut de rebus, quæ ad homines solos pertinent, potius loquamur, si olim Lacedæmoniorum respublica fuit florentissima, non puto ex eo contigisse, quòd legibus uteretur quæ sigillatim spectatæ meliores essent aliarum civitatum institutis; nam contra multæ ex iis ab usu communis abhorrebant, atque etiam bonis moribus adversabantur; sed ex eo quod ab uno tantum legislatore conditæ sibi omnes consentiebant, atque in eundem scopum collimabant. Eodem modo mihi persuasi, scientias, quæ libris continentur, illas saltem quæ perspicuis demonstrationibus carentes, verisimilibus tantum argumentis fulciuntur, quia non nisi ex variis diverforum hominum sententiis simul collectis conflatæ sunt, non tam propè ad veritatem accedere, quàm opiniones quas homo aliquis, sola ratione naturali utens, & nullo præjudicio laborans, de rebus quibuscunque obviis habere potest. Eodemque etiam modo cogitavi, quoniam infantes omnes antè fuimus quàm viri, & diu vel cupiditatum vel præceptorum consilia sumus sequuti, quæ ut plurimum inter se pugnabant, & forte neutra quod optimum erat semper suadebant, jam fieri vix posse ut judicia nostra tam recta sint & firma, quàm si ratio in nobis æquè matura atque nunc, ab ineunte ætate existisset, eique soli nos regendos tradidissemus.

Verumtamen insolens foret, omnia urbis alicujus ædificia diruere, ad hoc solum, ut iisdem postea meliori ordine & forma extructis, ejus plateæ pulchriores evaderent. At certè non insolens est, dominum unius domus illam destrui curare, ut ejus loco meliorem ædificet: Imò sæpe multi hoc facere coguntur, nempe cum ædes habent vetustate jam fatiscences, vel quæ infirmis fundamentis superstructæ ruinam minantur. Eodemque modo mihi persuasi, non quidem rationi esse consentaneum, ut privatus aliquis de publicis rebus, reformandis cogitando, eas prius à fundamentis velit evertere ut postea melius instituat. Nec quidem scientias vulgatas, ordinemve eas docendi in scholis usu receptum, sic debere immutari unquam putavi. Sed quod ad eas opiniones attinet, quas ego ipse in eum usque diem fueram amplexus, nihil melius facere me posse arbitrabar, quam si omnes simul & semel è mente mea delearem, ut deinde vel alias meliores vel certè easdem, sed postquam maturæ rationis examen subiissent, admitterem: credẽbamque, hoc pacto longe

longe melius me ad vitam regendam posse informari, quam si veteris ædificii fundamenta retinerem, iisque tantum principiis inniterer, quibus olim juvenilis ætas mea nullo unquam adhibito examine an veritati congruerent, credulitatem suam addixerat. Quamvis enim in hoc varias difficultates agnoscerem, remedia tamen illæ sua habebant, & nullo modo erant comparandæ cum iis quæ in reformatione publicæ alicujus rei occurrunt. Magna corpora si semel prostrata sunt, vix magno molimine rursus eriguntur, & concussa vix retinentur, atque oninis illorum lapsus est gravis. Deinde inter publicas res si quæ forte imperfecta sunt, ut vel sola varietas quæ in iis apud varias gentes reperitur, non omnia perfecta esse satis ostendit, longo illa usu tolerabilia sensim redduntur, & multa sæpe vel emendantur vel vitantur, quibus non tam facile esset humanâ prudentiâ subvenire. Ac denique illa fere semper ab assuetis populis commodius ferri possunt quam illorum mutatio. Eodem modo quo videmus, regias vias quæ inter amfractus montium deflexæ & contortæ sunt, diuturno transcurrentium attritu tam planas & commodas reddi solere, ut longe melius sit eas sequi, quam juga montium transcendendo & per præcipitia ruendo rectius iter tentare. Et idcirco leves istos atque inquietos homines maxime odi, qui cum nec à genere nec à fortuna vocati sint ad publicarum rerum administrationem, semper tamen in iis novi aliquid reformare meditantur. Et si vel minimum quid in hoc scripto esse putarem, unde quis me tali genere stultitiæ laborare posset suspicari, nullo modo pati vellem ut vulgaretur. Nunquam ulterius mea cogitatio provecta est, quam ut proprias opiniones emandare conarer, atque in fundo qui totus meus est ædificarem. Et quamvis, quia meum opus mihi ipsi satis placet, ejus exemplar hic vobis proponam, non ideo cuiquam author esse velim, ut simile quid aggrediatur; Poterunt fortasse alii, quibus Deus præstantiora ingenia largitus est, majora perficere; sed vereor ne hoc ipsum quod suscepi tam arduum & difficile sit, ut valde paucis expediat imitari. Nam vel hoc unum, ut opiniones omnes quibus olim fuimus imbuti deponamus, non unicuique est tentandum. Et maxima pars hominum sub duobus generibus continetur, quorum neutri potest convenire. Nempe permulti sunt, qui cum plus æquo propriis ingeniis confidant, nimis celeriter solent judicare, nunquamque satis temporis sibi sumunt ad rationes omnes cir-

cumspiciendas, & idcirco si semel aufint opiniones omnes vulgo receptas in dubium revocare, & velut à tritâ viâ recedere, non facile illi semitæ quæ rectius ducit semper insistent, sed vagi potius & incerti in reliquam vitam aberrabunt; Alii vero fere omnes cum satis iudicii vel modestiæ habeant ad existimandum nonnullos esse in mundo qui ipsos sapientia antecedant & à quibus possint doceri, debent potius ab illis opiniones quas sequuturi sunt accipere, quam alias proprio ingenio investigare.

Quod ad me, procul dubio in horum numero fuissem, si unum tantum præceptorem habuissem, & nunquam diversas illas opiniones cognovissem, quæ ab omni minoriâ doctissimos quosque colliferunt. Sed dudum in scholis audiveram, nihil tam absurde dici posse quod non dicatur ab aliquo Philosophorum; Notaveramque inter peregrinandum, non omnes eos, qui opinionibus à nostro sensu valde remotis sunt imbuti, barbaros idcirco & stolidos esse putandos; sed pluresque ex iis vel æque bene, vel etiam melius quam nos ratione uti; consideraveram præterea, quantum idem homo cum eadem sua mente, si à primis annis inter Gallos aut Germanos vivat, diversus evadat ab eo, qui foret, si semper inter Sinas aut Americanos educaretur; Et quantum etiam in multis rebus non magni momenti, ut circa vestium quibus induimur, formam, illud idem quod nobis maxime placuit ante decem annos, & forte post decem annos rursus placebit, nunc ridiculum atque ineptum videatur: ad quod ut exemplo potius & consuetudine quam ulla certa cognitione duamur. Ac denique advertēbam, circa ea quorum veritas non valde facile investigatur, nulli rei esse minus credendum quam multitudini suffragiorum; longe enim verisimilius est, unum aliquem illa invenire potuisse, quam multos. Et quia neminem inter cæteros eligere poteram, cujus opiniones dignæ viderentur, quas potissimum amplecterer, aliisque omnibus anteferrē, fui quodammodo coactus, proprio tantum consilio uti ad vitam meam instituendam.

Sed exemplum eorum qui noctu & in tenebris iter faciunt, tam lento & suspēso gradu incedere decrevi, ac tam diligenter ad omnia circumspicere, ut si non multum promoverem, saltem me à lapsu tutum servarem. Nec statim conari volui me iis opinionibus, quas olim nulla suadente ratione admiseram, liberare; sed, ut veterem domum inhabitantes non eam ante diruunt, quam novæ in ejus locum extruendæ exemplar fuerint præmeditati; sic prius quā

quâ ratione certi aliquid possem invenire cogitavi: & satis multum temporis impendi in quærenda vera Methodo, quæ me duceret ad cognitionem eorum omnium quorum ingenium meum esset capax.

Studueram antea in scholis, inter Philosophiæ partes Logicæ, & inter Mathematicas disciplinas, Analyfi Geometricæ atque Algebræ; tribus artibus sive scientiis quæ nonnihil ad meum institutum facere posse videbantur. Sed illas diligentius examinando, animadverti, quantum ad Logicam, syllogismorum formas, aliaque ferè omnia ejus præcepta, non tam prodesse ad ea quæ ignoramus investiganda, quam ad ea quæ jam scimus aliis exponenda; vel etiam, ut ars Lullii, ad copiosè & sine judicio de iis quæ nescimus garriendum. Et quamvis multa quidem habeat verissima & optima, tam multis tamen aliis, vel supervacuis vel etiam interdum noxiis, adjuncta esse, ut illa dignoscere & separare non minùs sæpe difficile sit, quàm Dianam aliquam aut Minervam ex rudi marmore excitare. Quantum ad veterum Analyfin atque ad Algebram recentiorum, illas tantùm ad speculationes qualdam, quæ nullius usus esse videbantur, se extendere; Ac præterea Analyfin circa figurarum considerationem tam assiduè versari, ut dum ingenium acuit & exercet, imaginandi facultatem defatiget & lædat: Algebram verò, ut solet doceri, certis regulis & numerandi formulis ita esse contentam, ut videatur potius ars quædam confusa, cujus usu ingenium quodammodo turbatur & obscuratur, quàm scientia quæ excolatur & perspicacius reddatur. Quapropter existimavi quærendam mihi esse quandam aliam Methodum, in quâ quicquid boni est in istis tribus, ita reperiretur, ut omnibus interim earum inconmodis careret. Atque ut legum multitudo sæpe vitiis excusandis accommodatior est, quàm iisdem prohibendis; adeò ut illorum populorum status sit optimè constitutus, qui tantùm paucas habent, sed quæ accuratissimè observantur: Sic pro inmensa ista multitudine præceptorum, quibus Logica referta est, sequentia quatuor mihi suffectura esse arbitratus sum, modò firmiter & constanter statuerem, ne semel quidem ab illis toto vitæ meæ tempore desistere.

Primum erat, ut nihil unquam veluti verum admitterem nisi quod certo & evidenter verum esse cognoscerem; hoc est, ut omnem præcipientiam atque anticipationem in judicando diligentissime vitarem; nihilque amplius conclusionem complecterer, quàm

quod tam clare & distincte rationi meæ pateret, ut nullo modo in dubium possem revocare.

Alterum, ut difficultates quas essem examinaturus, in tot partes dividerem, quot expediret ad illas commodius resolvendas.

Tertium, ut cogitationes omnes quas veritati quærendæ impenderem certo semper ordine promoverem: incipiendo scilicet à rebus simplicissimis & cognitu facillimis, ut paulatim & quasi per gradus ad difficiliorum & magis compositarum cognitionem ascendere; in aliquem etiam ordinem illas mente disponendo, quæ se mutuo ex natura sua non præcedunt.

Ac postremum, ut tum in quærendis mediis, tum in difficultatum partibus percurrendis, tam perfecte singula enumerarem & ad omnia circumspicerem, ut nihil à me omitti essem certus.

Longæ illæ valde simplicium & faciliū rationum catenæ, quarum ope Geometræ ad rerum difficillimarum demonstrationes ducuntur, ansam mihi dederant existimandi, ea omnia quæ in hominis cognitionem cadunt eodem pacto se invicem sequi; & dummodo nihil in illis falsum pro vero admittamus, semperque ordinem quo una ex aliis deduci possunt observemus, nulla esse tam remota ad quæ tandem non perveniamus, nec tam occulta quæ non detegamus. Nec mihi difficile fuit agnoscere à quarum investigatione deberem incipere. Iam enim sciebam, res simplicissimas, & cognitu facillimas, primas omnium esse examinandas; & cum viderem, ex omnibus qui hætenus in scientiis veritatem quæsierunt, solos Mathematicos demonstrationes aliquas, hoc est certas & evidentes rationes, invenire potuisse, satis intelligebam, illos circa rem omnium facillimam fuisse versatos; mihi quæ idcirco illam eandem primam esse examinandam, etiamsi non aliam inde utilitatem expectarem, quàm quod paulatim assuefacere ingenium meum veritati agnoscendæ, falsisque rationibus non assentiri. Neque verò idcirco statim omnes istas particulares scientias, quæ vulgò Mathematicæ appellantur, addiscere conatus sum; sed quia advertebam, illas, etiamsi circa diversa objecta versarentur, in hoc tamen omnes convenire, quod nihil aliud quàm relationes sive proportionales quasdam quæ in iis reperiuntur examinent; has proportionales solas mihi esse considerandas putavi, & quidem maxime generaliter sumptas, in iisque tantum objectis spectatas, quorum ope facilius earum cognitio redderetur; & quibus eas non ita alligare, quin  
facile



facile etiam ad alia omnia quibus convenirent, possem transferre. Ac deinde quia animadverti, ad ea quæ circa istas proportioncs quærantur agnoscenda, interdum singulas separatim esse considerandas, & interdum multas simul comprehendendas & memoriâ retinendas; existimavi, optimum fore, si tantum illas in lineis rectis supponerem, quoties singillatim essent considerandæ; quia nempe nihil simplicius, nec quod distinctius tum phantasiæ tum sensibus ipsis posset exhiberi, occurrebat; atque si easdem characteribus si-ve notis quibusdam quam brevissimis fieri posset designare, quoties tantum essent retinendæ, pluresque simul complectendæ. Hoc enim pacto, quicquid habent boni Analysis Geometrica & Algebra, mihi videbar assumere, & unius defectum alterius ope emendando, quicquid habent incommodi, vitare.

Ac revera dicere auiam, per pauca illa præcepta, quæ selegeram accuratè observando, tantam me facilitatem acquisivisse ad difficultates omnes circa quas illæ duæ scientiæ versantur extricandas, ut intra duos aut tres menses quos illi studio impendi, non modò multas quæstiones invenerim quas antea difficillimas judicaram, sed etiam tandem eò pervenerim, ut circa illas ipsas quas ignorabam putarem me posse determinare quibus viis & quousque ab humano ingenio solvi possent. Quippe cum à simplicissimis & maximè generalibus incepissem, ordinemque deinceps observarem, singulæ veritates quas inveniebam regulæ erant, quibus postea utebar ad alias difficiliore investigandas. Et ne me forte quis putet incredibilia hic jactare, notandum est cujusque rei unicam esse veritatem, quam quisque clare percipit, de illa tantumdem scit quantum ullus alius scire potest. Ita postquam puer, qui primas tantum Arithmeticæ regulas in ludo didicit, illas in numeris aliquot simul colligendis rectè observavit, potest absque temeritate affirmare, se circa rem per additionem istam quæsitam, id omne invenisse quod ab humano ingenio poterat inveniri. Methodus autem illa quæ verum ordinem sequi & enumerationes accuratas facere docet, Arithmeticæ certitudine non cedit.

Atque hæc mihi Methodus in eo præcipuè placebat, quòd per illam viderer esse certus in omnibus me uti ratione, si non perfectè, saltem quàm optimè ipse possem; sentiremque ejus usu paulatim ingenii mei tenebras dissipari, & illud veritati distinctius & clarius percipiendæ assueferi. Cumque illam nulli speciali materiæ

alligasset, sperabam me non minus feliciter eâ esse usurum in aliarum scientiarum difficultatibus resolvendis, quàm in Geometricis vel Algebraicis. Quanquam non idcirco statim omnes quæ occurrebant examinandas suscepi: nam in hoc ipso, ab ordine quem illa præscribit discivissem: sed quia videbam illarum cognitionum à principiis quibusdam, quæ ex Philosophia peti deberent, dependere, in Philosophia autem nulla hæcenus satis certa principia fuisse inventa; non dubitavi quin de iis quærendis mihi ante omnia esset cogitandum. Ac præterea quia videbam illorum disquisitionem quammaximi esse momenti, nullamque aliam esse in qua præcipientia & anticipatio opinionum diligentius essent cavendæ; non existimavi me prius illam aggredi debere, quàm ad maturiorem ætatem pervenissem: tunc enim viginti tres annos tantum natus eram. Nec priusquàm multum temporis in præparando ad id ingenio impendissem; tum erroneas opiniones quas ante admiserat evellendo, tum varia experimenta ratiocinationibus meis materiam præbitura colligendo, tum etiam magis & magis eam Methodum quam mihi præscripseram excolendo, ut in ea confirmator evaderem.

III.  
*Quadam  
Moralis  
scientiæ re-  
gule, ex hac  
Methodo de-  
prompta.*

Ac denique ut illi qui novam domum, in locum ejus quam inhabitant, volunt extruere, non modò veterem prius evertunt, lapides, ligna, cæmentum, aliaque ædificanti utilia sibi comparant, Architectum consulunt, vel ipsimet se in Architecturâ exercent & exemplar domus faciendæ accurate describunt; sed etiam aliam aliquam sibi parant, quam interim dum illa ædificabitur possint non incommode habitare: sic ne dubius & anxius hærerem circa ea, quæ mihi erant agenda, quamdiu ratio suaderet incertum esse circa ea de quibus debebam judicare; atque ut ab illo tempore vivere inciperem quàm felicissime fieri posset, Ethicam quamdam ad tempus mihi effinxi, quæ tribus tantum aut quatuor regulis continebatur; quas hinc non pigebit adscribere.

Prima erat; ut legibus atque institutis patriæ obtemperarem, firmiterque illam religionem retinerem quam optimam judicabam, & in qua Dei beneficio fueram ab incunte ætate institutus; atque me in cæteris omnibus gubernarem juxta opiniones quam maxime moderatas, atque ab omni extremitate remotas, quæ communi usu receptæ essent apud prudentissimos eorum cum quibus mihi esset vivendum. Cum enim jam inde inciperem iis omnibus quibus ante addi-

addictus fueram diffidere; utpote quas de integro examinare deliberrabam, certus eram nihil melius facere me posse, quam si interea temporis prudentiorum actiones imitarer. Et quamvis forte nonnulli sint apud Persas aut Sinas non minus prudentes quam apud nos, utilius tamen judicabam illos sequi cum quibus mihi erat vivendum: Atque ut rectè intelligerem, quidnam illi revera optimum esse sentirent; ad ea potius quæ aiebant, quam ad ea quæ loquebantur, attendebam: non modò quia hominum mores eò usque corrupti sunt, ut perpauci quid sentiant dicere velint, sed etiam quia permulti sæpe ipsimet ignorant: est enim alia actio mentis per quam aliquid bonum vel malum esse judicamus, & alia per quam nos ita judicasse agnoscimus: atque una sæpissime absque altera reperitur. Ex pluribus autem sententiis æqualiter usu receptis moderatissimas semper eligebam; tum quia ad executionem facillimæ, atque ut plurimum optimæ sunt; omne quippe nimium viciosum esse solet; tum etiam, ut si forte aberrarem, minus saltem à rectâ viā deflecterem mediam tenendo, quam si unam ex extremis elegerim cum altera fuisset sequenda. Et quidem inter extremas vias, siue (ut ita loquar) inter nimietates, reponebam promissiones omnes quibus nobismet ipsis libertatem mutandæ postea voluntatis adimimus. Non quod improbareni leges quæ humanæ fragilitati atque inconstantia subvenientes, quoties bonum aliquod propositum habemus, permittunt ut nos ad semper in eodem perseverandum voto altringamus, vel etiam quæ ob fidem cominerciorum quæcumque aliis promissimus, modo ne bonis moribus adversentur, cogunt nos præstare. Sed quia videbam, nihil esse in mundo quod semper in eodem statu permaneret, quantumque ad me, vitam sic instituebam ut judicia mea in dies meliora, nunquam autem deteriora fore sperarem: graviter me in bonam mentem peccare putassem, si ex eo quòd tunc res quasdam ut bonas amplectebam, obligassem me ad easdem etiam postea amplectendas, cum forsitan bonæ esse desissent, vel ipse non amplius bonas judicarem.

Altera regula erat, ut quàm maxime constans & tenax propositi semper essem; nec minus indubitanter atque incunctanter in iis peragendis perseverareni, quæ ob rationes valde dubias, vel fortè nullas susceperam, quàm in iis de quibus plane eram certus. Ut in hoc viatorum consilium imitarer, qui, si forte in media aliquâ salvâ aberrarint, nec ullum iter ab aliis tritum, nec etiam versus quam partem

partem eundem sit agnoscant, non idèò vagi & incerti modò versus unam, modò versus alteram tendere debent, & multo minùs uno in loco consistere, sed semper rectà quantum possunt versus unam & eandem partem progredi; nec ab eo postea propter leves rationes deflectere, quavis fortè initio planè nullas habuerint, propter quas illam potius quàm aliam quamlibet eligerent. hoc enim pacto, quavis forte ad ipsum locum ad quem ire destinaverant non accedent, ad aliquem tamen tandem devenient, in quo commodius quàm in mediâ sylvâ poterunt subsistere. Eodem modo quia multa in vita agenda sunt quæ differre plane non licet, certissimum est, quòties circa illa quid revera sit optimum agnoscere non possumus, illud debere nos sequi quod optimum videtur; vel certè si quædam talia sint, ut nulla nos vel minima ratio ad unum potius quàm contrarium faciendum impellat, alterutrum tamen debemus eligere. & postquam unam semel sententiam sic sumus amplexi, non amplius illam ut dubiam, in quantum ad praxim refertur, sed ut plane veram & certam, debemus spectare; quia nempe ratio propter quam illam elegimus vera & certa est. Atque hoc sufficiens fuit ad me liberandum omnibus istis anxietatibus & conscientiæ moribus, quibus infirmiores animæ torqueri solent; quia multa sæpe uno tempore ut bona amplectuntur, quæ postmodum vacillante iudicio mala esse sibi persuadent.

Tertia regula erat, ut semper me ipsum potius quàm Fortunam vincere studerem, & cupiditates proprias quàm ordinem mundi mutare. Atque in universum ut mihi firmiter persuaderem nihil extra proprias cogitationes absolute esse in nostra potestate; adeo ut quidquid non evenit, postquam omne quod in nobis erat egimus ut eveniret, inter ea quæ fieri plane non possunt, & Philosophico vocabulo impossibilia appellantur; sit à nobis numerandum. Quod solum sufficere mihi videbatur, ad impediendum ne quid in posterum optarem quod non adipiscerer, atque ad me hoc pacto satis felicem reddendum. Nam cum ea sit voluntatis nostræ natura, ut erga nullam rem unquam feratur, nisi quam illi noster intellectus ut aliquo modo possibilem repræsentat; si bona omnia quæ extra nos posita sunt tanquam æqualiter nobis impossibilia consideremus: non magis dolebimus quòd ea fortè nobis desint, quæ natalibus nostris deberi videntur, quàm quod Sinarum vel Mexicanorum reges non sumus. Et rerum necessitati voluntatem nostram accuratissime accommo-

dantes,

dantes, ut jam non tristemur quòd nostra corpora non sint tam parum corruptioni obnoxia quàm est adamas, vel quòd alis ad volandum instar avium non simus instructi: ita neque sanitatis desiderio torquebimur, si ægrotemus, nec libertatis, si carcere detineamur. Sed fateor longissima exercitatione, & meditatione sæpissime iterata opus esse, ut animum nostrum ad res omnes ita spectandas assuefacere possimus. Atque in hoc uno mihi persuadeo positam fuisse omnem artem illorum Philosophorum, qui olim fortunæ imperio se eximebant, & inter ipsos corporis cruciatus ac paupertatis incommoda de felicitate cum suis Diis contendebant. Nam cum assidue terminos potestatis sibi à Naturâ concessæ contemplarentur, tam planè sibi persuadebant nullam rem extra se positam, sive nihil præter suas cogitationes ad se pertinere, ut nihil etiam amplius optarent, & tam absolutum in eas imperium istius meditationis usu acquirebant, hoc est cupiditatibus aliisque animi motibus regendis ita se assuefaciebant, ut non sine aliqua ratione se solos divites, solos potentes, solos liberos, & solos felices esse jactarent; quia nempe nemo hac Philosophiâ destitutus, tam faventem semper Naturam atque Fortunam habere potest, ut votorum omnium quemadmodum illi compos fiat.

Vt autem hanc Ethicam meam concluderem, diversas occupationes quibus in hac vitâ homines vacant, aliquandiu expendi, atque ex iis optimam eligere conatus sum: Sed non opus est ut quid de aliis mihi visum sit hîc referam, dicam tantum, nihil me invenisse, quod pro me ipso melius videretur, quam si in eodem instituto in quo tunc eram perseverarem; hoc est, quam si totum vitæ tempus in ratione mea excolenda, atque in veritate juxta Methodum quam mihi præscripseram investiganda consumerem. Tales quippe fructus hujus Methodi jam degustaram, ut nec suaviores ullos nec magis innocuos in hac vitâ decerpi posse arbitrarer; Cumque illius ope quotidie aliquid detegerem, quod & vulgo ignotum & alicujus momenti esse existimabam, tanta delectatione animus meus implebatur, ut nullis aliis rebus affici posset. Ac præterea tres regulæ mox expositæ satis rectæ mihi visæ non fuissent, nisi in veritate per hanc Methodum investiganda perseverare decrevissem. Nam cum Deus unicuique nostrum, aliquod rationis lumen largitus sit ad verum à falso distinguendum, non putassem, me, vel per unam diem, totum alienis opinionibus regendum tradere debere,

nisi statuissem easdem proprio ingenio examinare, statim atque me ad hoc rectè faciendum satis parasseni. Nec quamdiu illas sequerbar, absque errandi metu fuisset, nisi sperassem, me nullam interim occasionem, meliores si quæ essent inveniendi, præterminisurum. Nec denique cupiditatibus imperare, ac rebus quæ in potestate mea sunt contentus esse potuissem, nisi viam illam fuisset sequutus, per quam confidebam me ad omnem rerum cognitionem perventurum cujus essem capax, simulque ad omnium verorum bonorum possessionem ad quam mihi liceret aspirare. Quippe cum voluntas nostra non determinetur ad aliquid vel persequendum vel fugiendum, nisi quatenus ei ab intellectu exhibetur tanquam bonum vel malum, sufficiet, si semper rectè judicemus, ut rectè faciamus, atque si quam optime possumus judicemus, ut etiam quam optime possumus faciamus; hoc est, ut nobis virtutes omnes simulque alia omnia bona quæ ad nos possunt pervenire, comparemus; quisquis autem se illa sibi comparasse confidit, non potest non esse suis contentus ac beatus.

Postquam verò me his regulis instruxissem, illasque simul cum rebus fidei; quæ semper apud me potissimæ fuerunt, reservassem, quantum ad reliqua quibus olim fueram imbutus, non dubitavi quin mihi liceret omnia ex animo meo delere. quod quia mihi videbar commodius præstare posse inter homines conversando, quàm in illa solitudine in qua eram diutius commorando, vix dum hyems erat exacta cum me rursus ad peregrinandum accinxi: nec perinsequentes novem annos aliud egi, quàm ut hac illac orbem terrarum perambulando, spectatorem potius quàm actorem comædiarum, quæ in eo quotidie exhibentur, me præberem. Cumque præcipue circa res singulas observarem quidnam posset in dubium revocari, & quidnam nobis occasionem male judicandi præberet, omnes paulatim opiniones erroneas quibus mens mea obsessa erat avellebam. Nec tamen in eo Scepticos imitabar, qui dubitant tantùm ut dubitent, & præter incertitudinem ipsam nihil quærunt. Nam contra totus in eo eram ut aliquid certi reperirem. Et quemadmodum fieri solet, cum in arenoso solo ædificatur, tam alte fodere cupiebam ut tandem ad saxum vel ad argillam pervenirem: Atque hoc satis feliciter mihi succedere videbatur. Nam cum ad falsitatem vel incertitudinem propositionum quas examinabam detegendam, non vagis tantum & debilibus conjecturis, sed firmis & evidentibus argumentis

uti

uti conarer, nulla tam dubia occurrebat quin ex ea semper aliquid certi colligerem; nempe vel hoc ipsum, nihil in ea esse certi. Et sic ut veterem domum diruentes multam ex ea materiam servant, novæ extruendæ idoneam; ita malefundatas opiniones meas dejicendo, varias res observabam, & multa experimenta colligebam, quæ postea certioribus stabiliendis usui mihi fuere. Ac præterea pergebam semper in ea quam mihi præscripseram Methodo exercenda; nec tantummodo generaliter omnes meas cogitationes juxta ejus præcepta regere studebam, sed etiam nonnullas interdum horas mihi assumbam, quibus illa expressius in quæstionibus Mathematicis resolvendis utebar; vel etiam in quæstionibus ad alias quidem scientias pertinentibus, sed quas ab earum non satis firmis fundamentis sic abducebam, ut propemodum Mathematicæ dici possent; quod satis apparebit me fecisse in multis quæ in hoc volumine continentur. Ita non aliter in speciem me gerendo, quam illi qui vitæ suaviter & innoxie traducendæ studentes, omnique alio munere soluti, **voluptates à vitiis secernunt**, & nullâ honestâ delectatione sibi interdiciunt, ut otium sine tædio ferre possint; propositum interim meum semper urgebam, magisque ut existimo in veritatis cognitione promovebam, quam si in libris evolvendis, vel litteratorum sermonibus audiendis omne tempus consumpsissem.

Verumtamen isti novem anni effluerunt, antequam de ullâ ex iis quæstionibus quæ apud eruditos in controversiam adduci solent, determinate judicare, atque aliqua in Philosophia principia vulgaribus certiora quærere ausus fuisseni. Tantam enim in hoc difficultatem esse, docebant exempla permultorum summi ingenii virorum, qui sine successu hætenus idem suscepisse videbantur: ut fortasse diutius adhuc fuisseni cunctatus, nisi audivissem à quibusdam, jam vulgo credi, me hoc ipsum quod nondum aggressus fueram, perfecissem. Nescio quidnam illis dedisset occasionem istud sibi persuadendi; nec certe ullam ex meis sermonibus capere potuerant, nisi forte quia videbant me liberius ignorantiam meam profiteri, quam soleant alii ex iis qui docti haberi volunt; vel etiam quia interdum rationes exponebam, propter quas de multis dubitabam, quæ ab aliis ut certa admittuntur; non autem quod me unquam audivissent de ullâ circa res Philosophicas scientiâ gloriantem: Sed cum talis animus in me esset, ut pro alio quam revera eram haberi nolleni, putavi

mihi viribus omnibus esse contendendum, ut eâ laude dignus evaderem quæ jam mihi à multis tribuebatur. Quare impulsus ante octo annos, ut omnibus me avocationibus quæ inter notos & familiares degentibus occurrunt liberarem, secessi in hæc regiones, in quibus diuturni belli necessitas invexit militarem disciplinam tam bonam, ut magni in ea exercitus non ob aliam causam ali videantur, quam ut omnibus pacis comodis securius incolæ frui possint; Et ubi in magnâ negotiorum hominum turbâ, magis ad res proprias attendentium quam in alienis curiosorum, nec carum rerum usu carui quæ in florentissimis & populosis urbibus tantùm habentur, nec interim minus solus vixi & quietus, quam si fuissim in locis maxime desertis & incultis.

IV.  
Rationes  
quibus ex-  
sistentia  
Dei & ani-  
mæ huma-  
næ proba-  
tur, quæ  
sunt Meta-  
physicæ fun-  
damenta.

Non libenter hic refero primas cogitationes, quibus animum applicui postquam huc veni. tam Metaphysicæ enim sunt & à communifusu remotæ, ut verear ne multis non sint placituræ. sed ut possit intelligi an satis firma sint Philosophiæ meæ fundamenta, videor aliquo modo coactus de illis loqui. Dudum observaveram, permultas esse opiniones, quas, etsi valde dubiæ sint & incertæ, non minus constanter & intrepide sequi debemus, quatenus ad usum vitæ referuntur, quam si certæ essent & exploratæ; ut jam ante dictum est. Sed quia tunc veritatē quærendæ, non autem rebus agendis, totum metradere volebam, putavi mihi planè contrarium esse faciendum, & illa omnia in quibus vel minimam dubitandi rationem possem reperire, tanquam aperte falsa esse rejicienda; ut experirer an illis ita rejectis, nihil præterea superesset de quo dubitare plane non possem. Sic quia nonnunquam sensus nostri nos fallunt, quidquid unquam ab illis hauseram inter falsa numeravi; Et quia videram aliquando nonnullos etiam circa res Geometriæ facillimas errare, ac paralogismos admittere, sciebamque idem mihi posse accidere quod cuiquam alii potest, illas etiam rationes omnes, quas antea pro demonstrationibus habueram, tanquam falsas rejeci. Et denique quia notabam, nullam rem unquam nobis veram videri dum vigilamus, quin eadem etiam dormientibus possit occurrere, cum tamen tunc semper aut fere semper sit falsa; supposui, nulla eorum quæ unquam vigilans cogitavi, veriora esse quam sint ludibria somniorum. Sed statim postea animadverti, me, quia cætera omnia ut falsa sic rejiciebam, dubitare plane non posse quin ego ipse interim essem. Et quia videbam veritatem hujus pronuntiati; Ego cogito, ergo sum  
sive



sive existo; adeo certam esse atque evidentem, ut nulla tam enormis dubitandi causa à Scepticis fingi possit, à qua illa non eximatur; credidi, me tuto illam posse, ut primum ejus, quam quærebam, Philosophiæ fundamentum, admittere.

Deinde attente examinans quis essem, & videns, fingere quidem me posse corpus meum nihil esse, itemque nullum planè esse mundum, nec etiam locum in quo essem; sed non ideò ulla ratione fingere posse me non esse; quinimo ex hoc ipso quod reliqua falsa esse fingerem, sive quidlibet aliud cogitarem, manifeste sequi me esse: Et contra, si vel per momentum temporis cogitare desinerem, quavis interim & meum corpus, & mundus, & cætera omnia quæ unquam imaginatus sum, revera existerent, nullam ideo esse rationem cur credam me durante illo tempore debere existere. Inde intellexi, me esse rem quandam sive substantiam, cujus tota natura sive essentia in eo tantum consistit ut cogitem, quæque ut existat, nec loco ullo indiget, nec ab ulla re materiali sive corporea dependet. Adeo ut Ego, hoc est, mens per quam solam sum is qui sum, sit res à corpore plane distincta, atque etiam cognitu facilior quàm corpus, & quæ plane eadem, quæ nunc est, esse posset, quavis illud non existeret.

Post hæc inquisivi, quidnam in genere requiratur ut aliqua enuntiatio tanquam vera & certa cognoscatur: cum enim jam etiam invenissem, quam talem esse cognoscebam, putavi me posse etiam inde percipere in qua re ista certitudo consistat. Et quia notabam, nihil plane contineri in his verbis, Ego cogito, ergo sum, quod me certum redderet eorum veritatis, nisi quod manifestissime viderem fieri non posse ut quis cogitet nisi existat, credidi, me pro regula generali sumere posse omne id quod valde dilucide & distincte concipiebam verum esse; Et tantummodo difficultatem esse nonnullam, ad rectè advertendum quidnam sit quod distincte percipimus.

Qua re posita, observavi me de multis dubitare, ac proinde naturam meam non esse omnino perfectam; evidentissime enim intelligebam dubitationem non esse argumentum tantæ perfectionis quam cognitionem. Et cum ulterius inquirerem, à quonam haberem ut de natura perfectiore quam mea sit cogitarem, clarissime etiam intellexi, me hoc habere non posse, nisi ab eo cujus Natura esset revera perfectior. Quantum attinet ad cogitationes, quæ de

variis aliis rebus extra me positis occurrerant, ut de cœlo, de terra, de lumine, de calore, aliisque rebus innumeris, non eadem ratione quærendum esse putabam, à quonam illas haberem. Cum enim nihil in illis reperirem quod supra me positum esse videretur, facile poteram credere, illas, si quidem veræ essent, ab ipsamet Naturâ meâ quatenus aliquid perfectionis in se habet, dependere; si verò falsæ, ex nihilo procedere; hoc est, non aliam ob causam in me esse quàm quia deerat aliquid Naturæ meæ, nec erat planè perfecta. Sed non idem judicare poteram de Cogitatione, sive Idea Naturæ, quæ perfectior erat quàm mea. Nam heri plane non poterat ut illam à nihilo accepissem. Et quia non magis potest id quod perfectius est, à minus perfecto procedere, quàm ex nihilo aliquid fieri, non poteram etiam à me ipso illam habere; Ac proinde supererat ut in me posita esset à re, cujus natura esset perfectior; imò etiam quæ omnes in se contineret perfectiones, quarum Ideam aliquam in me haberem; hoc est, ut verbo absolvam, quæ Deus esset. Addebam etiam, quandoquidem agnoscebam aliquas perfectiones quarum expers eram, necessarium esse ut existeret præter me aliquod aliud ens, (liceat hîc, si placet uti vocibus in scholâ tritis) ens, inquam, me perfectius, à quo penderem, & à quo quidquid in me erat accepissem. Nam si solus & ab omni alio independens fuisset, adedò ut totum id, quantumcunque sit, perfectionis cujus particeps eram à me ipso habuissem, reliqua etiam omnia quæ mihi deesse sentiebam, per me acquirere potuissem, atque ita ipsemet esse infinitus, æternus, immutabilis, omniscius, omnipotens, ac denique omnes perfectiones possidere quas in Deo esse intelligebam.

Etenim ut Naturam Dei, (ejus nempe quem rationes modo allatæ probant existere) quantum à me naturaliter agnosci potest, agnoscerem, non aliud agendum mihi erat quàm ut considerarem circa res omnes, quarum Ideas aliquas apud me inveniebam, effectum perfectio, illas possidere; certusque eram, nullas ex iis quæ imperfectiorem aliquam denotabant, in illo esse, ac nullas ex reliquis illi deesse. Sic videbam, nec dubitationem, nec inconstantiam, nec tristitiam, nec similia in Deum cadere: nam egomet ipse illis libenter caruissem. Præterea multarum rerum sensibilibus & corporearum Ideas habebam. Quamvis enim me fingerem somniare, & quidquid vel videbam vel imaginabar, falsum esse, negare tamen non poteram,

*Nota: hoc in loco, & ubique in sequentibus, nomen Ideæ generaliter sumi pro omni re cogitata, quatenus habet tantum esse quoddam objectivum in intellectu.*

teram, Ideas illas in mente mea revera exsistere. Sed quia jam in me ipso perspicue cognoveram, naturam intelligentem à corporeâ esse distinctam, in omni autem compositione unam partem ab altera, totumque à partibus pendere advertebam, atque illud quod ab aliquo pendet perfectum non esse; idcirco judicabam, in Deo perfectionem esse non posse, quod ex istis duabus naturis esset compositus, ac proinde ex illis compositum non esse. Sed si quæ res corporeæ in mundo essent, vel si aliquæ res intelligentes, aut cujuslibet alterius naturæ, quæ non essent omnino perfectæ, illarum exsistentiam à Dei potentia necessario ita pendere, ut ne per minimum quidem temporis momentum absque eo esse possent.

Cum deinde ad alias veritates quærendas me accingerem, consideraremque in primis illam rem circa quam Geometria versatur, quam nempe concipiebam ut corpus continuum, sive ut spatium indefinite longum, latum, & profundum, divisibile in partes tum magnitudine, tum figura omnimode diversas, & quæ moveri sive transponi possint omnibus modis, (hæc enim omnia Geometræ in eo quod examinant esse supponunt) aliquas ex simplicissimis eorum demonstrationibus in memoriam mihi revocavi. Et primò quidem notavi, magnam illam certitudinem quæ iis omnium consensu tribuitur, ex eo tantum procedere quod valde clarè & distinctè intelligentur, juxta regulam paulò ante traditam; Deinde etiam notavi, nihil planè in iis esse, quod nos certos reddat illam rem circa quam versantur exsistere: Nam quamvis satis viderem, si, exempli causâ, supponamus, dari aliquod triangulum, ejus tres angulos necessariò fore æquales duobus rectis; nihil tamen videbam quod me certum redderet, aliquod triangulum in mundo esse. At contrà, cum reverterer ad Ideam entis perfecti quæ in me erat; statim intellexi, existentiam in ea contineri, eadem ratione quâ in Idea trianguli æqualitas trium ejus angulorum cum duobus rectis continetur; vel, ut in idea circuli, æqualis à centro distantia omnium ejus circumferentiæ partium; vel etiam adhuc evidentius, ac, proinde ad minimum æquè certum esse, Deum, qui est illud ens perfectum, existeret, quàm ulla Geométrica demonstratio esse potest.

Sed tota ratio propter quam multi sibi persuadent, tum Dei existentiam, tum animæ humanæ naturam, esse res cognitu valde difficiles, ex eo est quòd nunquam animum à sensibus abducant, & supra res corporeas attollant; sintque tam assueti nihil nunquam considerare

siderare quod non imaginentur, hoc est ejus aliquam imaginem tanquam rei corporeæ in phantasia sua non fingant, ut illud omne de quo nulla talis imago fingi potest, intelligi etiam non posse illis videatur. Atque hoc ex eo satis patet, quod vulgò Philosophi in scholis pro axiomate posuerint, nihil esse in intellectu quod non prius fuerit in sensu: in quo tamen certissimum est Ideas Dei & animæ rationalis nunquam fuisse: mihi quæ idem facere illi videntur qui suâ imaginandi facultate ad illas uti volunt, ac si ad sonos audientes vel odores percipiendos oculis suis uti conarentur; nisi quod in eo etiam differentia sit, quod sensus oculorum in nobis non minus certus sit quam odoratus vel auditus; cum è contra, nec imaginandi facultas, nec sentiendi, ullius unquam rei nos certos reddere possint, nisi intellectu sive ratione cooperante.

Quod si denique adhuc aliqui sint quibus rationes jam dictæ nondum satis persualerint, Deum esse, ipsorumque animas absque corpore spectatas esse res revera existentes, velim sciant, alia omnia pronunciata, de quibus nullo modo solent dubitare, ut quod ipsi nect habeant corpora; quod in mundo sint sidera, terra, & similia, multo magis esse incerta. Quamvis enim istorum omnium sit certitudo, ut loquuntur Philosophi, moralis, quæ tanta est, ut nemo nisi deliret, de iis dubitari posse videatur; nemo tamen etiam, nisi sit rationis expertus, potest negare quoties de certitudine Metaphysica quæstio est quin satis sit causæ ad dubitandum de illis, quod advertamus, fieri posse ut inter dormiendum eodem plane modo credamus nos alia habere corpora, & alia sidera videre, & aliam terram, &c. quæ tamen omnia falsa sint. Vnde enim scitur eas cogitationes quæ occurrunt dormientibus potius falsas esse, quam illas quas habemus vigilantes, cum sæpe non minus vividæ atque expressæ videantur. Inquirant præstantissima quæque ingenia quantum libet, non putato illos rationem aliquam posse invenire, quæ huic dubitandi causæ tollendæ sufficiat, nisi existentiam Dei supponant. Etenim hoc ipsum quod paulo ante pro regula assumpsi, nempe illa omnia, quæ clare & distincte concipimus, vera esse, non aliam ob causam sunt certa quam quia Deus existit, estque Deus ens summum & perfectum, adeo ut quidquid entis in nobis est, ab eo necessario procedat; Vnde sequitur, Ideas nostras sive notiones, cum in omni eo in quo sunt claræ & distinctæ, entia quædam sint atque à Deo procedant, non posse in eo non esse veras. Ac proinde quod multas sæpe habeamus,

mus, in quibus aliquid falsitatis continetur, non aliunde contingit quam quia etiam in iisdem aliquid est obscurum & confusum; atque in hoc non ab ente summo sed à nihilo procedunt; hoc est, obscuræ sunt & confusæ, quia nobis aliquid deest, sive quia non omnino perfecti sumus. Manifestum autem est, non magis fieri posse, ut falsitas sive imperfectio à Deo sit, quatenus imperfectio est, quàm ut veritas sive perfectio à nihilo. Sed si nesciremus quicquid entis & veri in nobis est, totum illud ab ente summo & infinito procedere, quantumvis claræ & distinctæ essent Ideæ nostræ, nulla nos ratio certos redderet illas idcirco esse veras.

At postquam Dei & mentis nostræ cognitio nobis hanc regulam plane probavit, facile intelligimus, ob errores somniorum, cogitationes quas vigilantes habemus in dubium vocari non debere: Nam, si quis etiam dormiendo ideam aliquam valde distinctam haberet, ut exempli causa, si quis Geometra novam aliquam demonstrationem inveniret, ejus profecto somnus non impediret quo minus illa vera esset. Quantum autem ad errorem somniis nostris maxime familiarem, illum nempe qui in eo consistit, quod varia nobis objecta repræsentet eodem plane modo quo ipsa nobis à sensibus externis inter vigilandum exhibentur, non in eo nobis oberit quod occasionem det, ejusmodi ideis quas à sensibus vel accepimus vel putamus accipere, parum credendi; possunt enim illæ etiam dum vigilamus non raro nos fallere, ut cum ii qui morbo regio laborant omnia colore flavo infecta cernunt, aut cum nobis altra, vel alia corpora valde remota, multò minora quàm sint apparent. Omnis enim, sive vigilemus sive dormiamus, solam evidentiam rationis judicia nostra sequi debent. Notandumque est hic, me loqui de evidentia nostræ rationis, non autem imaginationis, nec sensuum. Ita exempli causâ, quantumvis Solem clarissimè videamus, non idèò debemus judicare illum esse ejus tantum magnitudinis quam oculi nobis exhibent; & quantumvis distinctè imaginari possimus, caput leonis capræ corpori adjunctum, non inde concludendum est chimæram in mundo existere. Ratio enim nobis non dicitur ea quæ sic vel videmus vel imaginamur, idcirco revera existere. Sed plane nobis dicitur, omnes nostras Ideas sive notiones aliquid in se veritatis continere; alioqui enim fieri non posset ut Deus qui summè perfectus & verax est, illas in nobis posuisset. Et quia nostræ ratiocinationes sive judicia nunquam tam clara & distincta

d

sunt.

sunt dum dormimus quàm dum vigilamus; etiamsi nonnunquam imaginationes nostræ uagis vividæ & expressæ sint, ratio etiam nobis dicat, cùm omnes nostræ cogitationes veræ esse non possint, quia non sumus omnino perfecti, verissimas ex iis illas esse potius quas habemus vigilantes, quàm quæ dormientibus occurrunt.

V.

*Quæstionum  
Physicarum  
ab Authore  
investigatarum  
ordo; ac in specie  
motus cordis,  
& quarundam  
aliarum ad  
Medicinam  
spectantium  
perplexarum  
opinionum  
enodatio; tum  
quæ sit inter  
nostram &  
brutorum  
animarum  
differencia.*

Libentissimè hîc pergerem, & totam catenam veritatum quas ex his priniis deduxi exhiberem; Sed quoniam ad hanc rem opus nunc esset, ut de variis quæstionibus agerem inter doctos controversis, cum quibus contentionis funem trahere nolo, satius fore credo ut ab iis abstineam, & solum in genere quænam sint dicam, quo sapientiores judicare possint, utrum expediat reipublicam literariam de iis specialius edoceri. Perstiti semper in proposito nullum aliud principium supponendi, præter illud quo modo usus sum ad existentiam Dei & animæ demonstrandum, nullamque rem pro vera accipiendi, nisi mihi clarior & certior videretur, quam antea Geometrarum demonstrationes fuerant visæ. Nihilominus ausum dicere, me non solum reperiisse viam, qua brevi tempore mihi satis facere in omnibus præcipuis quæstionibus quæ in Philosophia tractari solent; sed etiam quasdam leges observasse, ita à Deo in natura constitutas, & quarum ejusmodi in animis nostris notiones impressit, ut postquam ad eas satis attendimus, dubitare nequeamus, quin in omnibus quæ sunt aut fiunt in mundo, accurate observentur. Deinde legum istarum seriem perpendens, animadvertisse mihi videor multas majorisque momenti veritates, quàm sint ea omnia quæ antea didiceram, aut etiam discere posse speraveram.

Sed quia præcipuas earum peculiari tractatu explicare sum conatus, quem ne in lucem edam, rationes aliquæ prohibent, non possum quænam illæ sint commodius patefacere, quam si tractatus illius summam hîc paucis enarrem. Propositum mihi fuit in illo complecti omnia, quæ de rerum materialium natura scire putabam antequam me ad euni scribendum accingere. Sed quemadmodum pictores, cùm non possint omnes corporis solidi facies in tabula plana æqualiter spectandas exhibere; unani è præcipuis deligunt, quam solam luci obvertunt, cæteras vero opacant, & eatenus tantum videri sinunt, quatenus præcipuam illam intuendo id fieri potest: Ita veritus ne dissertatione mea, omnia quæ animoolvebam comprehendere non possem, statui solum in ea copiosè exponere quæ de lucis natura concipiebam; deinde ejus occasione aliquid de Sole & stellis

stellis fixis adjicere, quod ab iis tota fere promanet; item de cœlis, quod eam transmittant: de Planetis, de Cometis & de Terra, quod eam reflectant; & in specie de omnibus corporibus quæ in terra occurrunt, quod sint aut colorata, aut pellucida, aut luminosa; tandemque de homine, quod eorum sit spectator. Quin etiam ut aliquas his omnibus umbras injicerem, & liberius, quid de iis sentirem, dicere possem, nec tamen receptas inter doctos opiniones aut sequi aut refutare tenerer; totum hunc Mundum disputationibus ipsorum relinquere decrevi, & tantum de iis quæ in Novo contingerent tractare, si Deus nunc alicubi in spatiis imaginariis sufficientem ad eum componendum materiæ copiam crearet, varietque & sine ordine diversas hujus materiæ partes agitare, ita ut ex ea æquè confusum Chaos atque Poëtæ fingere valeant componeret; deinde nihil aliud ageret quàm ordinarium suum concursum naturæ commodare, ipsamque secundum leges à se constitutas agere sineret. Ita primum hanc materiam descripsi, & eo modo eam depingere conatus sum, ut nihil, meâ quidem sententiâ, clarius aut intelligibilius sit in mundo; exceptis iis quæ modò de Deo & de Anima dicta sunt. Nam etiam expresse supposui, nullas in ea ejusmodi formas aut qualitates esse, quales sunt eæ de quibus in Scholis disputatur, nec quidquam in genere cujus cognitio non adeò mentibus nostris sit naturalis, ut nullus ipsam à se ignorari fingere possit. Præterea quænam essent naturæ leges ostendi, nulloque alio assumpto principio quo rationes meas stabilirem, præter infinitam Dei perfectionem, illas omnes demonstrare studui, de quibus dubitatio aliqua oboriri posset; probareque eas tales esse, ut etiam si Deus plures mundos creasset, nullus tamen esse posset in quo non accuratè observarentur. Postea ostendi quomodo maxima pars materiæ istius, Chaos, secundum has leges, ita se dispositura & collocatura esset, ut nostris Cœlis similis evaderet. Quomodo interea aliquæ illius partes Terram composituræ essent, quædam Planetas & Cometas, & quædam aliæ Solem & stellas fixas. Et hoc loco in tractationem de Luce digressus, prolixè exposui quænam ea esse deberet quæ solem & stellas componeret, & quomodo inde temporis momento immensa cœlorum spatia trajiceret, & à Planetis Cometisque ad terram reflecteret. Ibidem etiam multa de substantia, situ, motibus & omnibus diversis istorum cœlorum, astrotumque qualitatibus inserui; adeò ut me satis multa dicere putarem,

rem, ad ostendendum, nihil in hujus Mundi cœlis, astrisque observari, quod non deberet aut saltem non posset similiter in mundo quem describebam apparere. Inde ad tractandum de Terra progressus sum, ostendique, quomodo, etiamsi, prout expresse supposueram, Deus nullam gravitatem materiæ e qua composita erat indidisset, attamen omnes ejus partes accurate ad centrum tenderent; Item quomodo, cum ipsius superficies aquis & aëre operiretur, Cœlorum & Astrorum, sed præcipue Lunæ dispositio, in ea fluxum & refluxum efficere deberet, omnibus suis circumstantiis illi qui in maribus nostris observatur similem; nec non quendam aquarum & aëris ab ortu ad occasum motum, qualis inter Tropicos animadvertitur; quomodo montes, maria, fontes & fluvii in ea naturaliter produci possent, & metalla in fodinis enasci, plantæque in agris crescere, & in genere omnia corpora, quæ vulgò mixta aut composita vocant, in ea generari. Et inter cætera, quia nihil aliud in mundo post Astra, præter Ignem esse agnosco quod lumen producat, studui omnia quæ ad ignis naturam pertinent perspicue declarare, quomodo fiat, quomodo alatur, & cur in eo aliquando solus calor sine lumine, aliquando verò solum lumen sine calore deprehendatur; quomodo varios colores in diversa corpora inducere possit, diversasque alias qualitates; quomodo quædam liquefaciat, quædam vero induret; quomodoque omnia propemodum consumere, aut in cineres & fumum convertere possit; & denique quomodo ex his cineribus sola actionis suæ vi vitrum efficere. Cum enim ista cinerum in vitrum transmutatio non minus admiranda quam quævis alia quæ in natura contingat, volui me aliquantum in ejus particulari descriptione oblectare.

Nolebam tamen ex his omnibus inferre, Mundum hunc eo quo proponebam modo fuisse creatum. Multo enim verisimilius est Deum ipsum ab initio talem qualis futurus erat fecisse. Verumtamen certum est & vulgo inter Theologos receptum, eandem esse actionem quâ ipsum nunc conservat, cum eâ quâ olim creavit; ita ut, etiamsi nullam ei aliam quam Chaos formam ab initio dedisset, dummodo post naturæ leges constitutas, ipsi concursum suum ad agendum ut solet commodaret, sine ulla in creationis miraculum injuria credi possit, eo solo res omnes pure materiales, cum tempore quales nunc esse videmus effici potuisse. Natura autem ipsarum multo facilius capi potest, cum ita paulatim orientes conspiciunt.



spiciuntur, quam cum tantum ut absolutæ & perfectæ considerantur.

A descriptione corporum inanimatorum & plantarum transivi ad animalia, & speciatim ad hominem. Sed quia nondum tantam istorum adeptus eram cognitionem, ut de iis eadem qua de cæteris methodo tractare possem, hoc est, demonstrando effectus per causas, & ostendendo ex quibus seminibus, quove modo natura ea producere debeat, contentus sui supponere, Deum forinare corpus hominis uni è nostris omnino simile, tam in externa membrorum figura, quam in interna organorum conformatione, ex eadem cum illa quam descripseram materia, nullamque ei ab initio indere animam rationalem, nec quidquam aliud quod loco animæ vegetantis aut sentientis esset; sed tantum in ipsius corde aliquem sine lumine ignem, qualem antea descripseram, excitare; quem non putabam diversum esse ab eo qui scænum congestum antequam siccum sit calefacit; aut qui vina recentia ab acinis nondum separata fervere facit. Nam functiones quæ consequenter in hoc humano corpore esse poterant expendens; inveniēbam perfectē omnes, quæ nobis non cogitantibus inesse possunt; ac proinde absque cooperatione animæ, hoc est illius nostri partis à corpore distinctæ, cujus ante dictum est naturam in cogitatione tantum sitam esse; eandemque in quibus potest dici animalia ratione destituta nobiscum convenire; ita tamen ut nullam earum animadverterem, quæ cum à mente pendeant, solæ nostræ sunt quatenus homines sumus; quas nihilominus omnes ibi postea reperiebam, cum Deum animam rationalem creasse, eamque illi corpori certo quodam quem describebam modo conjunxisse, supposuissē.

Sed ut cognosci possit quâ ratione illic materiam istam tractarem, volo hic apponere explicationem motus cordis & arteriarum; qui cum primus & generalissimus sit qui in animalibus observatur, ex eo facile judicabitur quid de reliquis omnibus sit sentiendum. Et ut minor in iis quæ dicturus sum percipiendis occurrat difficultas, author sum iis qui in Anatomia non sunt versati, ut antequam se ad hæc legenda accingant, cor magni alicujus animalis, pulmones habentis, coram se dissicari curent: (in omnibus enim satis est humano simile) sibi que duos qui inibi sunt ventriculos sive cavitates ostendi; Primo illam quæ in latere dextro est, cui duo valde ampli canales respondent; videlicet vena cava, quæ præcipuum est sanguinis

receptaculum, & veluti truncus arboris, cujus omnes alia corporis venæ sunt rami; & vena arteriosa, niale ita appellata, cum revera sit arteria, quæ originem à corde habens, postquam inde exiit, in multos ramos dividitur, qui deinde per pulmones disperguntur. Secundo illam quæ est in latere sinistro, cui eodem modo duo canales respondent, æque ampli atque præcedentes, si non magis; scilicet arteria venosa, male etiam ita nominata, cum nihil aliud sit quam vena, quæ à pulmonibus oritur, ubi in multos ramos dividitur, cum venæ arteriosæ & asperæ arteriæ, per quam aer quem spiramus ingreditur, ramis permixtos; & magna arteria, quæ è corde exiens ramos suos per totum corpus dispergit. Vellein etiam, ipsi diligenter ostendi undecim pelliculas, quæ veluti totidem valvulæ aperiunt & claudunt quatuor ostia seu orificia quæ sunt in istis duobus cavis; nimirum tres in ingressu venæ cavæ, ubi ita sunt collocatæ, ut nullo modo impedire possint quo minus sanguis quem continent, in dextrum cordis ventriculum fluat, licet ne inde exeat accurate prohibeant. Tres in ingressu venæ arteriosæ, quæ contrario modo dispositæ, sinunt quidem sanguinem in illa cavitate contentum ad pulmones transire, sed non eum qui in pulmonibus est eo reverti. Et sic duas alias in orificio arteriæ venosæ, quæ permittunt ut sanguis è pulmonibus in sinistrum cordis ventriculum fluat, sed reditum ejus arcent. Et tres in ingressu magnæ arteriæ, quæ sinunt ipsum è corde exire, sed ne illuc redeat impediunt. Nec opus est aliam quærere causam numeri istarum pellicularum, nisi quod cum arteriæ venosæ orificium sit figuræ ovalis ratione loci in quo est, duabus commode claudi possit; cum alia quæ rotunda sunt, melius tribus obstrui queant. Præterea cuperem ut ostenderetur ipsis, magnam arteriam, & venam arteriosam, constitutionis esse multo durioris & firmitioris quam arteria venosa & vena cava; & istas duas postremas dilatari priusquam cor ingrediantur; ibique duo veluti marsupia efficere, quæ vulgo cordis auriculæ vocantur, & sunt ex simili cum ipso carne compositæ: Multoque semper plus caloris esse in corde quam in ulla alia corporis parte; Denique istum calorem posse efficere, ut, si guttula aliqua sanguinis in ipsius cavitates ingrediat, statim intumescat & dilatetur; sicut omnibus in universum liquoribus contingit, cum guttatim in aliquod valde calidum vas stillant.

Post hæc enim non opus est ut quidquam aliud dicam ad motum cordis

cordis explicandum, nisi quod cum ipsius cavitates non sunt sanguine plenæ, illuc necessario defluat, è vena quidem cava in dextram, & ex arteria venosa in sinistram; quia hæc duo vasa sanguine semper plena sunt, & ipsorum orificia quæ cor spectant tunc obturata esse non possunt. Sed simul atque duæ sanguinis guttæ ita illuc sunt ingressæ, nimirum in unamquamque cavitatem una, cum necessario sint valde magnæ, eo quod ostia per quæ ingrediuntur ampla sint, & vasa unde procedunt, plena sanguine, statim eæ rarefiunt & dilatantur, propter calorem quem illic inveniunt. Quâ ratione fit ut totum cor intumescere faciant, simulque pellant & claudant quinque valvulas, quæ sunt in ingressu vasorum unde manant, impediuntque ne major sanguinis copia in cor descendat; Et cum magis magisque rarefiant, simul impellant & aperiant sex reliquas valvulas, quæ sunt in orificiis duorum aliorum vasorum, per quas exeunt; hac ratione efficientes, ut omnes venæ arteriosæ & magnæ arteriæ rami, eodem pene cum corde momento intumescant; quod statim postea, sicut etiam istæ arteriæ, detumescit, quia sanguis qui eo ingressus est refrigeratur, & ipsarum sex valvulæ clauduntur, & quinque venæ cavæ & arteriæ venosæ aperiuntur transitumque præbent duabus aliis guttis sanguinis, quæ iterum faciunt ut cor & arteriæ intumescant, sicut præcedentes. Et quia sanguis qui ita in cor ingreditur, per istas duas ipsius auriculas transit, inde fit ut ipsarum motus, cordis motui contrarius sit, & cum intumescit detumescant.

Cæterum ne ii qui vim demonstrationum Mathematicarum ignorant, & in distinguendis veris rationibus à verisimilibus non sunt exercitati, audeant istud sine prævio examine negare; monitos eos volo, inotum hunc quem modo explicavi, adeo necessario sequi ex sola organorum dispositione, quam suis in corde oculis intueri possunt, & ex calore qui digitis percipitur naturaque sanguinis quæ experientia cognoscitur; atque horologii motus, ex vi, situ & figura ponderum & rotarum quibus constat.

Sed si queratur quâ ratione fiat ut sanguis venarum ita continuo in cor defluens non exhauriatur, & arteriæ nimis plenæ non sint, cum omnis sanguis qui per cor transit in eas ingreditur; Non opus est ut aliud respondeam præter id quod jam à quodam Medico Anglo scriptum est; cui laus hæc tribuenda est quod primam in ista materia glaciem fregerit; priusque docuerit, multas esse exiguas vias in arteriarum extremitatibus, per quas sanguis quem à corde accipiunt

*Hervæus  
de Motu  
Cordis.*

piunt in ramulos venarum ingreditur; unde iterum ad cor redit; adeo ut motus ipsius nihil aliud sit quàm perpetua quædam circulatio. Id quod optime probat ex ordinaria experientia Chirurgorum, qui brachio, mediocri cum adstrictione ligato supra locum ubi venam aperiunt, efficiunt ut sanguis inde copiosius exiliat, quam si non ligassent. Plane autem contrarium eveniret, si brachium infra ligarent, inter manum videlicet & aperturam; aut si illud, supra valde arcte adstringerent. Manifestum enim est, vinculum medicriter adstrictum posse quidem impedire ne sanguis qui jam in brachio est, ad cor per venas redeat: non autem ne novus semper ex arteriis affluat; eo quod infra veras sint collocatæ, & durior ipsarum cutis non ita facile comprimi possit; quodque etiam sanguis è corde veniens, majore cum vi per ipsas ad manum transire contendat, quam inde ad cor per venas redire. Quoniam vero sanguis iste ex brachio exit per aperturam in una venarum factam, necessario meatus aliqui infra vinculum, hoc est circa brachii extremum, esse debent, per quos illuc ex arteriis venire queat. Optime etiam id quod de motu sanguinis dicit, probat ex quibusdam pelliculis, ita variis in locis valvularum instar circa venas dispositis, ut ipsi à medio corporis ad extrema transire non permittant, sed tantum ab extremis ad cor redire: præterea experientiâ, quæ ostendit, omnem qui in corpore est sanguinem inde brevissimo tempore exire posse per unicam scissam arteriam, etiamsi arctissime prope cor esset ligata, atque inter ipsum & vinculum scissa; adeo ut nulla esset suspicandi occasio, sanguinem egredientem aliunde quam ex corde venire.

Sed multa alia sunt quæ hanc quam dixi, veram istius motus sanguinis causam esse testantur; ut primo differentia, quæ observatur inter sanguinem qui è venis exit, & cum qui ex arteriis promanat; quæ aliunde oriri non potest quam ex eo quod transeundo per cor rarefactus & veluti distillatus fuerit, atque ita subtilior, vividior & calidior sit, statim atque inde exiit, hoc est cum in arteriis continetur, quam esset paulo ante quam in eas ingrederetur, hoc est cum in venis stabulabatur. Et, si probe attendatur, comperietur; hoc discrimen non apparere manifestè, nisi in vicinia cordis; minus autem in locis ab eo remotioribus. Deinde tunicarum è quibus vena arteriosa & magna arteria constant durities, satis ostendit, sanguinem ipsas majore cum vi quàm venas pulsare. Cur etiam sinistra cordis cavitas & magna

magna arteria, ampliores essent & latiores cavitae dextra & vena arteriosa; nisi arteriosæ venæ sanguis pulmones solum ingressus ex quo per cor transit, subtilior esset, & magis, faciliusque rarefieret quàm sanguis immediatè ex vena cava procedens? Et quid ex pulsus contrectatione conijcere possunt Medici, nisi sciant sanguinem prout naturam mutat, magis aut minus, celerius vel tardius quam antea à cordis calore rarefieri posse? Et si expendatur quomodo iste calor aliis membris communicetur, nonne fatendum est id fieri opesanguinis, qui per cor transiens ibidem calefit, indeque per totum corpus diffunditur? Vnde sit ut si ex aliqua parte sanguis dematur, eadem operâ dematur calor. Et quanivis cor ardore ferrum candens æquaret, non sufficeret tamen ad pedes & manus aded ac sentimus calefaciendum; nisi continuò illuc novum sanguinem initteret. Deinde etiam ex eo cognoscitur, verum respirationis usum esse, satis recentis aëris in pulmones inferre, ad efficiendum ut sanguis qui eò ex dextro cordis ventriculo defluit, ubi rarefactus & quasi in vapores mutatus fuit, ibi incrassescat & denuò in sanguinem convertatur, prius quàm in sinistram refluat; sine quo, alendo qui illic est igni aptus esse non posset. Idque ex eo confirmatur, quòd videamus, animalia pulmonibus destituta, unicum tantum cordis ventriculum habere: quodque in infantibus qui eo uti non possunt quamdiu sunt in matrum uteris inclusi, foramen quoddam deprehendamus per quod sanguis è vena cava in sinistram cordis cavitatem defluit; & brevem tubum per quem è vena arteriosa in magnam arteriam, non trajecto pulmone, transit. Deinde quomodo fieret concoctio in ventriculo, nisi cor eo calorem per arterias immitteret, unaque fluidiores aliquas sanguinis partes, quæ injecti cibi succum in sanguinem convertit, facilis est cognitu, si consideretur, illum iteratis vicibus, & forte plus quàm centies aut ducenties, singulis diebus per cordis ventriculos totum distillare? Quà verò aliâ re indigemus ad explicandum nutritionem, & variorum qui in corpore sunt humorum productionem; nisi ut dicamus, impetum quo sanguis, dum rarefit, à corde ad extremitates arteriarum transit, efficere ut aliquæ ipsius partes subsistant in membris ad quæ accedunt, ibique locum occupent aliquarum partium quas inde expellunt; & secundum situm, aut figuram, aut exilitatem pororum quos offendunt, quasdam potius in certa loca confluere quàm alias, eadem

dem ratione quâ fieri solent quædam cribra, quæ per hoc unum quoddam diversimodè sint perforata, variis frumenti speciebus à se invicem separandis inserviunt. Denique id quod hîc super omnia observari meretur, generatio est spirituum animalium, qui sunt instar venti subtilissimi, aut potius flammæ purissimæ: quæ continue è corde magnâ copiâ in cerebrum ascendens, inde per nervos in musculos penetrat, & omnibus membris motum dat: ita ut non opus sit aliam imaginari causam, quæ efficiat ut partes sanguinis, quæ, eò quod sint magis cæteris agitata & penetrantiores, aptissimæ sunt ad istos spiritus componendos, potius ad cerebrum quàm aliò contendant; nisi quod arteriæ quæ eas illuc deferunt, rectissimâ omnium lineâ à corde procedant; & quod secundum Mechanicæ regulas, quæ eædem sunt atque regulæ Naturæ, cum variæ res simul ad eandem partem contendunt, ubi satis spatii non est omnibus recipiendis, sicut contingit in partibus sanguinis, quæ è sinistro cordis ventriculo exeunt, & ad cerebrum tendunt, necesse sit ut debiliores & minus agitata inde avertantur à validioribus, quæ hac ratione eò solæ perveniunt.

Particulatim satis ista omnia exposueram in tractatu quem antea in lucem edere cogitabam. In quo consequenter ostenderam, quænam debeat esse fabrica nervorum & musculorum corporis humani, ad efficiendum ut spiritus animales ipso contenti, vires habeant ejus membra movendi; sicut videmus, capita, paulò post quam abscissa fuerunt, adhuc moveri & terram mordere, etiamsi non amplius sint animata: Quænam mutationes in cerebro fieri debeant ad vigiliam, somnum & insomnia producendum: Quomodo lumen, soni, odores, sapes, calor, & omnes aliæ externorum objectorum qualitates, in eo per sensuum organa diversas imprimere ideas possint: Quomodo fames, sitis, aliique interni affectus, suas etiam illuc immittere valeant: Quid in eo per sensum communem intelligi debeat, in quo idæ istæ recipiuntur; per memoriâ, quæ eas conservat; & per phantasiam, quæ eas diversimodè mutare potest, & novas componere; quæque etiam spiritus animales varie in musculos immittendo, eosdem omnes motus qui unquam absque voluntatis imperio in nobis sunt, eodemque modo tum objectis externis sensuum organa pulsantibus, tum etiam affectibus & temperamentis externis respondentes, in istius corporis membris potest efficere. Quod nullo modo videbitur mirum iis, qui scientes

res quàm varii motus in automatis humanâ industriâ fabricatis edi possint; idque ope quarundam rotularum aliorumve instrumentorum, quæ numero sunt paucissima, si conferantur cum multitudine fere infinita ossium, muscutorum, nervorum, arteriarum, venarum aliarumque partium organicarum, quæ in corpore cuiuslibet animalis reperiuntur; considerabunt humani corporis machinamentum tanquam automatum quoddam manibus Dei factum, quod infinites melius sit ordinatum, motusque in se admirabiliores habeat, quàm ulla quæ arte humana fabricari possint. Et hic particulariter innuoratus eram in ostendendo, si darentur ejusmodi machinæ, figurâ externâ organisque omnibus simiæ, vel cuius alteri bruto animali simillimæ, nullâ nos ratione agnituros ipsas naturâ ab istis animantibus differre: Si autem aliquæ exstarent quæ nostrorum corporum imaginem referrent, nostrasque actiones quantum moraliter fieri posset imitarentur; nobis semper duas certissimas vias reliquas fore ad agnoscendum, eas non propterea veros homines esse. Quarum prima est, illas nunquam sermonis usum habituras, aut ullorum signorum, qualia adhibemus ad cogitationes nostras aliis aperiendas. Nam concipi quidem potest machina ita composita ut vocabula aliqua proferat; imo etiam ut quædam enunciet quæ præsentis objectorum, ipsius organa externa inveniunt, appositè respondeant: veluti si aliquo loco tangatur, ut petat quid se velimus; si alio, ut clamet, nos ipsam lædere, & alia ejusmodi: Sed non ut voces proprio motu sic collocet aptè ad respondendum omnibus iis quæ coram ipsa proferentur; quemadmodum quilibet homines, quantumvis obtusi ingenii, possunt facere. Secunda est, quod etiam si tales machinæ, multa æquè bene aut forsitan melius quàm ullus nostrum facerent, in quibusdam aliis sine dubio aberrarent: ex quibus agnosci posset eas cum ratione non agere, sed solummodo ex organorum suorum dispositione. Cum enim ratio instrumentum sit universale, quod in omni occasione usui esse potest, contra autem organa ista particulari aliqua dispositione ad singulas suas actiones indigeant: inde fit ut plane sit incredibile, satis multis diversis organa in machina aliqua reperiri, ad omnes motus externos variis casibus vitæ respondentes solâ eorum ope peragendos, eodem modo quo à nobis rationis ope peraguntur. Hac autem eadem publici viâ cognosci etiam potest discrimen quod inter homines & bruta intercedit. Observatu enim dignum est,

nullos reperiri homines adeo hebetes & stupidos, ne amentibus  
 quidem exceptis, ut non possint diversas voces apte construere, at-  
 que ex iis orationem componere; quâ cogitationes suas patefaciant:  
 Contra vero nullum esse aliud animal, quantumvis perfectum aut  
 felici fidere natum, quod simile quidquam faciat. Hocque ex orga-  
 norum defectu non contingit; videmus enim, picas & psittacos eas-  
 dem quas nos voces proferre, nec tamen sicut nos, loqui posse, hoc  
 est, ita ut ostendant, se intelligere quid dicant. Cum nihilominus ho-  
 mines à nativitate surdi & muti, sicque non minus, sed potius magis,  
 quam bruta, destituti organis quibus alii in loquendo utuntur so-  
 leant propria industria quædam signa invenire quibus mentem suam  
 aperiant iis quibuscum versantur, & quibus vacat linguam ipsorum  
 addiscere. Istud autem non tantum indicat, bruta minore rationis  
 vi pollere quam homines, sed illa plane esse rationis expertia. Vi-  
 demus enim, exigua admodum opus esse ratione ad loquendum. &  
 quia observatur ingenii quædam inæqualitas inter ejusdem speciei  
 animantia, non minus quam inter homines; & alia aliis institutio-  
 nis esse capacia: non est credibile, simiam, aut psittacum, in sua  
 specie perfectissimum, in eo infantem stupidissimum, aut saltem  
 mente motum, æquare non posse, nisi ipsorum anima, naturæ à no-  
 stra plane discrepantis esset. Notandumque est, loquelam, signa-  
 que omnia quæ ex hominum instituto cogitationes significant, plu-  
 rimum differre à vocibus & signis naturalibus quibus corporei af-  
 fectus indicantur: nec cum veteribus quibusdam putandum, bruta  
 loqui, sed nos ipsorum sermonem non intelligere. Si enim id ve-  
 rum esset, cum multis organis prædita sint, iis quæ in nobis sunt  
 analogis, mentem suam æque nobis patefacere possent ac sui simili-  
 bus. Singulari etiam animadversione dignum est, quod quamvis  
 multa sint animantia, quæ plus industriæ quam nos in quibusdam  
 suarum actionum patefaciant; eadem tamen nullam omnino in mul-  
 tis aliis demonstrare conspiciantur. Ita ut id quod melius nobis fa-  
 ciunt, non probet, ipsa esse ratione prædita; inde enim sequeretur,  
 majorem in illis inesse rationem quam in ullo nostrum, eaque nos in  
 omni etiam alia re debere superare: sed potius probat, ipsa, ratio-  
 ne esse destituta, & naturam in iis secundum organorum dispositio-  
 nem agere: prout videmus, horologium ex rotis tantum & ponde-  
 ribus compositum, æqualius quam nos cum omni nostra prudentia,  
 horas numerare & tempora metiri.

Postea



Postea describeram animam rationalem, ostenderamque, eam nullo modo è materiæ potentia educi posse, sicut alia de quibus egeram, sed necesse esse, ipsam creari: Nec sufficere ut instar nautæ in navi, ipsa in corpore habitet, nisi forsitan ad illius membra movenda; sed requiratur cum ipso arctius jungatur uniaturque, ad sensus & appetitus nostris similes habendos, & ita verum hominem componendum. Cæterum copiosior paulo hic fui in argumento de anima tractando, quod sit maximi ponderis. Nam post illorum errorem qui Deum esse negant, quem me satis supra refutasse opinor, nullus est qui facilius debiles animas à recto virtutis tramite avertat, quam si putent, brutorum animam ejusdem esse cum nostra naturæ; ac proinde nihil nobis post hanc vitam timendum aut sperandum superesse, non magis quam muscis aut formicis. Cum autem recte cognoscitur quantum differant, multo melius postea capiuntur rationes quæ probant animam nostram naturæ esse plane à corpore independentis, & ex consequenti opus non esse ut cum ipso moriatur: ac denique quia nullæ animadvertuntur causæ quæ eam destruant, natura ferimur ad judicandum ipsam esse immortalem.

Tertius autem nunc agitur annus, ex quo perveni ad finem tractatus quo ista omnia continentur, incipiebamque cum recognoscere, ut postea typographo traderem; cum rescivi, viros, quibus multum deſero, & quorum autoritas non multo minus in meas actiones potest, quam propria ratio in cogitationes, opinionem quandam Physicam improbatſe, paulo ante ab alio in lucem editam; cui nolo dicere me adhaſiſſe, sed tantum nihil in illa ante ipſorum censurem observasse, quod suspicari possem aut religioni aut republicæ noxium esse; nec proinde quod me impediturum fuisset ipsam tueri, si ratio veram esse perſuaſiſſet; hocque mihi metum incuſiſſe, ne pariter inter meas aliqua inveniretur in qua à vero aberrassem; Quamquam ſane magno ſemper ſtudio curavi, ne ullis novis opinionibus fidem adhiberem, quarum demonstrationes certiffimas non haberem, aut quidquam ſcriberem quod in ullius damnum cedere poſſet. Hoc vero ſatis fuit ad me movendum ut à propoſito illas evulgandi deſiſterem. Etiamſi enim rationes quibus ad cogitationes meas edendas inductus fueram validiſſimæ eſſent, genius tamen meus, qui ſemper à libris ſcribendis abhorruit, ſecit ut ſtatim multas alias invenirem, quibus me ab illo labore

VI.

*Quid requiri poterit  
Auctor, ad  
ulterius progredien-  
tium in Naturæ  
perſcrutatione, quam  
hactenus factum ſit; &  
quæ ratio-  
nes ipſum  
ad ſcriben-  
dum impul-  
lerint.*

fufcipiendo excufarem. Et istæ rationes ab utraque parte tales sunt, ut non solum mea eas hic recensere aliquatenus interfuit, sed etiam fortasse reipublicæ literaræ illas cognoscere.

Nunquam ea magnifeci quæ ab ingenio meo proficifcebantur, & quamdiu nullos alios ex ea qua utor Methodo fructus percepi, nisi quod mihi in quibusdam dubiis satisfeci ad scientias speculativas pertinentibus, aut meos mores componere conatus sum secundum rationes quas me docebat, non putavi me quicquam ea de re scribere teneri. Nam quod ad mores attinet, unusquisque adeo suo sensu abundat, ut tot possent inveniri reformatores quot capita, si aliis liceret, præterquam iis quos Deus supremos suorum populorum Rectores constituit, aut quos satis magna gratiæ & zeli mensura donavit, ut Prophetæ sint, aliquid in eo immutandum fufcipere. Et licet speculationes meæ valde mihi arriderent, credidi tamen, alios etiam habere suas, quæ forte magis adhuc ipsis placeant. Sed statim atque notiones aliquas generales, Physicani spectantes, mihi comparavi, earumque periculum facere incipiens in variis particularibus difficultatibus, observavi quousque illæ me deducere possint, & quantum à principiis differant quæ hætenus in usu fuerunt; credidi, me eas occultas detinere non posse, absque gravi peccato adversus legem, jubentem ut, quantum in nobis est, generale omnium hominum bonum procuremus. Et iis enim cognovi ad noticias vitæ valde utiles posse perveniri; & loco Philosophiæ illius speculativæ quæ in scholis docetur, posse Practicam reperiri, quâ cognitæ viribus & actionibus ignis, aquæ, æris, astrorum, cælorum aliorumque corporum quæ nos circumstant, adeo distincte atque diversas opificum nostrorum artes novimus; adhibere pariter ea possemus ad omnes usus quibus inservire apta sunt, atque ita nos velut dominos & possessores naturæ efficere. Quod sane esset optandum non tantum ad infinitorum artificiorum inventionem, quæ efficerent ut sine labore fructibus terræ, & omnibus ipsius commodis frueremur, sed præcipue etiam ad valetudinis conservationem, quæ sine dubio primum est hujus vitæ bonum, & cæterorum omnium fundamentum. Animus enim adeo à temperamento & organorum corporis dispositione pender, ut si ratio aliqua possit inveniri, quæ homines sapientiores & ingeniosiores reddat quàm hætenus fuerunt, credam illam in Medicina quæri debere. Verum quidem est, eam quæ nunc est in usu, pauca quorum adeo insignis sit utilitas conti-

continere. Sed quamvis ipsam contemnere nullo modo sit animus, confido tamen, nullum fore, etiam inter eos qui illam profitentur, qui non confiteatur, omnia quæ hæcenus in ea inventa sunt, nihil propemodum esse, respectu eorum quæ scienda adhuc restant: hominesque ab infinitis tam corporis quàm animi morbis immunis futuros, imò etiam fortassis à senectutis debilitatione, si satis magnam causarum à quibus mala ista oriuntur, & omnium remediorum quibus natura nos instruxit, notitiam haberent. Cum autem proposuerim, totam meam vitam collocare in scientiæ ad eò necessariæ investigatione, & inciderim in viam quæ mihi talis videtur, ut si quis eam sequatur, haud dubiè ad optatum finem sit perventurus, nisi aut brevitate vitæ aut experimentorum defectu impediatur: judicabam, nullum melius esse adversus duo ista impedimenta remedium, quàm si fideliter publico communicarem id omne, quantumcunque esset, quod reperissem, & præclara ingenia incitarem, ut ulterius pergere contenderent, singulique quod in sua facultate esset ad experimenta facienda conferrent, atque etiam eorum omnium quæ addicerent publicum particeps facerent, eo fine ut ultimi incipiendo ubi præcedentes desisissent, & ita multorum vitas & labores conjungendo omnes simul longius progredieremur quàm singuli privatim possent.

Quinetiam de experièntiis observabam, eas tanto magis necessarias, quanto quis majorem notitiam est adeptus. Initio enim præstat iis tantum uti quæ sponte sensibus nostris occurrunt, & quas ignorare non possumus, si vel tantillum ad eas attendamus, quàm rariores & abstrusiores investigare. Cujus rei ratio est, quod rariores illæ sæpius decipiant, quamdiu vulgatorum causæ ignorantur; circumstantiæque à quibus pendent ferè semper ad eò particulares & exiguæ sint, ut observatu sint difficillimæ. Sed talem hac in re ordinem secutus sum: Primum conatus sum generatim invenire principia, seu primas causas omnium quæ sunt aut possent esse in mundo; ad Deum solum qui ipsum creavit attendendo, easque aliunde non educendo quàm ex quibusdam veritatis seminibus, animis nostris à natura inditis. Postea expendi quinam essent primi & maxime ordinarii effectus, qui ex his causis deduci possent; videorque mihi hac viâ cognovisse cælos, astra, terram, imò etiam in terra aquam, æcrem, ignem, mineralia, & quædam ejusmodi alia: quæ sunt omnium maximè communia, simplicissimaque, ac  
proin-

proinde cognitu facillima. Deinde cum volui ad particulariora descendere, tam multa diversa mihi occurrerunt, ut crediderim, opus esse ingenio plusquam humano, ad formas aut species corporum quæ in terra sunt, ab infinitis aliis quæ in ea possent esse, si Deo placuisset illas ibi collocare, dignoscendas, ipsasque deinde ad usum nostrum referendas; nisi per effectus causas obviam eamus, & multis particularibus experimentis adjuvemur. Deinde animo revolvens omnia objecta quæ unquam sensibus meis occurrerant, dicere non verebor me nihil in iis observasse, quod satis commodè per inventa à me principia explicare non possem. Sed confiteri me etiam oportet, potentiam Naturæ esse adeò amplam & diffusam, & principia hæc adeo esse simplicia & generalia, ut nullum ferè amplius particularem effectum observeim, quem statim variis modis ex iis deduci posse non agnoscam; nihilque ordinariè mihi difficilius videri, quam invenire quo ex his modis inde dependeat. Hinc eniù aliter me extricare non possum quàm si rursus aliqua experimenta quæram, quæ talia sint, ut eorum idem non sit futurus eventus, si hoc modo quàm si illo explicetur. Cæterum eo usque nunc perveni ut mihi satis bene videar percipere, quâ ratione pleraque illorum sint facienda quæ huic fini inservire possunt. Sed video etiam, illa esse talia & tam multiplicia, ut neque manus meæ, neque fortunæ, etiamsi millecuplo majores essent, ad omnia possent sufficere; prout autem deinceps plura aut pauciora faciendi copia erit, majores etiam, aut minores, in Naturæ cognitione progressus mihi promitto. Id quod in composito à me Tractatu declarare sperabam, ibique adeo clare patefacere quænam exinde ad publicum utilitas esset reditura, ut eos omnes quibus commune hominum bonum est cordi, hoc est omnes revera, & non in speciem tantùm honestos viros, inducturus essem tum ad mecum communicanda quæ jam fecissent experimenta, tum ad me juvandum in investigatione eorum quæ supersunt facienda.

Sed ab illo tempore aliæ mihi occurrerunt rationes, quibus ad mutandam sententiam adductus sum, & ad cogitandum, me debere quidem pergere in scribendis omnibus iis quæ alicujus esse momenti putarem, statim atque eorum veritatem deprehendissem; idque non minore cum cura quàm si ea in lucem edere vellem; tum ut tanto majorem haberem ea bene examinandi occasionem; Nam sine dubio accuratius semper id elaboratur, quod à pluribus lectum iri creditur, quam

quam quod in privatum tantum usum scribitur; & sæpe quæ mihi visa sunt vera cum primum illa concepi, falsa esse postea cognovi cum ipsa chartæ volui mandare; tum etiam ut nullam amitterem occasionem publicam utilitatem quantum in me esset procurandi, & si mea scripta alicujus sint pretii, ii in quorum manus post obitum meum devenient, illis prout commodum videbitur uti queant: Sed me nullo modo permittere debere ut in vivo in lucem exirent, ne vel oppositiones, & controversiæ quibus fortè vexarentur, vel etiam qualiscunque fama quam conciliare possent, aliquam mihi darent occasionem, tempus quod institutioni meæ destinaveram amittendi. Etiam si enim verum sit, unumquemque teneri quantum in se est aliorum bonum procurare; illumque propriè nullius esse pretii qui nemini prodest; attamen verum etiam est, curas nostras ultra tempus præsens debere extendi, bonumque esse, omittere ea quæ fortè aliquam viventibus utilitatem essent allatura, eo fine ut alia faciamus quæ nullo magis nepotibus nostris sunt profutura. Quemadmodum etiam dissimulare nolo, exiguum id quod huc usque didici, nihil ferè esse præ eo quod ignoro, & ad cujus cognitionem pervenire non despero. Eodem enim ferè modo agitur cum iis qui paulatim veritatem in scientiis detegunt, atque cum ditescuntibus, quibus facilius est magna lucra facere, quàm antea multo minora cum adhuc pauperes erant. Vel possunt cum exercituum præfectis conferri, quorum vires pro victoriarum ratione incrementa sumere solent, & quibus post cladem acceptam majore prudentia opus est ad residuas copias conservandas, quàm cum prælio superiores fuerunt ad urbes & provincias occupandas. Verè enim is prælio decernit; qui conatur superare omnes difficultates & errores, à quibus impeditur ne ad cognitionem veritatis perveniat; & prælio vincitur, qui de re alicujus momenti falsam opinionem admittit; majoreque postea opus habet dexteritate, ad se in pristinum statum restituendum, quàm ad magnos progressus faciendos cum jam principia certa habet. Quod ad me attinet, si quas in scientiis veritates inveni, (confido autem, ea quæ hoc volumine continentur ostensura, me aliquas invenisse) possum dicere, illas tantum esse consequentias, quinque aut sex præcipuarum difficultatum quas superavi, quasque pro totidem pugnis numero in quibus victoriam reportavi. Imo non verebor dicere, me putare, nihil mihi amplius deesse ut voti compos fiam, quàm duas aut tres ejusmodi obtinere; & me non esse

esse adeò ætate provectum, quin secundùm ordinariū naturæ cursum satis mihi ad hanc rem otii superesse possit. Sed credo, me eò plus tencri temporis quod mihi restat parcum esse quo plus spei illud bene collocandi habeo. Et multas procul dubio illud amittendi occasiones haberem, si meæ Physicæ fundamenta in lucem ederem. Etiam si enim omnia ferè adeò sint evidentia, ut opus tantum sit ea intelligere ad assentiendum; nullumque inter illa sit, cujus demonstrationes dare posse non sperem; attamen quia fieri non potest, ut cum omnibus aliorum diversis opinionibus conveniant, sæpius me à proposito advocatum iri prævideo, oppositionum quas excitabunt occasione.

Objici quidem potest, oppositiones istas utiles fore, cum ut errores meos agnoscam, tum ut si quid boni habeam, alii majorem illius hac ratione intelligentiam consequantur; & quia plures oculi plus vident uno, ut meis nunc uti incipientes, suis me vicissim inventis juvent. Sed etiam si me valde errori obnoxium agnoscam, & nunquam ferè fidam primis quæ mihi occurrunt cogitationibus; experientia tamen quam habeo eorum quæ mihi objici possunt, impedit quo minus ullum inde fructum sperem. Iam enim sæpe expertus sum judicia, tam eorum quos pro amicis habui, quàm aliorum quorundam, quibus me indifferentem esse putabam; quin etiam nonnullorum malignorum & invidorum, quos sciebam conaturos in apertum protrahere id quod amicitia velum ab amicorum oculis abscondebat. Sed ratò accidit, ut aliquid mihi objectum sit quod nullo modo prævidissem, nisi id esset valde à meo argumento remotum; adeo ut fere nullum unquam offenderim opinionum mearum Censorem, qui mihi non videretur aut minùs rigidus, aut minùs æquus me ipso. Sicut etiam nunquam observavi, veritatem aliquam, antea ignotam, disputationum Scholasticarum ope in lucem tractam fuisse. Nam dum unusquisque contendit vincere, plerumque potius ad verisimilitudinem, quàm ad rationum utrimque allatarum momenta attendi solet; & qui diu boni fuerunt advocati, non idèo postea meliores sunt iudices.

Quod ad utilitatem, quatu alii ex mearum meditationum communicatione percepturi essent, non posset etiam valde magna esse; quia nondum eas eo usque deduxi, ut nulla supersint addenda, antequam ad praxim revocentur. Et puto me posse sine jactantia dicere, si quis earum perficiendarum sit capax, me potius cum esse quàm

quàm alium quemquam. Non quod ingenia in orbe esse non possint quæ meum multis parasangis superent; sed quia fieri non potest ut rem adeò bene concipiat & suam reddat, qui eam ab alio discit, atque ille qui ipsemet eam invenit. Quod adeo in hac materia verum est, ut quamvis sæpe aliquas ex meis opinionibus explicaverim viris acutissimis, & qui me loquente eas videbantur valde distincte intelligere; attamen cum eas retulerunt, observavi, ipsos fere semper illas ita mutavisse, ut pro meis agnoscere amplius non possem. Quâ occasione posteros hic oratos volo, ut nunquam credant, quidquam à me esse profectum, quod ipse in lucem non edidero. Et nullo modo miror absurda illa dogmata, quæ veteribus illis Philosophis tribuuntur, quorum scripta non habemus; nec propterea judico, ipsorum cogitationes valde à ratione fuisse alienas, cum haberint præstantissima suorum sæculorum ingenia; sed tantum, eas nobis perperam fuisse relatas. Sicut etiam videmus, nunquam fere contigisse ut ab aliquo suorum sectatorum superati fuerint. Et credo, servidissimos eorum qui nunc Aristotelem sequuntur, se beatos putaturos si eum in naturæ cognitione æquarent; etiam sub hac conditione, ut postea nihil amplius addiscerent. In quo similes sunt hederæ, quæ nunquam contendit altius ascendere quàm arbores quæ ipsam sustinent; imò sæpe descendit, postquam ad fastigium usque sublata fuit. Mihi enim videntur etiam illi descendere, id est aliquomodo se indoctiores reddere quàm si à studiis desisterent, qui non contenti omnia ea scire quæ clare & dilucide apud suum Authorem explicata sunt, volunt præterea illic invenire solutionem multarum difficultatum, de quibus ne verbo quidem meminuit, & forte nunquam cogitavit. Attamen ipsorum philosophandi ratio valde commoda est ingeniis infra mediocritatem politis. **Distinctio** num enim & principiorum quibus utuntur obscuritas, causa est ut de omnibus æque confidenter loqui possint, ac si illa optimè novissent; & ita adversus subtilissimos acutissimosque omnia quæ dicunt defendere, ut falsi argui nequeant. **Qua** in re similes mihi videntur cæco, qui ut æquo Marte adversus videntem decertaret, eum in profundam & obscuram aliquam cellam deduxisset. Ac possum dicere, istorum interesse ut ab edendis Philosophiæ qua utor principiis ablineam. Nam cum simplicissima & evidentissima sint; idem propemodum facerem, ea luce donando, ac si aliquas aperirem fenestras, per quas lux in illam cellam ingrederetur, in quam ad pugnan-

dum descendunt. Imò neque præstantiora ingenia habent cur, optent ea cognoscere. Nam si velint scire de omnibus loqui, & eruditionis famam sibi comparare; eò facilius pervenient, si verisimilitudine contenti sint, quæ sine magno labore in omni genere materiæ inveniri potest; quàm veritatem investigando, quæ paulatim tantum in quibusdam patet; & cum de aliis loquendum est, ad ingenuam ignorantia suæ confessionem impellit. Si verò paucarum aliquot veritatum notitiam præferant vanæ nihil ignorandi professioni, sicut proculdubio præterenda est, & meum institutum sectari velint, non opus habent ut quidquam ipsis amplius dicam præter id quod jam in hac dissertatione à me audierunt. Nam si ulterius quàm fecerim progrediendi sint capaces, multò potiori ratione erunt per se inveniendi id omne quod me hætenus invenisse puto; quoniam cum nihil unquam nisi ordine examinaverim, certum est, id quod mihi è tenebris eruendum restat, multo ex se difficilius & occultius esse, quàm id quod antea reperire potui; & minor multo ipsis esset voluptas id à me quàm à se ipsis discere. Præterquam quòd habitus quem sibi comparabunt, facilia primum quærendo, & paulatim atque per gradus ad alia difficiliora transeundo, ipsis plus omnibus meis documentis profuturus sit. Sicut quod ad me attinet, si à juventute edoctus essem omnes veritates, quarum postea demonstrationes investigavi, & sine labore illas didicissem, opinor, me fortasse nunquam multo plures cogniturum fuisse; saltem nunquam acquisiturum fuisse habitum & facilitatem qua me semper novas & novas inventurum spero, prout animum ad eas investigandum applicabo. Et ut verbo dicam, si quod in mundo est opus, quod ita bene ab alio non possit absolvi, atque ab eo qui inchoavit, illud est in quo verborum & laboro.

Verum quidem est, quantum ad experimenta spectat quæ huic scopo inservire queunt, unum hominem illis omnibus faciendis non esse parem. Sed nullas etiam alias utiliter adhibere posset manus, quam suas, nisi forte opificum, aut aliorum ejusmodi mercenariorum, quos lucrispes (magnæ efficacis medium) impelleret ad accurate faciendum omnia quæ ipsis præscriberet. Nam quod ad voluntarios attinet, qui curiositate aut discendi studio moti, sponte forsitan operas suas ei offerrent, præterquam quod ordinariè multa promittant & pauca præstent, nullumque unquam fere ipsorum propositum, sine optatum fortitatur; procul dubio vellent, operam suam compen-



compenfari aliquarum difficultatum explicatione, aut faltem inutilibus comitatis officiis & fermonibus, in quibus fine magno detrimento partem otii fui impendere poffent. Et quod ad experimenta jam ab aliis facta, etiamfi ea cum ipfo communicare vellent, quod nunquam facturi funt qui ipfa profecretis habent, plerumque tot funt comitata circumftantiis, rebusque fuperfluis, ut inde veritatem elicere difficillimum illi foret. Præterquam quod omnia ferme adeo male explicata inveniret, aut etiam falſa, (quia qui illa fecerunt, ea tantum in iis videre voluerunt quæ principiis ſuis conformia putabant) ut ſi aliqua propoſito iplius accommodata eſſent, pretium tamen temporis æquare non poſſent, quod in delectu illorum faciendo impendendum eſſet. Adeo ut ſi quis eſſet in hoc terrarum orbe, quem conſtaret capacem eſſe maxima quæque, & in publicum utiliſſima inveniendi; & eâ de cauſâ cæteri homines omnibus modis eum adjuvare contenderent in propoſito ſuo aſſequendo; non videam, eos aliud in iplius gratiam facere poſſe, quam in experimenta quibus indigeret ſumptus conferre; & de cætero impedire ne tempus ipli ullius importunitate eriperetur. Sed præterquam quod non tantum mihi tribuo, ut aliquid extraordinarium polliceri velim, nec me adeo vanis cogitationibus paſco, ut putem, rem publicam multum mea conſilia curare debere; non ſum etiam adeo abjecto animo, ut à quolibet accipere vellem beneficium, cuius me indignum eſſe credi poſſet.

Omnes iſtæ conſiderationes, ſimul junctæ, in cauſa fuerunt à tribus annis cur noluerim in lucem edere tractatum quem præ manibus habebam; imo ut ſtatuerem, nullum alium quamdiu viverem publici juris facere, qui adeo generalis eſſet, aut ex quo Phyſices meæ fundamenta intelligi poſſent. Sed poſtea ruruſum duæ aliæ cauſæ fuerunt quæ me moverunt, ut hic particularia quædam ſpecimina ſubjungereim, & publico aliquam actionum mearum conſiliorumque rationem redderem. Quarum prima eſt, quod, ſi illud omitterem, multi qui reſciverunt propoſitum quod antea habui ſcripta aliqua prælo ſubjiciendi, ſuſpicari poſſent, cauſas propter quas ab eo abſtinerem, minus mihi honorificas eſſe quam revera ſunt. Quamvis enim immodice gloriam non appetam, aut etiam (ſi id eſſari liceat) ab illa abhorream, quatenus iſſam contrariam eſſe judico quieti, quam ſupra omnia magis facio; attamen nunquam etiam ſtudii actiones meas tanquam crimina occultare; aut mul-

tas præcautiones adhibui ut ignotus essem; tum quia credidissem adversus me ipsum injurius esse, tum etiam quia id mihi inquietudinem aliquam attulisset, quæ rursus perfectæ animi tranquillitati quam quærebam adversa fuisset. Et quia, dum me ita indifferenter habui inter innotescendi aut delitescendi curam, non potui impedire quin aliquatenus in ore hominum versarer, putavi debere me allaborare saltem ne male audirem. Altera ratio quæ me ad hæc scribendum compulit est, quod quotidie magis ac magis perspicuus moram quam patitur illud quod de me erudiendo cepi consilium, propter infinita experimenta quibus indigeo, & quæ sine aliena ope facere non possum, etiamsi non adeo Suffenus sum ut sperem publicum in partem consiliorum meorum venire velle; attamen nolo etiam mihi adeo deesse, ut occasione dem post victuris, mihi aliquando exprobandi, me potuisse ipsis varia multo meliora relinquere quam fecerim, nisi nimium neglexissem ipsis significare, quæ in re instituta mea possent promovere.

Et putavi; facile mihi esse eligere aliquas materias, quæ neque essent multis controversiis obnoxie, neque me cogerent plura quam velim ex meis principiis exponere; & tamen satis clare patefacerent quid in scientiis præstare possim aut non possim. Quod an feliciter mihi successerit, aliis judicandum relinquo; at pergratum mihi erit si examinentur; & ut tanto major sit ejus rei occasio, rogo omnes eos qui adversus ea objectiones aliquas facere volent, ut eas ad meum bibliopolam mittant, à quo monitus, meum responsum eodem tempore adjungere conabor. ista enim ratione lectores, utraque scripta simul videntes, tanto facilius de veritate judicium ferent. Non enim proluxa illis opponere responsa polliceor, sed tantum mea errata ingenue, si agnoscam, confiteri, aut si ea animadvertere non possim, simpliciter dicere quod putabo ad rerum à me scriptarum defensionem requiri; nulla addita novæ alicujus materię explicatione, ne me sine fine ab una ad aliam transire sit necesse.

Quod si quædam eorum, de quibus egi initio Dioptrices & Meteororum, prima fronte offendant, quia hypotheses voco, & nolle probare videor; rogo ut integri tractatus cum attentione legantur, & spero, hæsitantibus satisfactum iri. Rationes enim mihi videntur in iis tali serie connexæ, ut sicut ultimæ demonstrantur à primis quæ illarum causæ sunt, ita reciproce primæ ab ultimis, quæ ipsarum

ipſarum ſunt effecta, probentur. Nec eſt quod quis putet, me hic in vitium quod Logici Circulum vocant, incidere; nam cum experientia in maximam effectuum iſtorum partem certiffimam eſſe arguat, cauſæ à quibus illos elicio, non tam iis probandis quam explicandis inſerviunt; contraque ipſæ ab illis probantur. Nec hypotheſes alio ſine vocavi, quam ut ſciatur, confidere, me eas poſſe deducere ex primis illis veritatibus quas ſupra expoſui; ſed data opera noluiſſe facere, ad impediendum, ne quædam ingenia, quæ uno die addiſcere ſe poſſe putant ea in quibus alius viginti annos deſudavit, ſtatim atque illa ipſis uno tantum aut altero verbo aperui, (& quæ eo magis errori ſunt obnoxia, minusque veritatis percipiendæ capacia, quo ſubtiliora & alacriora ſunt;) inde poſſint occaſionem arripere, abſurdam aliquam Philoſophiam illis principiis quæ pro meis habebunt, ſuperſtruendi, ejuſque rei mihi culpa tribuatur. Nam quod ad opiniones attinet quæ in ſolidum meæ ſunt, nolo ipſarum novitatem excuſare; quoniam ſi rationes quibus innituntur, bene perpendantur, confido, eas adeo ſimplices & ſenſui communi conformes inventum iri, ut minus extraordinariæ & paradoxæ videantur, quam ullæ aliæ quæ de iſdem argumentis poſſint haberi. Nec me etiam primum ullarum Inventorem eſſe jacto, ſed tantum, me nunquam illas pro meis adoptaſſe, vel quod ab aliis prius receptæ fuiſſent, vel quod non fuiſſent, verum unicam hanc ob cauſam, quod mihi eas ratio perſuaſiſſet.

Quodſi artifices non ita cito poſſint executioni mandare inventionem in Dioptrica explicatam, non credo, ipſam idcirco culpari merito poſſe. Magna enim dexteritate & exercitatione opus eſt ad machinas quas deſcripſi faciendas, & ita ut nulla circumſtantia deſit adaptandas; nec minus mirarer ſi primo experimento id ipſis ſuccederet, quam ſi quis unâ die eximie teſtudine canere addiſcere poſſet, eo ſolo quod optimus canendi modus ipſi deſcriptus fuiſſet.

Cæterum nolo hîc ſpeciatiim quidquam dicere de progreſſibus, quos deinceps me in ſcientiis ſpero facturum, aut erga publicum ullo me devincire promiſſo, quod incertus ſum implere necne valeam. Sed tantummodo dicam, decreviſſe me quod ſuper eſt vitæ tempus nulla alia in re collocare, quam in ejuſmodi naturæ notitia mihi comparanda, è qua in Medicinæ uſum certiores regulæ, quam hætenus exſtiterint, depromi poſſint: Geniumque meum adeo ab omni alio

alio propositi genere abhorre, præsertim quod aliquibus prodesse non possit, nisi aliis noceat; ut si occasione aliqua ad id sectandum adigerer, non credam me posse eximium quid in eo præstare. Quod hic aperte profiteor, etiamsi non ignorem, professionem hanc inutilem esse ad mihi auctoritatem aut existimationem aliquam comparandam; quam etiam adeo non affecto, ut me semper magis illis devinctum arbitraturus sum, quorum favore otio meo absque impedimento frui licebit, quam iis qui mihi dignitates amplissimas offerrent.



## D I O P T R I C E.

## CAPVT PRIMVM.

## De Lumine.



Otius vitæ nostræ regimen à sensibus pendet ;  
 quorum cum visus sit nobilissimus & latissime pa-  
 tens, non dubium est quin utilissima sint inventa,  
 quæ vim illius augere queunt. Et quidem diffi-  
 cile est ullum excogitare quod magis iuvet , quam  
 miranda illa specilla , quæ brevi tempore quo  
 cognita sunt , jam in cœlo nova sidera , & in ter-  
 ra nova alia corpora, numerosiora iis quæ antea visa fuerant , dete-  
 xere. Adeo ut promota luminis nostri acie ultra terminos, quibus  
 imaginatio majorum sistebatur, viam simul nobis videantur aperuif-  
 se ad maiorem & magis absolutam naturæ cognitionem. Sed hoc  
 inventum adeo utile & mirandum , non sine aliquo scientiarum no-  
 strarum opprobrio, vagis experimentis, & casui fortuito debemus.  
 Ante annos circiter triginta , quidam Iacobus Metius vixit; Alcima-  
 riæ (quæ civitas est Hollandiæ) natus ; homo humaniorum artium  
 prorsus expers: licet patrem & fratrem Matheseos cultores habuerit.  
 Hujus summa voluptas erat specula & vitra uistoria formare; nonnul-  
 la etiam hymne componens ex glacie; quæ materies, experientia te-  
 ste, non omnino ad id inepta est. Quam igitur hac occasione multa,  
 eaque varîæ formæ vitra ad manum haberet, prospero quodam fato  
 duo simul oculo objecit ; quorum alterum, medium paulo crassius  
 habebat quam extremitates, alterum vice versâ extremitates quam  
 medium multo tumidiores ; & adeo feliciter illa duabus tubi extre-  
 mitatibus applicuit, ut primum de quo loquimur telescopium inde  
 exstiterit. Atque ad hujus unius normam , omnia deinceps , quæ in  
 hunc usque diem habuimus, elaborata sunt; neque adhuc, quod sciam,  
 ullus extitit, qui demonstraverit sufficienter, quam figuram hæc vi-  
 tra exigant. Licet enim exinde multa egregia ingenia fuerint, quæ  
 hanc materiam non parum excoluere, atque ea occasione varia in  
 Opticis invenere præstantiora iis, quæ à maioribus habemus; ta-  
 men quoniam operosiora inventa, raro simul ac nata sunt, summum

I.  
*Visus præ-  
 stantia; &  
 quantum  
 nuper in-  
 ventis per-  
 specillis ad-  
 juvetur.*

perfectionis gradum adipiscuntur, satis multæ difficultates hic relictæ sunt, ut scribendi materiam mihi suppedient. Et quoniam constructio eorum de quibus loquar à dexteritate & industria artificum pendet, qui literis ut plurimum non vacarunt; conabor efficerè ut quivis facile capiat quæ dicam: nihilque reticebo, nec supponam quod petendum sit ex alia disciplina. Quapropter exordiar à lucis, ejusque radiorum explicatione; postea partibus oculi breviter descriptis, qua ratione visio fiat accurate exponam: tandemque notatis iis omnibus quæ ad illam perficiendam licet optare; quibus artificiiis ea ipsa possint præstari docebo.

## II.

*Sufficere naturam luminis concipere, ad omnes ejus proprietates intelligendum.*

Hic autem de luce, vel lumine loquendi, cum aliam causam non habeam, quam ut explicem quo pacto ejus radii oculos intrent, & occursum variorum corporum flecti possint; non necesse erit inquirere quænam genuina sit ejus natura, sed duas aut tres comparationes hic afferam, quas sufficere arbitror, ut juvent ad illam concipiendam, eo modo qui omnium commodissimus est, ad ejus proprietates, quas jam experientia docuit, explicandas; & ex consequenti etiam ad alias omnes quæ non ita facile usu norantur detegendas. Non aliter quam in Astronomiæ, ex hypothesebus etiam falsis & incertis, modò iis omnibus quæ in cælo observantur accuratè congruant, multæ conclusiones, circa ea quæ non observata sunt, verissimæ & certissimæ deduci solent.

Neino nostrum est, cui non evenierit aliquando ambulanti noctu sine funali, per loca aspera & impedita, ut baculo usus sit ad regenda vestigia: & tunc notare potuimus, per baculum intermedium nos diversa corpora sentire, quæ circumcirca occurrebant: Idem nos dignoscere, num adesset arbor, vel lapis, vel arena, vel aqua, vel herba, vel lutum, vel simile quiddam. Fatendum quidem, hoc sentiendi genus obscurum & satis confusum esse in iis, qui non longo usu edocti sunt; sed consideremus illud in iis qui cum cæci nati sint, toto vitæ tempore debuerunt eouti; & adeò perfectum consummatumque inveniemus, ut dicere possimus, illos quodammodo manibus cernere aut scipionem tanquam sexti cuiuspiam sensus organum iis datum ad defectum visus supplendum.

## III.

*Quomodo radii ejus in instanti a se nos à Sole perveniunt.*

Nunc itaque ad comparationem instituendam; cogitemus, lumen in corpore luminoso nihil esse præter motum quemdam, aut actionem promptam & vividam, quæ per aërem, & alia corpora pellucida interjecta, versus oculos pergit; eodem plane modo quo motus

tus

tus aut resistentia corporum quæ hic cæcus offendit per interpositum scipionem ad manum ejus tendit. Statimque ex hoc mirari desinemus, lumen illud à summo Sole, nullâ morâ interpositâ, radios suos in nos effundere; novimus enim, illam actionem, quâ alterum baculi extremum movetur, similiter nullâ interpositâ morâ ad alterum transire, & eodem modo ituram, licet majori intervallo distarent istius baculi extrema, quàm à cœli vertice terra abest.

Neque magis videbitur mirum, illius ope tantam colorum varietatem apparere; Et præterea forsitan credemus, nihil esse hos colores in corpore colorato, nisi diversos modos, quibus hoc illos recipit, & remittit ad oculos: si consideremus differentiam illam, quam cæcus in arbore, aqua, lapide, & similibus deprehendit, interjecto scipione; non minorem illi videri, quam nobis hæc, quæ in rubro, flavo, viridi & cunctis aliis coloribus: & interim tamen illas differentias in nullo corpore quidquam esse, præter varias rationes movendi aut resistendi motibus illius baculi.

Vnde etiam nascetur occasio judicandi, non necessarium esse supponere, materiale quidpiam ex objectis ad oculos nostros manare, ut lumen & colores videamus; neque quidquam in istis objectis esse, quod simile sit ideis quas de iis mente formamus: Quemadmodum nihil ex corporibus quæ cæco occurrunt, per baculum ad manum illius fluit; constatque, motum aut resistentiam horum corporum, quæ sola percepti sensus causa est, nihil simile habere ideis, quas inde animo apprehendit. Et hac ratione mentem habebimus liberam ab omnibus illis exiguis simulacris per aërem volitantibus, quæ *Species intentionales* Philosophi, mirum in modum iis divexati, nominarunt. Facili etiam negotio controversiam decidere poterimus, quæ agitur super loco unde actio prodit, sensum Visionis efficiens. Ut enim cæcus noster corpora, quæ circumcirca offendit, non tantummodo per actionem illorum (quum scilicet ipsa moventur) sentit; sed etiam per solum motum dexteræ suæ, quum illa tantummodo resistunt: ita concedendum est, visus objecta posse percipi, non tantummodo actionis vi, quæ ex iis emanans ad oculos nostros diffunditur, sed etiam vi illius, quæ oculis innata ad illa pergit.

Verumtamen quoniam hæc actio nil nisi lumen est, notandum, neminem præter eos, qui per tenebras instar felium cernunt, saltem si qui sint, illam in oculis suis habere; & maximam hominum partem

IV.

*Quomodo  
ejus ope co-  
lores vide-  
antur: &  
quam sit  
natura colo-  
rum in gene-  
re.*

V.

*Non opus  
esse specie-  
bus inten-  
tionalibus  
ad eos vi-  
dendum:  
neque ut in  
objectis ali-  
quid sit no-  
stris sensibus  
simile.*

VI.

*Nos inter-  
diu videre  
ope radio-  
rum qui ab*

objectis in  
oculos no-  
stros ve-  
niunt. Con-  
trà seles no-  
stru videre  
ope radio-  
rum qui ab  
ipsorum oculi  
in objecta  
concurrunt.

## VII.

Quenam sit  
materia quæ  
radios trans-  
mittit: &  
quomodo di-  
versorum  
objectorum  
radii simul  
in oculum  
ingredi pos-  
sint: aut ad  
diversos o-  
culos ten-  
dentes per  
eundem aë-  
ris locum si-  
ne permix-  
tione transi-  
re, aut ita ut  
alii non sint  
aliis impedi-  
mento: nec  
ab aëris flui-  
ditate impedi-  
antur; nec à  
ventorum  
agitazione;  
nec à vitri  
aut aliorum  
ejusmodi  
pellucidori-  
um corpo-  
rum duritie:  
& qui fieri  
possit ut ni-  
hilominus  
sint recti.

tem tantummodo per eam actionem videre quæ ab objectis venit. Vfus namque docet, hæc objecta aut luminosa, aut illuminata esse debere, ut videantur, non oculos nostros, ut videant. Sed quoniam inter baculum hujus cæci, & aërem, aut alia corpora pellucida, quibus interjectis eernimus, non leve discrimen est, alia insuper comparatio est hic in medium proferenda.

Contemplemur vindemiæ tempore uvis calcatis refertum lacum; cujus fundus foramine uno aut altero pertusus sit, ut A B. ex quibus profluat mustum quod continet. ubi quidem particula vini, quæ hærent exempli gratia circa C, eodem momento simul ac foramen A patuerit, rectà descensum ad illud affe-  
ctant, & simul ad foramen B. Eo-  
demque tempore quæ circa D & E,



per hæc ipsa foramina descendere properant; ita tamen ut nulla harum actionum alteram impediatur, & ne ipsi quidem ramusculi immixtorum scaporum resistent; licet hi se invicem suffulti non descendant per eadem foramina A & B; & insuper interea variis modis moveantur ab iis qui uvas calcant. Deinde cogitemus, quum consensu Philosophorum fere unanimi vacuum in rerum natura non datur, & tamen omnia corpora vel experientiâ teste plurimis poris pervia hient, necessariò hos meatus materia quadam repletos esse, perquam subtili & fluida; quæ serie non interruptâ ab astris ad nos extensa sit. Quæ materia si vino hujus lacus comparatur; & partes minus fluidæ seu crassiores aëris, aut aliorum corporum pellucidorum, scapis qui immixti sunt; facillimè intelligemus, omnes particulas materiæ subtilis, quæ Sol nobis adversus tangit, rectâ linèâ ad oculos nostros tendere, eodem quo patefcent momento, non impedientibus aliis alias, neque obstantibus crassioribus particulis pellucidiorum corporum interjectis, sive diversa ratione moveantur, ut aer qui ferè continuò ventis agitur, sive sine motu sint, quemadmodum vitrum aut crystallus. Tum etiam notandum esse discrimen inter motum, & propensionem ad motum. Nam facillè concipimus animo, particulas vini, quæ hærent exempli gratia circa C, simul ad B & A tendere, quum interim revera ad utrumque eodem tempore moveri nequeant; & illas exactè in linea rectâ  
B & A




B & A versus pergere, licet non semper adeo accuratè rectà eò versus moveantur obstantibus scapis interjectis.

Postquam itaque intelleximus; non esse tam motum, quàm actionem, sive propensionem ad motum, in corpore luminoso, id quod lucem illius nominamus; facile colligere possumus, radios hujus lucis nihil esse præter lineas secundum quas hæc actio tendit. Ita ut infiniti sint hujusmodi radii, qui ex singulis punctis corporis luminosi, ad singula illius, quod illuminant, diffunduntur; eodem prorsus modo quo concipere possumus innumeras rectas lineas, juxta quas actiones ex singulis punctis superficiei vini CDE tendunt versus A, & alias præterea innumeras, juxta quas actiones ex iisdem punctis manantes quoque feruntur ad B, non impediēte alteram alterâ.

VIII.  
*Quid proprie sint isti radii: & quomodo infiniti à singulis illuminati corporis punctis exeant.*

Porro hi radii semper quidem exquisitè recti concipi debent quotiescunque non nisi unum corpus pellucidum permeant, quod ubi-vis uniforme sit. At verò quoties alia quædam corpora ostendunt, facile detorquentur, aut debilitantur, non secus ac motus pilæ aut lapidis in aërem missi, per ea quæ occurrunt. Quippe haud difficulter credi potest, actionem aut propensionem ad motum (quam jam dixi pro lumine habendam) iisdem legibus cum ipso motu obnoxiam esse. Atque ut satis accuratè hanc tertiam comparationem exequamur; consideremus, illa corpora quæ pila de manu jacta offendere potest, aut mollia, aut dura, aut liquida esse. Si mollia; qualia sunt lintea, arena, lutum; omnino supprimunt & sistunt illius motum. Si dura; sine mora aliorum reverberant: idque non una ratione. Nam superficies illorum vel lævis & æqua est; vel scabra & aspera. Rursum quæ lævis; vel plana, vel curvata. Quæ aspera, scabredinem ducit, vel à diversimodè curvatis partibus quibus constat; quarum singulæ tamen ipsæ satis læves sunt: vel præterea à variis angulis seu punctis, vel ab hujusmodi partibus, quæ mollitie & duritie discrepant, vel ab earundem motu, qui mille modis variari potest. Et notandum, pilam extra motum suum, simplicem illum ac regularem quo de loco ad locum fertur, insuper secundi cujusdam capacem esse, quo scilicet circa centrum rotatur; itidem celeritatem motus hujus posterioris, diversas posse habere proportionēs ad velocitatem illius prioris. Itaque quum aliquot pilæ ab eadem parte profectæ, superficiem corporis alicujus lævem offendunt, æqualiter & eodem ordine resiliunt; adeo ut si superficies

exactè plana sit, eandem inter se distantiam servant, quâ ante occursum sejungebantur. Ast si promineat superficies illa, vel retrocedat, pilæ quoque pro ratione illius curvaturæ, vel recedunt ab invicem, vel appropinquant. Vt hic videmus pilas A, B, C, quæ




illisæ superficiæ corporum D, E, F, resiliunt ad G, H, I. At si incurrant in superficiem asperam, quales sunt L, M, huc illuc repercussæ feruntur, singulæ pro situ loci illius, quem, in superficie tetigere. Atque extra hoc nihil in motus sui ratione mutant, quoties asperitas illius non nisi ex diversimodè inflexis partibus surgit. Sed illa etiam ex multis aliis causis oriri potest; & hac ratione efficere, ut pilæ quæ modo simplici & recto motu ferebantur, parte motus istius recti amissa, circularem illius loco recipiant; cujus variorum possunt esse proportionales ad residuum recti ejusdem motus, pro vario situ superficiæ cui obviant. Atque hoc, qui pilæ lusu delectantur, abunde observant, cum nimirum illa impulsæ pavementum inæquale contingit, aut obliquo reticulo vibratur. Demum etiam consideremus; Pilam impulsam, quoties obliquo itinere in superficiem corporis liquidi incurrat, quod magis aut minus facile penetrat, quam illud unde processit, eam subeundo à recta via divertere, cursumque suum mutare. Vt si, exempli gratia, existentes in aëre juxta punctum A, illam B versus vibremus; recto quidem impetu ab A desertur ad B; nisi vel pondere, vel alia quadam causa detorqueatur; huc verò (ubi aquæ CEB superficiem pono) postquam devenit, facta declinatione, iterum per lineam rectam





illam ita disponit ut feratur ad B, & qui potuisset eodem modo disponere, licet per aliam viam fuisset expulsa. Unde jam liquet, fieri posse, ut hæc pila per terræ occursum detorqueatur, mutata scilicet dispositione qua inclinabat ad B: permanente interea vi sui motus, quum nihil commune habeant.

Hinc etiam planum, minime credendum esse, necessario pilam aliquo momento hærere in puncto B, priusquam digrediatur ad F, juxta quorundam Philosophorum opinionem. Nam interrupto hoc motu exigua tantummodo mora, nulla exstaret causa qua incitante vires resumere posset. Observandum præterea, quemadmodum motus, & in universum omnia genera quantitatum, ita etiam hanc pilæ determinationem, posse dividi in omnes partes, quibus illam constare imaginamur. Et manifestum est attendenti, hanc qua pila descendit ab A ad B, mixtam ex duabus aliis concipi posse; quarum al-



II.  
Non esse ne-  
cesse ut cor-  
pora mota,  
aliquo mo-  
mento ha-  
reant in illis  
à quibus re-  
flectuntur.

Ut accurate igitur inquiramus, ad quam partem pila illa debeat resiliere, describamus circulum ex centro *B*, qui transeat per punctum *A*, & dicamus, spatio temporis eodem, quo progressa est ab *A* ad *B*, necessario illam à *B* ad aliquod punctum hujus circuli circumferentia reverti debere. Nam omnia puncta quæ eodem intervallo distant à *B* quo distat *A*, in hac circumferentia occurrunt; & pilæ motum jam supra æque velocem finximus. Tan-

III.  
Cur angu-  
lus reflexio-  
nis sit aqua-  
lus angulo  
incidentiæ.


b dcm

dem ad designandum ipsum punctum, quod ex omnibus hujus circumferentiæ tangere debet, erigamus ad normam tres rectas, AC, HB, & FE, supra CE, hac ratione ut nec majus nec minus spatium interjaceat AC & HB, quam HB & FE: deinde dicamus, idem tempus quod pilam dextrorsum porrexit ab A, uno punctorum lineæ AC, usque ad B unum ex punctis lineæ HB, illam resiliens ab HB sistere debere in aliquo puncto lineæ FE. Non singula puncta hujus lineæ FE eadem distantia hoc respectu ab HB remota sunt, & eadem quâ singula lineæ AC, & ex priori dispositione tantumdem eo inclinat quantum antea. Iam eodem momento aliquod punctum lineæ FE, & simul aliquod circumferentiæ AFD, contingere nequit, nisi in puncto D vel F; Nam extra hæc duo nullibi mutuo secantur; terra autem obstante ad D progredi non potest; sequitur itaque illam necessario tendere debere ad F. Et sic manifestum est, qua ratione reflexio fiat, scilicet semper ad angulum æqualem illi, quem vulgo incidentiæ nominant; Ut si radius ex puncto A emanet in B, superficiem speculi plani CBE, resilit ad F, ita ut reflexionis angulus FBE, neque cedat, neque exsuperet magnitudine alterum illum incidentiæ ABC.

IV.  
*Quantum  
 motus pile  
 inflectatur  
 cum linteum  
 trajicit.*

Hinc progrediamur ad refractionem; & primo fingamus, pilam ab A ad B expulsum offendere, non terram, sed linteum CBE, tam tenue ut illud facillime forare, & impetu suo perrumpere possit, amissa tantum velocitatis suæ parte, ex.gr. dimidia. Quo posito ut cognoscamus, quam viam insistere debeat, consideremus denuo, motum illius non eundem esse cum dispositione qua potius huc quam illuc fertur; Unde sequitur, singulorum quantitates separatim examinandas. Consideremus itidem, ex duabus partibus, quibus hanc dispositionem constare scimus, alteram tantum per linteum occursum mutari posse; hanc scilicet quæ dextrorsum pilam agebat. Illa vero qua dextrorsum ferebatur, constans & inviolata manebit; nam linteum expansum hoc respectu nullo modo illi oppositum est. Deinde ducto circulo AFD ex centro B, & impositis CBE ad perpendicularum, tribus lineis rectis, AC, HB, FE, hac ratione, ut spatium interjacens FE, & HB, duplum illius sit quod est inter HB & AC; videbimus hanc pilam ituram ad punctum I. Quam enim perrumpendo linteum CBE, dimidiam suæ velocitatis partem amittat, duplum temporis ei impendendum est, ut

ut infra ex **B** ad aliquod punctum circumferentiae **A F D** pertingat, ejus quod infumit superne, ut accedat ab **A** ad **B**. Et quum nihil ex dispositione, qua dextrorsum ferebatur, intereat, in duplo istius temporis quo à linea **A C** devenit ad **H B**, du-



plum ejusdem itineris in eandem partem conficere debet, & consequenter accedere ad aliquod punctum rectæ FE, eodem momento quo accedit ad aliquod circumferentiæ circuli AFD. Quod factum impossibile foret, nisi progredieretur ad I. Nam in unico illo puncto rectæ FE, & circulus AFD, sub lineo fese invicem secant.


Fingamus jam, pilam, D versus ab A expulsam, offendere in puncto B non illud linteum, sed aquam; cujus superficies CBE, exquisitè dimidiam velocitatis partem retundat, ut linteum paulo antea. Reliquis omnibus quemadmodum supra positis, videmus, pilam à B rectà tendere debere non ad D, sed ad I. Primo etenim certum est, superficiem aquæ eo versus illam detorquere eodem modo quo linteum, quum eodem modo illi opposita sit, & tantumdem illius roboris infringat. Corpus autem aquæ quod attinet, quo totum spatium à B ad I repletum est, licet magis aut minus resistat, quam aër supra ibidem locatus, non tamen sequitur, illud pilam magis aut minus detorquere; nam eadem facilitate ubivis dehiscens, non majori opera hac quam illac transitum permittit; saltem si (quod ubivis fecimus) fingamus, nec levitatem, nec pondus, nec figuram nec magnitudinem pilæ, nec aliam similem externam causam, cursum quem tenet immutare.

Et quidem hic notari potest, tanto magis illam detorqueri per superficiem aquæ aut lintei, quo magis oblique in illam impingit, adeo ut si ad angulos rectos dirigatur, velut impulsâ ab H

V.  
Et quan-  
tum cum  
in aquam  
ingreditur:

VI.  
Cur refra-  
ctio tanto sit  
major quan-  
do incidentia

*est obliquior: & nulla cum incindentia est perpendicularis. Et cur aliquando bombardarum pila versus aquam displosa in eam non possint ingredi, sed versus aërem reflectantur.*




ad B, ulterius in linea recta sine ulla declinatione progrediatur ad G. Sed si agatur secundum lineam qualis est AB, quæ vel super-

ficie aquæ vel lintei CBE tam oblique incumbant, ut linea FE ducta quemadmodum supra, circulum AD secare non possit, illam minime penetrabit, sed à superficie B resiliat in aërem L, eodem plane modo, ac si in terram incurrisset.

Quod nonnulli cum dolore experti sunt, quoniam animi gratia explosis in alveum rivi ex murali machina globis, obambulantes in adversa fluminis ripa vulnerarunt.

Sed aliam præterea suppositionem hic assumamus; fingamus, pilam, actam ab A ad B, denuo inde impelli reticulo CBE, quod vim ejus motus augeat, ex. gr. una tertia parte, ut ita ex in duobus momentis tantum eodem spatii conficere queat, quantum antea confecit tribus. Hoc idem erit ac si offenderet in B puncto ejusceinodi corpus, cujus superficiem unâ tertiâ facilius quam aërem permearet.



ret. Et ex iis quæ demonstravimus sequitur manifeste, si describatur ut supra circulus AD, & rectæ, AC, AB, FE, hac ratione, ut distantia inter FE & HB una tertia minor sit quam illa, quæ inter HB & AC, punctum I, in quo recta FE, & circularis AD, sese mutuo secant, designaturum illum locum quem pila petet, digressa à puncto B.

Quæ conclusio etiam inverti potest, dicique, pilam venientem secundum lineam rectam ab A ad B, in hoc autem puncto


et



cto à recto itinere divertentem, tendentemque inde ad I, indicio esse, vim qua intrat corpus CBI, talem esse ad illam qua erumpit ex corpore ACBE, qualis distantia quæ inter A C & HB, ad illam quæ inter HB & FI, hoc est, qualis linea CB ad BE.

Tandem vero quoniam lucis actio sequitur hac in re easdem VII. leges, quas pilæ motus, dicendum, quoties radii illius obliquo motu ex pellucido corpore in aliud transferuntur, quod magis aut minus facile illos admittit, quam primum ibi ita detorqueri, ut semper minus inclinent in superficie quæ his corporibus est communis, ea parte in qua est illud corpus, quod eas facilius recipit, quam ea, in qua alterum positum est, idque exacte ea proportionem, qua facilius prius, quam posterius, illos recipit. Notandum autem, hanc inclinationem metiendam esse per quantitatem rectarum CB vel AH, & EB vel IG, aut similium inter se collatarum; Non vero per quantitatem angulorum, quales sunt ABH, aut GBI; & multo minus per illam similium DBI, qui refractionis anguli dicuntur. Nam proportio horum angulorum, ad singulos inclinationum gradus mutatur; Illa vero linearum AH & IG, vel similium, eadem manet, in omni refractione, quæ ab eodem corpore venit. Vt ex. gr. Si radius ærem permeans ab A ad B, tacta in puncto B superficie vitri CBR, digrediat ad I in hoc vitro: veniat deinde alius

Quantum radii refrangantur à pellucidis corporibus in qua penetrant.




a K ad B, qui decedat ad L: tertius præterea à P ad R, qui abeat ad S: eadem ratio linearum KM & LN, aut QP & ST, esse debet ad invicem, quæ est linearum AH & IG, non autem eadem angulorum KBM & LBN, aut PRQ & SRT, quæ ABH ad IBG.

VIII.  
Quomodo  
refractio  
nuda  
gnitudinem  
metiri oportet.

Ita jam cognovimus, qua ratione refractiones dimeriendæ sint; Sed insuper, ut omnino determinentur illarum quantitates, necessarium est ad experimenta descendere, quum proveniant ex particulari corporum constitutione in quibus fiunt. His autem ita ad eandem mensuram reductis, facillime & certissime talia experimenta sumi possunt; nam sufficit in unum radium inquirere, qui probe cognitus, reliquos omnes ejusdem superficiei prodeat; nullumque errandi periculum adest, si præterea in aliis quibuscumque examinetur. Ut si velimus nosse quantitatem refractionum quæ fiunt in superficie CBR, separante aërem AKP à vitro LIS, sufficit examinare illam radii ABI, quærendo scilicet rationem lineæ AH ad IG. Sed si deinde errorem vereamur, idem in aliquibus aliis fieri debet, ut in KBL, aut PRS, & deprehensâ eâdem proportionem inter KM & LN, item inter PQ & ST, quam inter AH & IG, nulla de veritate rei dubitandi occasio relicta erit.

IX.  
Radios facilius trajiciunt vitrum quam aquam, & aquam quam aërem. & cur id fiat.

Sed mirum forsan videbitur hæc experimenta facientibus, in superficie, ubi refractione evenit, magis inclinari luminis radios, aërem permeantes, quam aquam, & adhuc magis aquam quam vitrum; contra omnino quam pila, quæ magis à parte aquæ quam à parte aëris in superficiem interjectam inclinatur, & nullo modo in vitrum penetrat. Occurrat exempli gratia pila expulsa in aërem ab A ad B in puncto B superficiei aquæ CBE; decedet inde ad V, aut si




radius loco pilæ contingit B, digreditur ad I. Quod tamen non miramur, si in mentem venerint quæ supra de natura luminis diximus: id scilicet motum quemdam esse, sive actionem receptam in materia subtilissima, quæ aliorum corporum poros

replet; ac præterea si consideremus, pilæ plus suæ agitationis decedere, si incurrat in corpus molle quam si in durum; illamque facilius per mensam nudam, quam per eandem tapeto instratam devolvi. Nam eadem ratione hujus materiæ subtilis actio magis impeditur

ditur ab aëris partibus, quæ molles & male nexæ, non satis firmiter resistunt, quam ab illis aquæ, paulo validius obnitentibus; & magis adhuc ab his quam à partibus vitri aut crystalli. Sic quanto firmiores & solidiores exiguæ partes corporis alicujus pellucidi sunt, tanto facilius lumini transitum permittunt. Neque enim ut pila subiens aquam, ita & lumen, ut sibi transitus pateat, quasdam ex ejus partibus loco moveret.

Iam verò cum sciamus causam refractionum quæ sunt in aqua, vitro & pellucidis cunctis aliis corporibus, circa nos undiquaque occurrentibus; observare debemus, refractiones semper ibi similes esse, intrante radio & exeunte. Vt si radius progressus ab A ad B, transeundo per aërem in vitrum à B declinet ad I, ille qui refi-

X.   
Cur radii  
rum aquam  
subeuntium  
refractio a-  
qualis sit  
radiorum  
inde exeun-  
tium refra-  
ctioni. Et ex  
id non sit  
universale  
in omnibus  
pellucidis  
corporibus.



liet ab I ad B, itidem declinabit à B ad A. Interca tamen alia corpora exstare queunt, præsertim in cælo, ubi refractiones ex aliis causis ortæ non ita reciprocantur.

Atque etiam potest contingere ut radii incurvantur, licet unum tantummodo corpus pellucidum perineant, quemadmodum interdum pilæ motus incurvescit, quoniam illa suo pondere horsum fertur & aliorum, per vim qua vibratur, aut ob multas alias causas. Nam confidenter tres illas comparationes quibus usi sumus, tum idoneas profiteri ausim, ut singula quæ in iis notantur, commodè ad similia quædam, ad lumen pertinentia, referri possint: nobis autem illa tantum explicare animus fuit, quæ præsentī argumento maxime inserviunt.


Neque vos diutius hinc morabor, ubi monuero, curvas superficies corporum pellucidorum, radios, per singula puncta transeuntes, eodem

XI.   
Radii ali-  
quando in-  
curvari  
posse, nec  
tamen ex  
eodem pellu-  
cido corpore  
exire.

XII.   
Quomodo  
fiat refra-  
ctio in singulis

curvarum  
superficie-  
rum punctis.

eodem modo detorquere, quo planæ, in iisdem punctis illas contin-  
gentes, detorquerent. Sic ex. gr. refractio radorum, AB, AC,  
AD, qui venientes à lumine A incidunt in superficiem gibbam  
globi crystallini BCD, eodem modo considerari debent, ac si



AB incideret in superficiem planam EBF, & AC in GHC;  
& AD in IDK, & ita alii. Vnde patet, hos radios diversimo-  
dè vel colligi vel dispergi posse, prout à superficiebus diversimo-  
dè curvatis excipiuntur. Sed jam tempus est delineationem structu-  
ræ oculi ordiri, ut intelligamus, quomodo radii illam ingressi dis-  
ponantur ad sensum visionis efficiendum.

### CAPVT TERTIVM.

#### De Oculo.


I.  
Membra-  
nam, vulgo  
resinam di-  
ctam, nihil  
aliud esse  
quam ner-  
vum opti-  
cum.



I qua arte posset oculus ita secari, plano per mediam  
pupillam transeunte, ut nullus ex eo liquor efflue-  
ret, nec ulla pars loco moveretur, talis ejus sectio  
appareret, qualem hæc figura repræsentat. ABCB  
est membrana satis crassa & dura, componens  
quoddam velutivas, receptaculum omnium partium interiorum.  
DEF est membranula tenuior, intra priorem aulæi instar expan-  
sa. ZH nervus vulgò opticus dictus, ingenti numero parvo-  
rum capillamentorum compositus, quorum extrema per totum spa-  
tium GHI diffunduntur, ubi innumeris exiguis venis atque ar-  
tertiis mixta, speciem quandam carnis tenerriimæ componunt,  
quæ tertiæ membranulæ instar totum interius secundæ fundum te-  
git.

git. K, L, M, tres sunt liquores valde pellucidi, totas has tuniculas distendentes, figurâ quâ singulos hîc delineatos videmus.

Et experientia me docuit, medium L, qui crystallinus humor dicitur, præterpropter eandem refractionem producere quam vitrum aut crystallus, & duos reliquos paulo minorem, fere qualem aqua communis. unde fit ut facilius medius quàm reliqui duo, & adhuc facilius hi quàm aer, luminis radios admittant. In priori membranâ pars BCB pellucida est, & magis gibba quàm residuum. In alterâ superficies interior partis EF, fundum oculi respiciens, tota obscura & nigra est, habetque in medio anterioris partis rotundum foramen exiguum, foris respicientibus nigerimum apparens, quod pupillam appellamus.



II.  
*Quales sint  
refractiones  
ab oculi hu-  
moribus pro-  
ductæ.*


Non autem semper eadem magnitudine patet hic hiatus; Sed EF pars secundæ membranulæ in qua est, liberrime innatans liquidißimo humori K, speciem exigui musculi habet, qui diducitur, aut contrahitur, prout objecta, quæ contuemur, vel propius vel longius absunt, vel magis aut minus illuminantur, vel prout magis aut minus curiose illa contemplari animus est. Et fidem huic rei pueri oculus cuivis dubitanti astruere poterit. Nam si jussis ut vicinum aliquod objectum attentè respiciat, videbis aliquantò arctius pupillam ejus contrahi, quàm si aliud multò remotius & non majori luce illustratum ipsi respiciendum proponas. Et deinde si feceris ut idem objectum in quod respicit, nunc minori, nunc majori luce refulgeat, clausis scilicet vel apertis fenestris cubiculi in quo erit, animadverteres, pupillam fieri cò angustioiorem, quò majori luce perstringetur. Ac denique si ad eandem lucem, idem corpus ex eodem loco iste puer inspicat, minori ambitu patebit ejus pupilla, dum conabitur accuratè minutissimas illius partes agnoscere, quàm dum quasi aliud agens vagis oculis integrum apprehendet.

III.  
*In quem u-  
sum pupilla  
coarctetur  
& dilate-  
tur.*

IV.  
Motum i-  
stum pupil-  
le volunta-  
rium esse.

Et observandum, hunc motum voluntarium esse dicendum, licet ut plurimum à nobis ignorantibus peragatur; neque enim ob hoc minus dependet, aut minus sequitur ex voluntate quam habemus bene videndi. Quemadmodum laborum & linguæ motus, pronuntiationi inserviens, voluntarius dicitur, quoniam loquendi voluntatem sequitur; licet sæpissime ignoremus, qualem singulæ literæ requirant.

V.  
Humorem  
cristalli-  
num esse  
musculi in-  
star, qui co-  
tus oculi  
figuram  
mutare po-  
test: & fila-  
menta, pro-  
cessus cilia-  
res dicta,  
illius esse  
tendines.



EN, EN, sunt plurima fila-  
menta nigra, undiquaque amplexa  
humorem L, & orta ex membra-  
na secunda, inde ubi tertia termina-  
tur, quæ speciem perexiguorum  
tendinum præ se ferunt, & eorum  
ope hic humor, pro intentione, quâ  
visus noster in res propinquas aut  
longè distitas fertur; mox in mayo-  
rem gibbum curvatus, mox magis  
in planum porrectus, totam oculi  
figuram nonnihil immutat. Quod  
etiam experientia constat. Nam si  
intentiùs contemplanti turrim aut  
montem procul remotum, scriptum  
aliquid ante oculos prope appona-

tur, nullam literam nisi confuse dignoscere poterit, antequam eo-  
rum figura paululum fuerit immutata. Denique OO, sunt sex aut  
septem muscoli extrinsecus oculo affixi, quorum ope quaquaver-  
sum moveri potest, & fortè etiam pressus aut revulsus quoad figu-  
ram immutari solent. Plura circa hanc materiam notari solent, &  
Anatomicorum libros augere, quæ de industria hic omitto; quo-  
niam jam dicta sufficere arbitror, ad explicandum quidquid facit ad  
nostrum argumentum; & quia reliqua quæ ad hoc non juvant,  
ab iis quæ juvare possunt animadvertendis cogitationes nostras  
avocarent.

CAPVT QVARTVM.

*De sensibus in genere.*



Alterum hic quædam de sensibus in genere subjun-  
genda sunt, ut feliciùs deinceps visionis explicatio  
procedat. Omnibus jam constat, animam esse quæ  
sentit, non corpus. Videmus enim, quoties illa vel  
ecstasi, vel altâ contemplatione distracta, velut ex-

tra corpus ponitur, hoc totum torpidum sine sensu stupere, quæcun-  
que etiam objecta admoveantur. Nec magis obscurum est, illam  
non propriè sentire quatenus est in organis sensuum exteriorum, sed  
quatenus in cerebro, ubi illam facultatem exercet, quam nuncupant  
sensum communem. Sic vulnera & morbi quæ cerebrum lædunt,  
in universum omnes sensus tollunt, quum corpus interea nihilomi-  
nus animatum sit.

Scimus etiam, illam impressionem quâ objecta partes corporis  
externas afficiunt, non nisi per interpositos nervos usque ad animam  
pervenire. Nam varia sunt affectuum genera, quæ licet unico tan-  
tummodo nervo noxia sint, omnem sensum illarum partium corpo-  
ris tollunt, per quas male affecti nervi rami sparguntur; integro in-  
terea sensu reliquarum.

Vt autem uberiùs cognoscamus qua ratione anima, in cerebro  
residens, per nervos interjectos impressionem corporum externo-  
rum recipiat, tria in iis distinguenda occurrunt. Primo membranu-  
læ quibus involvuntur, ex cerebrum circumdantibus tunicis ortæ,  
quæ multis ramis in modum tubulorum diffusæ aliæ aliò per totum  
corpus sparguntur, eodem modo quo arteriæ & venæ. Deinde sub-  
stantia illorum interior, quæ in tenuissima quædam veluti capilla-  
menta divisa, per tubulorum istorum longitudines, à cerebro unde  
descendit, usque ad membrorum extrema, quibus abhæret, porri-  
gitur; adeò ut in singulis tubis multa hujusmodi capillamenta, non  
dependentia ab invicem, imaginari debeamus. Postremo spiritus  
animales, qui instar venti, aut aeris subtilissimi, ex ventriculis seu  
cavis cerebri progressi, per eosdem tubos ad musculos evehuntur.

Fatentur quidem Medici & Anatomici, hæc tria in nervis repe-  
riri: usum autem eorundem à nemine bene distinctum novi. Quum  
enim viderent, non tantum sensui, sed & motui membrorum ner-

I.  
*Animam  
sentire, non  
corpus; id-  
que quate-  
nus est in ce-  
rebro, non  
quâ alia  
membra  
animat.*

II.  
*Ipsam ner-  
vorum ope  
sentire.*

III.  
*Interiorem  
istorum  
nervorum  
substantiam  
ex multiste-  
nissimis  
capillamen-  
tis constare.*

IV.  
*Eosdem esse  
nervos qui  
sensibus &  
qui motibus  
serviunt.*

vos inservire, & contingere interdum paralyfes, quæ, sensu integro remanente, motum tollerent; modo duo eorum genera fecerunt, quorum alterum soli motui, alterum solis sensibus assignarunt; modo sentiendi facultatem in membranulis collocarunt, & movendi viam in substantia interiore. Quibus cunctis tam ratio, quam experientia reclamât. Quisenim nervum aliquem notavit unquam motui inservientem, qui non simul alicui sensuum inserviret? Et quomodo si ex membranis dependeat sensus, diversæ objectorum impressiones per eas in cerebrum penetrarent?

## V.

*Spiritus animales in istorum nervorum membranis contentos membra regere; substantiam illorum in serviam sensus inservire: Et quomodo ope nervorum fiat sensus.*

Evitandarum itaque harum difficultatum causâ, credendum est; spiritus per nervos in musculos dilapsos, corumque mox hunc mox illum, magis, aut minus instantes, prout largius aut parcius à cerebro subministrantur, motum omnium membrorum efficere: & capillamenta exigua ex quibus interior nervorum substantia componitur, sensibus inservire. Et quoniam hoc loco non necessarium de motu loqui, nobis sufficit advertere, exigua illa capillamenta, inflatis tubulis, ut diximus, & assiduo spirituum affluxu expansis inclusa, non collidi, neque sibi invicem obstare, atque ad extremitates omnium membrorum porrigi; quæ aliquo modo sentire possunt; adeo ut si levissimè tantum pars illorum impellatur, cui adhæret aliquis nervorum, eodem etiam momento illa cerebri pars moveatur, ex qua nervus ille descendit; quemadmodum si alterum extremum rectis distensæ tangas, alterum etiam ipso momento commovetur. Quum autem hæc capillamenta, tubulis ita circumdata, procurrant, quos spiritus semper paululum instant & distendunt, nullo negotio intelligimus, licet essent multò tenuiora quam bombycum fila, & imbecilliora quam arancorum; tamen à capite ad remotissima membra sine ullo ruptionis periculo posse descendere; neque diversos membrorum situs motum illorum impedire.

## VI.

*Ideas quas sensus exteriorum in phantasiam mittunt, non esse imagines objectorum; aut saltem opus non esse ut eis similes sint.*

Observandum præterea, animam nullius imaginibus ab objectis ad cerebrum missis egere ut sentiat, (contrà quam communiter Philosophi nostri statuant) aut ad minimum longè aliter illarum imaginum naturam concipiendam esse quam vulgò fit. Quum enim circa eas nil considerent, præter similitudinem earum cum objectis quæ repræsentant, non possunt explicare, qua ratione ab objectis formari queant, & recipi ab organis sensuum exteriorum, & demum nervis ad cerebrum transvehi. Nec alia causa imagines istas fingere eos impulit, nisi quod viderent, mentem nostram effici-



ficaciter pictura excitari ad apprehendendum objectum illud, quod exhibet: ex hoc enim judicarunt, illam eodem modo excitandam, ad apprehendenda ea quæ sensus movent, per exiguas quasdam imagines in capite nostro delineatas. Sed nobis contra est advertendum, multa præter imagines esse, quæ cogitationes excitant; ut, exempli gratiâ, verba & signa, nullo modo similia iis quæ significant. Et licet concedere possimus, (ut quantum fieri potest, receptam opinionem sequamur) objecta quæ sentimus, vere in cerebro nostro adumbrari; ad minimum notandum erit, nunquam imaginem omnino similem esse objecto quod repræsentat; nam aliàs nullum inter hoc & illam discrimen foret; sed rudem similitudinem sufficere: & sæpe etiam perfectionem imaginum in hoc consistere, ut non assimilentur quantum possent. Quemadmodum videmus, icones illas quæ à typographis in libris excuduntur, etsi nihil extra paulum atramenti chartæ huc illuc ingestum habeant, sylvas, urbes, homines, dispositas acies, & tempestates nobis repræsentare; & tamen ex innumeris qualitatibus horum objectorum, quas cogitationi nostræ exhibent, nullam esse præter figuram, cujus revera similitudinem referant. Atque etiam hanc similitudinem valde esse imperfectam, cum in superficie plana, corpora diversimodè surgentia aut subsidentia exhibeant; & secundum regulas scenographiæ, melius sæpe circulos repræsentent per ellipses, quam per alios circulos; & quadrata per rhombos, quam per alia quadrata; & ita de cæteris. adeo ut sæpius ad absolutam imaginis perfectionem, & adumbrationem objecti accuratam, dissimilitudo in imagine requiratur.

Eodem igitur modo imagines in cerebro nostro formatæ, considerandæ sunt, & notandum, tantummodo quæri, quâ ratione animam moveant, ad percipiendas diversas illas qualitates objectorum è quibus manant, non autem quomodo ipsæ iis similes sint. Ut quum cæcus noster varia corpora baculo suo impellit, certum est, ea nullas imagines ad cerebrum illius mittere, sed tantum diversimodè movendo baculum, pro variis qualitatibus, quæ in iis sunt, eadem opera manus etiam nervos diversimodè movere, & deinceps loca cerebri, unde ii descendunt: cujus rei occasione mens totidem diversas qualitates in his corporibus dignoscit, quot varietates deprehendit in eo motu, qui ab iis in cerebro excitatur.

VII.

*Diversos  
motus re-  
nium u-  
nium cuius-  
que nervi  
capillamen-  
torum suffi-  
cere ad di-  
versos sen-  
sus produ-  
cendos.*

CAPVT QVINTVM.

*De Imaginibus quæ formantur in fundo oculi.*




Anifestè itaque videmus, non opus esse ad sentien-  
dum, ut anima contempletur ulla imagines, quæ red-  
dant id ipsum quod sentitur. Sed hoc interim non im-  
pedit, quò minus objecta quæ contuemur satis perfe-  
ctas in oculi fundo repræsentent; ut ingeniose à qui-  
busdam explicatum est, per comparisonem earum quæ in cubiculo  
apparent si lumini, inde excluso, non nisi unicus aditus concedatur  
per exiguum foramen vitrea lente clausum, & albo panno ad debi-  
tum intervallum radii ingressi excipiantur. Nam oculi vice hoc con-  
clave fungi aiant, foramen pupillæ, vitrum crystallini humoris, seu  
potius omnium illarum oculi partium, quæ refractionem aliquam  
efficiunt; & pannum, ejus tuniculæ interioris, retinæ dictæ, quam  
extremities nervi optici componunt.

I.  
*Comparatio  
istarum  
imaginum  
cum illis quæ  
in obscuro  
cubiculo con-  
spiciuntur.*

Omnia tamen magis explorata & certa erunt, si evulsam recens  
defuncti hominis, aut, si illius copia non sit, bovis vel alterius magni  
alicujus animalis oculum ita seceimus, ut ablata ea parte trium ejus  
membranarum quæ cerebro obversa est, satis magna pars humoris  
M. appareat nuda, nec tamen iste humor effundatur, sed contineat-  
ur charta, vel ovi putamine, vel alia quavis materia alba, & tam  
tenui, ut quanvis non sit pellucida, omnem tamen luminis transitum  
non excludat, qualis hic exhibetur versus S T R; huncque oculum  
foramini asseris ad id facti quale est Z Z sic immittamus, ut ejus pars  
anterior B C D, respiciat arcam variæ objecta Sole illustrata, ut  
V X Y, sustententem, posterior autem ubi est corpus album R S T,  
respiciat conclave interius P, quod, totum tenebrosum, nullum  
lumen recipere debet, præter illud quod intrat per oculum, cujus  
omnes partes à C ad S sunt pellucidæ. Hoc enim ita parato, si re-  
spiciamus in corpus album R S T, non sine voluptate, & forsan  
etiam admiratione, picturam quandam in eo videbimus, omnia ob-  
jecta, extra cubiculum ad V X Y posita, scite satis imitantem: Mo-  
do tamen omnia sic administrantur, ut iste oculus naturalem suam &  
objectorum distantiam debitam figuram quam proxime retineat;  
nam si paulo magis preinatur quam illa requirit, statim confusior  
imago apparebit.

II.  
*Explicatio  
istarum  
magnum  
in oculo  
animalis  
mortui.*

Estque



Estque hic observandum, paulo validius illum esse comprimendum, & figuram ejus reddendam oblongiorem, si objecta appareant ex propinquo, quam si magis removeantur. Sed hujus imaginis delineatio uberius explicanda est: nam eadem opera multa discemus, quæ ad visionem pertinent.

Primo igitur advertamus, ex singulis punctis objectorum V X Y, tot radios, penetrantes ad corpus album R S T, in oculum manare, quot, pupillæ hiatus recipere potest, & omnes ex eodem puncto digressos, permeando superficies B C D, 123, & 456, ea ratione incurvari, ut iterum præterpropter in eodem puncto concurrere possint, secundum ea quæ tam de refractionum quam de trium humorum K L M natura diximus. Et quidem ut imago, de qua hic agimus, omnibus numeris absoluta sit, ea trium harum superficierum figura requiritur; quæ omnes radios ex eodem puncto delapsos, quantum fieri potest, in eodem puncto corporis albi R S T recolliat. Ut hic videmus radios venientes ex puncto X, congregari omnes in puncto S, ex V in R, & ex Y in T. Et præterea, nullum radium venire ad S, nisi ex puncto X; nec ullum ferre ad R, nisi ex puncto V; nec ad T, nisi ex puncto Y; & ita de reliquis.

*Etum: figuramque suam in hunc finem esse collocandam: diverforum radiorum puncta ibidem in diverfis punctis congregari debere.*

Quibus animadversis, si recordemur eorum quæ generatim supra audivimus de coloribus & lumine, atque etiam in particulari de corporibus albis, facile intelligemus, quam ob causam inclusi cubiculo P, & oculorum aciem in corpus album R S T dirigentes, effigiem objectorum V X Y ibi videamus. Nam primo certum est, lumen (hoc est actionem, qua Sol, aut aliud corpus luminosum, materiam quandam subtilissimam, quæ in omnibus pellucidis corporibus reperitur, propellit) missum ad R, ab objecto V, quod rubrum exempligratia fingamus, (id est, ita dispositum, ut ejus occasione hujus materię subtilis particulæ, præter motum rectum assumant etiam circularem circa proprium centrum; inter quem & rectum ea proportio sit, quæ requiritur ad sensum rubri coloris efficiendum) cum corpori albo in R occurrat, (id est, ejuscemodi corpori, ut quaquaversum materiam istam subtilem, modo quo movetur non mutato, repellat) inde ad oculos nostros resilire per poros hujus corporis, quod in eam rem tenue & lumini non plane impervium ad-

III.


*Hujus oculi figuram paulo longiorem esse reddendam, cum objecta propinqua sunt, quam cum sunt remota.*

IV.

*Multos in hunc oculum radios ab unoquoque objecti puncto ingredi omnes illos qui ab eodem puncto procedunt, in fiendo oculi congregari debere circa idem punctum.*

V.

*Quemodo colores videntur per chartam albam, quæ est in fundo istius oculi. Imaginetur quæ ibi formantur, similitudinem objectorum referre.*



movimus, & ita efficere ut punctum R rubri coloris videatur. Eodemque modo lumen rectum ad S, ab objecto X, quod luteum esse suppono, & ad T, ab Y, quod suppono cæruleum, & inde ad oculos nostros provectum, S luteo, & T cæruleo colore tinctum debet exhibere. Et sic tria puncta RST, cum eundem inter se ordinem, eundemque colorem retineant, quem tria altera VXY, iis exacte similia sunt.

Hujus autem picturæ perfectio ex tribus maxime dependet: nempe ex eo quod per hiatum pupillæ plures radii à singulis corporum punctis intrent, quemadmodum hic, XB 14 S, XC 25 S; XD 36 S, & quotquot præterea inter eos possumus imaginari, eo veniunt ex solo puncto X. Deinde ex eo quod hi radii sic in oculo refringantur, ut ex diversis punctis digressi, præterpropter in totidem aliis corporis albi RST reddantur. Postremo ex eo quod cum capillamenta exigua EN, & superficies interior membranae EF, sint nigra, itemque cubiculum P sit omni ex parte clausum & obscurum, nullumque aliunde lumen eo accedat, quod actionem radiorum promanantium ab objectis VXY turbare possit. Nam si ea pupillæ angustia foret, ut unos solummodo radios ex singulis objecti punctis acciperet, atque remitteret ad singula puncta corporis RST, non satis virium in iis esset, ut inde in cubiculum P ad oculum nostrum deferrentur. Pupilla vero laxiore existente, siquidem nulla in oculo refractione fieret, radii à singulis punctis objecti eo venientes, per totum spatium RST spargerentur; adeo ut, exempli gratia, tria puncta VXY, tres radios mitterent ad R, qui una inde ad oculum nostrum resiliens, punctum illud R mixto quodam colore ex flavo, rubro, & cæruleo, exhiberent, atque simile punctis S & T; ad quæ itidem puncta VXY singulos radios mitterent.


Idem quoque propemodum eveniret, si refractione quæ fit in oculo major aut minor foret, quam magnitudo illius requirit. Major enim radios, emanantes ab X, antequam progrediantur, ad S colligeret, velut in puncto M. Contra vero minor non nisi illud prætervectos cogeret ex. gr. versus P; atque ita tangerent corpus album RST in plurimis punctis, ad quæ eodem modo alii radii ex aliis objecti partibus ferrentur. Postremo nisi corpora, EN, EF, nigra forent, hoc est ita comparata, ut lumen exceptum non remittant, sed extinguant, radii à corpore albo RST, eo reflexi,

VI.

*Quomodo pupilla magnitudo istarum imaginum perfectioni inserviat.*

VII.

*Quomodo etiam eodem inserviat refractione qua fit in oculo, & obliquitate effectus si major foret aut minor quam re ipsa est.*



inde reverti possent, qui venirent à T versus S & R; qui ab R, versus T & S; & qui ab S, versus R & T: & hoc modo alter alterius actionem turbaret; quod etiam facerent radii resiliences ex cubiculo ad RST, si alio lumine illustraretur, quam illo quod obiecta VXY committunt.

Sed cognitio is quæ ad hujus picturæ perfectionem conferunt, operæ pretium etiam est ejus defectus intueri. Horum primus & maximus est, nulla ratione oculum, qualemcunque figuram habeat, radios omnes ex diversis punctis inissos, in aliis totidem colligere posse, sed multum agere si tantummodo omnes ab uno puncto venientes, velut ab X, in alio quodam sistat, velut in S, quod medium est posterioris oculi partis; quod cum sit, non nisi pauci eorum qui veniunt ex puncto V, coire possunt accuratè in puncto R, aut ex Y accuratè in T, & reliqui necessariò nonnihil inde abscedunt, ut postmodum explicabimus. Atque hinc extremitates hujus imaginis nunquam tam distinctè quàm medium apparent; quemadmodum satis notarunt, qui circa Optica commentati sunt. Hoc enim est quod dixerunt; visionem potissimum fieri secundum axem, hoc est secundum lineam rectam, per centrum crystallini humoris & pupillæ protensam, qualis hic est linea XKLS, axis visionis is dicta.

VIII.  
Quomodo internarium ipsius oculi partium nigredo, & cubuli obscuritas in quo ista imagines conspiciuntur, eodem etiam infervias: cur nunquam adeo perfecta sint in suis extremitatibus atque in medio: & quomodo intel-

ligi debeat quod vulgo dicitur, visionem fieri per axem.

Hic autem observemus, quo major pupillæ hiatus est, eò magis radios venientes, exempli gratia ex puncto V, circa punctum R dispergi, & ita quantum hæc laxitas colorum vim & nitorem intendit, tantum detrahit ex accurata lineamentorum picturæ distinctione; ideoque non nisi mediocris esse debet. Notemus præterea, hos radios magis circa punctum R dispersum iri, quam jam sparguntur, si punctum V, unde manant, propius oculo adjaceret, ut si esset in 10, aut longius ab eodem distaret, ut si esset in 11, non mutato interim puncto X, ad cujus distantiam oculi figuram suam commensum habere suppono: Ideoque imaginis hujus partem R obscuriorem adhuc essent reddituri. Quorum omnium demonstratio nobis aperta erit, quum ulterius progressi videbimus quam figuram corpora pellucida requirant, ad radios ex aliquo puncto delapsos in alio quodam post transitum colligendos.


k 3

Reli-

est, ab eo remotiora aut propiora, minus distincte in eo representari, quàm si equali prope distantia abessent.

IX.  
Amplitudinem pupillæ, dum colores vividiores facit, figuræ minus distinctas reddere; ac proinde mediocrem tantum esse debere. Obiecta quæ sunt a latere illius ad cujus distantiam oculus dispositus





Reliquæ autem hujus picturæ imperfectiones in eo sunt, quod semper inverſa appareat, hoc eſt, contrario planè ſitu quàm obtinent corpora quæ imitatur; & quod præterea ejus partes aliæ magis, aliæ minus contrahantur, pro varietate ſitus & intervalli rerum quas exhibent; eodem fere modo, quo in ſcenographica tabulâ fieri ſolet. Ita hîc manifeſtè videmus, T quod ad ſiniſtram, Y quod ad dextram, reddere; & R quod ad dextram, V quod ad ſiniſtram. Et præterea imaginem corporis V non plus ſpatii occupare in R, quàm occuparet illa corporis 10, minoris quidem, ſed magis propinqui; nec minùs quàm illa corporis 11, quod majus, ſed longiùs remotum eſt, niſi forſan eo ipſo quod magis diſtincta ſit. Et poſtreindè videmus, lineam V X Y, quæ recta eſt, exprimi per curvam R S T.

X.  
*Imagines  
iſtas eſſe in-  
verſas, fi-  
gurasque  
illarum mu-  
tori aut  
contrahi,  
pro ratione  
diſtantiæ  
aut ſitus ob-  
jectorum.*

Ita conſiderata hac imagine in oculo mortui vel hominis vel beſtiæ, & rationibus perpenſis, dubitare non poſſumus, quin ſimilis quædam exprimatur in membrana interiore oculi viventis hominis, in cujus locum corpus album R S T ſubſtituimus; atque etiam quin longè meliùs ibidem depingatur, quum ſpiritibus reſerti humores magis pelluceant, & figuram, huic operi debitam, exactiorem habeant. Et quod ad bovis oculum attinet, fortè etiam in eo pupillæ figura, quia non rotunda, imaginis perfectioni nonnihil obſtat.

XI.  
*Imagines  
iſtas perfe-  
ctiores eſſe in  
oculo ani-  
malis vivi  
quàm mor-  
tui: Et in  
oculo homi-  
nis quàm  
bovis.*

Nec magis ambigere poſſumus, imagines albo panno in tenebroſo cubiculo exceptas, eodem modo quo in oculi fundo formari, & ob eaſdem rationes. Sed cum multo majores & pluribus modis ibi fiant, quàm in oculo, multa particularia commodiùs in iſis obſervantur; quorum hîc monere animus eſt, ut quilibet illa poſſit experiri, ſi nondum hæcenus expertus eſt. Primò itaque ſi nullum vitrum foramini per quod radii cubiculum illud ingredi debent, apponatur; modò ne ſit nimis latè patens, imagines quidem in panno apparebunt, ſed imperfectæ admodum, & confuſæ, & tanto magis, quanto latiùs patuerit foramen. Et quo major erit diſtantiæ inter illud & linteum, eo quod majores imagines erunt; ita ut magnitudinis illarum eadem fere ſit ratio ad hoc intervallum, quæ magnitudinis corporum à quibus illæ fluunt, ad ſpatium ipſa objecta & foramen idem interjacens. Vt ſi A B C ſit objectum, D foramen, E G F imago, qua-


XII.  
*Illas qua  
apparent  
ope lentis  
vitreae in  
cubiculo ob-  
ſcuro, ibi eo-  
dem modo  
atque in  
oculo forma-  
ri: Et in iſis  
experimen-  
tum capi  
poſſe multo-  
rem, qua  
hic diſta  
confirmant.*



fractiones sunt. Ast si ex certo intervallo hæc vitra ab invicem removeamus, secundum eriget imaginem, quam primum invertit, tertium iterum invertet, & ita porro. Quorum omnium ratio manifesta est ex iis quæ supra audivimus, & quidem majus operæ pretium erit, mediocri meditatione illam inquirenti, quam obiter singula fusiùs hîc enarrata legenti.

Cæterum corporum simulacra, non tantùm in ima oculi parte formantur, sed ulteriùs quoque ad cerebrum penetrant; quod facillè intelligemus, si cogitemus, radios ab objecto V in oculum ve-

XIII.  
*Quomodo hæc imagines ab oculo in cerebrum trans-*  
*eant.*



nientes, contingere in puncto R, extremum alicujus ex capillamentis

mentis nervi Optici, quod oritur è regione 7 superficiè interioris cerebri 7, 8, 9, & venientes ab objecto X, in puncto S extremitatem alterius cuiusdam capillamenti impellere, cuius initium est in puncto 8; & delapsos ab objecto Y, aliud in puncto T, quod prorèp è regione cerebri 9, & ita porrò. Et præterea quum lumen nihil extra motum, aut nifum queindam ad motum fit, radius illius progressos ab V ad R, vim totum capillamentum R 7 movendi habere, & consequenter regionem cerebri 7; & venientes ab X ad S, totum nervum S 8, & insuper alià ratione movendi, quam movetur R 7, quum corpora X & V diversimode colorata sint: & ita venientes ab Y punctum 9 movere. Unde patet, in superficie cerebri interiore, quæ cavitates illius respicit, denuo quamdam picturam delineari 7 8 9, satis similem objectis V X Y. Atque inde ulterius hanc promovere possem ad glandulam quamdam exiguam, quæ in medio circiter harum cavitatum occurrit, propria sensus communis sedes. Inno præterea hîc ostendere non arduum foret, qua ratione interdum per arterias gravidæ mulieris transeat, usque ad certum aliquod fœtus membrum, quem in utero gestat, & ibi istas malaciæ notas imprimat, quas tantopere docti admirantur.

## C A P V T S E X T V M .

## De Visione.

I.  
*Visionem  
non fieri ope  
imaginum,  
quæ ab oculis  
transseunt  
in cerebrum;  
sed ope motuum  
qui ipsas componunt.*



Icet autem hæc pictura, sic transmissa in cerebrum, semper aliquid similitudinis ex objectis, à quibus venit, retineat; non tamen ob id credendum est, ut supra quoque monuimus, hanc similitudinem esse quæ tacit ut illa sentianus; quasi denuo alii quidam oculi in cerebro nostro forent, quibus illam contemplari possemus. Sed potius motus esse à quibus hæc pictura componitur, qui immediate in animam nostram agentes, quoniam ipsa corpori inita est, à natura instituti sunt, ad sensus tales in ea excitandos. Quod latius hîc exponere libet.

II.  
*Istorum motuum  
viper-  
cipi lumen,  
& colores;  
item sonos,  
sapores, ti-  
sillationem  
& dolorem.*

Omnes qualitates, quas in visus objectis percipimus, ad sex primarias reduci queunt, ad lumen scilicet, colorem, situm, distantiam, magnitudinem, & figuram. Et primo quantum ad lumen & colorem, quæ sola proprie ad sensum visionis pertinent, cogitandum, illam animæ nostræ naturam esse, ut per vim motuum, qui in illa

illa cerebri regione occurrunt, unde tenuia nervorum opticorum fila oriuntur, luminis sensum percipiat: per eorundem autem motuum diversitatem, sensum coloris. Quemadmodum per motus nervorum, auribus respondentium, sonos dignoscit; & ex motibus nervorum linguæ, varios sapes; & in universum, ex motu nervorum totius corporis moderato, quamdam titillationem sentit; & dolorem ex violento; quum interea in his omnibus similitudine nulla opus sit, inter ideas, quas illa percipit, & motus qui earum sunt causæ.

Atque his facile adhibebimus fidem, modo notemus, quibus oculus vulnere læditur, videri, se infinitas ignium & fulgurum vibrationes cernere, licet oculos clausos habeant, aut in conclavi obscuro commorentur; ut ita hic sensus non alii rei sit imputandus, quam agitationis vehementiæ, quæ capillamenta exigua nervi optici instar violenti luminis cujusdam movet. Et eadem agitatio aures feriens, sonum quendam efficere posset, aut alias partes corporis, dolorem.

*soni audiantur; atque ita eadem vis diversas sensiones in diversis organis producat.*

Hoc etiam inde confirmatur, quod si aliquando Solem seu lunem aliud valde fulgidum obstinati contuemur, illa impressio etiam aliquanto post in oculis duret; adeo ut licet postea claudantur, varios tamen colores nobis videamur videre, mutantes & transeuntes ad invicem, prout paulatim evanescent; hoc enim non aliunde procedit, nisi quod capillamenta nervi optici insolito motu concussa & agitata, non tam subito residant, quam alias. Sed agitatio quæ adhuc post oculos clausos palpitant, & quasi contremiscunt, quum non satis valida sit, ad reddendum tam illustre lumen, quam fuit illud à quo venit, colores minus intensos & velut dilutos repræsentat. Et hi colores paulatim expallescento mutantur; quod satis docet, illorum naturam tantum in motus diversitate consistere, neque aliam esse quam supra posuimus.

Ipsam etiam postremo ex eo manifestum sit, quod sæpe in pellucidis corporibus hi colores appareant, ubi certum est, nihil esse quod eos producere possit, extra diversos illos modos quibus radii luminis admittuntur, ut quum in nubibus Iris appareret, & magis adhuc, quum simile aliquid in vitro cernimus, cujus superficies in varias hedras polita est.

Hic vero operæ pretium est, curiosius advertere, in quo consistat quantitas luminis quod videtur, (hoc est, impetus quo singula nervi optici capillamenta moventur) non enim semper æqualis est

III.

*Cur illius in oculo acceptus, efficiat ut veluti plurima conspiciantur lumina; & in auribus ut*

IV.

*Cur clausis paulo post conspectum Solem oculis, varios colores videre videatur.*


V.

*Cur aliquando diversi colores appareant in corporibus tantum pellucidis, sicut in iride tempore pluvio.*

VI.

*Sensum luminis majoris et minoris*

*esse, prout  
objectum  
propius aut  
remotius  
est; item  
prout pu-  
pilla, atque  
imago que  
in oculi fun-  
do depingi-  
tur, major  
aut minor  
est.*



quam in illas oculi B. Quod ad calculum revocare minime arduum est. Nam si, exempli gratia, spatium HI quadruplum sit spatii TR, & extremitates quatuor capillamentorum millium nervi optici contineat, TR continebit tantum mille, & consequenter singula capillamentorum in parte ima oculi A, millesima roboris parte movebuntur, quod omnes radii uniti habent, & in fundo oculi B, quarta tantum millesimæ.

Observandum etiam, partes corporum, quæ contemplamur, non dignosci posse, nisi quatenus colore quodammodo differunt; & horum colorum distinctam perceptionem non pendere tantum ex eo, quod omnes radii à singulis corporum punctis venientes, in fundo oculi in totidem aliis circiter coeant; vel ex eo quod nulli alii a-

liunde

VII.  
*Quomodo  
capillamen-  
torum ner-  
vi optici  
multitudo  
visionem  
distinctam  
reddat.*

liunde effusi ad eadem puncta admittantur: sed etiam ex multitudine capillamentorum nervi optici, quorum extremitates continentur in illo spatio quod imago in oculi fundo occupat. Si enim, exempli gratia, objectum VXY ex decem partium millibus componatur, quæ aptæ sint ad radios tot diversis modis in fundum oculi RST mittendos, & consequenter ad representanda eodem tempore decem colorum millia, anima tamen ad summum mille tantum discernet, si fingamus, mille tantum capillamenta nervi optici extare in spatio RST; etenim tunc decem particulæ objecti agentes simul in singula capillamentorum, uno duntaxat modo ex denis mixto & confuso, illa inovere possunt: Unde fit ut illud spatium quod ab unoquoque ex his capillamentis occupatur, non nisi pro unico puncto debeat haberi.

Atque hoc est quod efficit ut pratum infinita colorum varietate distinctum procul insipientibus totum album aut cæruleum videatur: Et generatim ut omnia corpora remota, minus distincta appareant quàm propinqua; Denique etiam, ut, quo latius ejusdem corporis simulacrum in oculi fundo diducere possumus, eo distinctius videri queat. Quod notatum magno usui postea erit.

*apparent, & cur omnia corpora minus distincte eminus quàm cominus conspiciantur, atque imaginis magnitudo visionem distinctiorem reddat.*

VIII.  
*Cur prae  
diversis co  
loribus va  
riegata, e  
minus h  
minus tan  
tum coloris*

Situm (id est regionem in qua singulæ objecti partes respectu corporis nostri locatæ sunt) quod attinet, illum non aliter oculorum ministerioprehendimus quàm manuum; & notitia illius ex nulla imagine pendet, nec ex ulla actione ab objectis veniente, sed ex solo situ exiguarum partium cerebri, è quibus nervi expullulant. Hic enim situs, inutato situ membrorum quibus illi nervi inferuntur, aliquantulum varians à natura ita institutus est, ut non tantum animam certam facere possit, in qua regione singulæ partes corporis, cui inest, aliarum respectu existant; sed insuper efficere, ut attentionem inde ad omnia loca transferre queat; quæ in lineis rectis occurrunt, quas imaginari possumus ab extremitatibus singularum ex his partibus in infinitum productas. Ut cum cæcus ille, de quo jam sæpe mentio facta est, manum suam A versus E, vel alteram manum C etiam versus E obvertit, nervi


IX.  
*Quomodo  
agnoscimus  
situm objecti  
quod insue  
mur, aut  
ejus quod  
digito nobis  
avimus mon  
stratur.*



I 3 huic



huic inani inserti, mutationem quamdam in cerebro illius efficiunt, per quam anima cognoscit non tantum locum A vel C, sed & omnia reliqua quæ occurrunt in linea recta AE, vel CE; ita ulterius progressa, usque ad objecta B & D, loca etiam ubi illa existant, determinat; incerta interea, vel saltem non attendens, ubi utraque manus existat. Atque ita quoties oculus aut caput nostrum huc vel illuc inflectitur, mens nostra ejus rei admonetur à mutatione, quam nervi, in musculis hujus motus ministris inhærentes, in cerebro nostro efficiunt.



X.  
Cur inver-  
so imaginis

Exempli gratiâ, cogitandum in oculo RST, situm capilla-  
menti

menti nervi optici, quod est in puncto R, vel S, vel T, respondere ad alium quemdam partis cerebri 7, vel 8, vel 9, qui facit ut anima singula loca cognoscat, quæ jacent in recta, aut quasi recta linea R V, vel S X, vel T Y. Vt ita mirari non debeamus, corpora in naturali situ videri, quamvis imago in oculo delineata contrarium habeat. Quemadmodum cæcus noster simul objectum B, quod est ad dextram ope manus sinistræ, & D quod ad sinistram ope manus dextræ animadvertit. Et quemadmodum ille idem non judicat, corpus duplex esse, licet duabus manibus illud tangat, sic etiam oculi nostri quum ambo versus eundem locum aciem suam dirigunt, non nisi unicum objectum menti debent exhibere, quamvis in unoquoque eorum peculiaris ejus imago formetur.



*quæ sit in oculo, non impediatur ne objecta recta appareant; & cur id quod duobus oculis conspiciatur, aut duabus manibus tangitur, non ideo duplex appareat.*

Perceptio distantie non magis quam situs ab ullis imaginibus pendet; sed primo à figura totius oculi: etenim, ut jam diximus, alia requiritur ad percipienda ea quæ propinqua, quam ad ea quæ procul abducta: & dum illam pro ratione objecti mutamus, simul quædam cerebri nostri pars variat, ita à natura instituta, ut animam de hac distantia certam reddat.

Et hoc ut plurimum nobis insciis accidit; eodem plane modo quo corpus aliquod manu complexi, stringentes, ad illius figuram & magnitudinem hanc aptamus, atque ita illud cognoscimus, licet inter ea non sit opus, ut qua ratione manus nostra movetur aut disponitur advertamus.

Distantiam præterea discimus per mutuam quamdam conspirationem oculorum. Vt enim cæcus noster duo bacilla tenens A E & C E, de quorum longitudine incertus, solumque intervallum manuum A & C, cum magnitudine angulorum ACE & CAE exploratum habens, inde, ut ex Geometriâ quædam omnibus innata, scire potest, ubi sit punctum E: sic, quum nostri oculi RST & rst ambo vertuntur ad X, magnitudo lineæ Ss, & angulorum XSs & Xss, certos nos reddunt ubi sit punctum X. Et idem opera alterutrius possumus indagare, loco illum movendo, ut si versus X illum semper dirigentes, primo sistamus in puncto S, & statim post in puncto s, hoc sufficiet ut magnitudo lineæ Ss, & duo-

XI.


*Quomodo motus qui immutant oculi figuram, efficiant ut objectorum distantia deprehendatur.*

XII.

*Etiam si motus isti nobis insciis fiant, nos tamen quid significant agnoscere.*

XIII.

*Amorum oculorum conspiratio animadvertenda distantia inservius, nos non unius oculi si loco suo movetur.*



& duorum angulorum  $XSs$  &  $XsS$ , nostræ imaginationi simul occurrant, & distantiam puncti  $X$  nos edoceant: idque per actionem mentis, quæ licet simplex iudicium esse videatur, ratiocinationem tamen quandam involutam habet similem illi, qua Geodætæ per duas stationes diversas loca inaccessibleia dimeriuntur.

Alio adhuc modo distantias noscimus, per distinctionem scilicet aut confusionem figurarum, & simul per vehementiam luminis aut debilitatem. Sic dum fixo obtutu inspicimus  $X$ , radii venientes ab objectis 10 & 12 non ita exactè coeunt in punctis  $R$  &  $T$ , quàm si hæc objecta in  $V$  &  $Y$  posita forent. Vnde illa vel longius

XIV.  
Quomodo  
distinctio aut  
confusio fi-  
gurae. &  
maius aut  
minus lu-  
men, effi-  
ciant ut di-  
stantia ani-  
madverta-  
tur.

gius remota, vel propius adducta colligimus quàm est X. Præter-  
ex eo quod lumen ex objecto 10 ad oculum nostrum defluens lon-  
gè vehementius est, quàm si idem objectum ad Y remotum foret,  
magis illud esse propinquum dijudicamus; & quum hoc quod spargit  
objectum 12 debilius sit, quàm si foret ad Y, ulterius illud re-  
motum esse hinc discimus.

NB.  
Vide fig.  
pag. 78.

Denique cum jam aliunde prænovimus qualis sit magnitudo ali-  
cujus corporis, vel ejus situs, vel quàm distincta sit ejus figura &  
quàm vividi colores, vel tantum qualis sit vis luminis ex eo emissi,  
possumus hac præcognitione uti, non quidem propriè ad videndam,  
sed tamen ad visu percipiendam ejus distantiam. Ut si corpus ali-  
quod oculis familiare procul contueamur, melius de distantia ju-  
dicabimus, quàm si magnitudo illius minùs cognita foret. Et si ul-  
tra nemus obumbratum rupem Soli expositam videamus, solus  
hujus sylvæ situs illam procul abesse dictabit. Et si duas naves, ma-  
jorem alteram, alteram minorem, vela facientes contemplemur,  
hac ratione inæqualiter remotas ut æqualis magnitudinis videantur,  
ex differentia figurarum, colorum, & luminis quod ad oculos nostros  
mittent, utra remotior sit advertemus.

XV.  
Objectorum  
que intue-  
mur præce-  
dantem co-  
gnitionem,  
ipsorum di-  
stantia me-  
lius dignos-  
cenda infer-  
vire: idem-  
que situm  
efficere

Modum autem quo magnitudinem & figuram objectorum vide-  
mus, non opus est verbosius explicare, quum tota illo contineatur,  
quo distantiam & situm partium ceruimus. Magnitudinem videli-  
cet æstimamus ex cognitione seu opinione quam de distantia ha-  
bemus, cum magnitudine imaginum in oculi fundo formatarum  
comparata, & non absolute per imaginum magnitudinem. ut cla-  
rum sit inde, quod, licet, exempli gratia, centies illæ majores  
sint, quum objecta valde propinqua sunt, quàm cum decuplo ma-  
gis removentur, non tamen ob id centies majora nobis appareant,  
sed propemodum æqualia, utique si distantia non decipiamur. Ma-  
nifestum etiam est, figuram dignosci per cognitionem seu opi-  
nionem quam de situ diversarum partium corporis habemus, non  
per similitudinem imaginum quæ in oculo pinguntur; nam hæ ple-  
rumque rhombo vel ellipsi constant, quum quadrata & circulos no-  
bis exhibent.

XVI.  
Quomodo  
universus  
que objecti  
magnitudo  
& figura di-  
gnoscat.

Ne autem vel minimum dubium relinquatur, quin visio hoc mo-  
do quo diximus fiat, rationes præterea hic intuebimur, ob quas in-  
terdum nos soleat fallere. Primò, quia mens est quæ videt, non ocu-  
lus, idque cerebri ope magis immediatè quàm oculi, inde fit ut phre-

XVII.  
Cum nos ali-  
quando vi-  
sus fallat; &  
phrenetici,  
aut qui dor-  
munt, pu-

m


netici

*rent, se vi-  
dere quod  
non vident.*

netici & dormientes varias aliquando species videant, aut sibi videre videantur, quæ oculis propterea non obijciuntur: atque hoc evenit, si vapores cerebrum pulsantes partes illius, quæ visioni inserviunt, eodem inodo disponant quo ipsas mediante oculo disponderent objecta externa, si adessent.

XVIII.  
*Cur ali-  
quando ob-  
jecta dupli-  
cia videan-  
tur; Et ta-  
elus efficiat  
ut objectum  
duplex esse  
pareatur.*

Deinde, quia impressiones extrinsecus venientes ad sensum communem per intermedios nervos transeunt, si horum situs per causam insolitam detorqueatur, objecta alibi quàm ubi sunt repræsen-



tare potest. Ut si oculus *r s t* sua sponte dispositus ad respiciendum  
versus

versus X, cogatur à digito N sese obvertere versus M, partes cerebri unde hi nervi prorepunt, non eodem planè modo disponentur, ac disponderentur, si oculus iste à propriis musculis eò deflecteretur, nec tamen etiam eodem ac si revera versus X respiceret, sed medio quodam modo, tanquam si respiceret Y; atque ita huius oculi ope objectum M apparebit eò loci, ubi est Y, & Y ubi est X, & X, ubi est V; & quoniam hæc eadem objecta eodem tempore in veris locis videbuntur ope alterius oculi RST, duplicata apparebunt. Eodem modo quo globulus G, duobus digitis D & A decussatis attrectatus, instar duorum sentitur. Etenim dum hi digitifse mutuo ita decussatos retinent, muscoli eos deducere nituntur, A in C, & D in F. unde fit ut partes cerebri, ex quibus nervi his musculis inservientes originem ducunt disponantur eo modo, qui requiritur ut iidem digititi A in B & D in E esse, ac consequenter duos ibi globulos H & I tangere videantur.



Præterea quoniam sumus assueti judicare, actiones à quibus visus noster movetur, ex iis locis venire versus quæ debemus obtutum dirigere, ut illas percipiamus; quoties accidit ut aliunde procedant, facillimè fallunt. Ita qui oculos flava bile suffusos habent, aut per vitrum flavum vident, aut in cubiculo degunt, quod nulum lumen nisi perejusmodi vitra recipit, flavo colore omnia corpora quæ cernunt infecta putant. Et ille qui in cubiculo tenebroso, \* quod supra descripsimus, corpus album RST intuetur, illi tribuit colores qui sunt objectorum VXY, quoniam in illud solum aciem suam intendit. Et oculi A, B, C, D, E, F, videntes objecta, T, V, X, Y, Z, & per transversa vitra N, O, P, & in speculis Q, R, S, illa indicant esse in punctis G, H, I, K, L, M, & V, Z minora & X, & majora quàm revera sunt: Vel etiam X, & minora, & simul univërfa, quum


XIX.  
Cur illerici, aut qui per flavum vitrum conspiciunt, omnia quæ vident flava esse judicent.  
Et quis sit locus e quo conspiciuntur objectum per vitrum planum cuius superficies non sunt parallela: & per vitrum con-

m 2

scilicet

earum; curque tunc objectum minus quàm sit appareat. Item quis sit locus e quo per vitrum convexum videtur: & cur ibi aliquando majus & remotius, aliquando vero minus & propius appareant quàm revera sit, aut etiam inversum. Denique quis sit locus imaginum quæ conspiciuntur in speculis tam planis quàm convexis aut concavis: & cur ibi appareant recta aut inversa, majores aut minores, & propiores aut remotiores quàm sinit ipsa objecta.

\* Vide penultimam figuram.



scilicet longius ab oculis C, F posita sunt: his vitris & speculis radios ab objectis venientes ita detorquentibus, ut ab his oculis distinctè nequeant videri, nisi ita dispositis ac si puncta G, H, I, K, L, M, intueri vellent; ut faciliè cognoscent ii qui satis ad hæc attendunt.

Et

Et eadem opera videbunt, quantum in Catoptrici maiores nostri aberrarint, quoties in speculis concavis & convexis locum in imaginem determinare conati fuerunt.

Notandum etiam, modos distantiae cognoscendae quotquot habemus, valde dubios & incertos esse. quantum enim ad oculi figuram, illa ferè nihil amplius mutat, quum objectum ultra quatuor aut quinque pedes remotum abest; etiam quin propius adest tam parum variat, ut vix quicquam accurati ex illa mutatione discerni possit. Et quantum ad angulos inclusos lineis ex duobus oculis, aut ex duobus ejusdem oculi stationibus, ad objecta ductis, illi etiam ferè iidem semper manent, quum paulò longius prospicimus. Ex quibus fit, ut ne quidem sensus noster communis ideam distantiae capere possit videatur, ultra centum aut ducentos pedes abductae. Atque hoc patet ex eo, quod Luna, & Sol, qui sunt è numero corporum remotissimorum quae contueamur, & quorum diametri ad ipsorum distantiam circiter sunt ut unum ad centum, pedales ut plurimum, vel ad summum bipedales nobis videantur, licet ratio dicat, illos longè inaximos & remotissimos esse. Hoc enim non evenit, quod majores illos fingere nequeamus, quum turres & montes multò majores imaginèmur & videamus, sed propterea quòd cogitatione ultra centenos aut ducentos pedes illos removere non possumus. inde sequitur, diametrum illorum unius aut alterius pedis videri.

Ipse quoque situs in hoc nos decipit. nam plerumque hae astra circa Meridianum in caeli vertice minora apparent, quàm cum sunt in ortu vel occasu, & occurrunt inter ipsa & oculos nostros diversa objecta quae judicium de distantia melius informant. Et Astronomi cum suis instrumentis illa dimetientes, satis experiuntur hoc; quòd ita jam majora, jam minora appareant, non ex eo contingere, quòd modò sub majori, modò sub minori angulo videantur, sed ex eo quòd longius distita judicentur, quia tam versus horizontem quàm versus verticem sub eodem semper angulo ea conspici deprehendunt. Ex quibus patet, non omnino verum esse Opticæ veterum axioma, quo magnitudines corporum apparentes visionis angulis statuuntur proportionales.

Fallimur etiam in eo, quod corpora alba vel luminosa, & in universum omnia illa, quibus inest multum roboris ad movendum visionis sensum, semper paulò majora & propiora appareant, quàm si minùs virium haberent. Causa verò ob quam propiora videntur, hæc

XX.  
*Cur faciliè decipiamur in judicando de distantia; quomodoque probari possit, nos non solere distantiam 100 aut 200 pedibus majorem imaginari.*

XXI.  
*Cur Sol & Luna majores videantur Horizonti proximi, quàm ab eo remoti: apparentemque objectorum magnitudinem ex angulo visionis non esse mensurandam.*

XXII.  
*Cur alba & luminosa objecta propiora & majora quàm sunt, apparent.*



hæc est: quod motus quo pupilla arcendi vehementioris luminis gratia constringitur, tam arctè cum altero cohæret, qui totum oculum disponit ad subtilius pervidenda objecta propinqua, eorumque distantiam dignoscendam, ut neuter ad effectum deduci queat, quin aliquantulum ex altero admisceatur. Eodem serè modo, quo anteriores duos digitos contrahere nequimus, quin simul tertius paululum cum illis incurvetur. Et ratio ob quam corpora luminosa vel alba majora apparent, non tantum in eo consistit, quod judicium magnitudinis ex distantia æstimatione pendeat, sed etiam in eo quod imagines eorum majores in oculi fundo formentur. Notandum enim, extremitates capillamentorum nervi optici, quamvis minimas, tamen alicujus esse crassitiei, aded ut singula ex illis in una sui parte ab uno objecto, & in alia ab alio attingi possint: quum autem unico tantum modo singulis vicibus moveri queant; quoties aliqua, quantumvis exigua, ex illis partibus à corpore aliquo valde lucido impellitur, dum interim alia non nisi à minus illustribus tanguntur, totum capillamentum ejus objecti quod lucidissimum est motum sequitur, & solam ejus imaginem ad cerebrum transfert. Ut si sint extremitates capillamentorum 1, 2, 3, & radii, in fundo oculi stellæ imaginem pingentes, diffundantur in 1, paululumque tantum, in circuitu sex vicinarum 2, oras contingant; (in



quas supponimus nullos alios radios effundi, præter admodum debiles à partibus cœli huic stellæ vicinis effigies ejus stellæ per totum spatium extendetur in quo sunt sex capillamentorum extremitates 2, & forte etiam per illud totum quod alia duodecim 3 occupant, nempe si lucis actio sit tam fortis ut illas etiam valeat commovere.

## XXIII.

*Cur omnia corpora valde parva aut valde remota, appareant rotunda.*

## XXIV.

*Quomodo remotiores fiant in tabulis secundum Perspectivæ regulis delineatis.*

Vnde cognoscimus, stellas, quamvis pro vera magnitudine exiguas, tamen pro vasto illo intervallo quo distant, longe majores quam sint apparere; Et præterea quamvis globosæ non essent, tales tamen illas apparituras; ut etiam turris quadrata procul visa, rotunda apparet. Et nulla corpora, quæ parvas in oculo imagines præsentant, figuram angulorum suorum exprimere possunt.

Denique quod attinet ad judicium distantia objecti visi, quod à magnitudine, figura, colore, aut lumine ejus pendet, quam totum illud sit fallax, vel sola Perspectiva satis docet. Sæpe enim imagines, secundum ejus præcepta pictæ, ex hoc solo quod sint minores, habeantque lineamenta minus distincta, & colores obscuriores,

vel

vel potius debiliores, quam nobis persuadeamus esse oportere, ut objectum vicinum repræsentent, multo remotiores, quam revera sint, apparent.

CAPVT SEPTIMUM.

*De modis visionem perficiendi.*

**P**ostquam satis accurate quæsiuimus, qua ratione visio fiat; breviter hic repetamus, & nobis quasi ob oculos ponamus omnes conditiones requisitas ad ejus perfectionem; ut cognoscentes, quomodo natura singulis jam prospexerit, exacte per enumerationem discamus, quantum arti addendum reliquerit. Omnia quæ hîc attendi debent, ad tria priuaria reduci queunt; Objecta scilicet, Organa interiora, quæ actiones illorum recipiunt; & Exteriora, quæ has actiones disponunt, ut quo decet modo recipiantur. Quantum ad objecta, sufficit nosse, alia propinqua & accessâ, remota alia esse & inaccessa: & præterea quædam magis, quædam minus illuminata; ut nempe advertamus, nobis liberum esse, accessâ magis aut minus removere, lumenque quo illustrantur augere vel minuere, prout magis commodum est; in aliis autem nihil tale licere. Deinde quod attinet ad organa interna, nervos scilicet & cerebrum, certum est, illorum structuræ per artem nihil adjici posse; neque enim nostrum aliquis novum corpus sibi fabricare potest. & si forsan Medicorum opera nonnihil ad immutandam corporis humani constitutionem possit juuare, hoc est extra nostrum argumentum. Ac proinde sola organa exteriora nostræ considerationi relinquuntur: quo nomine, non modo corpora omnia quæ inter oculum & objecta locari possunt, sed etiam oculi partes omnes, quæ pellucidæ sunt, completor.

I.  
*Tria in visione esse consideranda, objecta, organa interiora, & exteriora.*

Et omnia quæ hîc curanda sunt, ad quatuor capita reduco. Quorum primum, ut omnes radii, qui in aliqua extremitatum nervi optici sistuntur, ex unico tantum objecti puncto, quoad fieri potest, fluant, neque ullo modo in spatio interjacente violentur: id enim nisi fiat, imagines, quas formant, nunquam satis distinctæ erunt, nec fideliter corpus, à quo emanant, repræsentabunt. Secundum, ut hæc simulacra magna sint, non quidem extensione loci (neque enim ultra exiguum illud spatium, quod est in oculi fundo, occupare pos-

II.  
*Quatuor tantum ad visionem perfectam requiri.*

possunt) sed lineamentorum & ductuum suorum extensione. Certum quippe, quo illa majora, eo melius dignosci posse. Tertium, ut radiis tantum roboris ad movenda nervi optici capillamenta sit, ut sentiri possint; non tamen tantum ut visum lædant. Quartum, ut ex plurimis objectis imagines in oculo simul formetur, atque ita eodem obtutu insipientibus plurima pateant.

## III.

*Quomodo  
natura pri-  
mo istorum  
prospexerit,  
& quid su-  
perfit quod  
ars illi ad-  
dat.*

Natura autem ut primo prospiceret multa adhibuit. Etenim pellucidis, & nullo colore imbutis humoribus oculum replens, effecit ut actiones, extrinsecus venientes, sine ulla mutatione ad fundum illius pertingant. Tum etiam per refractiones, quæ in humorum istorum superficiebus sunt, hoc egit, ut radii secundum quos hæ actiones tendunt, ex eodem objecti puncto protracti, in eodem nervi optici puncto iterum coeant; & consequenter reliqui ab aliis punctis venientes, tam accurate ac fieri potest, in totidem aliis colligantur. Credere enim debemus, naturam hac in re quicquid fieri potest præstitisse, quia nihil in contrarium experimur. Sed potius videmus, illam defectus minuendi causa, qui necessario semper aliquis in hac radiorum collectione reperitur, vim pupillam tantum arctandi nobis dedisse, quantum vehementia luminis permittit. Deinde per colorem nigrum, quo omnes oculi partes non pellucas, retinæ obversas, imbuat, curavit ne radii ulli peregrini versus illam reflecterentur. Ac denique per mutationem figuræ oculi effecit, ut licet objecta jam magis, jam minus removeantur, radii tamen à singulis punctis venientes, quantum possint, ex æte in totidem aliis in oculi fundo colligantur.

## IV.

*Quod discrimen sit inter  
juvenem &  
senem ocu-  
los.*

Verumtamen non adeò sollicitè postremæ huic necessitati cavet; ut nihil arti addendum reliquerit. non modo enim nemini nostrum vulgo concessit, superficies oculorum tantum incurvare, ut objecta valde propinqua, nempe non nisi uno aut dimidio digito à nobis distantia, cernere possimus; sed magis etiam quibusdam defuit, quorum oculos ita formavit, ut non nisi contemplandis longe positis inserviant. quod senioribus familiare est; nec minus iis, quibus contra tales oculos dedit, ut propinqua tantum contueri possint; quod junioribus sæpius usu venit. Adeo ut oculi oblongiores & angustiores quam par sit, initio formari videantur, inde paulatim progredientibus annis dilatari & comprimi.

## V.


*Quomodo  
mederi opor-  
seat myo-  
pum & se-  
num oculis.*

Vt igitur arte hos defectus tollamus, primo necessarium erit, figuras quærere, quas superficies vitri, aut alterius pellucidi corpo-

ris


ris requirunt, ad incidentes radios ita incurvandos, ut omnes ex aliquo objecti puncto emissi, ita illas permeando disponantur, ac si ex alio puncto longius aut propius posito venirent: propius scilicet, in eorum usum, quorum acies ad remota non valet; longius, tam pro senioribus, quam in univ-  
ersum pro omnibus iis qui objecta propius admota cernere volunt, quam oculi figura permittit. Nam oculus ex. gr. B vel C, ad id factus, ut omnes radios effusos ex puncto H vel I in medio sui fundi colligat, quum sinul illos ex puncto V vel X colligere nequeat, perspicuum est, interjecto vitro P vel O, quod omnes radios puncti V vel X ad oculum mittit, tanquam si venirent ex puncto H vel I, hunc defectum sublatum iri.

Deinde quum non unius tantum figuræ vitra idem accurate efficere possint, ad eligenda nostræ intentioni aptissima, duæ conditiones præterea veniunt considerandæ. Harum prima, ut figuræ simplicissima, id est delineatu ac politu facillima sint. Altera, ut illorum ope radii ex aliis objecti punctis digressi, ut E, E, ad eundem circiter modum oculum intrent, ac si ex totidem aliis punctis venirent, ut F, F. Et notemus hic, *circiter*, non, *quantum fieri potest*, dici. præterquam enim quod difficile forsitan foret, ex infinito numero figurarum huic eidem rei inservientium, eam quæ omnium aptissima est Geometricè demonstrare, esset etiam inutile. neque enim eadem procul dubio essent aptissima ad visum illustrandum, quum ne oculus quidem ipse omnes radios, ex diversis punctis manentes, in totidem aliis colligat.



VI.

Inter multa vitra quæ illi rei inservire possunt, facillima politu sunt deligenda: item ea quæ melius efficiunt, ut objecta à diversis punctis manentia videantur à totidem aliis diversis punctis procedere.



Nec omnino possumus hac in re eligere, nisi præterpropter, quum figura oculi accurata minime nobis explorata sit. Opera præterea danda erit, quoties hujusmodi corpus oculis nostris admovebimus, ut naturam, quantum fieri poterit, in omnibus, quæ in fabrica illorum observavit, arte imitemur, nec ullum commodum quod illa dedit negligamus, nisi forsitan ut aliud majus eo ipso lucrermur.


VII.  
*Non opus  
esse, alium  
hac in re de-  
lectum habe-  
re quam  
circumcir-  
ca, & cur.*

In magnitudine imaginum observandum est, tribus illam tantummodo rebus inniti: distantia scilicet, quæ inter objectum & locum ubi radii, ex singulis punctis ad oculi fundum missi, decussantur; deinde distantia, quæ inter eundem locum & oculi fundum; & postremo refractioni horum radiorum. Sic cuivis patet, imaginem RST inajorem fore, si objectum VXY propius accederet ad K, ubi radii VKR, & YKT decussantur; aut potius ad superficiem BCD, ubi proprie decussari incipiunt, ut postea videbimus; vel etiam si oculum magis oblongum reddere possemus, ut distantia major foret, inter superficiem BCD, quæ hos radios decussat, & fundum oculi RST: Aut tandem, si refractione non tam introrsum ad S, sed potius extrorsum, si fieri posset, incurverentur. Et quidquid ultra hæc tria imaginemur aut moliamur, nihil tamen inveniemus, quo imago grandior reddi possit.

VIII.  
*Imaginum  
magnitudi-  
nem pende-  
re tantum  
ab objecto-  
rum distan-  
tia, à loco  
ubi se radii  
qui in oculo  
ingred-  
diuntur de-  
cussantur se-  
cant, & ab  
ipsorum re-  
fractione.*

Ipsam etiam posteriori loco nobis notatum, vix memorabile est, quum nunquam, nisi parum admodum, imago illius ope augeatur, idque cum tanta difficultate, ut semper minori opera per alia fieri possit; quemadmodum mox dicemus. Ipsam etiam naturam videmus hoc neglexisse; Nam procurans ut radii VKR, & YKT, introrsum curventur ad S, permeando superficiem BCD & 123; imaginem RST minorem delineavit, quam si ita cuncta ordinasset, ut extrorsum curvarentur, ut sit ad 5, in superficie 456, aut si omnino rectos reliquisset. Nec magis opus est, primum considerare, nisi pateat accessus ad objecta; si vero pateat, manifestum est, quo propius illa contueamur, tanto majorem imaginem in oculo reddi. Natura autem non permittente, propius oculis adnota, quam ad distantiam dimidii pedis, aut circiter, commode à nobis cerni, ut artificium quantum potest huic obstaculo medeatur, opus solummodo, vitrum, quale est P, de quo paulo ante locuti sumus, interponere; cujus ope radii venientes ex puncto proximo, quoad licet, in oculum intrant, tanquam si ex alio ulterius remoto veni-

IX.  
*Refractionem non esse  
hic magna  
consideratio-  
ne dignam;  
ut nec obje-  
ctorum ac-  
cessibilem di-  
stantiam.  
& quid ubi  
inaccessibi-  
lia sunt fa-  
cere conven-  
ias.*



rent. Maximū itaque quod hac opera fieri potest, est, ut tantum duodecima, vel decimaquinta istius distantia pars, requiratur inter oculum, & objectum, quæ ibi alias esse deberet: & ita radii, ex variis objecti punctis manantes, decies aut quindecies propiores oculo decussati (vel etiam paulo magis, quum non amplius in oculi superficie decussandi initium sumant, sed potius in vitro cui propius objectum adhærebit) imaginem delineabunt, cujus diameter decies aut quindecies major erit, quàm omisso hoc vitro fuisset: & consequenter superficies ducentes circiter major erit, totiesque

objectum distinctius representabitur: & eadem opera multo majus simul apparebit; non quidem accuratè ducentes, sed magis aut minus, prout imago aut minus remotum illud judicabimus. Si enim, exempli gratia, inspiciendo objectum X, per transversum vitrum P, oculum nostrum C disponamus, eodem modo quo disponi deberet ad contemplandum aliud objectum, quod viginti aut triginta passibus à nobis distaret, & nullam aliunde loci cognitionem, in quo illud situm sit, habentes, triginta passibus abesse judicemus, decies nullies majus videbitur, quàm revera est; adeò ut elephas ex pulce possit fieri: certum enim est, imaginem quam pulex in oculi fundo delineat, quum tam propè adest, æquè magnam esse ac illa quam elephas depingit, triginta passibus inde remotus.

X.  
*In quo consistat inventio conspicatorum unico vitro constantium*

Et huic soli innititur inventio conspicatorum unico vitro constantium, quorum in augendis & subtilius pervidendis rebus familiaris & ubivis cognitus usus est: licet vera illorum figura parum hactenus

tenius innotuerit. Et quoniam ut plurimum, quoties illis utimur, scimus, objectum valde propinquum esse, nunquam tam magnum videri potest, quàm si ulterius remotum imaginaremur.

Vnicus tantum adhuc modus has imagines augendi restat, quonempe efficiamus, ut radii ex diversis punctis missi, quam longissimè fieri potest ab oculi fundo decussentur: sed utilissimus omnium sine dubio, & maximi momenti est. Vnicus, utpote qui ad objecta tam accessa quàm inaccessa usum sui præbere possit, & cujus effectus nullis terminis circumscribitur: ut hujus ope imagines semper in majus augendo usque ad indefinitam quantitatem expandere possimus. Ut quum, exempli gratia, primus humorum quibus oculus refertus est eandem propemodum refractionem efficiat, quam aqua communis, si proximè admoveamus tubum aquâ plenum, ut EF; cujus extremitas claudatur vitro GHI, quod figuram habeat similem membranulæ BCD, illum humorem regenti, & eodem modo ad intervallum, quo ab ima oculi parte distabit, respondentem; nulla amplius refractione fiet in illa membranula BCD: sed ea quæ antea ibi fiebat, efficiens ut omnes radii ex eodem puncto digressi, in eâ regione incurvantur, atque ut postea in eodem nervi optici puncto coeant, & consequenter omnes, ex diversis punctis allabentes, ibi decussentur, ut postea, in diversis aliis punctis hujus nervi sisterentur, fiet in ipso tubi aditu GHI: & ita hi radii ibi decussati, imaginem RST longè majorem delineabunt, quàm si tantum in superficie BCD id fieret; & quò magis in longum hic tubus porrectus erit, tanto majores

*pulcarium, unico vitro constantium: & quis sit illorum effectus.*

XI.

*Augeri posse imagines, efficiendo ut radii procul ab oculo decussentur, ope tubuli aquâ pleni: quantoque longior est iste tubulus, tanto magis imaginem augere; & idem præstare ac si natura tanto longiorem oculum fecisset.*





etiam Imaganines erunt. Et sic aqua EF, peragente munus humoris K, vitro GHI, membranulæ BCD, & tubi adieu GI, pupillæ visio eadem ratione fiet, ac si oculum natura in tantum porrexisset, quanta est longitudo huius tubi.

## XII.

*Pupillam oculi obstruere: tantum abest ut adjuvet, cum quis ejusmodi tubulo utitur.*

## XIII.

*Nec refractionem vitri quod aquam in tubulo continet, nec membranarum quibus humores oculi involvuntur, ulla consideratione esse dignas.*

## XIV.

*Id ipsum aquæ fieri posse tubulo ab oculo separato, atque conjuncto.*

Vbi haud aliud fuerit considerandum, nisi quod naturalis pupilla, non tantum inutilis sit hoc casu, sed etiam noceat, angustia sua radios excludendo, qui aliàs in latera fundi oculi inciderent, & ita impediendo imagines tantum diffundi, quantum diffunderentur si minus angusta foret.


Atque hîc est advertendum, particulares illas refractiones quæ paulo aliter in vitro GHI, quàm in aqua EF fiunt, minimi momenti esse, & vix dignas consideratione: nam quum hoc vitrum ubi vis æquæ crassum sit, licet exterior superficies magis hos radios incurvet, quam aqua, statim interior rursus in eundem situm illos reducet. Et ob eandem hanc causam, nullam supra mentionem fecimus refractionum quas efficiunt membranæ humores oculi involvantes, sed tantum in modo illarum quas pariunt ipsi humores.

Sed quum aquam hac ratione quâ diximus, oculo jungere, operosum, nec magis obvium accuratè determinare figuram vitri GHI, quum illam membranæ BDC; cujus vicem supplere debet, non satis noscimus: alio invento uti consultius erit; & efficere unius aut plurium vitrorum ope, vel etiam aliorum corporum pellucidorum, tubo inclusorum, sed non tam propè oculis junctorum, quin paululum aëris intercedat, ut in ipso tubi aditu radii ex eodem puncto venientes ita incurventur, ut postea coeant in alio puncto, quod non multum absit à fundo oculi, per tubum istum respicientis: & præterea ut iidem radii ex tubo egredientes rursus flectantur & disponantur tanquam si non fuissent ante incurvati, sed tantum ex propiori loco venirent. Et simul utii, qui ex diversis punctis allabentur, in primo tubi aditu decussati, non rursus egrediendo decussentur, sed eodem modo ad oculum tendant, ac si ex objecto majori aut propiori venirent. Vt si tubus HF solido vitro impleatur, cujus superficies GHI illius figuræ sit, ut omnes radios venientes ab X versus S mittat, & altera superficies KM illius, ut eosdem egredientes ita frangat, ut inde ad oculum tendant, tanquam si venirent à puncto x; (quod ita locatum fingo, ut eandem proportionem inter se lineæ x C, & CS, habeant, quam XH, & HS,

& HS; punctum enim X, multo remotius ab oculo putandum est, quàm in figura potuit exhiberi) ii, qui ab V, illos necessario in superficie GHI secabunt, ideoque jam remoti ab illis existentes, cum ad alteram tubi extremitatem pervenerint, superficies KM non poterit efficere ut rursus ad invicem accedant, saltem si sit concava, qualis hic supponitur, sed ad oculum eos remittet, eodem ferè modo, ac si venirent ex puncto Y. quo ipso imaginem tanto majorem delineabunt, quanto tubus longior erit. Neque hic necessarium, figuram superficiei BCD accuratè nosse, ad determinandam illam corporum pellucidorum quæ huic usui destinamus.

Sed quoniam & hic difficultas non levis, in inveniendis scilicet vitris, aut aliis corporibus ejusmodi, satis crassis ad implendum tubum, satis itidem pellucidis lumini transmittendo: totum interius tubi spatium vacuum relinqui potest, & duo tantum vitra ejusdem effectus, cujus duæ superficies GHI, & KLM, duabus extremitatibus illius applicari. Atque hoc unico totum Telescopiorum inventum nititur, quod occasionem hoc argumentum tractandi mihi dedit.

Tertio autem requisito ad perfectionem visionis quatenus organa exteriora illam juvant (ne scilicet actiones, singula capillamenta nervi optici moventes, nimis debiles aut vehementes sint) ipsa natura egregiè pro-



XV.  
Qua in re  
consistat in-  
ventio Te-  
lescopii.

XVI.  
Quomodo  
impediri  
possit ne vis  
radiorum  
in oculos in-  
gradientium  
nimis ma-  
gna sit.

spe-

spexit, data nobis potestate pupillam oculi vel contrahendi, vel du-  
ducendi. Sed interim etiam aliquem arti locum reliquit. Primò enim  
si actio sit tam vehemens, ut pupilla quantum etiam arctetur, illam  
sufferre nequeat, (quod Solem intuentibus evenit) facile est huic rei  
mederi, applicato ad oculum corpore aliquo nigro, unico angusto  
foramine pertuso, quod munus pupillæ peragat, vel etiam respicien-  
do per nigrum byssinum, aut simile aliud corpus; quod, exclusâ ra-  
diorum parte, non plures ex illis oculum ingredi permittat, quàm  
quot nervo optico inoderate & sine læsione movendo sufficiunt.

## XVII.

*Quomodo  
contra im-  
petiri possit  
cuius nimis  
debilis est,  
& objecta  
accessibilia  
sunt.*

Sin contra debiliior est actio quàm ut sentiri queat, roborari po-  
test (certè si ad objecta pateat accessus) radiis Solis illa exponendo,  
iisque etiam speculi vel vitri ustorii ope collectis, ut tanto plus vi-  
rium habeant; inodò tamen ne tantum iis detur ut objecta urant &  
corrum pant.

## XVIII.

*Et quomodo  
cuius accessi-  
bilia sunt,  
& telescopia  
utimur.*

Præterea quoties specillis de quibus diximus utimur, quoniam pupil-  
lari inutilem reddant, & exterior tubi apertura quæ lumen admittit,  
illius officio fungatur, hæc etiam est, quæ prout visionis vim frangere  
vel augere cupiemus, arctanda erit vel laxanda. Et notandum, si hæc  
apertura nihil pupillæ laxior foret, radios minùs vehementer acturos  
in singulas fundi oculi partes, quàm si specilla non admoverentur, id-  
que eadem proportionem, qua hæc specilla imagines, quæ ibi forman-  
tur, augerent; etiam non numeratis iis radiis, qui, à superficiebus  
vitrorum interpositorum rejecti, nihil prorsus virium haberent.

## XIX.


*Quanto ma-  
ius pupillâ  
feri possit  
horum con-  
speculiorum  
orificium,  
& cur ma-  
ius fieri de-  
beat.*

Sed multo maiorem istam aperturam facere licet, & quidem eo  
maiorem, quo vitrum radiis replicandis destinatum puncto illi pro-  
pius est, ad quod exterius vitrum in quo radii isti plicantur ipsos agit.  
Nam si, exempli gratiâ, vitrum *GHI* efficiat, ut omnes radii  
puncti illius quod contemplamur, tendant ad *S*, iique iterum eri-  
gantur per vitrum *KLM*, ita ut inde paralleli ad oculum deferan-  
tur: ad inveniendam maximam latitudinem, quam tubi apertura ad-  
mittit, distantia inter *K* & *M* æqualis sumenda est diametro pupil-  
læ, & inde ductis duabus rectis ex puncto *S* per *K* & *M*, scilicet  
*SK* proferenda ad *g*, & *SM* ad *i*, *gi* diametrum quæsitam dabit.  
Nam manifestum est, licet maior foret, non plures radios oculum  
ingressuros ex puncto ad quod aciem nostram dirigimus, & eos  
qui præterea ex aliis locis accederent, quoniam visioni non prodes-  
sent, iis qui prodesse se adiniscendo, illam tantum magis confu-  
sam reddituros. Sed si loco vitri *KLM* adhibeamus *kIm*, quod

ob

ob suam figuram proprius  $S$  accedere debet, iterum distantia inter puncta  $k$  &  $m$ , æqualis diametro pupillæ, sumenda erit; inde ductis rectis  $SlG$  &  $SmI$ ,  $GI$  diametrum aperturæ dabit, quæ quærebatur; quæ, ut videmus, tantò major est quam  $gi$ , quantò  $SL$  major quam  $Sl$ . Et si hæc linea  $Sl$  non major sit quàm oculi pupillæ diameter, æque ferè visio acuta erit & lucida, ac si perspicillum abesset, & objecta tantò propria forent, quantò jam majora videntur. Adeò ut si, exempli gratiâ, tubi longitudo efficiat, ut objecta imago, triginta milliaria distantis, tam ingens in oculo formetur, quàm si non ultra triginta passus remotum foret, latitudo aditus, qualem hîc determinavi, tam lucidè hoc objectum exhibebit, quàm si verè triginta passus distans, sine telescopio illud intueremur. Et si hanc distantiam inter  $S$  &  $l$  adhuc minorem reddamus, adhuc magis perspicue cuncta apparebunt.

Sed hoc præcipue tantum usui est cum objecta sunt inaccessibleia: nam quoties ad illa licet accedere, quo propius eis specillum admovemus, eò arctior ejus apertura exterior esse potest. Nec ullum inde vis visionis caput detrimentum. quemadmodum hîc videmus, totidem radios ex puncto  $X$ , parvum vitrum  $gi$ , quod magnum  $GI$ , intrare. Et omnino hæc apertura non major esse potest vitris ipsam claudentibus; quæ ob requisitam figuram, certam quamdam magnitudinem, paulò pòst determinandam, excedere non debent.



XX.  
Objectorum  
accessibilium  
causâ non  
opus esse ita  
augere tubi  
orificium.

XXI.

*Ad dimi-  
nuendam  
radiorum  
vim cum u-  
timur con-  
spiculis,  
præstare, il-  
lorum orifi-  
cium angus-  
tius facere  
quàm ad vi-  
tro colo-  
rato tegere: Et ad id angustius reddendum præstare, extrema vitri extrinsecus tegere quàm intrinsecus.*

*XXII.  
Ad quid  
utile sit  
multa obje-  
cta eodem  
tempore vi-  
dere: &  
quid fieri  
oporteat ne  
ea re opus  
sit.*

Si interdum lumen ab objectis nimis vehemens effundatur, facile illud minuetur, tectis circumcirca extremitatibus vitri exterioris: & hoc melius erit, quàm aliud magis obscurum, aut coloratum substituere; quod multo Solem contemplantes facere solent: quo enim angustior aditus, cò melius singula dignoscantur, ut suprà de pupilla agentes diximus. Observandum etiam, præstare, hujus vitri oram extrinsecus tegere quàm intrinsecus, ne forsan reflexiones, quæ ibi nonnullæ fierent, radios aliquos ad oculum mittant; ii enim ad visionem nihil conferentes, ut superflui, ei nocerent.

Vnicum tantummodo superest, quod hæc organa exteriora spectat, scilicet ut maximam quoad fieri potest copiam objectorum eodem tempore conspiciamus. Et notandum, hoc nullo modo requiri ad perfectionem melius videndi, sed tantum ad commoditatem videndi plura; imò fieri non posse ut amplius quàm unum objectum simul distinctè intueamur: adeo ut hæc commoditas plura confusè interea videndi, nullum usum habeat, nisi ut sciamus, in quam partem oculus postea detorquendus, ad contuendum id quod accuratius volumus considerare. Et huic rei natura ita prospexit ut omnem aliquid addendi occasionem arti præripuerit: imò quo magis, ope quorundam specillorum, magnitudinem lineamentorum, imaginum in oculo formatarum, augemus, cò pauciora illa objecta reddunt; quoniam spatium quod occupant nulla ratione potest augeri; nisi forte aliquantulum, si nempe invertantur; qua arte ob alias causas cenfeo esse abstinendum. Sed facile est, si ad objecta pateat accessus, illa ipsa eo in loco ponere, in quo perfectissime per specillum possint videri: si vero non pateat, specillum ipsum in machinæ imponere, ita aptatæ, ut ejus ope commodissime in quodlibet determinatum objectu convertatur. Atque ita, licet hanc quartam conditionem nequeamus adimplere, nihil tamen ejus desiderabitur, propter quod erat expetenda.

XXIII.

*Utrum acquiri  
posse facili-  
tas: em vi-  
dendi obje-  
cta propin-  
qua aut re-  
mota.*

Postremo ne quidquam hic omittamus, est advertendum defectus oculi. qui in eo consistunt, quod figura crystallini humoris, vel etiam magnitudo pupillæ, non satis pro arbitrio nostro immutentur; usu paulatim minui posse & corrigi; nam quum hic humor, & hæc tunica pupillam continens, sint veri muscoli, functio illorum ipso usu augetur & facilior redditur, quemadmodum & reliquorum totius corporis musculorum. Et propterea venatores ac nautæ in jugi exercitio

citio longe posita videndi, sculptores etiam, aut alii subtilium operum artifices, in exercitio admodum propinqua, plerumque promptitudinem acquirunt, acutius illa quam reliqui homines inveniendi.

Et ita procul dubio Indi, qui fixo obtutu Solem contemplati feruntur, nihil læsa vel obscurata luminis acie, quotidie illustria objecta inspicientes, assuesciti fuere magis quam nos pupillam contrahere. Verum hæc medicinæ magis propria (cujus est, correctis naturalibus organis, visionis vitia tollere) quam Dioptrica, quæ defectibus iisdem, applicato aliquo organo artificiali, medetur.

XXIV.  
Vnde fallum  
sit ut Gym-  
nosophiste  
illese oculis  
Solem intue-  
ri possent: no-

CAPUT OCTAVUM.

*De figuris quas pellutida corpora requirunt, ad detorquendos refractione radios omnibus modis visioni inservientibus.*



Æc autem organa qua ratione perfectissima fieri possint, ut accuratius mox percipiamus, necessarium est, non prætermittere explicationem figurarum, quas exigunt superficies corporum pellucidorum, ad detorquendos & incurvandos luminis radios, omnibus modis qui visioni conducunt; quæ si non cuivis satis clara & perspicua videbitur, utpote Geometrica & paulo difficilior, ad minimum illis satis manifesta erit, qui prima hujus scientiæ elementa percepserunt. Et in primis, ne ulli diu expectatione suspensi teneantur, sciendum, omnes figuras, de quibus sermo hic instituitur, ex ellipsi & circulo, vel ex hyperbola vel ex linea recta compositas fore.


I.  
De quibus  
figuris hic  
agendum  
est.

Ellipsis est linea curva, quam Mathematici, transversum conum vel cylindrum secando, repræsentare solent: qua etiam topiarios interdum uti videmus inter cæteras areolarum & pulvillorum figuras, quas in hortis suis diversimode concinnant: à quibus quidem satis crasse & incorrecte describitur, sic tamen ut melius natura illius hinc innotescat, quam ex cylindri aut conici sectione. Duos palos humi defigunt, alterum ex. gr. in puncto H, alterum in puncto I, & nodo junctis duabus extremitatibus rectis, paxillis illam circumponunt, hoc modo quo videmus BHI. Deinde immisso digito,

II.  
Quid sit  
Ellipsis, &  
quomodo  
sit descri-  
benda.

o 2

hos




hos palos circumueundo, & restim semper eadem vi adducendo, ut æqualiter scilicet intendatur, lineam curvam DKB humi designant, quæ est ellipsis. Et, si non mutata longitudine funis, palos tantum H & I aliquanto propius ad invicem admoveant, aliam denuo Ellipsim describent, sed alterius speciei quam prior: & si adhuc propius, itidem aliam: postremo si omni-

no conjungant, circulum describent. At si longitudinem restis eadem proportionem imminuant, qua distantiam paxillorum, describent quidem ellipses diversarum magnitudinum, sed quæ erunt omnes ejusdem speciei. Atque ita perspicuum est, illas infinitarum variarum specierum esse posse; adeo ut unaquæque non minus distet à qualibet alia, quam omnium ultinia à circulo; Et præterea illas cujusque speciei infinitarum magnitudinum esse posse. Item etiam hinc apparet, si ex aliquo puncto pro arbitrio in ellipsi electo, ut ex. gr. B, duas rectas agamus ad puncta H & I, ubi pali ad illam designandam defixi fuere: has duas lineas BH & BI junctas, maximæ illius diametro DK æquales fore: quod vel ipsa constructio probat. Pars enim funis extensa ab I ad B, & inde replicata ad H, eadem est quæ porrecta ab I ad K, vel ad D, inde itidem recurrit ad H. Itaut DH sit æquale IK, & HD plus DI (quæ tantum valent, quantum HB plus BI) toti DK æquales sint. Et insuper Ellipses, quæ describuntur observando semper eandem proportionem inter harum maximam diametrum, & distantiam inter puncta H & I, sunt ejusdem speciei. Atque ob quandam proprietatem horum punctorum H & I, quam paulo post discemus, foci nobis vocabuntur, unus interior, alter exterior; scilicet si referantur ad illam ellipsos mediam partem quæ ad D, I erit exterior, si vero ad alteram quæ ad K, idem I erit interior. Et quoties in posterum absolute foci mentio fiet, semper exterior intelligendus erit. Præterea etiam sciendum, si per hoc punctum B, duas rectas LBG, & CBE ducamus, quæ se mutuo ad angulos rectos interfecent, & quarum altera LG, angulum HBI, in





HBG & GBI sunt æquales ex constructione, angulus HOB, qui est æqualis ipsi GBI, est etiam æqualis ipsi OHB, qui nem-




pe est æqualis ipsi HBG, ac proinde triangulum HBO est isosceles; & cum linea OB sit æqualis ipsi HB, tota OI est æqualis ipsi DK; quoniam duæ simul HB & IB sunt ipsi æquales. Et ita, ut ab initio ad finem omnia repetamus, AL se habet ad IG, ut BI ad NI; & BI ad NI, ut OI ad HI; & OI est æqualis DK; unde AL est ad IG ut DK ad HI.

IV  
Nullis aliis  
adhibitis li-  
neis præter  
circulos aut  
ellipses posse  
fieri ut radii  
paralleli in  
unum pun-  
ctum coeant;  
aut ut ii qui  
ab eodem  
puncto pro-  
deunt: pa-  
ralleli eva-  
dant.

Adeo quidem ut si, ad describendam Ellipsin D K B, lineis D K & H I hanc proportionem demus, quam experientia didicimus, utilem metiendis refractionibus omnium radiorum, qui oblique ex aëre in vitrum, aut aliud corpus pellucidum, quo uti volumus, trans eunt; & ex hoc vitro corpus expoliamus ejus figuræ, qualem describeret hæc Ellipsis, si in orbem circa suum axem D K rotaretur; radii in aëre paralleli huic axi, ut A B, *a b*, vitrum convexum illapsi, ita in ejus superficie detorquebuntur, ut omnes inde progressuri sint versus focum I, qui ex duobus H & I remotissimus est ab eo loco, ex quo procedunt. Novimus enim, radium A B in puncto B, à superficie curva vitri, quod repræsentat Ellipsis D B K, eadem ratione detorqueri debere ac detorqueretur à superficie plana ejusdem vitri, quam linea recta C B E repræsentat, in qua ex B refringi debet versus I; quum A L & I G sint ad invicem, quales D K & H I; id est, quales esse debent ad dimetiendas refractiones. Et puncto B pro arbitrio in Ellipsi selecto, quidquid de hoc radio A B demonstratum est, debet etiam de aliis intelligi, qui erunt paralleli ipsi D K, & in alia hujus ellipsoos puncta cadent; adeo ut omnes debeant tendere versus I.

Prx-

Præterea quoniam omnes radii, qui ad centrum circuli vel globi tendunt, perpendiculariter incidentes in superficiem illius, nullam refractionem pati debent: si ex centro I circulum describamus, quo intervallo visum erit, dummodo consistat intra D & I, ut B Q B,




linear DB & QB, circa axem DQ rotatæ, describent figuram vitri, quæ in aëre in puncto I, omnes radios colliget, qui ab altera parte paralleli huic axi in aëre fuerunt: & viceversa omnes venientes ex puncto I, parallelos ab altera parte exhibebit.

Et si ex eodem centro I describamus circulum RO, intervallo quo volumus, ultra punctum D, selecto inde pro arbitrio in ellipti puncto B; sicutamen ne longius distet à D, quam à K: ducamus rectam BO, tendentem ad I; linear RO, OB, & BD, in orbem

V.  
Quomodo  
fieri possit  
ut radius qui  
ab uno vi-  
tri latere


*funt paral-  
leli, ab al-  
tero digre-  
gentur, tan-  
quam si  
omnes ab  
eodem pun-  
cto exirent.*

orbem rotatæ circa axem  $RD I$ , figuram vitri describent, quæ omnes radios parallelos huic axi ab Ellipsis parte, huc illuc ab altera parte disperget, tanquam si omnes venirent ex puncto  $I$ . Pater enim, radium ex.gr.  $P B$ , tantum detorqueri debere à superficie concava vitri  $D B A$ , quantum  $A B$  à convexa seu gibba vitri



$DBK$ ; & consequenter  $BO$  in eadem linea recta esse debere, in qua  $BI$ , quum &  $P B$  in eadem recta sit, in qua  $B A$ , & ita de reliquis.

Vl.  
*Quomodo  
feri possit  
ut cum ab  
utroque la-  
tere sint  
paralleli, in  
minus spa-  
tium ab uno  
quàm altero  
latere con-  
trahantur.*



Si vero in eadem Ellipsi aliam minorem ejusdem speciei describamus, ut  $dbk$ , cujus focus  $I$  in eodem loco consistat, in quo alter præcedentis etiam  $I$ , & alius focus  $b$ , in eadem recta linea, in qua  $D H$ , & versus eandem partem; sumptoque pro arbitrio  $B$ , ut antea, rectam  $B b$  ducamus tendentem ad  $I$ ; lineæ  $D B$ ,  $b$ ,  $b d$ , in orbem rotatæ circa axem  $D d$ , describent figuram vitri, quæ omnes radios ante occursum parallelos, post transitum iterum parallelos reddet; sed in minus spatium coactos, à parte minoris Ellipseos  $db$ , quàm à parte majoris. Et si ad evitandam crassitiem vitri  $D B$ ,  $b d$ , ex centro  $I$  describamus circulos  $QB$ , &  $ro$ , super-


superficies  $DBQ$  &  $robd$ , situm & figuram duorum vitrorum minus crassorum repræsentabunt, quæ idem efficere poterunt.

Et si duo vitra  $DBQ$  &  $dbq$ , similia quidem, sed magnitudine inæqualia, hac ratione disponamus, ut axes eorum in eadem recta porrigantur, duo & illorum foci  $I$  in eodem loco concurrant, superfici-  
esque circulares  $BQ$  &  $bq$  sibi invicem obvertantur, idem etiam omnino agent.

Et si hæc duo vitra  $DBQ$  &  $dbq$ , similia quidem, sed magnitudine inæqualia, jungamus, vel quo libitum intervallo disjungamus, ita tamen ut eorum axes in eadem recta linea existant, & superficies illorum Ellipticæ adversæ sint, omnes radios venientes ex foco alterutro  $I$  in alterius itidem  $I$  fistent.

Et duo diversa  $DBQ$  &  $DBOR$  etiam hac ratione jungamus, ut superficies illorum  $DB$  &  $BD$  mutuo obvertantur, omnes radios venientes ex foco  $I$  vitri  $DBQ$  dispergent, tanquam si venirent ex  $I$ , foco alterius vitri  $DBOR$ ; aut viceversa, omnes tendentes ad punctum  $I$ , colligent in altero  $I$ .

Et postremò duo  $DBOR$  &  $DBOR$  adversis superficiebus  $DB$ ,  $BD$  juncta, radios qui unum perlapsi tenderent inde ad  
punctum






VII.  
*Quomodo idem obstruatur, efficiendo præterea ut radii sint inversi.*

VIII.  
*Qua ratione fieri possit ut omnes radii ab uno puncto procedentes in alio puncto congregentur.*

IX.  
*Et ut omnes ii qui ab aliquo puncto exeunt disgregentur quasi ab alio puncto promanarent.*

X.  
*Et ut omnes ii qui disgregati*

sunt, quasi  
ad idem  
punctum  
tenderent,  
iterum dis-  
gregentur,  
quasi ab eo-  
dem puncto  
prodeunt.




XI.  
Quid sit  
Hyperbola,  
& eam de-  
scribendi  
modus.

punctum I, denuò ex al-  
tero egredientes diffundent,  
tanquam si venirent ex alio  
puncto I. Et hanc distan-  
tiam punctorum I pro ar-  
bitrio augere possumus, ma-  
gnitudinem Ellipsis, ex qua  
pendet, mutando. Atque ita  
solâ Ellipsi & lineâ circulari  
figuras præscribere possumus  
omnibus vitris, quibus  
radios, venientes ex uno  
puncto, aut tendentes ad  
unum, aut parallelos, alios  
in alios horum trium mute-  
mus, omnibus modis quos  
possumus imaginari.

Hyperbola est etiam linea  
curva,

curva, quam Mathematici per sectionem conï non secus quàm Ellipfin explicant. Sed ut melius illam cognoscamus, topiarium iterum producemus, qui inter alias figurarum varietates, quibus aream sui horti distinguit, hanc etiam adhibeat. Denuo duos palos defigit in punctis H & I, annexaque extremitati longæ regulæ resti paulò breviori, alteram regulæ extremitatem perforat, & ita injicit paxillo I, nodum autem in altera extremitate restis nexum palo H. Inde posito digito in puncto X, ubi mutuo junctæ sunt regula & restis, descendit ad D, arcu interea regulæ junctam & velut agglutinatam restim tenens: qua opera, prout deducit digitum, regulam circa paxillum rotans, lineam curvam XBD, Hyperbolæ partem, in terra describit. Et postea conversa regula


in alteram partem, eaque prolata ad Y, eodem modo alteram partem YD designat. Et præterea, si transferat nodum suæ restis in paxillum I, & extremitatem regulæ in paxillum H, aliam Hyperbolæ SKT describet planè similem & oppositam priori. Sed si regula & paxillis non mutatis longiorem tantum restim admoveat, Hyperbolæ alterius speciei designabit; & si adhuc paulò longiorem, adhuc alterius, donec ipsam regulæ planè æqualem reddens, rectam lineam loco Hyperbolæ describet. Deinde si paxillorum distantiam mutet eadem proportionem, quâ differentiam quæ inter longitudinem funis & regulæ, Hyperbolæ ejusdem quidem speciei describet, sed quarum partes similes, magnitudine different. Et tandem, si æqualiter augeat longitudinem restis & regulæ, manente differentia illarum, & paxillorum intervallo, non aliam Hyperbolæ describet, sed majorem illius partem. Illa enim hujus lineæ natura est, ut licet semper magis magisque ad eandem partem inclinet, tamen in infinitum protensa, nunquam extremitates suas commit-





proferamus, & deinde sumptâ  $BA$  æquali  $BI$ , à punctis  $A$  &  $I$  duas perpendiculares in  $LG$  mittamus: has duas posteriores,  $AL$  &  $IG$ , eandem proportionem inter se habituras quam duæ  $DK$  &  $HI$ . Et consequenter si hanc Hyperboles figuram vitro dederimus; cujus refractiones metimur per proportionem, quæ inter lineas  $DK$  &  $HI$ ; illam omnes radios axi suo in hoc vitro parallelos, extrinsecus collecturam in puncto  $I$ ; saltem si convexum sit hoc vitrum; nam si concavum, alios aliò disperget, tanquam si venirent ex hoc puncto  $I$ .

Quorum hæc est demonstratio. Primò, quia lineæ  $AB$  &  $NI$ , itemque  $AL$  &  $GI$ , sunt parallelæ, triangula rectangula  $ALB$  &  $IGN$  sunt similia: unde sequitur,  $AL$  esse ad  $IG$  ut  $AB$  ad  $NI$ ; vel, quia  $BI$  &  $AB$  sunt æquales, ut  $BI$  ad  $NI$ . Deinde si  $HO$  parallelam ducamus ad  $LG$ , manifestum est, ita se habere  $B$  ad  $NI$ , quemadmodum  $O$  ad  $HI$ , ob similitudinem triangulorum  $BNI$  &  $OHI$ . Postremò duobus angulis  $EBH$  &  $EBI$  ex constructione æqualibus, &  $HO$ , quæ parallela  $LG$  secante ad angulos rectos  $CE$ , duo triangula,  $BEH$ , &  $BE O$ , omnino erunt æqualia. Et ita  $BH$ , basi unius, æquali existente  $BO$  basi alterius, relinquitur  $OI$  differentia inter  $BH$  &  $BI$ , quam supra diximus esse æqualem  $DK$ : Ideoque  $AL$  est ad  $IG$ , quemadmodum  $DK$  ad  $HI$ . Vnde sequitur, observata semper inter lineas  $DK$  &  $HI$  proportionem, quæ apta est dime-tiendis refractionibus vitri, aut similis materiæ, qua uti animus est; (sicut in describenda Ellipsi fecimus; hoc tantum excepto; quod  $DK$  non possit hic esse nisi brevissima, cum è contrâ, ubi de Ellipsi agebatur, debuerit esse longissima) si describa-






mus partem Hyperboles quantamlibet, ut  $DB$ ; & à  $B$  ad angulos rectos deducamus in  $KD$ , rectam  $BQ$ ; duas lineas  $DB$  &  $BQ$ , duas lineas  $DB$  &  $QB$ , in orbem circa axem  $DK$  rotatas, figuram vitri delineaturas, quæ omnes radios illud permeantes, & parallellos axi in aëre, à parte superficiæ planæ  $BQ$  (in qua nullam refractionem patiuntur) colliget ab altera parte, in puncto  $I$ .

XIII.  
Quomodo  
ex solis hy-  
perbolis &  
lineis rectis  
fieri possint  
vitra, quæ  
radios o-  
mnium iif-  
dem modis  
mutent, at-  
que illi qui  
ellipsibus &  
circulis con-  
sistunt.

Et, si facta Hyperbole  $db$  quæ similis sit præcedenti, rectam  $ro$  ubicunque libuerit ducamus; sic tamen ut Hyperbolâ non sectâ, ad perpendicularum in axem illius  $dk$  incidat, & duo puncta  $bo$  per aliam rectam parallelam axi  $dk$  jungamus; tres lineæ,  $ro$ ,  $ob$ , &  $bd$ , rotatæ circa axem  $dk$ , describent figuram Vitri, omnes radios axi parallellos à parte superficiæ planæ, huc illuc ab altera parte dispergentem, tanquam si venirent ex puncto  $I$ .

Et si breviori sumpta linea  $HI$ , ad describendam Hyperbolen vitri  $rob$ , quàm erat ad describendam alteram vitri




$DBQ$ , disponamus hæc duo vitra tali ratione, ut axes illorum  
 $DQ$ .

DQ, *rd*, in eadem recta jaceant, & duo foci in eodem loco I; adversis duabus superficiebus Hyperbolicis, omnes radios axi ante occursum parallelos, post transitum itidem parallelos, & magis in arcum coactos à parte vitri *robd*, quam à parte alterius, reddent.


Et si duo DBQ & *dbq*, similia quidem, sed inagnitudine inæqualia, ita disponamus, ut axes illorum DQ & *dq* etiam in eadem recta porrigantur, & duo foci in eodem loco I concurrant, adversis duabus superficiebus Hyperbolicis; idem agent quod proxime præcedentes; radios scilicet axi ab una parte parallelos etiam ab altera parallelos reddent, & simul in arcum spatium cogent à parte minoris vitri.

Et si planas superficies duorum vitrorum DBQ & *dbq* jungamus aut disjungamus intervallo quo lubet, obversis tantum superficiebus planis, quamvis eorum axes in eandem rectam non coincidunt, modo tantum sint paralleli; vel potius si componamus aliquod vitrum, figuram duorum ita junctorum representans: illius ope efficiemus, ut radii, venientes ex uno punctorum I, in altero ab opposita parte coeant.

Et si fabricetur aliquod vitrum, quod habeat figuram duorum DBQ & *robd*, ita junctorum, ut eorum superficies planæ se mutuo contingant, illud omnes radios venientes ex uno punctum I disgregabit, tanquam si venirent ex altero.



Et




• Et postremo si vitrum componamus ejusdem figuræ, quam reddunt duo *ro b d*, quum ipsorum duæ planæ superficies conjunctæ sunt, efficiemus ut omnes radii qui convergentes in hoc vitrum ferentur, tanquam si essent ultra ipsum coituri in puncto *I*, postquam illud pertransiverint, divergant, tanquam si venirent ex altero puncto *I*.

Atque hæc omnia mea quidem sententia tam perspicua sunt, ut sola contemplatio figurarum, ad rei cognitionem sufficere possit.

Porro, easdem mutationes radiorum quas explicavimus, primo per duo vitra elliptica, deinde per totidem hyperbolica, & duo alia, producere possunt, quorum hoc Hyperbolicum, illud Ellipticum. Et præterea infinita alia possumus imaginari, idem omnino agentia, scilicet ut omnes radii venientes ex uno puncto, aut tendentes ad unum, aut paralleli, ex aliis in alios horum trium mutantur. Sed hoc loco de iis verba facere supervacuum arbitror, quoniam commodius in Geometria poterunt explicari; atque ea quæ jam descripsimus, sunt omnium aptissima ad nostrum institutum, quemadmodum hic ostendere conabor; & eadem opera, exponendo præcipuas omnes differentias, quæ inter ipsa esse possunt, quænam præ cæteris sint eligenda, demonstrabo.

Harum differentiarum prima consistit in eo quod figura unius de-



XIV.  
Etiam si  
multa aliæ  
figurae sint  
quæ eodem  
effectus pro-  
ducere  
queunt, nul-  
lar tamen  
præcedenti-  
bus ad con-  
spicienda esse  
aptiores.

XV.  
Figuras fi-  
lis hyperbo-  
rectam


*Is, & lineis  
rectis con-  
stantes, de-  
lineatu esse  
facilior.*

rectam circulem, & parabolam, ex quibus solis talis vitri figuræ componi non potest, nullam Ellipsi aut Hyperbola simpliciorē dari, ut cuius inquirēti liquebit. adēd quidem ut quum linea recta delineatu faciliō sit, quam circularis, & Hyperbole haud difficilior quam Ellipsis, vitra quorum figuræ ex Hyperbolis & rectis lineis componuntur, facillime omnium expoliri possē videntur. Hinc secundum locum tenent, quæ circularis & Ellipsis constant; reliquæ omnes nobis non explicatæ, maioris sunt operæ. Saltem quantum ex motuum quibus describuntur simplicitate potest judicari. Nam si qui forsā artifices vitra spherica commodius expoliant quam plana, hoc contingit ex accidenti, & ad hujus scientiæ theoriā, quam solam explicandam suscepī, non spectat.

## XVI.

*Quæcumque  
sit vitri fi-  
gura, non  
posse ut ac-  
curate effi-  
cere, ut ra-  
dii à diver-  
sis punctis  
prodeuntes,  
in totidem  
aliis diversis  
punctis con-  
grediantur.*


Secunda differentia in eo est, quod inter plura vitra, eodem modo radios immutantia, qui referuntur ad unum aliquod punctum, aut paralleli ab altera parte veniunt, illa quorum superficies sunt minus aut minus inæqualiter incurvatæ, ita ut refractiones minus inæquales producant, radios ad alia puncta relatos, vel ab alia parte venientes, semper aliquanto accuratius quam reliqua immutent. Sed ad perfectum hujus cognitionem observatu necessarium est, solam inæqualitatem curvaturæ linearum, quibus figuræ horum vitrorum componuntur, obstat, quo minus dispositio radiorum qui referuntur ad plura diversa puncta, aut paralleli veniunt ex pluribus diversis



A, fierent paralleli dum essent in vitro, & eadem ratione altera linea recta KI, efficeret ut iidem egredientes ex vitro tenderent versus B; eadem hæ lineæ GH & KI, efficerent etiam ut radii omnes venientes à puncto C, tenderent versus D; & generaliter ut omnes

omnes ii qui ex aliquo punctorum lineæ rectæ AC (quam suppono parallelam ipsi GH) versus unum aliquod ex punctis rectæ BD (quam facio parallelam ipsi IK, & tantumdein ab ea distantem quantum AC distat à GH) flecterentur. Cum enim hæ lineæ GH & IK, nullo modo incurvatæ sint, omnia puncta aliarum AC & BD, referuntur ad ipsas eodem modo.

Simili ratione si esset vitrum quale LMNO, (cujus suppono superficies LMN & LON esse duo æqualia sphaeræ segmenta,) quod vim haberet efficiendi ut radii omnes egressi ex puncto A cohererent in puncto B; haberet eodem modo efficiendi ut omnes ex puncto C cohererent in D; & generaliter, ut omnes, qui procederent ex uno aliquo punctorum superficiei CA, (quam suppono esse segmentum sphaeræ, idem centrum habentis quod LMN,) colligerentur in uno aliquo ex punctis superficiei DB, (quam itidem suppono esse segmentum sphaeræ, idem habens centrum quod LCN, & ab isto centro æque distare atque AC distat ab LMN,) quoniam omnes partes harum superficierum LMN & LON sunt æqualiter curvatæ, respectu omnium punctorum quæ sunt in superficiebus CA, & BD.



Sed quia nullæ lineæ sunt in natura præter rectam & circularem, quarum omnes partes eodem modo se habeant ad omnia puncta aliqujus alterius lineæ, & neutra ex his sufficit ad componendam figuram vitri, quæ omnes radios, venientes ex aliquo puncto, accurate in alio colligere possit; satis liquet, nullam earum quæ huic rei inferviunt, omnes radios ex aliquot punctis elapsos, accurate in aliis punctis coacturam. Et ad seligendas ex iis, quæ radios minus dispergunt circa locum in quo illos colligere volumus, minus curvatæ, & minus inæquales, cæteris præferendæ erunt, ut, quantum possint, ad circularem aut ad rectam proxime accedant; & potius ad rectam, quam ad circularem, propterea quod hujus partes habent tantum eundem respectum ad illa puncta, quæ æqualiter ab ejus centro distant, nec ullum aliud eodem modo respiciunt quo illud centrum.



XVII.  
Vitræ hyperbolica  
omnium  
prima esse  
in hunc finem.

Vnde facile concluditur, Ellipsin ab Hyperbola hac in re separari, & nullam excogitari posse vitri figuram, quæ omnes radios, ex diversis punctis venientes, in totidem aliis æque remotis à vitro ac priora tam accurate colligat, quam illa quæ constat ex duabus æqualibus Hyperbolis. Et quidem etiam si hic accuratæ totius hujus rei demonstrationi superfedeam, facile tamen est applicare ea quæ jam dixi ad alios modos inflectendi radios, qui respiciunt diversa puncta, vel paralleli veniunt ex diversis partibus; atque ita cognoscere, vitra Hyperbolica, vel ad hoc esse omnium aptissima, vel certe nullis aliis tam insigniter minus apta, ut iis idcirco debeant postponi, quibus jam diximus esse præferenda, ex eo quod facilius poliantur.


## XVIII.

*Radios à diversis punctis procedentes, magis dispersi vitro hyperbolico trajecto, quam elliptico: quantoque ellipticum densius est, tantominus illud trajecto dispersi.*

Tertia horum vitrorum differentia in eo consistit, quod alia efficiant ut radii, qui ea pertranseunt decussantur, paulo magis post illam decussationem ab invicem removeantur; & alia paulo minus. Vt si ex.gr. radii GG veniant ex centro Solis, II ex sinistra ejus



circumferentiæ parte, & KK ex dextra; postquam pertranseverint vitrum Hyperbolicum DEF, magis ab invicem removebuntur quam prius; (hoc est, angulus MFL, major erit angulo IFK, & ita de cæteris) & contra, postquam pertranseverint Ellipticum ABC,





ABC, magis ad invicem accedent; (hoc est, angulus MCL, minor erit angulo ICK) Adeo ut hoc Ellipticum puncta LHM sibi invicem propiora reddat, quam Hyperbolicum; Et quidem tanto magis propinqua reddit quanto crassius est.

## XIX.


*Quantumcunque densitatem habeat, non posse id imaginem quam isti radii pingunt, nisi quartâ aut tertiâ parte minorem*

*reddere quàm faciat hyperbolicum: & inæqualitatem tantò majorem esse quanto major est visri refractionis. Nullam vitro figuram dari posse quæ imaginem istam majorem reddat hyperbolicâ, aut minorem ellipticâ.*

## XX.

*Quomodo intelligendum sit, radios à diversis punctis emanantes decussari in prima superficie, quæ efficere potest ut in eisdem aliis diversis punctis congregentur.*

Hic autem ex occasione notare possumus, quo sensu supra dictum sit, radios ex diversis punctis manantes, aut diversis partibus parallelolos, omnes in prima superficie decussari, quæ efficiat ut in totidem aliis iterum colligantur. Vt quum audivimus, illos objecti VXY, qui imaginem RST in oculi fundo delineant, decussari in primâ illius superficie BCD. Hoc enim ex eo pendet, quod exempli gratiâ tres radii, VCR, XCS, & YCT, reverâ decussentur in hac superficie BCD, in puncto C. Vnde sequitur, licet radius VDR longè altiùs occurrat radio YBT, & VBR inferiùs radio YDT, quia tamen ad eadem puncta tendunt ad VCR & YCT, eadem ratione considerari posse, ac si in eodem loco decussarentur. Et quum eadem hæc superficies BCD illos ita disponat, ut omnes ad eadem puncta tendant, potiùs cogitare debe-



mus, ibi universos decussari, quàm superiùs aut inferiùs. Non obstante quòd & aliæ superficies 123 & 456 illos detorquere possint. Quemadmodum duo bacilla curva, ACD, & BCE, licet multùm à punctis F & G recedant; ad quæ irent, si recta essent, & tantumdem atque nunc in puncto C decussarentur; nihilominus tamen revera in hoc puncto C decussantur.



Sed interim adeò curva esse possent, ut iterum in alio puncto decussarent.

rentur. Et eadem ratione radii perineantes duo vitra convexa DBQ & dbq in superficie prioris decussantur, deinde iterum in altera posterioris; ii saltem qui ex diuersis partibus allabuntur; alios enim qui ex eadem manant, palàm est deum in puncto I decussari.

NB.  
Vide fig.  
pag. 119.

• Obiter etiam observemus, radios solis, vitro Elliptico ABC collectos, vehementius urere quàm si per Hyperbolicum DEF collecti forent. Neque enim tantummodo radiorum ex centro Solis manantium, ut GG, ratio habenda, sed etiam aliorum: qui cum ex aliis ejus partibus fluant, non multò minùs virium habent quàm illi, qui ex centro: adèd ut vehementia caloris quem excitant, æstimari debeat ex magnitudine vitri vel speculi quod il-

XXI.  
Vitra Elliptica magis urere quàm Hyperbolica: & quomodo metiri oportens vim speculorum aut vitrorum urentium. Nulla posse fieri quæ lineæ vellent in infinitum.



los colligit, comparata cum magnitudine spatii in quo colligit. Ita, exempli gratiâ, si diameter vitri ABC sit quadruplo major distantia, quæ est inter puncta L & M, radii ejus ope collecti sedecies tantum roboris habebunt, quantum haberent vitrum planum permeantes, quod illos nullo modo detorqueret. Et quoniam distantia inter puncta M & L major vel minor est, pro ratione intervalli, quod est inter illa & vitrum ABC, vel simile aliud corpus radios ibi cogens; nec ipsam magnitudinem diametri hujus corporis, nec particularis ejus figura, nisi una quarta, aut ad summum tertia parte, potest augere; certum est, hanc lineam comburen-

burentem in infinitum, quam quidam somniant, vanam & imaginariam esse.


## XXII.

*Minima vitra aut specula tota radios congregare ad urendum, in spatio in quo eos congregant, atque maxima, quæ figuræ minimis istis similes habent, in æquali spatio: istaque maxima nullam aliam prærogativam habere, quàm eos in spatio majori & remotiori congregandi; atque ita specula aut vitra valde parva fieri posse, quæ tamen magnam urendi vim habeant. Speculum comburentis cujus diameter non excedit 100 partem distantie ad quam radios congregat, non posse efficere ut vehementius urant aut calefaciant, quàm illi qui directe à Sole procedunt.*

## XXIII.

*Vitra elliptica plures*

Quartum discrimen, in vitris de quibus agimus notandum, ad ea imprimis pertinet, quæ mutant dispositionem radiorum ex pro-



pin-

pinquo aliquo puncto manantium, & in eo consistit, quod alia, nempe quorum superficies illi puncto obversa quàm maximè est concava, pro ratione ipsorum magnitudinis majorem copiam radiorum admittant, quàm alia, licet diametrum non habeant majorem. Et in hac re vitrum Ellipticum NOP (quod tan magnum supponimus, ut extremitates illius N & P, sint puncta determinantia minimam Ellipsis diametrum) Hyperbolicum QRS superat, licet pro arbitrio magnum fingatur; & ad hunc effectum nullo alio inferiorius est.

*ex eodem puncto radios accipere posse, ut eos postea parallelos reddant, quàm ullius alterius figura.*

Postremò hæc vitra etiam in hoc differunt, quod ad eadem effecta producenda, circa radios qui referuntur ad unicum punctum, vel sunt paralleli, illa quæ sunt quarundam figurarum debeant esse plura numero, vel efficere ut radii qui alia puncta vel alias partes respiciunt, pluribus vicibus decussentur, quàm quæ sunt aliarum: ut supra vidimus ad radios ex uno puncto manantes, in alio colligendos, aut dispergendos tanquam si ex alio venirent, aut rursus ad dispergendos, illos, qui versus aliquod punctum tendunt, tanquam si ex aliquo alio egrederentur, semper duo vitra Elliptica esse adhibenda, quum ad idem efficiendum unico tantum Hyperbolico opus sit. Et parallelos, servato parallelismo, in minus spatium quàm antea occupabant arctari posse, tam per duo vitra Hyperbolica convexa, quæ radios ex diversis punctis venientes bis decussant, quàm per convexum & concavum, quæ semel tantum eosdem decussant. Sed manifestum est, nunquam pluribus vitris utendum, quoties unum sufficit, nec procurandum ut sæpius radii decussentur, ubi semel decussati idem præstare possunt.

XXIV.  
*Sæpe vitra hyperbolica ellipticis esse præferenda, quod uno tantumdem atque duobus effici possit.*

Atque ex his omnibus est concludendum, vitra elliptica & Hyperbolica, cunctis aliis, quæ possunt excogitari, præstare; Et præterea ferè semper Hyperbolica Ellipticis esse præferenda. Quibus præmissis hic deinceps exponam qua ratione mihi videatur unumquodque genus specillorum fieri debere, ut quam maximam perfectionem acquirat.

## CAPUT NONVM.

*Descriptio Specillorum.*

I.  
Qualis  
genda sit  
perspicillo-  
rum mate-  
ria: & cur  
sepe semper  
fiat aliqua  
reflexio in  
corporum  
pellucido-  
rum super-  
ficie: cur-  
que reflexio  
ista validior  
sit in cry-  
stallo quàm  
in vitro.




Rimò omnium necessarium est, pellucidam materiam eligere, politu facilem, & tamen satis duram, ad figuram quæ ipsi dabitur retinendam; præterea minimum coloratam, & quàm minimè reflexioni obnoxiam. Et quidem in hunc usque diem non alia reperta fuit, quæ omnes has conditiones perfectius expleat, quàm vitrum valde purum & translucidum, ex cinere subtilissimo conflatum. Licet enim crystallus montana purior & pellucidior videatur, tamen quum superficies illius plures radios quàm vitrum reflectant ut experientia docere videtur, non tam apta forsitan nostro proposito fuerit. Hic autem ad cognoscendam hujus reflexionis causam, & quare potius in superficiebus tum vitri tum crystalli fiat, quàm in medio illorum, item quare major in superficie crystalli quàm vitri, nobis in memoriam revocandum est, qua ratione supra naturam luminis descriperimus, dicentes, illam nihil esse in pellucido corpore, præter actionem aut inclinationem ad motum, materię cujusdam subtilissimæ, omnes illius poros replentis; & cogitandum, poros omnium corporum pellucidorum ad eò æquales & rectos esse, ut facillimè hanc materiam subtilem sine morâ & offensione transmittant; Sed nunquam poros duorum corporum pellucidorum diversæ naturæ, ut illi aëris & vitri seu crystalli, tam accuratè ad invicem respondere, quin semper nonnullæ particule materię subtilis, manantes, exempli gratia, ex aëre ad vitrum, inde resiliant, partibus solidis superficiei illius occurrentes, & eadem ratione ex vitro in aërem delatæ, partibus solidis superficiei aëris obviæ, eo unde venerant reflectantur; sunt enim in aëre multæ, quæ respectu hujus materię subtilis, solidæ possunt nominari. Quibus cognitis si consideremus, crystallum componi ex partibus solidis crassioribus, & poros habere angustiores, quàm vitrum, quænamadmodum ex majori ejus duritie simul & pondere satis, patet, facillè credemus, illam plures ex istius materię subtilis particulis superficie sua repulsuram, & ex consequenti paucioribus radiis aditum præbituram quàm vel aër vel vitrum, licet interea faciliorem transitum, quàm illa, præbeat iis quibus præbet, juxta ea quæ supra dicta sunt.

Itaque

Itaque selecto purissimo vitro, minimè colorato, & paucissimos radios reflectente, si illius ope defectui eorum opem ferre volumus, quorum acies non tantum ad remota valet, quantum ad propinqua, vel contra non tantum ad propinqua quantum ad remota, apertissimæ ad hoc figuræ erunt, quæ ex Hyperbolis constant. Vt si, exempli gratiâ, oculus B, vel C, à natura comparatus sit ad colligendos in suo fundo omnes radios manantes ex puncto H vel I, at non illos ex V, vel X: ut tamen & hoc V vel X accuratè cernat, interponendum est vitrum O, vel P, cujus superfi-

11.  
*Descriptio  
conspicilio-  
rum quæ  
myopibus  
inseruiunt,  
& iis qui  
tantum e-  
minus vi-  
dere possunt.*



cies, una concava, altera convexa, ope duarum Hyperbolarum descriptæ sunt; & concava quæ oculo est obvertenda, habet pro foco punctum H vel I, & convexa punctum V vel X.

Atque si punctum I, vel V, satis remotum sit ab oculo, nempe ad quindecim aut viginti pedes aut amplius; tunc loco Hyperbolæ, cujus focus esse deberet, sufficiet uti linea recta, & sic facere

III.  
*Cur suppo-  
nissit, ra-  
dios a pun-  
cto satis re-*

*moto pro-  
deuntis esse  
quasi pa-  
rallelos: &  
cui non sit  
necesse, con-  
spiciliorum  
quibus u-  
santur se-  
nes figuram  
valde accu-  
ratam esse.*


unam ex superficiebus vitri omnino planam; nempe interiorem, quæ oculo obverti debet, si sit punctum I, quod ita remotum supponimus; & anteriorem, si sit punctum V. Tum enim tanta objecti pars, quanta est pupillæ magnitudo, loco unius puncti erit, quum non plus spatii in oculi fundo occupet, quàm extremitatē unius capillamenti nervi optici.

Neque etiam necessarium est, quoties objecta paulò magis vel minùs distantia volumus contueri, alia statim adhibere vitra; sed sufficit ad usum, habere duo, quorum alterum distantie rerum, quas vulgo contemplanur, minimæ congruat, & alterum maximæ; vel etiam unum quod inter hæc duo medium sit. Cum enim oculi quibus aptari debent, non omnino immoti sint, & rigidi, facile ad figuram talis vitri mutantur.

IV.  
*Quomodo  
perspicilla  
policaria  
ex unico vi-  
tro fieri de-  
beant.*

Quod si etiam ope unius vitri cupiamus efficere, ut objecta accessiva (id est, quæ oculo quantum volumus possunt ad moveri) multo inajora & magis distincte appareant, quam dum respiciuntur sine specillis; commodissimum erit, superficiem hujus vitri interiorem omnino planam reddere, anteriorem autem Hyperbolicam; cujus focus in eo loco sit, in quo objectum libuerit collocare. Notandum tamen, hic commodissimum dici, non omnino optimum; nam concedo quidem, si huic superfici ei figuram Ellipseos deimus, cujus itidem focus ibidem sit ubi objectum, & alteri figuram segmenti sphaeræ, cujus centrum in eodem hoc foco, effectum paulo majorem fore: sed multo minus commodum tale vitrum poterit expoliri. Hic autem focus, sive Hyperbolæ, sive Ellipsis, tam propinquus esse debet, ut objecto (quod non nisi valde exiguum esse potest) ibi locato, non majori intervallo distet à vitro, quam necesse est, ut lumen quo debet illustrari, ex circumjacentibus locis ad illud accedat. Atque hoc vitrum theca aliqua est ita includendum, ut totum illa contegatur, media tantum ejus parte excepta, quæ magnitudine pupillam æquet, vel etiam sit paulo minor. Debentque omnes hujus thecæ partes, quæ oculo obvertentur, nigrae esse. Et præterea non erit inutile, ipsius oras holoserico nigro circumdare, ut tanto commodius, oculo quam proxime admota, radios omnes luminis excludat, præter eos, qui per partem vitri detectam admittentur. Sed extrinsecus præstabit, ejus superficiem albam esse, vel potius tersam & politam, figuramque habentem speculi concavi, ut omnes radios luminis in se effusos ad objectum reflectat. Et ad sustinendum ob-  
jectum


etum eo in loco, in quo esse debet ut ope specilli conspiciatur, non impròbo perexiguas illas atnpullas ex vitro vel crystallo, quarum usus in Gallia jam vulgaris est & frequens. Sed ut aliquanto plus artis adhibeamus, melius erit si fulcro aliquo, brachioli instar, ex theca protenso, sustineatur. Et denique ut abunde luminis adfit, totum specillum simul cum objecto erit Soli obvertendum. Ut si A sit vitrum, C pars interior thecæ cui inclusum est, D exterior, E objectum, G brachiolum sustinens, H oculus, & I Sol, cujus radii directe in oculum non penetrant, ob interjectum tam conspiciuntur quam objectum, sed effusi in corpus album, vel speculum D, resiliunt inde primo ad E, & tandem ab E. ad oculum.



Si vero aliquod specillum ad astra & alia objecta remota & inaccessibleia contemplanda volumus fabricare, duobus Hyperbolicis vitris, convexo uno & altero concavo, duabus tubi extremitatibus, ut hic videri possunt, insertis id erit componendum. Et primo *abc* superficies vitri concavi *abdef*, figuram Hyperbolicam exigit; cujus focus ea distantia absit, à qua oculus cui hoc perspicillum paratur quam accuratissime sua objecta cernit. Hic ex. gr. oculo G ita disposito, ut distinctius cognoscat objecta quæ ad H, quam ulla alia, H debet esse focus Hyperboles *abc*. & pro senioribus qui rectius objecta remota quam propinqua vident, hæc superficies *abc* omnino plana esse debet; contra pro iis, quorum acies ad propinqua valet, satis concava. Altera superficies *def* figuram alterius Hyperbolæ exposcit, cujus focus I transversum pollicem aut circiter ab ea distet, ita ut oculi fundum contingat cum ejus superficiei perspicillum erit conjunctum. Hæ tamen proportionem non tam absolute necessaria sunt, quin multum etiam mutari possint, ita ut non aliter facta superficie *abc* pro senibus, nec pro myopibus quam pro cæteris, omnibus oculis idem perspicillum possit inservire, si tantum ejus tubus nunc aliquantulum diducatur, nunc contrahatur. Et quod ad superficiem *def*, forsan ob difficultatem

v.  
Quid requiratur  
in telescopiis,  
ut sint  
perfecta.





ipsam multum excavandi, præstabit, figuram Hyperboles illi dare, à qua focus aliquanto magis distet, quàm dictum est; quod usus felicius quàm in ea præcepta docebit. Et in universum hoc tantum dico quo propius aderit hoc punctum I reliquis paribus, eo majora objecta visum iri, quia tunc oculus ita erit disponendus, ac si propria essent; & visionem magis fortem sive perspicuam futuram, quia tunc alterius vitri diameter poterit major esse: Verum si nimis vicinum fiat, illam non adeò distinctam fore, quia tunc multi radii nimis oblique, pro ratione aliorum, in vitri su-

perfi-

perficiem cadent. Diameter autem hujus vitri, siue pars quæ resecta esse debet, cum tubo K L M inclusum est, satis magna erit, si aliquantulum excedat pupillæ quam maxime diductæ quantitatem. Et quod ad ejus crassitiem attinet, nunquam nimis exigua esse potest. licet enim illam augendo imagines objectorum paulo majores reddantur, quia tunc radii à diversis punctis venientes paulo magis in ea parte, quæ oculum respicit, divergunt; sit etiam è contra ut pauciora & minus distincte appareant; suntque aliæ viæ commodiores ad imaginum magnitudines augendas. Quantum ad vitrum convexum N O P Q, superficies illius N O P, objecta respiciens, omnino plana esse debet, & altera N O P Hyperbolica; cujus focus accurate in eundem locum cadat, in quem alterius Hyperboles *def*; & quo perfectius telescopium desideramus, eo magis focus iste removendus est à puncto O. Præterea magnitudo diametri hujus vitri determinatur à duabus rectis lineis I d N & I f P, ductis à foco I, per d & f, extremitates diametri vitri hyperbolici *def*; quam diametro pupillæ æqualem esse suppono. Sed etiamsi diameter vitri N O P Q aliquanto minor sit, tamen objecta propterea non magis confusa, nec minora, sed tantum minori luce perflusa apparebunt. Quapropter quoties illa nimis lucida erunt, diversi circuli nigri chartacei; vel similes, in promptu habendi, ut 1 2 3, ad obtendas illius oras, & partem ejus resectam, quantum lumen ex objectis effusum permiserit, angustissimam reddendam. Crassities autem hujus vitri neque prodesse neque obesse potest, nisi forsan ideo potest obesse, quod vitrum quamvis purissimum & maxime tersum, semper tamen radios aliquanto plures reflectat, quam aër. Tubus K L M ex materia firma & solida fieri debet, ut duo vitra duabus illius extremitatibus immissa, accurate semper eodem situ ibi hæreant. Totus etiam intrinsecus niger esse debet, atque holoserico nigro circa oram ad M vestiri, ut recte oculo junctus omnem lucem excludat, eâ excepta quæ permeabit vitrum N O P Q. Longitudinem autem illius, & latitudinem, distantia & magnitudo duorum vitrorum certam reddit. Postremo necessarium erit, hunc tubum machinæ cui-dam imponi, ut R S T, cujus opera verti in omnes plagas possit, & firmiter sisti è regione objectorum, quæ volumus contemplari. Et hujus quoque rei gratia dioptra vel duo pinnacidia, ut V V, huic machinæ affigenda erunt. Et insuper etiam, quia quo magis hæc perspicilla objectorum imagines augment, eo pauciores simul repræ-


repræsentant, non abs re fuerit, iis, quæ illas quam maxime augent, alia minus perfecta adjungere, ut eorum ope tanquam per gradus, ad cognitionem loci, in quo erit objectum quod perfectissima exhibebunt, deveniatur. Talia hic sunt  $XX$  &  $YY$ , quæ perfectissimo  $QLM$  ita adjuncta esse suppono, ut si veretur machina cui imposita sunt, donec per dioptras  $VV$  planeta Iovis appareat, idem etiam per specillum  $XX$  appareat, & præterea hujus specilli ope quatuor alii minores planetæ Iovem comitantes dignoscantur. Deinde si machina rursus ita dirigatur ut unus aliquis ex his minoribus planetis per centrum hujus specilli  $XX$  conspiciatur, conspicietur etiam per aliud specillum  $YY$ ; ubi quia solus & multo major quam prius apparebit, diversæ etiam regiones in eo distinguuntur. Et denique ex his regionibus, quæ per centrum hujus specilli  $YY$  spectabitur, spectabitur etiam per tertium specillum  $KLM$ , cujus ope variæ res minores quæ in illa regione erunt, discernentur. Sed sciri non posset, istas res esse in tali regione, talem ex planetis qui Iovem comitantur, sine ope aliorum; nec etiam illud in loca determinata, versus quæ volumus respicere, commode dirigere possemus.

His autem tribus perspicillis, quartum aut plura perfectiora poterunt adjungi; saltem si artificibus industria ad id requisita non desit. Et nullum quidem inter hæc perfectissima & imperfectiora discrimen est, nisi quod eorum vitrum convexum debeat majus esse, & ejus focus remotior. Denique si manuum industria præstare possit, quod ars docet; hujus inventi beneficio poterimus res tam particulares & minutas in astris videre, quam sint eæ quas vulgo in terra percipimus.

VI.

*Quatinus  
idem esse de-  
beant per-  
spicilla pu-  
licaria, ut  
sint perfe-  
cta.*


Si vero specillum habere cupiamus, cujus ope objecta propinqua & accessa quam distinctissime fieri potest conspiciantur, & multo distinctius quam ope illius quod paulo ante hunc in usum descripsimus, illud itidem duobus vitris hyperbolicis, uno concavo, convexo altero, duabus tubi extremitatibus inclusis, erit componendum, & concavo  $abedef$  eadem figura danda, quæ proxime præcedenti; ut & superfici interiori convexi  $NOP$ . Exterior autem  $NRP$  quam illud totam planam habebat, hic admodum convexa requiritur, & hyperbolica, cujus focus exterior  $z$  ita propinquus sit, ut objecto ibi locato, non plus spatii  
illud



illud & vitrum interjaceat , quam admittendæ luci ad illud illuminandum requiritur . Et diameter hujus vitri non tanta requiritur , quanta in præcedenti specillo , nec etiam tam exigua sufficit quam illa vitri A , paulo ante descripti , sed talis circiter esse debet , ut recta NP , quæ illum designat , transeat per focus interiorem Hyperboles NRP , & in hac Hyperbola utrimque terminetur . Si enim minor foret , pauciores radios ab objecto z reciperet ; sin major , paulo plures tantum admitteret ; ita ut vitri crassities , quæ tunc multo major evaderet , non minus de illorum vi detraheret quam ejusdem latitudo augeret ; & præterea non tantum luminis versus objectum z reflecti posset . E re quoque erit , hoc conspicillum machinæ cuidam , ut ST , imponere , qua semper Soli obversum teneatur . Et vitrum NOPR speculo parabolico concavo includendum erit , ut CC , quod

s

omnes



omnes Solis radios reflectat ad punctum Z, in quo objectum parvo brachiolo G, alicunde ex speculo protenso, sustineatur. Et præterea hoc brachiolum fulcire debet aliquod corpus nigrum & opacum, quale H H, quod objectum Z undique circumstet, & accuratè magnitudinem vitri N O P R adæquet; ut nempe impediatur ne qui radii Solis directe incidant in hoc vitrum; inde enim intrantes tubum, quidam eorum procul dubio ad oculum resilirent, & nonnihil de visionis perfectione detraherent: quia, quamvis hic tubus debeat intrinsecus fieri nigerimus, nullum tamen corpus tam perfecte nigrum esse potest ut omnem vim luminis aliunde in illud delapsi obrundat, & nullos omnino radios reflectat; præsertim si

lumen illud sit satis forte, quale est Solis. Præterea corpus opacum H H, debet habere in medio foramen, quale Z, ejusdem magnitudinis cujus objectum, ut si id forsitan quodammodo sit pellucidum, etiam per directos Solis radios illuminetur; imò si necesse sit, per eosdem comburenti vitro I I, quod æquè latum sit ac N O P R, collectos in puncto Z; ut omni ex parte tantum luminis in objectum mittatur, quantum sine periculo ustionis poterit ferre. Et facile erit, velata parte speculi C C, vel vitri I I, nimiam illorum vim temperare. Neminem ignorare existimo, quare hic tam sollicitè curem, ut quam plurima luce objectum illustretur, & ut quam plurimi ex eo radii ad oculum pertingant. Vitrum enim N O P R quod in hoc specillo pupillæ vice fungitur, & in quo radii ex diversis punctis emanantes decussantur, cum multò vicinius sit objecto quàm oculo, efficit ut hi radii per multò majus spatium se extendant, in membranula illa quæ ex extremitatibus nervi optici conflatur, quàm sit ipsa superficies objecti ex quo veniunt; Et satis patet, illos tanto minus virium habere, quanto spatium per quod extenduntur est majus, ut è contra multo plus habent cum à vitro vel speculo ustorio in multo minori spatio colliguntur. Atque hinc tantum longitudo hujus perispecilli dependet,

det, id est, distantia quæ est inter Hyperbolen NOP & ejus focus. Quanto enim illa major est, tanto magis imago objecti in oculi fundo expanditur, ideoque tantò distinctius minutas illius partes ibi depingit; sed hoc ipsum vim luminis ita minuit, ut tandem non omnino sentiretur, nempe si nimis longum esset hoc specillum. Aded ut ejus maxima longitudo non nisi experientia possit determinari. Et præterea etiam varia sit pro varietate objectorum, quorum scilicet nonnulla magnam vim luminis, alia non nisi per exiguam sine uestione ferre possunt. Non quidem ignoro, quædam adhuc alia posse excogitari, quibus hujus luminis vis aliquantò magis augetur; sed difficilior esset illorum usus, & vix ullum occurreret unquam objectum, quod majorem requiratur. Possent etiam alia vitra poni in locum Hyperbolici NOPR, quæ paulò plures radios quàm hoc, ab eodem objecti puncto reciperent; sed vel non efficerent, ut omnes radii ex diversis objecti punctis venientes tam proxime ad totidem alia puncta versus oculum concurrerent: vel ad hoc duobus vitris loco unius esset utendum; atque ita radiorum vis non minùs superficieum numero minueretur, quàm figuræ augetur; & denique illa multò difficilius possent poliri.

Superest hic tantum ut advertamus, quoniam hæc perspicilla non nisi unico oculo admoventur, operæ esse ut alium interim oculum obscuro aliquo velo tegamus; sic enim pupilla ejus quo utimur magis aperietur, quàm si alium vel luci expositum relinquamus, vel ope muscutorum palpebras moventium claudamus: tanta enim est inter utrumque affinitas, ut vix unus aliquo modo moveri possit, quin alter statim ad ejus imitationem disponatur. Præterea non erit inutile, non tantum hoc conspiciillum acutè oculo adjungere, ut nullam nisi per illud recipiat lucem; sed etiam priùs aliquamdiu in obscuro loco stetisse, ut visus acies tantò tenerior existens, à minimâ luce affici possit; & præterea imaginationem nostram eodem modo disponere, ac si res valde remotas & obscuras vellemus intueri; ut tanto magis pupilla dilatetur, & ideo à pluribus objecti punctis radios admittat. Iam enim suprà notatum est, hunc motum pupillæ non immediate sequi voluntatem quam habemus illam aperiendi, sed potius ideam vel opinionem quam de obscuritate vel distantia objecti concepimus.

*aginationem dispositam habere, quasi ad res valde remotas & obscuras inveniendam.*

Cæterum, si non nihil ad ea omnia quæ supra dicta sunt animum

refle-

VII.  
*Ad his perspicillis utendum, præstare, alterum oculum velo aliquo obscuro tegere, quam eum muscutorum ope claudere. Utile quoque esse, visus suam aciem antea debilitare, in loco valde obscuro se continendo: atque etiam ima-*

VIII.  
*Qui has res*

*minius antel-  
telas felici-  
tas fuerint  
artifices in  
accuratis  
telescopiis,  
quam in ali-  
is perspi-  
cillis.*

reflectamus, & potissimum ad illa quæ ex parte organorum externo-  
rum requiruntur, ut visionis sensus quàm perfectissimus evadat; non  
difficiliter intelligemus, per varias horum specillorum formas illud  
omne præstari quod ab arte est expectandum; nec idè est operæ  
pretium ut hoc fusiùs demonstrarem. Item etiam faciliè agnoscemus,  
nulla ex iis quæ prius ab aliis descripta fuerant ullo modo perfectæ es-  
se potuisse; quia maxima differentia est inter lineas circulares & Hy-  
perbolas, & nunquam nisi lineæ circulares adhibitæ sunt ad eos ef-  
fectus, ad quos Hyperbolas requiri demonstratum est. Adeò ut ni-  
hil unquam boni hæc in re factum sit, nisi cum artificum manus tam  
feliciter aberravit, ut loco sphericæ figuræ, Hyperbolicam vel ad  
hanc proximè accedentem, vitrorum superficiebus indiderit. At-  
que hoc præcipuè impedit ne rectè fierent illa specilla, quæ vi-  
dendis objectis inaccessis idonea sunt: indigent enim vitro convexo  
multò majori quàm cætera: & non modò difficilior est feliciter ab-  
errare in poliendo magno vitro, quàm in parvo; sed præterea major  
est differentia inter superficies Hyperbolicam & Sphericam in parti-  
bus à centro satis remotis; quæ in maioribus vitris esse debent,  
quam in vicinis, ex quibus solis constant minora. Iam verò quo-  
niam artifices non facile forsitan per se inveniunt modum hæc vitra  
secundum figuram Hyperbolicam accuratè poliendi, superest ut ipsis  
deinceps viam ostendam, per quam mihi persuadeo illos satis com-  
modè cò perventuros.

## CAPVT DECIMVM.

*De modo expoliendi vitra.*


I.  
*Quomodo  
magnitudo  
refractionis  
vitri  
quo uti vo-  
lumus  
invenienda.*



Electo vitro aut crystallo, quo uti placet, primò ne-  
cessaria est inquisitio proportionis, quæ, juxta supe-  
rius tradita, refractionum illius mensura existat; at-  
que illa obvia & exposita erit opera hujus instrumen-  
ti. EFI est asserculus aut regula, maximè plana &  
recta, ex qualibet materia, dummodo non nimis polita, vel pellu-  
cida sit ut lumen in illam effusum facillimè ab umbra dignoscatur.  
EA & FL sunt duæ dioptræ, id est laminæ parvæ cujuscunque  
materiæ, dummodo non sit transparens, ad perpendicularum erectæ  
in EFI, & foramine exiguo singulæ pertusæ, ut A & L: sunt-  
que hæc duo foramina tam directè sibi invicem opposita, ut radiis


A L.

AL illa permeans parallelus feratur lineæ EF. Præterea RPQ est particula ejus vitri quod volumus examinare, in formam prismæ



tis sive trianguli polita, ejusque angulus RQP rectus est, & PRQ acutior quam RPQ. Tria latera vel potius (quia in vitri crassitie latitudinem habent) tres facies RQ, QP, & RP sunt planæ & politæ, ideoque dum facies PQ asserculo EFI incumbit, & facies QR laminæ FL, radius Solis duo foramina permeans A & L per medium vitrum PQR, irrefractus penetrat ad B, quoniam perpendiculariter in superficiem QR incurrit. Sed postquam pervenit ad punctum B, ubi obliquè aliam superficiem RP contingit, non nisi declinans ad aliquod punctum asserculi EF, egredi potest, ut, exempli gratiâ, ad I. Et omnis hujus instrumenti usus in hoc consistit, ut ita radius exceptus per hæc duo foramina A & L emitatur, ut manifestum reddat, quomodo referatur punctum I (hoc est centrum parvæ Ellipseos, quam hic radius in asserculo EFI illuminat) ad duo alia puncta B & P; quorum alterum, B, designat locum in quo recta, quæ transit per centra duorum foraminum A & L, in superficie RP terminatur; & alterum, P, est locus in quo hæc superficies RP simulque illa asserculi EFI secantur à puncto quod imaginari possumus per puncta B & I, simulque per centra foraminum A & L transire.

His tribus punctis BPI accuratè ita cognitis & consequenter etiam triangulo quod describunt, hoc triangulum in chartam aut aliud planum circino est transferendum. Deinde ex centro B, per punctum P describendus circulus NPT, &



s 3


sumpto

II.  
Quomodo  
invenian-  
tur puncta  
uxentia, &  
vertex hy-  
perbolæ, cu-  
jus vitrum  
illud, cujus  
refractio-  
nes cognita  
sunt, figu-






Sed si malinus ope vulgaris circini, plura puncta per quæ tendit quærendo, illam delineare: sumptis punctis H, D, M & I, ut supra, alterum pedem hujus circini ponamus in puncto H, & altero promotò paulò ultra punctum D, velut ad 1, ex centro H describamus circulum 1 3 3; inde sumpta M 2 æquali H 1, ex centro I per punctum 2, describamus circulum 2 3 3, priorem



in punctis 3 3 secantem, per quæ hæc Hyperbole ferri debet. Vt & per punctum D ejusdem verticem. Reponamus postea eodem modo unum circini brachium in punctum H, & altero diducto paulò ultra punctum 1, velut ad 4, describamus circulum 4 6 6 ex centro H. Inde M 5 æquali sumpto H 4, ex centro I per 5 circulum 5 6 6 describamus, priorem in punctis 6 6, quæ in Hyperbola, secantem. Et ita continuata statione alterius brachii circini in puncto H, & reliquis omnibus, ut astè, observatis, quantumlibet punctorum hujus Hyperboles possumus invenire.

Quod fortasse non incommodum erit, ad rude aliquod exemplar fabricandum, quod præterpropter figuram vitri poliendi repræsentet; sed ad accuratum aliquod alio invento opus est, cujus opera uno ductu Hyperbole delineari possit, quemadmodum per circinum circulus; & quidem ego sequenti melius nullum novi. Primò ex centro T, mediolinxæ HI, describendus circulus HVI. inde ex puncto D erigenda perpendicularis in HI, secans hunc circulum in puncto V; & ducta recta per hoc punctum V ex T, habebitur angulus HTV; talis, ut si imaginemur illum rotari circa axem HT, linea TV su-




IV.  
*Quomodo  
inveniat  
conus, in  
qua eadem  
hyperbola à  
plano axi  
parallela  
secetur.*

perficiem conī sit descriptura, in qua, facta sectione à plano  $VX$ , quod est parallelum axi  $HT$ , & in quod  $DV$  ad angulos rectos cadit, Hyperbole omnino similis & æqualis priori deprehendetur. Et omnia alia plana huic parallela, conum secantia, Hyperbolas similes quidem omnino, sed inæquales sua sectione efficient, & quarum foci propiores, vel remotiores erunt, prout hoc planum ab axe distabit.

V.  
*Quomodo  
ope machi-  
nae uno du-  
du hac hy-  
perbola de-  
scribi queat.*

Cujus rei vestigia secuti, talem machinam poterimus fabricare.  $AB$  est cylindrus ligneus vel metallicus, qui circa cardinem  $12$  rotatus, alterius figuræ axem  $HI$  repræsentat.  $CG$  sunt duæ laminæ, vel asseres plani & lævigati, imprimis ea regione, qua se invicem contingunt, hac ratione ut superficies, quam inter utrumque possumus imaginari, parallelam cylindro  $AB$ , & sectam ad angulos rectos, plano quod ire imaginamur per duo puncta  $12$  &  $C\ O\ G$ , repræsentet planum  $VX$  quod conum secat. Et  $NP$  latitudo superioris  $CG$ , æqualis est diametro vitri expoliendi, vel non multum eundem excedit. Denique  $KLM$  est regula, quæ rotata cum cylindro  $AB$  in polis  $12$ , hac ratione ut angulus  $ALM$  semper æqualis maneat angulo  $HTV$ , repræsentat lineam  $TV$  conum


describentem. Et notandum, hanc regulam ita per cylindrum actam esse, ut per foramen  $L$ , arcetè illam recipiens, attolli pro arbitrio & deprimi possit, & præterea alibi, velut ad  $K$ , pondus aliquod esse seu pressorium curvum, quo semper ad laminam  $CG$  premitur. Itemque in ejus extremitate  $M$  esse cuspidem chalybeam, & ita temperatam ut vim habeat secandi laminam superiorem  $CG$ , non autem



autem alteram EF ei substratam. Quibus intellectis, satis pater, si regula KLM circa polos 1 2 ita moveatur, ut cusps chalybea M ab N per O tendat ad P, & reciprocando à P per O ad N, ab ipsa divisum iri hanc laminam CG in duas alias CNOP & GNOP, in quibus latus NOP, linea terminabitur, convexa in CNOP, & concava in GNOP, quæ accurate figuram Hyperbolis habebit. Et hæ duæ laminæ CNOP, GNOP, si chalybeæ vel ex alia materia satis dura sint, non tantum loco exemplaris erunt, sed etiam instrumenti ad formandas quasdam rotas, à quibus, ut mox audiemus, vitra figuram suam ducere possunt. Hic tamen defectus quidam superest, in eo scilicet, quod chalybea cusps M, cum paulo aliter versa sit cum accedit ad N vel ad P, quam cum est in O, non possit ubique uniformem & æque acutam vel obtusam horum instrumentorum aciem efficere. Ideoque melius arbitror, machina sequenti, licet operosiore, uti.

ABKLM unicum tantummodo membrum est, quod integrum in cardinibus 1 2 movetur, & cujus pars ABK perinde est


VI.

 Alamina-  
china, quæ


quam habeat figuram, sed KML debet esse regula, vel aliud simili- istius hy-  
le corpus planas. habens superficies, quæ lineis rectis parallelis ten- perbole fi-  
minen. guram dat


*omni rei  
qua ea ad  
visu po-  
lienda in-  
diget, &  
quo modo  
illa sit uten-  
dum.*

minentur. Oportetque ut hæc regula KLM ita sit inclinata, ut recta 43, quæ medium ejus crassitiei designat, usque ad eam producta, quam fingere possumus per polos 1 2 transire, efficiat tangu- lum 2 3 4, æqualem illi qui supra notis HTV designabatur. CG,



EF, sunt duo asseres paralleli axi 1 2, & quorum superficies ad- versæ, planæ admodum & læves, secantur ad angulos rectos pla- no 1 2 GOC. Non tamen ar- cte mutuo cohererent, utin præce- denti machina, sed tanto interval-


lo præcise distant ab invicem, quantum requirit inferendus cylindrus QR; teres exquisitæ & ubivis ejusdem crassitiei. Præterea singulæ filuram habent NOP, hujus longitudinis & latitudinis, ut regula KLM immissa, huc & illuc, cardinibus suis innixa, libere feratur, quantum requiritur ad designandam partem Hyperboles inter hos duos asseres, magnitudine diametro vitri poliendi æqualem. Hæc



regula quoque per cylindrum QR oblique inserta est, hac ratione, ut

ut licet hic cum illa moveatur in polis 1 2, semper tamen inter duos asseres C G, F E maneat clausus, & axi 1 2 parallelus. Postremo Y 67 & Z 89 sunt instrumenta, poliando in formam Hyperbolæ cuilibet corpori inservientia, & manubria illorum Y Z tantæ sunt crassitie, ut eorum superficies quas planas esse notandum est, superficies asserum C G & E F ab utraque parte omnino contingant, & nihilominus inter ipsas, utpote admodum læves, hinc & inde possint moveri. Habentque singula rotundum foramen,  $\zeta, \zeta$ , in quo altera cylindri Q R extremitas ita inclusa est, ut hic cylindrus possit circa proprium axem  $\zeta \zeta$  circumvolvi, non efficiendo ut ista manubria eodem modo volvantur, propter eorum superficies planas, quæ hinc & inde à superficiebus asserum quos contingunt cohibentur; sed non possit in ullam aliam partem ferri, quin illa simul in eandem ferantur. Et ex his omnibus liquet, regulam K L M propulsam ab N ad O, & ab O ad P, vel à P ad O, & ab O ad N, moto secum cylindro Q R, eadem opera movere hæc instrumenta Y 67 & Z 89, hac ratione, ut unaquæque eorum pars motu suo accurate Hyperbolam describat, eandem quam intersectio linearum 3 4 & 5 5: quarum una, scilicet 3 4, motu suo delineat conum; altera, 5 5, planum eundem secans. Cuspis seu acies horum instrumentorum, variis modis fieri potest, pro vario usu quem illam volumus præstare. Et ad figuram vitris convexis dandam, commodissimum videtur, primo uti instrumento Y 67, ac plures laminas chalybeas secare, similes C N O P supra descriptæ. Inde tam opera laminarum, quam instrumenti Z 89, rotam qualis est d, circumcirca in latitudine sua abc excavare; ut ita omnes sectiones, quas imaginari possumus factas à planis, in quibus ee rotæ axis existit, figuram Hyperboles, quam machina describit, consequantur. Et denique vitrum expoliendum mymphuri, ut b i k, affigere, atque ita apponere juxta rotam d, ut sit tracto funo ll, mymphur circa suum axem vertatur, & eodem tempore vertatur etiam rota circa suum. Vitri superficies inter hæc duo posita figuram quam ipsi dare volumus accipiat.

Quantum ad modum instrumento Y 67 utendi, notandum, laminas cnop non nisi usque ad medium singulis vicibus secandas esse, ut ex. gr. ab n ad o. & propterea repagulum in machina ad P figendum est, quod impediatur ne regula K L M, mota ab N ad O,



propius accedat ad P, quam requiritur ad hoc, ut linea 3 4 quæ medium crassitie illius notat, perveniat usque ad planum 1 2 G O C, quod imaginamur asseres ad rectos angulos secare. Et ferrum huius instrumenti talem figuram exigit, ut omnes ejus aciei partes in hoc eodem plano 1 2 G O C existant, quum linea 3 4 ibidem sistitur, neque ullas alias hoc ferrum habeat partes, quæ tunc ultra illud planum versus P protendantur, sed tota ejus crassitie declivitas respiciat versus N. Cæterum pro arbitrio vel acutum vel obtusum fieri potest, parum aut multum inclinatam, & longitudinis cujuscunque, omnia prout res exigere videbitur. Inde cusis laminis *enop*, & lima proxime ad illam figuram perductis quam requirunt, vi adigendæ atque premendæ ad instrumentum Y 67, & mota regula K L M ab N ad O, & viceversa ab O ad N, unam illarum partem perficiemus; deinde ut alia plane similis fiat, repagulum aliquod ibi esset debet, quod impediat quo minus versus hoc instrumentum progredi possint ultra locum in quo sunt cum prima earum medietas N O absolvitur; & tunc paululum his reductis, mutandum est ferrum instrumenti Y 67, & aliud loco illius substituendum, cujus acies accurate sit in eodem plano, & ejusdem figu-

re,

12, ac acies prioris, sed cujus omnis declivitas respiciat versus P: adeo ut si hæc duo ferramenta adversa componas, duæ illorum acies unicam tantum efficere videantur. Inde translato ad N repagulo, quod antea P versus locatum erat, ad impediendum nimium regulæ KLM progressum; movenda est hæc regula ab O ad P, & à P ad O, donec hæc laminæ *enop* instrumento Y 67 tam propinquæ erunt, quam antea; & hoc pacto absolvuntur.

Quod attinet ad rotam d, quæ ex materia admodum dura esse debet, postquam lima figuram quam exigit, præterpropter acceperit, facilis elaboratu erit, primo per laminas *enop*, imo initio fuerint tam bene cusæ, ut licet postea candentes in aquam immersæ sint, ad duritiem acquirendam, nihil tamen idcirco ex earum figura sit mutatum; debentque huic rotæ ita adinoveri, ut acies illarum *nop*, & hujus axis *ee*, in eodem plano sint. Et denique adsit aliquod pondus aliudve machinamentum, quo urgente laminæ istæ rotam premant, dum interim ipsa circa suum axem vertetur. Præterea etiam hæc rota elaborabitur ope instrumenti Z 89; cujus ferrum æquali declivitate ab utraque parte procumbere debet, & de cætero quamlibet figuram admittit, dummodo omnes partes ejus aciei 89 existant in plano superficies asserum CGEF ad angulos rectos secante. Ut autem utamur hoc instrumento Z 89, movenda regula KLM, in polis 12, hæc ratione, ut motu continuo procedat à P ad N; inde viceversa ab N ad P, dum interim rota circa suum axem vertetur. Qua opera acies instrumenti omnem inæqualitatem, si quæ remansit in latitudine rotæ ab una ad alteram partem, lævigabit, & cuspidem illius (habebit enim & aciem & cuspidem) omnem illam, quæ in longum potrecta occurrit.

Postquam vero hæc rota ultimam recepit manum, facillime vitrum per diversos duos motus, rotæ scilicet & mymphiuræ cui affigendum est, poterit expoliri, dummodo adsit aliqua vis, qua, non impedito torni motu, semper ad rotam agatur, atque inferior hujus rotæ pars continuo per aliquem alveum feratur, arenæ, simi-  
VII.  
Quid in vitris concavis & quid in convemis  
Speciatim observandum sit.
ridi, pulveri lapidis Gothlandici, stanno combusto, vel simili materiæ, lævigandis & expoliendis vitris commodæ, immersa.

Atque his ita consideratis, intellectu facile est, qua ratione figura concavis vitris danda sit, factis scil. primo laminis *enop*, ope instrumenti Z 89; deinde rotæ expolitæ, tam ope harum laminarum quam instrumenti Y 67, & reliquis omnibus eo quo diximus



mus modo observatis, notandum tantum, rotam, quā ad convexa vitra utimur, pro arbitrio magnam assumi posse. Illam autem, quā ad concava utimur, tantam esse non debere, ut ejus semidiameter distantiam, quæ est inter lineas 1 2 & 5 5 in machina, cujus ope formabitur, excedat. Et in concavis poliendis multo celerius hæc rota vertenda est quam mymphur; contra vero in convexis mymphur velocius rotandus; quia mymphuris motus multo vehementius oras vitri, quam medium, atterit, rotæ vero minus. Utilitas autem horum motuum diversorum manifesta est; vitra enim si manu in patina expoliantur, modo, qui unicus in hunc usque diem receptus est, licet patina eam exacte haberet figuram quam vitra exigunt, non tamen eadem nisi casu, ipsis dari potest. Si vero utamur motu solius mymphuris, centrum vitri centro patinæ jungentis, omnes figuræ defectus qui in patina reperientur, circulos in vitris defectibent; & vitri medium in quo minimus erit motus, nunquam satis atteretur.

Multa hic sunt ad Geometriam spectantia, quorum demonstrationes omitto. mediocriter enim in hac scientia exercitatis satis omnia illa per se patent, & reliqui sine dubio faciliores ad habendam dictis meis fidem, quam ad illa legenda, se præbunt.

VIII.  
Ordo observandus ad se in istorum vitrorum polituram exercendum. Vitra convexa quæ longioribus telescopis inserviunt, accuratius ceteris esse polienda.

Cæterum ut ordine singula procedant, vellem primo ut artifices in poliendis vitris planis ab una parte, & convexis ab altera, exercerentur, & quidem in iis quæ Hyperbolæ referant, cujus foci duos aut tres pedes ab invicem distent. Nam hæc longitudo sufficit specillo satis perfecte objecta inaccessa exhibituro. Deinde multa vitra concava expoliri vellem, una aliis magis cava, & ordine unum post aliud vitro convexo conjungendo, experiri quodnam ex ipsis perfectius telescopium componeret; habita etiam ratione oculi qui ipso esset usus; quia constat, hæc vitra magis concava requiri pro iis qui tantum proxime adinota cernunt, quam pro aliis. Vitro concavo sic invento, quum idem ad omnia alia specilla eidem oculo possit inservire, nihil amplius ad telescopiorum structuram requiritur, nisi tantum ut exercitatione atque usu facilitas acquiratur alia vitra convexa poliendi, quæ longius quam primum à concavo removenda sint; & gradatim poliendi alia, quæ magis magisque abducenda sint, atque etiam quæ sint pro ratione tanto majora, donec hæc in re ad summum quod fieri poterit perveniatur. Sed quo longius hæc vitra convexa à concavis removenda erunt, & consequenter ab oculo,



quax erit, si annulo accuratè ad eorum mensuram facto, & tantæ latitudinis ut extremitates vitri & nymphuris simul includat, inferantur. Particularia plura inter poliendum observanda hic omitto; ac etiam nolim in praxi eadem omnia quæ descripsi observari; quia non tam ipsas machinās, quàm machinarum fundamenta & causas explicare conatus sum: Et artificibus imperitis inventa hic descripta non commendo, sed ea spero satis egregia, & satis magni momenti visum iri, ut nonnullos ex maximè industriis & curiosis nostri ævi ad eorum executionem suscipiendam invitent.

F I N I S.



M E-

## M E T E O R A.

## CAPUT I.

*De Natura terrestrium corporum.*

Ista natura homines comparati sumus, ut magis plerumque admiremur quæ supra nos, quam quæ vel infra, vel in eadem altitudine circa nos sunt. Et quanquam nubes vix excedant quorundam montium vertices, sæpe quoque infra fastigia nostrarum turrium vagentur; quia tamen oculos ad cælum erectos contemplatio illarum exigit, tam

I.  
*Quid Auler in hoc tractatu propositum sibi habueris.*

sublimes illas imaginamur, ut ipsi Poëtæ & pictores regiam Dei sedenti iis adornent; & magnas illius manus ibi occupari fingant, laxandis atque obstruendis ventorum claustris, matutino rore flosculis nostris perfundendis, & fulminandis editorum montium jugis. Atque hoc spem mihi facit, si ita naturam illarum explicavero, ut nusquam in iis, quæ ibi apparent, vel etiam quæ inde descendunt, admirationi locus relinquatur; quemvis facillimè crediturum non impossibile fore, eadem ratione causas omnium indagare, quæ terra mirabilia habet.

In primo hoc capite de natura terrestrium corporum in genere loquemur: ut eo feliciter in sequenti exhalationes & vapores explicemus. Et quoniam hi vapores surgentes ex Oceano quandoque saltem in superficie illius componunt; hinc arreptâ occasione paululum descriptioni illius immorabimur, atque in eo experiemur, Num formas corporum (quæ philosophi aiunt nixtione perfecta composita esse ex elementis) æquè bene deprehendere possimus, ac Meteora, quæ ex iisdem non nisi mixtione imperfecta generari ferunt. Postea considerantes quo pacto vapores per aërem ferantur, dicemus unde ventis origo; & ex eo quod in regionibus quibusdam cogantur, nubium inde exsurgentium naturam exponemus; demum ex eo quod resolvantur, indicabimus quid nivi, pluviz, grandini causam præbeat; ubi minimè nivis illius obliviscemur, cujus particulae velut circino dimensæ stellas exiguas senis radiis ac-

II.  
*Primi capituli argumentum.*

curatissime repræsentant; hæc enim licet à majoribus haud fuerit notata, in maximis tamen naturæ miraculis censerì debet. Neque magis tempestates, fulmina, fulgura, varios ignes ibi accensos, atque apparentia lumina transcurrerimus. Inter cætera autem studiosè conabimur arcum cœlestem benè delineare, & causas colorum illius ita exponere, ut inde etiam eorum quibus alia corpora imbuuntur, natura possit intelligi; his etiam causas addemus colorum quos vulgò collucere in nubibus videmus; circulorum itidem altra coronantium; & postremò cur Sol & Luna multiplicatè interdum appareant.

Cæterum quoniam harum rerum cognitio pendet ex principiis generalibus naturæ, nondum satis benè, quod ego sciam, in hunc usque diem explicatis, hypothelibus initio quibusdam utendum erit, quemadmodum & in Dioptrice, sed adeò planas & faciles illas reddere studebo, ut forsitan etiam non demonstratas facilè sitis admitturi.

## III.

*Aquam, terram, aërem, & reliqua corpora quæ nos circumstant, ex variis particulis componi. Porro esse in omnibus istis corporibus subtili quâdam materiâ repletos. Particulas aquæ esse longas, teretes & leves. Aliorum corporum fere omnium particulas, habere figurâs irregulares, angulas & ra-*

Prindò igitur suppono, aquam, terram, aërem, & reliqua similia corpora, quibus cingimur, constare multis exiguis partibus, figura & magnitudine differentibus: quæ nunquam tam accurate nexæ & continuatæ sunt, quin plurima spatia inter illas pateant; Non quidem vacua, sed referta materia illa subtilissima, per quam suprà diximus actionem luminis communicari. Deinde suppono, exiguas illas partes, quibus aqua componitur, longas, læves & lubricas esse angularum parvularum instar, quæ licet jungantur, & implicentur, nunquam tamen itâ nexæ coherent, ut non facilè separentur. Et contrâ, ferè omnes alias, tam terræ, quam aëris & plerorumque corporum particulas admodum irregulares & inæquales figuras habere; adeò ut tam parum implicari non possint, quin statim mutuo nectantur & hæreant velut impeditæ, quemadmodum rami virgultorum in sepibus. Et quoties illæ ita nectuntur, corpora dura componunt, ut terram, lignum & similia. Contra, quoties simpliciter una alteri tantum imponitur, & non nisi valde parum, vel nullo modo implicentur, & simul adeò parvæ sunt, ut agitatione materiæ subtilis, qua cinguntur, facilè moveri & separari possint, multum spatii occupare debent, & corpora liquida rarissima & levissima, ut oleum aut aërem, componere.

Præ-

*merum instar expansæ. Ex istiusmodi particulis simul junctis & implexis corpora dura componi. Eadem, si non sint implexa, nec tam crassæ quam a materia subtili possunt agitari, oleum vel aërem componere.*

Præterea cogitandum est, materiam subtilem, omnia intervalla quæ sunt inter partes horum corporum replentem, nunquam à motu velocissimo cessare, sed assidue huc atque illuc ferri, non autem eadem velocitate ubivis & omni tempore: nam ut plurimum paulò concitatiùs fertur juxta superficiem terræ, quàm in sublimi aëre, ubi nubes consistunt; & sub æquatore, locisque vicinis, quàm sub polis; & in eodem loco velocius astate, quàm hyeme; interdiu etiam, quàm noctu. Quorum omnium ratio manifesta erit, si putemus, lucem nihil aliud esse quàm motum quemdam, vel actionem, qua corpora luminosa materiam subtilem quaquaversum secundum rectas lineas à se propellunt; quemadmodum in Dioptrica dictum est. Inde enim sequitur, radios solares, tam rectos quàm reflexos, validiùs illam agitare interdiu, quàm noctu; æstate quàm hyeme; sub æquatore, quàm sub polis; & denique prope terram, quàm prope nubes.

IV.

*Hanc materiam subtilem inde sistentem inveniri. Ipsam solere celerius ferri juxta terram quàm prope nubes, versus æquatorem quàm versus Poles, æstate quàm hyeme, ac die quàm nocte.*

Sciendum etiam est, hanc materiam subtilem diversæ magnitudinis partibus constare; earumque alias (licet omnes perexiguæ sint) aliis longe majores esse; & maximas quidem, vel (ut rectius loquamur) minùs exiguas, semper plus virium habere; quemadmodum in universum omnia magna corpora, tantumdem agitata, quantum parva, hæc robore multum exsuperant. Atque id efficit, ut, quo hæc materia est minùs subtilis, id est, composita ex partibus minùs exiguis, hoc vehementius partes aliorum corporum agitare possit.

V.

*Ipsius etiam particulas esse inæquales. Quæ minores sunt, minùs virium habere ad alia corpora movenda.*

Vnde etiam fit, ut plerumque minùs subtilis sit eo in loco & tempore, in quo maxime agitur; ut juxta superficiem terræ, quàm in media aeris regione; sub æquatore, quàm sub polis; æstate, quàm hyeme; & demum interdiu, quàm noctu. Cujus rei ratio in eo consistit, quod harum partium maximæ, cum eo ipso sint validissimæ, omnium facillimè eò tendere possint, ubi ob agitationem vehementiorem, faciliùs motus illorum continuatur. Semper tamen ingens numerus minorum mixtus cum his maximis fertur: & notandum, omnia terrestria corpora poris quibusdam pervia esse, qui minimas illas quidem admittunt, sed ex iis multa esse, quæ tam arctos atque ita ordinatos hos meatus habent, ut maximas omnino excludant. Atque hæc ut plurimum ea sunt quæ gelidiora inveniuntur si tangantur vel tantum manus ad illa propius admoveantur. Sic quantum marior aut metallum ligno

VI.

*Crassiusculas præcipue inveniri in locis ubi maximè sunt agitata. Illas multorum corporum meatus ingredi non posse; ideoque ista corpora esse aliis frigidiora.*

gelidius est, tanto etiam difficilius eorum poros partes hujus materiæ minùs subtiles admittere putandum est; & poros glaciæ adhuc ægrius quàm marmoris vel metalli, cum hæc ipsis multo frigidior sit.

VII.  
*Quid sit calor & quid frigus. Quomodo corpora dura calefiant. Cur aqua liquida esse soleat, ac quomodo frigore dureseat. Cur glacies eandem semper retineat frigiditatem & duritiem quamdiu glacies est, etiam in estate, nec paulatim ut cera mollescat.*

Hic enim statuo, ad naturam caloris & frigoris intelligendam non opus esse aliud concipere, quàm, exiguas corporum quæ tangimus partes solito magis aut minus vehementer, sive ab hac materia subtili sive ab alia qualibet causa, conimotas, intensius etiam vel remissius in parva capillamenta nervorum tactui inservientium ferri: Et cum vehementia quadam insolita illa impelluntur, hoc sensum caloris in nobis efficere; frigoris verò, cum solito remissius agitantur. Ac licet hæc materia subtilis non separaret ab invicem corporum durorum partes instar ramorum implicitas, quemadmodum separat partes aquæ, vel aliorum corporum liquidorum; tamen illa has agitare, & magis aut minùs concutere potest, prout impetu concitatorii aut languidioris fertur, vel etiam prout partes magis aut minùs crassas habet; quemadmodum venti ramos omnes arborum, quibus sepius aliquod contexitur, agitare possunt, nulla tamen earum evulsa. Cæterum cogitandum est, inter hujus materiæ subtilis robur, & vim resistentem partium corporum aliorum, illam proportionem esse, ut, quum non minùs agitur, neque subtilior est, quàm solet esse in hac regione juxta terram, vim habeat agitando exiguas partes aquæ quas interlabitur, & singulas seorsim loco movendi; imò etiam plerasque earum inflectendi, atque ita hanc aquam liquidam reddendi: sed quum non vehementius pellitur, nec minus subtilis est, quàm solet esse in his plagis in aëre sublimi, aut quandoque per hyemem juxta terram, non satis illi roboris adest ad illas ita inflectendas & agitandas; unde fit ut confusim & sine ordine unæ aliis impositæ sistantur, atque ita corpus durum, glaciem videlicet, componant. Adeo ut eandem differentiam inter aquam & glaciem possimus imaginari, quam inter cumulum parvarum anguillarum, seu viventium seu mortuarum, innatantem piscatoriæ scaphæ foraminibus undique pertusæ, quibus aqua fluvialis, qua moventur, admittitur, & cumulum earundem anguillarum quæ siccæ & gelu rigidæ in ripa jacent. Et quoniam aqua nunquam gelu constringitur, nisi materia quæ ejus partes interlabitur plus solito sit subtilis; inde fit, ut pori glaciæ qui tum formantur ad mensuram particularum hujus materiæ subtilissimæ, sic arctentur ut paulo majores omnino excludant; atque

atque ita glacies maneat frigidissima, licet in æstatem reservetur; atque ut semper duritiem suam obtineat, nec paulatim instar ceræ mollescat: Eius enim pororum angustia impedit quo minus calor ad interiora penetret, nisi quatenus exteriora liquefunt.

Præterea hîc quoque notandum venit, partium longarum & lubricarum, ex quibus aquam compositam diximus, plurimas quidem esse, quæ hinc & inde se inflectunt, & à motu qui eas ita flectit cessant, prout materia subtilis qua cinguntur, paulo majori aut minori robore pollet, ut paulo ante dictum est: sed præterea etiam quasdam esse paulo crassiores, quæ cum non ita flexiles sint, salis omnia genera componunt; & quasdam alias paulo subtiliores, quæ, cum non ita facile cessent ab isto motu, constant liquores illos tenuissimos, qui spiritus aut aquæ vitæ vocantur, & nullo frigore solent concrelescere. Cum autem illæ ex quibus aqua communis constat, omnino cessant ab eo motu qui eas flectit, non putandum est, earum naturam exigere, ut omnes in rectum instar junci porrigantur, sed in multis ut potius hoc vel illo modo curvatae sint: Unde fit ut tunc non possint se ipsas ad tam angustum spatium contrahere, quam dum materia subtilis satis virium habens ad illas quomodolibet inflectendas, semper ipsarum figuras ad mensuram locorum quibus insunt, accommodat. Notandum etiam est, cum hæc materia subtilis multo plus virium habet, quam ad hoc requiratur, illam contraria ratione efficere, ut in majus spatium se diffundant. Quod facile erit experientia cognoscere, si aliquod vas longi satis & angusti colli calida repletum aëri exponamus, cum gelat. Hæc enim aqua sensum subsidet, usque dum pervenerit ad certum aliquem frigoris gradum; Inde iterum paulatim intumescet & surget usque dum, gelu victa, consistat; atque ita idem frigus quod initio illam coget & condensabit, paulo post eandem rarefaciet. Experientia etiam docet, aquam calentem, quæ igni apposita diu bullit, frigida & cruda celerius congelari. atque hoc ex eo contingit, quod tenuissimæ ejus partes & quæ, cum facillime inflectantur, omnium maxime congelationi resistunt, ex ea dum bullit egrediantur.

VIII.  
*Quæ sint  
salium par-  
ticula, quæ  
etiam spiri-  
tum, seu  
aquaarum  
ardentium.  
Cur aqua  
rarefiat  
dum conge-  
latur, at-  
que etiam  
dum inca-  
lescit. Es-  
cur serve-  
facta citius  
congelatur.*

Ut autem facilius hæc hypotheses apud vos inveniant locum, nolim putetis, me particulas corporum terrestrium tanquam atomos aut indivisibilia corpuscula concipere; sed potius cum omnes ex eadem materia consistant, me credere, unamquamque modis innumeris dividi posse, nec aliter inter se differre, quam lapides variorum

IX.  
*Particulas  
de quibus  
hic agimus  
non esse in-  
divisibiles:  
nec in hoc*



*tractatu  
quidquam  
negari eo-  
rum quæ in  
vulgari  
Philosophia  
traduntur.*

figurarum ex eadem rupe excisos. Præterea etiam ne videar sponte Philosophis aliquam in me disputandi occasionem dare velle, in eo expressse, me nihil eorum negare, quæ illi, præter ea quæ jam dixi, in corporibus imaginantur, ut formas substantiales, qualitates reales, & similia; sed putare, meas rationes tanto magis esse admittendas, quo simpliciora & pauciora sunt principia ex quibus pendent.

## C A P V T II.

*De vaporibus & exhalationibus.*

I.  
*Quomodo  
vi Solis cor-  
porum ser-  
vistrum  
particule  
nonnullæ  
sursum at-  
tollantur.*



I consideremus, materiam subtilem, quæ per terrestrium corporum poros fertur, vel præsentia Solis, vel simili qualicunque causa, vehementius quoque exiguas istorum corporum partes impellere, facillime intelligemus, illam effecturam, ut quæ satis exiguæ sunt, & simul ejus figuræ, atque in tali situ, ut facile à vicinis separantur, huc atque illuc dissiliant atque in aërem attollantur: non quidem inclinatione quadam singulari, qua ascensum efficerent, aut vi quadam Solis attrahente, sed solummodo quia locum nullum inveniunt, per quem facilius motum continuare queant: quemadmodum è terra pulvis surgit, si tantum pedibus alicujus viatoris deorsum pellatur & agitur: licet enim grana hujus pulveris magnitudine & pondere multum exuperent exiguas partes de quibus hic est sermo, nihilominus tamen sursum tendunt; videmusque, altius illa eniti, cum vasta planities discursantibus multis conculcatur, quam si pars tantum ejus ab uno ex iis premitur. Ideoque non est mirandum, si Solis actio per exiguas materiæ partes, quibus vapores & exhalationes componuntur, in sublime attollat, quum simul eodem tempore totum hemisphærium terræ illustret, eique integros dies incumbat.

II.  
*Quid sit  
vapor; &  
quid exha-  
latio. Plu-  
res vapores  
quam ex-  
halationes  
generari.  
Quomodo  
crassiores  
exhalatio-  
nes ex cor-*

Sed notemus, has exiguas partes, ita sublatas in aërem vi Solis, ut plurimum illam figuram habere, quam partibus aquæ tribuimus: nullæ enim aliæ sunt, quæ facilius à corporibus in quibus hærent divellantur. Atque has solas abhinc speciatim vapores nominabimus, ut distinguantur ab aliis, quæ figuras magis irregulares habent, & quas magis, proprio vocabulo destituti, exhalationes dicemus. Sub harum autem nomine & illas comprehendam, quæ fere eandem cum aqua figuram habentes, sed magis subtiles, spiritus aut aquas vitæ componunt; quia facile ardent ut ipsæ, vapores autem nunquam.


Illas

Illas verò hinc excludam, quæ cum in multos ramos diuifa sint, sunt simul tam subtiles, ut non aliud corpus, quam aëris, componant. Quod autem ad illas attinet quæ paulo crassiores etiam in ramos diuifæ sunt, rarò quidem ex corporibus duris, in quibus hærent, sua sponte egrediuntur; sed si quando ignis illa depascit, omnes in fumum solvuntur. Et aqua etiam poris illorum illapsa sæpius has librare & secum in subline auferre potest; eadem ratione qua ventus per transversam sepem spirans paleas vel folia in virgultis hærentia secum rapit; seu potius quemadmodum ipsa aqua, in summum alembici secum attollit exiguas partes olei, quas Chymici ex plantis siccis plurima aqua maceratis extrahunt, omnia simul destillantæ, atque hac opera efficientes, ut paululum illud olei quod habent, cum magna immixta aquæ copia assurgat. Reuera enim plurimæ illarum eadem sunt, quæ corpora horum oleorum componere solent.

Notemus etiam, vapores semper plus spatii occupare quam aquam.

III.

Cur aqua



licet

*in vaporem  
versa valde  
multum loci  
occupet.*

licet nonnisi ex iisdem particulis constent; quia cum hæ partes corpus aquæ componunt, non moventur nisi quantum sufficit ut se inflectant & labendo unæ aliis impliceant; quemadmodum videmus illas exhiberi ad A. Sed contra quum vaporis formam habent, agitatio illarum adeo est concitata, ut celerissime rotentur in omnes partes, & eadem opera in longitudinem suam porrigantur; unde fit ut singulæ illarum reliquas sui similes, irruptionem in parvas sphæriculas, quas describunt, molientes, arcere atque abigere possint, ut illas cernimus representari ad B; plane quemadmodum baculo LM, per quem funiculus NP trajectus est, ce-




lerrime rotato, videmus funiculum re-  
ctum atque extensum porrigi, occupan-  
tem eo ipso totum spatium comprehen-  
sum circulo NOPQ; hac ratione ut  
nullum ibi aliud corpus locari possit,  
quod non cum impetu flagellet, atque  
expellere nitatur; sed motu facto lentio-  
re, illum collabi, & baculum sua spon-  
te circumdare, neque tantum spatii occu-  
pare, quam antea.

IV.  
*Quomodo  
isdem va-  
pores magis  
aut minus  
densari pos-  
sint. Quare  
insolitus ca-  
lor astate  
interdum  
aere nubilo  
sentitur.  
Et quid va-  
pores cali-  
dos aut fri-  
gidos red-  
dat.*

Observemus præterea, hos vapores modo magis, modo minus esse densos aut raros; magis aut minus calidos vel frigidos; magis vel minus pellucidos vel obscuros; magis etiam vel minus humidos vel siccos. Primo enim cum partes illorum non amplius satis agitatae, ut rectæ maneat & extensæ, incipiunt convolvi atque accedere ad invicem, ut videmus ad C & D; vel etiam cum inter montes arctatae, vel inter actiones diversorum ventorum mediæ, qui flatu opposito alios alii impediunt, quo minus ærem agitent; vel cum sub nubibus quibusdam stantes, non tantum dilatari possunt, quantum agitatio illarum exigit, quales cernimus ad E; vel etiam denique cum plures earum simul maximam partem suæ agitationis motui in eandem partem impendentes, non tam velociter rotantur quam alias solent, quemadmodum illæ quæ ad F, ubi egressæ ex spatio E, ventum generant nitentem ad G: palam est, vapores, quos componunt, crassiores & magis coactos esse, quam si horum trium nihil accideret. Manifestum quoque est, si vaporem ad E tantundem agitatum fingamus, quantum est ille qui ad B, multo illum calidiorem fore; nam particulæ ejus magis coactæ plus virium habent;

bent; quemadmodum candentis ferri calor ardentior est calore flammæ vel prunarum. Atque hinc est ille calor quem vehementiorem & magis veluti suffocantem æstate interdum sentimus; aëre tranquillo & nubibus undiquaque æqualiter presso pluviæ moliente, quam eodem nitido & sereno. Vapor autem qui ad C, frigidior est illo qui ab B, licet particulas paulo arctius compressas habeat; quia multo minus agitas easdem supponimus. Contra ille qui ad D, calidior, quia ejus particulas multo magis condensatas, & non



nisi paulo minus agitas statuimus. Et qui ad F, frigidior quam qui ad E, licet partes non minus compressas nec minus habeat agitas; quoniam illæ magis conspirant in eundem motum, atque idcirco particulas aliorum corporum minus concutunt. Vt ventus semper eodem modo spirans, licet vehementissimus, non tantum agit folia & ramos arborum quantum languidior, sed magis inæqualis.

x

Et

V.  
*Cur halitus  
calidior  
emittatur  
ore valde  
aperto,  
quam pro-  
pemedum  
clauso. Et  
cur magi-  
res venti  
semper fri-  
gidi sint.*

Et experientia docebit, in agitatione parvarum partium, terrestrium corporum calorem consistere, si, contra digitos junctos fortiter spirantes, observemus, spiritum, ore egressum, in exteriori manus superficie frigidum nobis videri, quia ibi, celerissime & æquali robore latus, non multum agitationis efficit: & contra satis calidum inter medios digitos; quia, per illos lentius & inæqualius enitens, magis tremulo motu exiguas illorum partes concitat. Ut illum etiam semper calidum sentimus ore patulo & hianti flantes, & frigidum eodem fere clauso. Atque ab hac eadem ratione est quod communiter venti impetuosius frigidi sunt, neque multi calidi spirant, nisi etiam simul sint lenti.

VI.  
*Cur vapo-  
res inter-  
dum magis,  
interdum  
minus ra-  
dios luminis  
obstant.  
Cur halitus  
oris magis  
videatur  
hyeme  
quam æsta-  
te. Plures  
vapores so-  
lere esse in  
aere cum  
minime vi-  
dentur  
quam cum  
videntur.*

Præterea vapores ad B & E & F sunt pellucidi, nec visu à reliquo aëre dignosci queunt; quum enim celerissime, & eodem quo materia subtilis, quæ illas circumjacet, impetu moveantur, non possunt impedire ne actionem à lucidis corporibus manantem in se admittat, sed potius ipsimet etiam illam admittunt. Contra vero vapor ad C obscurior, sive minus transparens evadit; quoniam ejus particulæ non sunt amplius ita obsequentes huic materiæ subtili, ut quibuslibet ejus impulsionebus cedant, & vapor qui ad D, quia calidior quam qui ad C, non tam obscurus esse potest. Ut videmus, hyberno tempore calentium equorum halitum & sudorem propter aëris frigus specie densi & obscuri fumi crassescere, qui contra æstate, propter ejusdem aëris calorem, non apparet. Neque enim dubitandum, quin aër sæpe tam multos aut etiam plures vapores contineat, cum nulli prorsus in eo videntur, quam cum densissimi apparent. quomodo enim sine miraculo fieri posset, ut Sol torridus æstivo tempore, media die, vel lacui vel locis paludosis incumbens, nullos vapores inde elevaret? tum temporis enim notatur, aquas subsidere & decrescere magis, quam aëre frigido & obscuro.

VII.  
*Quo sensu  
vapores  
alii alius hu-  
midiores  
aut siccio-  
res dici pos-  
sint.*

Denique vapores qui ad E, humidiores sunt, id est magis dispositi ad transcendendum in aquam, atque ad reliqua corpora instar aquæ humectanda, quam qui ad F. Nam contra hi siccii sunt, quia valide impellendo humida corpora quibus occurrunt, inde ejicere partes aquæ in iis latentes & secum auferre possunt, atque ita illa exsiccare. Ut etiam ventos impetuosos semper siccis experimur, neque humidum quemquam nisi simul & languidum. Dicere quoque possumus, eosdem vapores, qui ad E, humidiores esse iis, qui ad D, quum partes illorum plus agitatæ, melius aliorum corporum poris,

ad

ad ea humectanda, se insinuare possint. Sed alio respectu sicciores etiam dici possunt; quia scilicet nimia partium agitatio prohibet, ne tam facile in aquam coeant.

Quantum ad exhalationes, longe plures qualitates admittunt, quam vapores, ob maiorem quam habent partium differentiam. Hic autem sufficit notasse, crassiores fere nihil esse præter terram, qualem in fundo vasis cernimus, in quo pluvia, vel nivalis aqua refedit; subtiliores vero nil aliud, quam spiritus, aut aquas vitæ, quæ semper priores è corporibus destillatis surgunt; Et mediarum alias commune quid habere cum volatilium salum, alias cum oleorum natura, seu potius cum illa sumi ex iis dum comburuntur egredientis. Et licet hæ exhalationes maximam partem non leventur in aërem, nisi vaporibus mixtæ, facillime tamen ab iis postea separantur; aut sua sponte, quemadmodum olea ab aqua cum qua distillantur; aut agitatione ventorum adjunctæ, quæ illas in unum aut plura corpora cogit; quemadmodum rusticæ lactis cremorem pulsando, butyrum à sero separant; vel etiam hoc solo quod vel leviores, vel ponderosiores, vel magis vel minus vibratæ, in regione sublimiori vel humiliori commorantur, quam ipsi vapores. Et communiter olea minus alte levantur, quam aquæ vitæ; & quæ magis terream habent naturam, minus adhuc quam olea. Nullæ autem sunt quæ inferius subsistant, quam illæ aquæ particulæ ex quibus sal commune componitur; quæ quamvis proprie loquendo, neque exhalationes neque vapores dici possint, cum nunquam altius quam ad superficiem maris attollantur; quia tamen evaporatione huius aquæ eo pertingunt, & multa habent valde notatu digna, quæ hic commode possunt explicari, minime illas omittam.

VIII.

*Qua sit  
varie ex-  
halationu  
natura: &  
quemodo se  
ipsas à va-  
poribus se-  
grent.*

## CAPVT III.

## De Sale.



Albedo maris consistit tantum in crassioribus istis ejus aquæ particulis, quas paulo ante audivimus non convolvi aut flecti posse actione materiæ subtilis, quemadmodum reliquas, neque etiam agitari nisi minorum interventu. Primo enim, nisi aqua composita foret ex ejusmodi partibus, quales supra statuimus, æque facile aut difficile illi esset, in quotlibet & cujuslibet figuræ partes dividi; atque id eo vel non tam libere, quam solet, illaberetur corporibus; quorum

I.

*Qua sit na-  
tura aquæ  
salis: &  
cur oleum  
ex corpori-  
bus eo ma-  
defactis non  
tam facile  
egredietur  
quam aqua.*

meatus satis laxi sunt, ut calci & arenæ; vel etiam quodammodo in ea penetraret, quæ arctiores illos habent, ut in vitrum & metallum. Deinde nisi hæ aquæ partes eam haberent figuram quam ipsis tribuimus, non tam facile ex poris aliorum corporum, quos infederunt, sola ventorum agitatione aut calore expellerentur; ut olea & pinguiora alii liquores, quorum partes alias figuras habere diximus, manifestum reddunt. vix enim unquam omnino ejici possunt ex corporibus, quæ semel occuparunt. Postremo quoniam nulla in natura corpora videmus adeò accuratè similia, quin semper aliquantulum in magnitudine differant, neminem esse puto, qui difficulter patiat-  
 tur sibi persuaderi, aquæ etiam partes non omnino æquales esse, & præsertim in mari (quod est ingens aquarum omnium receptaculum) quasdam tam crassas inveniri, ut non possint instar aliarum diversimode inflecti ab ea vi qua communiter agitantur. Atque hic deinceps conabor demorstrare, hoc solum sufficere ut omnes salis qualitates in iis reperiantur.

## II.

*Cur tanta sit in sapore differentia inter salem & aquam dulcem. Cur sal carni-um corruptio- nem impe- diat, eas- que duriores reddat: cur vero aqua dulcis eas corrumpat.*

Primò non mirandum est, illas saporem pungentem & penetrantem habere, multum differentem ab eo aquæ dulcis. cum enim non possint à materia subtili, quæ illas circumjacet, inflecti, necesse est ut in cuspides erectæ & telorum instar vibratæ linguæ poros ingrediantur, atque ita penetrent satis altè ad illam pungendam; cum è contra partes aquæ dulcis molliter supra illam fluitantes, & semper in latera jacentes, ob facilitatem qua flectuntur, vix gustu possint sentiri. Et particulæ salis ita punctim ingressæ poros carni-um, quæ eo condiri solent ut asserventur, non modo humiditatem tollunt, sed etiam sunt instar paxillorum hic illic inter earum partes defixorum, ubi immoti & non cedentes illas sustinent; & impediunt ne aliæ magis lubricæ seu plicatiles immixtæ, illas concutientes, loco moveant, atque ita corrumpant corpus quod componunt. Hinc etiam carnes salitæ successione temporis magis indurescunt; quas alio-  
 qui partes aquæ dulcis, se inflectendo, atque huc illuc poris earum illabendo, faciliè emollirent & corrumpere.

## III.

*Cur aqua salis gra- vior sit quàm dul- cis: & nihilo- minus sa- lis gravis in aqua ma-*

Præterea non mirum est, aquam salis dulci ponderosior em esse, quum partibus constet magis crassis & solidis; quæ propterea in minus spatium contrahi possunt. Ex hoc enim gravitas pendet. Sed inquisitione dignum est, quare partes illæ solidiores inter alias minus solidas mistæ remaneant, quum ob majorem gravitatem subsidere debere videantur. Et hujus rei ratio est, saltem in partibus salis

salis vulgaris; quòd utramque extremitatem æqualiter crassam habeant, sintque omnino rectæ instar teli vel baculi: si enim unquam in mari quædam fuerint in unâ sui extremitate crassiores, & eo ipso ponderosiores quàm in altera, satis temporis à mundi exordio habuere, ut, crassiori ista parte deorsum inclinata, usque ad fundum descenderent; & si quæ fuerint curvæ, satis etiam temporis habuerunt, ut corporibus duris occurrentes, eorum poros ingrederentur: sed quia in hos semel immisæ, non tam facile se inde liberare potuerunt, quàm rectæ & in utraque parte æquales, idè nullæ nunc præter has ibi esse possunt. Hæ autem quoniam transversæ sibi invicem incumbunt, præbent occasionem partibus aquæ dulcis, quæ à motu non cessant, illas interlabendi & se ipsis annulorum instar circumvolvendi, atque ita ordinandi ac disponendi, ut facilius motum continuare queant, & etiam celeriores habere quàm si solæ essent. Nam cum ita aliis circumvolutæ sunt, vis materiæ subtilis qua agitantur, id tantum agendum habet, ut eas quàm citissimè circa particulas salis, quas amplectuntur, verfet, atque ex alia in aliam transferat, nullis interim ex earum plicaturis sive annulis immutatis; contra verò cum solæ existentes aquam dulcem componunt, ita necessariò implicantur, ut pars virium hujus materiæ subtilis debeat impendi in iis diversimodè flectendis; alioqui enim ab invicem non possent separari; & ideo tunc illas, nec tam facile, nec tam velociter movere, id est, ex uno loco in alium transferre, potest.

Quum itaque sit verum, partes aquæ dulcis partibus salis circumvolutas, facilius moveri posse quàm solas, non mirum est illas has circumlabi, cum satis prope adsunt, & ita complexas retinere ut illas ponderis inæqualitas non divellat. Quo sit ut sal satis facile solvatur, in aquam dulcem injectus, vel tantum humiliori aëri expositus; nec tamen solvatur in quantitate aquæ determinata, nisi determinata ejus quantitas; ea scilicet quam partes aquæ flexiles se circumvolvendo amplecti possunt. Et quoniam scimus, pellucida corpora, quo minùs motui materiæ subtilis, in poris suis hærentis, resistunt, hoc pellucidiora esse, inde etiam intelligimus, aquam marinam naturaliter fluviali pellucidior em esse debere, & refractiones paulò majores efficere.

Videmus quoque, illam difficilius gelu constringi, quia nunquam aqua gelari potest, nisi quoties materia subtilis, per partes illius fusa, non satis roboris ad illas agitandas habet. Hinc etiam

*rine super-  
ficie for-  
mentur.  
Particulas  
salis com-  
munis esse  
longas, re-  
ctas, & in  
utraque  
extremita-  
te equali-  
ter crassas:  
quemodo-  
que dispo-  
nantur in-  
ter particu-  
las aqua  
dulcis: &  
majorem  
esse particu-  
larum agi-  
tationem  
in aqua  
salis, quàm  
in dulci.*

## IV.

*Cur sal fa-  
cile humi-  
ditate sol-  
vatur: &  
cur in certa  
aqua dulcis  
quantitas,  
certa tan-  
tum ejus  
quantitas  
liqueat.  
Cur aqua  
marina pel-  
lucidior sit  
fluviali,  
& paulo  
major in ea  
fiat luminis  
refractio.*

## V.

*Cur non*



*nam facili  
congeletur  
& quomodo  
aqua ope  
salis in gla-  
ciem ver-  
tatur.*

causas arcani per æstatem componendæ glaciæ discere possumus; quod licet jam satis vulgatum, ex optimis tamen est quod ejusmodi arcanorum studiosi habent. Salem æquali copiæ nivis, aut glaciæ confusæ mixtum, circa aliquod vas aqua dulci repletum disponunt; & sine alio artificio ut illa simul solvantur, hæc in glaciem coit: Quia materia subtilis, partibus hujus aquæ circumfusa, crassior aut minus subtilis, & consequenter plus virium habens, quàm illa quæ circa nivis partes hærebat, locum illius occupat, dum partes nivis liquefciendo partibus salis circumvolvuntur. Facilius enim per salis aquæ quàm per dulcis poros movetur; & perpetuò ex corpore uno in aliud transire nititur, ut ad ea loca perveniat in quibus motui suo minus resistitur: quo ipso materia subtilior ex nive in aquam penetrat, ut egredienti succedat, & quum non satis valida sit ad continuandam agitationem hujus aquæ, illam concrecere sinit.

VI.  
*Cur difficil-  
lime sal ab-  
eat in va-  
porem, &  
aqua dulcis  
facillime.*

Sed primaria partium salis qualitas est, maximè fixas esse, hoc est, non facile in vapores solutas attolli, quemadmodum partes aquæ dulcis. Quod non tantùm accidit quia majores sunt, & ponderosiores, sed etiam quia cum longæ sint & rectæ, non diu in aëre librari possunt, sive ulterius ascensuræ sive descensuræ, quin altera earum extremitas deorsum pendeat, atque ita terræ ad perpendicularum immineant. Sive enim ad ascendendum, sive ad descendendum, facilius aërem hoc situ quàm ullo alio secant. Quod non eodem modo in partibus aquæ dulcis fit: quum enim sint valdè plicatiles, nunquam nisi celerrime rotatæ in rectum porriguntur; quum contra partes salis vix unquam hac ratione rotari possint. nam sibi invicem occurrentes, quia ipforum inflexibilitas ne unæ aliis cederent impederet, statim hæreere aut motum interrompere cogemur. Sed quum ita in aëre suspenduntur, alterâ suâ cuspide terræ obversâ, manifestum est, potiùs descensuras quàm ascensuras. vis enim quæ sursum impellere posset, longè remissius agit quàm si transversæ jacerent, & quidem accuratè, tanto quanto aëris cuspidi resistentis quantitas minor est illa, quæ obniteretur longitudini, quum interea pondus illarum, semper æquale, hoc vehementius agat, quo aëris vis resistens minor est.

VII.  
*Cur aqua  
maris are-  
na percola-  
ta dulce-*

Quibus si addamus, aquam marinam, dum arenas permeat, dulcescere, (quia nempe partes salis, cum sint inflexibiles, non ut partes aquæ dulcis, per exiguos illos anfractus, qui circa sabuli grana repe-

reperiuntur, labi possunt,) hincernus, fontes & flumina, cum non nisi ex aquâ, vel per vapores sublatâ vel colatâ per multum arenæ, conflata sint, minime falsa esse debere. Itemque universas illas aquas dulces, quæ quotidie in mare ruunt, neque ejus magnitudinem augere, neque salcedinem minuere posse: Nam continuo totidem inde egrediuntur, quarum aliæ in vapores mutatæ sublimia petunt, atque inde in nivem aut pluviam glomeratæ decidunt in terram, aliæ autem & quidem plurimæ per subterraneos meatus usque ad radices montium penetrantes, & calore ibi incluso, velut resolutæ in vaporem, attolluntur in eorundem juga, ubi scaturigines seu capita fontium vel fluviorum implent.

Sciemus etiam, aquam marinam magis salfam esse sub æquatore quàm sub polis, si consideraremus, Solis æstum ibi vehementiorem plures vapores excitare; qui non semper eodem relabuntur unde venerunt; sed plerumque aliorum in loca polis viciniora, ut melius postea intelligemus.

Postremo nisi accuratè ignis explicationi hic inhærere nollem, addi posset, quare aqua marina restinguendis incendiis fluviali minus idonea sit; Item quare agitata noctu scintillet. Videremus enim, particulas salis, dum velut suspensæ inter illas aquæ dulcis hærent, facillimè concuti, & ita concussas, multoque robore pollentes, ex eo quod sint rectæ & inflexiles, non modo flammam augere si illi immittantur, sed etiam ex se solis aquam accendere posse, si cum impetu ab aqua in qua sunt exsiliant. Ut si mare A, cum

## VIII.

*Cur mare magis salsum sit versus æquatorem quàm versus polos.*

## IX.

*Cur aqua salsa minus apta sit incendiis extinguendis quàm dulcis. & cur noctu dum agitur in mari, lumen emittat.*

*Cur nec maris, nec aqua maris diu in vase servata sic luceat: & cur non æquilibrium omnes ejus gutta sic luceant.*



vehementia impulsus ad C, ibique illisum scopulo, vel obstaculo alio simili assurgat ad B, impetus quem partes salis ex hoc concussu acquirunt, efficere potest, ut earum primæ in ærem juxta B ejectionæ, se ibi dulcis aquæ partibus quibus circumcingebantur expediant; atque ita solæ & certo intervallo ab invicem diffusæ, scintillas ignis generent, non absimiles iis quæ solent emicare ex silice percusso.

cusso. Notandum tamen, particulas salis ad hunc effectum admodum rectas & lubricas requiri, ut tanto facilius à partibus aquæ dulcis separati queant. unde nec muria, nec aqua marina diu in vase aliquo servata, ejusmodi scintillas emittit. Requiritur præterea, ut partes aquæ dulcis illas salis non nimis arctè complectantur; unde crebriores hæ scintillæ apparent cælo calido quàm frigido: Item ut mare satis agitato & concitato sit; Vnde fit ut talis flamma ex omnibus ejus fluctibus non emicet: Ac postremit ut partes salis ferantur punctim instar sagittarum, potius quàm transversi; atque hinc fit ut non omnes guttæ ex eadem aqua exsistentes eodem modo reluceant.

## X.

*Cur aqua in litore maris fossis quibusdam minimè profundis includatur ad solem conspicendum: Et cur sal non fiat nisi aere calido Et sicco.*

Deinceps verò perpendamus quâ ratione sal dum generatur summæ aquæ innatet, licet admodum fixæ & ponderosæ illius partes sint; & quomodo ibi in exigua grana formetur, quorum figura quadrata non multum discrepat ab illa Adamantis, in mensulæ forniam expoliti, nisi quod latissima illorum frons paulum excavata conspicitur. Primo necessarium est, aquam marinam aliqua fossa excipi ad evitandam continuam fluctuum agitationem, & excludendam aquam dulcem, quam sine intermissione pluvie & flumina in Oceanum convehunt. Deinde requiritur aer satis calidus & siccus, ut agitatione materiæ subtilis quæ in eo est, ad partes aquæ dulcis à partibus salis, quibus circumvolvuntur, liberandas & in vaporem attollendas sufficiat.

## XI.

*Cur omnium liquorum superficies sit admodum lævis: Et cur aquæ superficies difficilis ardeatur quam ejus interiores partes.*

Et notandum, aquæ, ut & aliorum omnium liquorum superficiem perpetuò æqualem & maximè lævem esse; quia partes quidem illius inter se uniformi motu moventur; partes quoque aeris illam tangentes pari inter se agitatione feruntur: at partes aquæ aliâ ratione & mensurâ agitantur, quàm aeris; & præterea materia subtilis, partibus aeris circumfusa, longè aliter movetur, quam ea quæ aquæ partes interfluit; atque hinc superficies utriusque politur, plane eodem modo ac si duo corpora dura attererentur, nisi quod longe facilius & fere in eodem instanti hinc lævigatio fiat, propter partium, quæ in liquidis sunt, mobilitatem. Hinc etiam fit ut superficies aquæ longe difficilis, quàm ejus interiora, dividatur. Hoc autem ita se habere, docet experientia. nam corpora satis parva, licet ex materia gravi & ponderosa, ut exigua acus chalybeæ, faciliè sustinentur & innatant summæ aquæ, quamdiu ejus superficies nondum divulsa est; sed ubi semel infra illam sunt, statim usque ad fundum descendunt.

Iam

Iam verò cogitandum est, aërem, cùm satis calidus est ad excoquendum salem, non tantummodo quasdam flexibilia aquæ partium excitare, & in vaporem elevare posse, sed etiam cum tanta velocitate attollere, ut priùs illæ ad summam hujus aquæ superficiem perveniant, quàm tempus habuerint partibus salis quibus fuerunt circumvolutæ se omnino liberandi; easque idcirco eo usque secum adducunt, nec prius planè deferunt, quam foramen exiguum, per quod ex corpore aquæ eimerferunt, sit clausum: Vnde fit ut hæ particule salis ab iis aquæ dulcis postmodum relictæ huic superfici ei supernatent: Vt eas representari videmus ad D. Cum enim ibi transversum jaceant, non satis habent gravitatis ad subsidendum, ut nec acus chalybeæ de quibus diximus, sed tantum paululum superficiem deprimunt. Atque ita primæ quæ hoc pacto aquæ supernatant, hinc inde per ejus superficiem sparsæ, multas veluti fossas aut cavitates perexiguas in ea formant: Deinde quæ sequuntur emergentes ex harum fossarum lateribus, propter eorum quantulamcunque declivitatem, delabuntur ad ipsarum fundum, ibique se prioribus adjungunt. Et inter cætera hinc observandum, ex quacunque demum illæ parte adveniant, apte ad latus priorum se applicare, ut videmus ad E, secundas saltem, sæpe etiam tertias; quoniam hoc ipso paulo altius descendunt, quam si in alio situ remanerent, ut in eo qui exhibetur ad F, vel ad G, vel ad H. Motus etiam caloris, semper aliquantillum superficiem agitans, hanc dispositionem promovet.



XII.  
*Quomodo  
salis parti-  
cula in a-  
qua superfi-  
cie hæreant.*

XIII.  
*Cur cujus-  
que salis  
grani basis  
sit quadra-  
ta: & quo-  
modo basis  
istius ali-  
quantulum  
curva,  
quamvis  
plana vi-  
deatur.*

Cum autem ita duæ aut tres in singulis fossis porrectæ jacent, quæ præterea allabuntur, eodem modo iis jungi possunt, saltem si sponte aliquo modo ad hunc situm accedant. Sed si accidat ut propendeant magis ad extremitates, quam ad latera priorum, iis applicantur ad angulos rectos, ut videmus ad K: quia etiam paulo altius hac ratione descendunt, quam si aliter dispoperentur, velut ad L, aut ad M. Et quoniam totidem circiter ad extremitates duarum aut trium priorum accedunt, quam ad latera; hinc fit ut aliquot centena-

y

ita

ita ordinatæ primo exigua veluti tabulam contextant, figuræ ad oculum satis quadratæ, quæ est instar basis nascentis grani. Et notandum, tribus tantum ex illis particulis aut quatuor, eodem situ ibi positis, ut ad N, medias semper paulo altius demitti quam exteriores. Sed deinde supervenientibus aliis, quæ transversæ iis junguntur, ut ad O, illas exteriores fere tantundem deprimi, quantum interiores. Vnde fit, ut exigua tabula quadrata, basis futuri grani salis, quæ ut plurimum ex aliquot centenis simul junctis est composita, nonnisi plana appareat, etiamsi sit semper aliquantulum curva. Iam vero prout hæc tabula accrescit, ita quoque altius descendit, sed paulatim; & tam lente, ut aquæ superficiem suo pondere non dividat, sed deprimat tantum. Et cum in certam magnitudinem excrevit, tam demissa est, & isti superficiem aquæ sic immersa, ut partes salis, eo devolutæ, non adhæreant tabulæ oris, sed transgressæ eodem modo & situ super ipsam labantur, quo priores per superficiem aquæ.

## XIV.

*Quomodo  
integrum  
salsi gra-  
num isti  
basis inadi-  
fiatur. Cur  
fit quæ in  
casibus in  
medio iso-  
ræ granu-  
rum: & cur  
eorum supe-  
riores pars  
la-  
tior sit  
quam basis:  
& quid ba-  
sim rectas  
majorem  
vel mino-  
rem.*

## XV.

*Cur inser-  
dum parti-  
culæ salis  
aque fun-  
dum po-  
tiant, prius-  
quam in  
grana pos-  
sint conere-*

Quo ipso alia tabula quadrata ibi surgit, itidem paulatim altius descendens, donec rursus particulæ salis allabentes, hanc superare, & tertiam quandam tabulam formare possint; atque ita deinceps. Sed particulæ salis secundam tabulam componentes non tam facile per priorem devolvuntur, quam quæ illam primam formabant per aquam; neque enim superficiem tam æqualem & facilem ibi offendunt, & propterea sæpius ad medium non pertingunt; quod cum eo ipso vacuum relinquatur, tardius hæc secunda tabula descendit, quam prima; sed paulo major fit antequam tertia incipiat formari, & denuo hæc, paulo plus vacui in medio relinquendo, paulo major evadit quam secunda, & ita porro, donec integrum illud granum, ex pluribus hujusmodi mentulis coacervatis, absolvatur; id est, donec, oras vicinorum granorum contingens, ulterius crescere nequeat.

Magnitudo primæ tabulæ à gradu caloris est quo aqua, dum illa fit, agitur; quo enim hæc agitatio major est, hoc altius particulæ salis innatantes superficiem illius deprimunt, atque ita basis minor fit; immo aqua tam valide concuti potest, ut partes salis pessum eant antequam ullum granum formaverint. Ex quatuor lateribus hujus basis, quatuor frontes surgunt, cum quadam acclivitate; quæ, si calor semper æqualis fuerit inter generandum hoc granum, non nisi ex causis jam enumeratis dependet; sed si intendatur, hæc acclivitas in parte harum frontium quæ tunc formabitur, minor erit; & contra major, si remit-

remittat: Atque si alternatim modo augeatur modo minuatur, quasi in gradus hæ acclivitates videbuntur fractæ. Et quatuor veluti costæ, connectentes has quatuor frontes, nunquam valde acutæ sunt & præcisæ; partes enim, quæ lateribus hujus grani sese adjungunt, ut plurimum quidem in longum porrectæ, quemadmodum diximus, ibi adhærent; sed quæ ad angulos ex quibus hæ costæ surgunt devolvuntur, facilius aliter se applicant; quemadmodum scilicet exhibentur ad P, quod hos angulos paulo obtusiores & minus æquales reddit; unde ipsum etiam granum sæpissime fragilius est hic quam alibi, & spacium in medio vacuum, rotundum potius quam quadratum.



*scire. Quomodo quatuor latera cujusque grani, modo magis, modo minus inclinata & in aqua reddantur. Cur commissuræ istorum laterum non sint admodum accurata.*

*ratæ, faciliusque in ipsis quam alibi grana frangantur: & cur cavitas quæ in medio est cujusque grani, rotunda potius sit quam quadrata.*

Præterea quoniam hæ partes granum componentes, præter ordinem quem explicavimus, cætera satis confuse junguntur, sæpius inter illarum extremitates, quas se mutuo contingere non necesse est, satis vacui spatii relinquitur ad recipiendas aliquas dulcis aquæ partes, quæ ibi inclusæ & conglobatæ remanent, velut videmus ad R, saltem quamdiu non nisi mediocriter moventur; sed cum vehementi calore concitantur, magno impetu dilatari nituntur, eodem modo quo supra diximus, quum aqua in vapores solvitur, atque ita hos carceres cum fragore dirumpunt. Vnde fit ut salis grana, si integra in ignem mittantur, crepitando dissiliant, non autem si prius comminuta fuerint & in pulverem redacta; tum enim hæc claustra jam effracta sunt.



**XVI.**  
*Cur grana ista in igne crepissent, quum integra sunt, confracta autem non crepissent.*

Præterea nunquam aqua marina tam pure ex particulis jam descriptis componi potest, quin aliæ simul inimicæ occurrant, quæ licet multo tenuiores sint, ibi tamen commorari, & particulis salis inferi possunt. atque ab his procedit gratissimus illi violarum odor, quem recens sal album exhalat; itemque ille sordidus color, quem in nigro videmus; omnesque aliæ proprietates quæ in salibus, ex diversis aquis excoctis, reperiuntur.

Denique rationem intelligemus, cur salis grana satis facile conterri possint & friari, si recordemur qua ratione partes ejus inter se nectantur. Intelligemus etiam cur sal, cum satis purus est, semper vel albus vel pellucidus appareat, si ad crassitiem particularum ex quibus

**XVII.**  
*Vnde oritur odor salis naturaliter albi, & color nigri.*

**XVIII.**  
*Cur sal sit friabile, album, vel transparent: &*

*cur facilius  
liquefeat  
quam gra-  
na ejus in-  
tegra sunt,  
quam  
quoniam fue-  
runt con-  
fracta &  
lente sicca-  
ta. Cur  
ejus parti-  
cula minus  
flexiles sint  
quam aqua  
dulcis; &  
cur tam ha-  
quam illa  
teretes sint.*

bus ejus grana componuntur, & ad naturam coloris albi, quæ infra explicabitur, spectemus. Neque mirabimur, salem granis integris, & non siccatis, satis facile ad ignem liquefcere, cum sciamus, tunc illum plures aquæ dulcis particulas suis immistas habere. Neque contra, hoc ipsum multo difficilius fieri, granis contusis & lento igne exsiccat, adeo ut omnes aquæ dulcis particule ex eo evolarint; si consideremus, tunc illum non posse liquidum fieri, nisi permultis ex ejus partibus inflexis & complicatis; illas autem non nisi admodum difficulter inflecti. Nam licet fingere possimus, omnes particulas aquæ marinæ fuisse olim quasi per gradus unas, aliis paulo magis flexiles, vel paulo minus, adeo ut inter minimas, quæ ad salem pertinebant, & maximas quæ ad aquam dulcem, vix ulla differentia esset. Quia tamen ex tunc se inflectere atque aliis circumvolvere cœperunt, progressu temporis se paulatim emollire, & magis ac magis flexiles reddere debuerunt, & contra alia quibus circumvolutæ sunt, plane rigida & inflexiles remanere; nunc omnino putandum est, magnum discrimen inter has & illas esse. Vtræque tamen sunt teretes live rotundæ; nempe partes aquæ dulcis instar testis vel anguillæ, & salis instar baculi vel cylindri. Quæcunque enim corpora diu & diversimode ita moventur, figuram aliquo modo circulare assumunt.

## XIX.

*Quomodo  
oleum  
quoddam,  
sive potius  
aqua aci-  
dissima ex  
sale extra-  
batur. Et  
cur magna  
sit differen-  
tia inter  
saporem  
istius aque  
acidæ, &  
salis.*

His autem ita cognitis facile etiam agnoscitur natura istius aquæ fortissimæ atque acidissimæ, quæ Chymicis spiritus vel oleum salis dicta, aurum solvit. Quoniam enim non sine magna vehementia ingentis ignis extrahatur ex sale vel puro, vel alio, corpori maxime sicco & fixo immisto, ut lateri coctili; qui impedit ne liquefeat: palam liquet, partes illius easdem esse, quæ antea salem composuere, sed illas per alembicum ascendere non potuisse, & ita ex fixis in volatiles mutari; nisi posteaquam inter se collisæ & vi ignis agitatæ, ex rigidis & inflexibilibus quales erant, plicatiles evaserunt, atque eadem opera ex teretibus planæ & secantes, ut folia iridis vel gladioli; nam alias minime flecti potuissent. Vnde etiam ratio in promptu est, quare saporem multum à sale discrepantem habeant. in longum enim potrectæ linguæ incubantes, acie sua extremitatibus nervorum illius obversa, atque ita secando devolutæ, alio plane modo quam antea illos afficere debent, & consequenter aliū saporem, acidum nempe, excitare. Atque ita reliquarum proprietatum hujus aquæ ratio reddi posset; sed quia in infinitum hic labor

excit-

excurreret ; nunc ad vapores reversi , exploremus qua ratione illi in aëre moveantur , & ventos ibi generent.

## C A P V T IV.


*De ventis.*

Mnis aëris agitatio sensibilis ventus appellatur , & omnia corpora tactum visumque effugientia dicimus aërem. Sic rarefactam aquam , & in vaporem subtilissimum transmutatam , in aërem conversam aiunt ; licet publicus ille aër quem respiramus , ut plurimum ex particulis , quæ multo tenuiores sunt partibus aquæ , & figuram omnino diversam habent , componatur. Atque ita aër ex folle elisus , vel flabello impulsus , ventus nominatur ; licet venti latius diffusi , terrasque & maria perflantes , nihil sint nisi vapores moti , qui dilatati , ex loco arctiori in quo crant , in alium ubi facilius expaudentur , transeunt.

I.  
*Quid sit  
ventus.*

Eadem ratione qua in globis , quos Æoli pilas dicunt , paululum aquæ , in vaporem resolutæ , ventum satis magnum & impetuosum , pro ratione materię , ex qua generatur , excitat. Et quoniam hic ventus artificialis , ventorum naturalium cognitioni haud parum lucis affundere potest , e re fore arbitror illum hic explicari. A B C D E est globus ex ære vel alia tali materia , totus cavus & undiquaque clausus , nisi quod aperturam exiguam habeat in regione D. Cujus parte A B C aquæ plena , & altera A E C vacua , id est nihil extra aërem continente , illum imponimus igni , cujus calor exiguas aquæ partes agitando , efficit ut multæ supra ejus superficiem A C attollantur , ubi expansæ & rotatæ colliduntur , magnoque molimine recedere ab invicem nituntur , ut supra explicatum fuit. Et quia se ita expandere atque ab invicem remove non possunt , nisi quatenus aliquæ ex iis per foramen D egrediuntur , tota illa vis , qua plures colliduntur , tan-

II.  
*Quomodo  
in Æoli  
pilis gene-  
ratur.*






quam in unum collecta, id agit ut proximas per illud exturbet. Atque ita ventus à D ad F spirans excitatur. Et quia semper alia hujus aquæ particulæ, in altum ab hac superficie AC à calore sublata, dilatantur atque ab invicem recedunt, dum interim per foramen D alia enituntur, hic ventus non cessat ante universam globi aquam exhalatam, vel calorem extinctum.

III.  
Quomodo  
etiam in  
aëre fiat,  
Ventes præ-  
cipue ex  
vaporibus  
oriri, sed  
non ex iis  
sols com-  
poni. Et cur  
à vaporibus  
potius  
quam ab  
exhalatio-  
nibus orian-  
tur.

Venti autem illi naturales qui solent in aëre sentiri, eodem fere modo quo hic artificialis, generantur, & præcipue tantum in duabus rebus discrepant. Quarum prima, quod vapores unde his origo, non tantum ab aquæ superficie, ut in hoc globo, sed etiam à terra humenti, nive & nubibus, emittantur; & quidem plerumque majori copia quam ex aqua: quod in illis particulæ, fere jam separatæ & disjunctæ, facilius porro divellantur. Altera, quod vapores arctius quidem in Æoli pile possint detineri, quam in aëre; ubi tantum objectu vel aliorum vaporum, vel nubium, vel montium, vel denique ventorum ex aliis locis venientium, impediuntur, ne ubivis æqualiter se extendant; sed vicissim alii alibi vapores sæpe reperiri-



tur,

tur, qui eodem tempore condensati quo hi dilatantur, locum à se relictum illis occupandum tradunt. Ut si exempli gratia magnam vaporum copiam imaginemur consistere in aëris regione F, qui se expandentes multo majus spatium eo quo continentur affectant; & simul eodem tempore alios hærere ad G, qui coacti ac in pluviam vel nivem mutati, maximam partem spatii quod occupabant deserunt, minime dubitabimus, quin illi qui juxta F reperiuntur, digressuri sint ad G, atque ita ventum eo ruentem generaturi; præsertim si etiam cogitemus, eos impediri, quo minus ferantur versus A vel B, ab altissimis montibus ibi sitis, & quo minus ferantur versus E, ab aëre spisso, & vi alterius venti spirantis à C ad D condensato: Et postremo nubes supra illos stare, quæ prohibent ne altius possint evolare. Hic autem observemus, vapores, ita de loco in locum transeuntes, omnem aërem iis in via occurrentem, & omnes exhalationes isti aëri permixtas, secum deferre; Ad eò ut, quamvis illi propemodum soli ventis causam dent, non tamen soli eisdem componant, sed dilatationem & condensationem harum exhalationum, & hujus aëris, quantum in se est, generationem ventorum etiam juvare: hoc tamen ad eò parum esse, ut vix in rationem venire debeat. Aër enim dilatatus duplum tantum aut triplum spatii illius præterpropter occupat, quod a mediocriter condensato occupari solet; quum contra vapores bis vel ter millies tantumdem exigant: & exhalationes non dilatantur, id est non extrahuntur ex corporibus terrestribus, nisi per vehementem calorem; nec fere unquam deinde quantumcumque aspero frigore tantum constringi possunt, quantum antea fuit: Quum contra & exiguus calor solvenda in vaporem aqua, & moderatum etiam frigus vaporibus deinde in aquam glomerandis sufficiat.

Sed jam speciatim proprietates & generationem principum ventorum contemplemur. Primò observatur, totum aërem circa terram ab Oriente ad Occidentem volvi: Idque hoc loco supponendum erit, cum commodè ratio diduci nequeat, quia totius universi fabrica simul explicetur; quod extra nostrum propositum. Sed deinde notatur, ventos Orientales plerumque multo sicciores esse, magisque aptos ad serenum aërem & nitidum reddendum, quam Occidentales: quia hi nitentes contra naturalem vaporum cursum illos sistunt, atque in nubes cogunt; cum contra illi eosdem pellant & dissipent. Ut plurimum etiam Orientales

## IV.

*Cur venti  
ab Oriente  
sicciores  
sint quam  
ab Occiden-  
te: & cur  
mane potius  
sintum ab  
Oriente, ac  
vesperi ab  
Occidente  
sint venientes*


tales

tales manè spirare animadvertimus, Occidentales verò vesperi. Cujus rei causa manifesta erit, contemplanti terram A B C D & Solem S, qui henuisphærium A B C illustrans, & faciens medium diem ad B, mediam noctem ad D, eodem tempore occidit respectu populorum habitantium ad A, & oritur respectu habitantium ad C. Nam quia vapores ad B valde dilatati sunt calore diurno, feruntur partim per A, partim per C versus D; ubi spatium illorum occupaturi quos frigus noctis ibi condensavit, efficiunt ventum occidentalem ad A, ubi Sol occidit; & orientalem ad C, ubi exoritur.



V.


*Quid ceteris paribus venti ab Oriente fortiores sint quàm ab Occidente. & cur ventus Borealis sæpius flet de die quàm de nocte. Cur potius tanquam ex aëre versus terram, quàm ex terra versus; & cur ceteris solent esse fortior, atque valde frigidus & siccus.*



Et hic ventus ita factus ad C, ut plurimum fortior est, & celerius rapitur, quàm ille qui generatur ad A: tum quia cursum totius massæ aëris sequitur, tum etiam quia in parte terræ, quæ est inter C & D, citius & fortius, ob diuturniorem Solis absentiam, facta est vaporum condensatio,

quàm in illa quæ est inter D & A. Constat etiam, ventos Septentrionales ut plurimum interdiu spirare, illosque ex alto ruere, maximeque violentos, frigidos, & siccos esse. Cujus ratio patebit, si consideremus, terram E B F D, sub polis E & F, ubi non multum Sole incalescit, multis nebulis & nubibus tectam esse; atque ad B, ubi Sol in illam directos & perpendiculares radios mittit, plurimos vapores excitari, qui actione luminis agitati celeriter sublimia petunt; usque dum eò pervenerint, unde vi sui ponderis urgente, facilius ad latera detorquentur, & iter suum tenent versus I & M, supra nubes G & K, quàm ulterius rectè ascendant: cumque hæ nubes G & K etiam incalescant & rarefiant à Sole, vapores inde egressi potius progrediuntur à G ad H, & à K ad L, quàm vel ad E vel ad F: aër enim crassus qui sub polis est validius iis obniti-

obnitiur, quàm vapores è terra  
versus meridiem surgentes, quia  
hi vehementer concussi, & ad mo-  
tum quaquaversum jam parati,  
non gravatè iis loco cedunt. At-  
que ita si ponamus, Arcticum Po-  
lum esse versus F, motus vapo-  
rum à K ad L, ventum Septen-  
trionalem excitabit, interdiu per  
Europam spirantem: qui ventus  
ex alto præceps ruit; nam ex nu-  
bibus in terram fertur. Valde quo-




que ut plurimum impetuosus est; nam æstu omnium maximo exci-  
tatur, Meridiano scilicet: & materiâ omnium facillimè in vapores  
dissolubili, nubibus scilicet, constat. Postremò hic ventus frigidissi-  
mus & siccissimus est; cum ob ingentem illius vim; supra enim dixi-  
mus, ventos impetuosos semper siccis & frigidos esse; tum etiam  
siccus est, quia ut plurimum ex particulis aquæ dulcis crassioribus  
cum aëre mixtis componitur, & humiditas præcipuè consistit in sub-  
tilioribus, quæ rarò in nubibus, unde hic ventus originem ducit,  
commorantur; nam, ut mox videbimus, glaciæ potius, quàm aquæ  
naturam obtinent; tum etiam frigidus est, quia secum, meridiem  
versus, materiam subtilissimam Borealem rapit; quæ primaria fri-  
goris causa est.

E contrà observatur, ventos meridionales noctu ut plurimum  
flare, ex humili in sublimia eniti, lentos esse & humidos. cujus rei  
ratio manifesta itidem erit intuentibus terram E B F D, & cogi-  
tantibus, partem illius D, quam sub Æquatore & in qua nunc no-  
ctem esse suppono, satis adhuc caloris à diurno Sole retinuisse ad at-  
tollendos ex se multos vapores; sed aërem qui est paulò altiùs versus  
P., non parum refrixisse. Nam communiter omnia corpora crassa &  
ponderosa, ut terra quæ est ad D, diutius receptum calorem ser-  
vant, quàm subtilia & levia, ut aër qui est ad P. Atque hoc efficit  
ut vapores qui tunc versus P existunt non effluant versus Q & R,  
quemadmodum ii qui sunt in aliâ parte effluunt versus I & M, sed  
ibi cogantur in nubes; quæ impediētes, quò minùs alii vapores  
terrâ D egressi altè ascendant, illos undequaque inflectunt versus  
N & O, atque ita efficiunt ventum illum Meridionalem; qui noctu

VI.

*Cur ven-  
tus Austrā-  
lis Capius  
fiat noctu  
quàm inter-  
diu: & cur  
fiat tan-  
quam ex  
imo in al-  
tiori. Cur  
soleat esse  
lentior ca-  
teris & de-  
bilior: nec  
non calidus  
& humi-  
dus.*



solet spirare, & ex inferiori loco in altum eniti, à terra nempe in aërem; & qui non potest esse nisi lentissimus, tum quia crassities aëris nocturni cursum illius tardat, tum quia materia qua constat, terrâ tantum vel aquâ egressa, non tam promptè, nec tantâ copiâ dilatur, quàm materia reliquorum, quæ plerumque à nubibus effunditur. Postremo calidus quoque & humidus est, tum

ob segniorum cursum; Tum etiam humidus est, quia ex partibus aquæ dulcis tam crassioribus quàm subtilioribus componitur, quippe quæ simul è terra surgunt. Et calidus est, quia materiam subtilem quæ in Meridionali plaga erat, Septentrionem versus secum ducit.

VII.  
*Cur in eunte  
vere venti  
sint sicci-  
ores: & tunc  
aëris muta-  
tiones magis  
subitaneæ  
ac frequen-  
tes fiant.*

Palàm etiam est, mense Martio, & in universum toto vere, ventos sicciore, & mutationes aëris frequentiores & magis subitaneæ esse, quàm ulla alia anni tempestate. Cujus rationem adhuc inspectus terræ globus EBF D revelare potest, si cogitemus, Solem (quem è regione circuli B A D repræsentantis Æquatore consistere singo, & ante tres menses è regione circuli H N, tropicum Capricorni repræsentantis, hæsit) multò minus hæmisphærium terræ B F D, in quo iam vernum tempus facit, calefecisse, quàm alterum B E D, ubi Autumnum; & consequenter hæc dimidium B F D magis nive contactum, totumque aërem quo cingitur crassiorum & nubibus magis refertum esse, quàm illum qui alterum dimidium B E D circumdat. Atque hinc est quod interdum vapores multo plures ibi dilatantur, & viceversa noctu plures condensantur. mafsâ enim terræ minus ibi calefactâ, vi interea Solis non minore existente, major est inæqualitas inter calorem diurnum & nocturnum frigus; atque ita venti Orientales, mane ut dixi plerumque spirantes, & Septentrionales media die, uterque sicciissimus, illo anni tempore validiores, quàm ullo alio esse debent. Et quum venti Occidentales vesperti flantes satis quoque fortes sint ob eandem rationem ob quam Orientales mane spirantes, simul ac vel minimum ordinarius horum ventorum cursus, aut juvatur aut tardatur, aut detorquetur à causis

à caulis particularibus, quæ in singulis plagis magis aut minus ære in dilatare, aut condensare possunt, plures ex iis inter se concurrunt, & ita pluvias generant & tempestates, quæ tamen paulo post cessare solent, quia venti Orientales & Septentrionales, pellendis nubibus idonei, superiores evadunt.

Et crediderim, hos ventos Orientales & Septentrionales esse, quibus Græci Ornithiarum nomen ob reductas aves, vernam auram sequentes, imposuere. Sed quantum ad Etesias, quos à Solstitio æstivo observabant, verisimile est illos provenire ex vaporibus vi Solis à terris & aquis quæ in Septentrione sunt elevatis, postquam jam satis diu ad Tropicum Cancræ hæsit. Constat enim, illum diutius in Tropicis morari, quàm in spatio interjecto: & cogitandum, mensibus Martio, Aprili, & Maio, maximam nubium & nivium partem, quæ circa polum nostrum hærebat, in vapores & ventos resolveri; Ventosque istos ab initio veris (quo tempore sunt validissimi) ad Solstitium æstivum, paulatim deficiente materiâ, languescere; Mense verò Junio nondum ibi terras & aquas satis esse calefactas, ut materiam novi venti suppeditent; Sed paulatim Sole ad tropicum Cancræ commorante, magis & magis illas incallescere, tandemque idcirco Etesias producere, quum magnæ illius & pertinacis dici, quæ ad sex integros menses ibidem extenditur, Meridies paululum inclinat.

Cæterum hi venti Generales & Regulares perpetuò tales forent, quales illos descripsimus, si superficies terræ ubivis æqualiter aqua tegetetur, vel æqualiter extra illam emeretur, adeò ut nulla omnino marium, terrarum, & montium diversitas esset, nec ulla alia causa extra præsentiam Solis, qua vapores dilatarentur, nec ulla extra ejus absentiam, qua condensarentur. Sed notandum, Solem, dum splendet, communiter plures vapores ex mari quàm terrâ attollere; quia terra, multis in locis exsiccata, non tantum materiæ illi, quàm aqua, suppeditat: & contrà cum Sol recessit, calorem relictum, plures è terrâ quàm è mari elevare, quia terra diutius quàm mare calorem sibi impressum retinet: Et propterea sæpius in littoribus observatur, ventos interdum à mari, noctu à terra spirare: ignis etiam satius ob eandem causam viatores noctu ad aquam ducit; indifferenter enim æris cursum sequitur, qui eò à vicinis terris propterea delertur, quòd ille qui ibi est magis condensetur.

Item notandum, ære in qui superficiem aquarum tangit, motum

VIII.  
*Qui sint venti ab antiquis Ornithiæ dicti. Et qui sint Etesia,*

IX.  
*Quid conferat terrarum & marium diversitas ad ventorum productionem. Et cur sæpe in locis maritimis interdum flens venti à mari, & noctu à terra. Curque ignis satius noctu viatores ad aquas ducant.*

X.  
*Cur sæpe*

*venti in littora maris cum ejus fluxu & refluxu mutantur. Et cur idem ventus sit multo validior in mari quàm in terra: solentque in quibusdam regionibus esse sicci; in aliis humidus. Cur in Ægypto ventus Meridionalis sit siccus, & vix unquam pluat.*

illarum quodammodo sequi; Vnde sæpius venti juxta maris littora, cum fluxu illius & refluxu mutantur; & tranquillo aëre circa majora flumina placidi quidam venti, cursum illorum secuti, sentiuntur. Hic etiam notandum, vapores ex aquis emissos humidiores semper & crassiores illis esse, qui ex terris attolluntur, quique ideò multo plus aëris atque exhalationum secum vehunt: unde fit ut eandem tempestates gravius in mari quàm in terra sæviant, & idem ventus qui in una regione siccus est, in alia calidus esse possit. Ita venti Meridionales humidi ferè ubivis, sicci in Ægypto feruntur, ubi terra Africæ, sicca & combusta, materiam iis suppeditat. Hinc etiam procul dubio rarò ibidem pluit. licet enim venti Boreales, à mari spirantes; ibi humidi sint, tamen, quia sunt etiam omnium frigidissimi, non faciliè pluviam generare possunt, ut postea videbimus.

*XI. Quomodo & quatenus Astra conferant ad Meteora producenda.*

Præterea considerandum est, lumen Lunæ, quod admodum inæquale est, prout accedit ad Solem aut ab eodem recedit, dilatationem vaporum juvare; itemque lumen aliorum siderum. Sed tantum eadem proportionem, qua in oculos nostros illa agere sentimus. Oculi enim ad cognoscendam luminis vim indices omnium certissimi sunt. Et ideò etiam stellæ comparatæ ad Lunam vix in rationem hinc venire debent, ut neque Luna comparata ad Solem.

*XII. Quid etiam ad ipsa conferant inæqualitates partium terræ. Undeque oriatur varietas ventorum particularium, & quàm difficile sit ipsos prædicere.*

Denique considerandum est, vapores ex diversis regionibus terræ admodum inæqualiter surgere. Nam montes aliter Astris incalescunt quàm planities, nemora aliter quàm prata, & fundi exculti quàm relicti; terræ etiam nonnullæ ex naturâ suâ sunt aliis calidiores, vel ad calorem suscipiendum aptiores. Et præterea cum valdè inæquales nubes in aëre formentur, exque facillimè ex uno loco in alium transferantur, & diversis à terrâ intervallis sustineantur, & quidem interdum plures simul, una sub alia; Astra longe aliter in superiores quàm in inferiores agunt, & in has quàm in subjunctam terram, alio etiam modo in easdem regiones terræ, cum nubibus teguntur, quàm cum nullis, & postquam pluit aut nixit, quàm ante. Quamobrem fieri non potest ut particulares ventos prænoscamus qui in singulis terræ partibus singulis diebus obtinebunt: Nam sæpe etiam contrarii unus supra alium feruntur.

*XIII. Ventos generales facit.*

Sed si omnia quæ hætenus dicta fuere probe observemus, poterimus utcumque conjicere qui venti frequentiores & vehementio-

res

res debeant esse, itemque quibus in locis & temporibus regnare. Atque hoc præcipue sciri potest in iis maris partibus quæ à terris sunt valde remotæ, cum enim in ejus superficie neutiquam tanta sit inæqualitas, quantam in terrestribus locis notavimus, venti multo minus irregulares ibi generantur; & qui à littoribus eò versus provehantur, raro eò usque pertingere possunt. quod nautæ nostri satis experti sunt. nam idcirco in mari omnium latissimo Pacifici nomen imposuere.

*lins præ-  
noscit. Et  
car minor  
in iis sit di-  
versitas  
longissimè à  
littoribus  
in mari,  
quàm pro-  
pe terram.*

Nihil præterea notatu dignum hic occurrit, nisi quod fere omnes subitæ aëris mutationes (ut quod interdum magis incalcescat, vel magis rarefiat, vel magis humefcat quàm pro temporis ratione) à ventis ortum ducant: non tantum ab iis qui in ea regione spirant, in quæ hæ mutationes percipiuntur, sed etiam ab iis qui in vicinis, & à diversitate causarum à quibus generantur. Si enim, exempli gratiâ, dum nos ventum Meridionalem hic sentimus qui ex causa particulari in viciniâ exortus, non multum caloris secum adducit, interea in locis propinquis alius à Septentrione spiret, qui à loco satis alto vel remoto veniat, materia subtilissima, quam is secum rapit, commo-  
modissime ad nos pertingere & frigus plane insolens efficere poterit. Et hic ventus Meridionalis, è vicino tantum lacu progressus, humidissimus esse potest, quum contra siccior foret, si veniret à locis arenosis quos ultra istum lacum esse suppono. Sique sola dilatatione vaporum hujus lacus effectus sit, nulla accedente condensatione aliorum versus Septentrionem, aërem nostrum longe crassorem & magis gravantem reddet, quàm si hac sola condensatione, sine ulla dilatatione vaporum Meridionalium, generaretur. Quibus omnibus si addamus, materiam subtilem, & vapores qui in terræ meatibus hærent, mox huc, mox illuc latos, quosdam ibi etiam veluti ventos componere, omnis generis exhalationes secum vehentes pro qualitate terrarum per quas labuntur; & præterea, nubes cum ab una regione aëris in aliam descendunt ventum efficere posse, aërem ex alto ad inferiora urgentem, ut innox dicemus; rationes credo omnium motionum habebimus, quæ in aëre notantur.

XIV.  
*Omnes ferè  
aëris muta-  
tiones pen-  
dere à ven-  
tis. Curque  
aër inter-  
dum sit fri-  
gidus &  
siccus flam-  
me vento  
humido &  
calido. Mu-  
tationes  
aëris à mo-  
tu vaporum  
intra ter-  
ram etiam  
pendere.*



## C A P V T V.

*De nubibus.*

I.  
*Que sit differentia inter nubem, nebulam & vaporem. Nubes consistere tantum ex aqua guttulis aut particulis glaciei: & cur non sint pellucida.*




Postquam ita consideravimus qua ratione vapores dilatati ventos efficiant, videndum nunc est quomodo iidem coacti & condensati nebulas & nubes generent. Scilicet quamprimum notabiliter aëre puro minus pellucidi sunt, si usque ad superficiem terræ descendant, nebulæ dicuntur; sed si in aëre maneant suspensi, nubes appellantur. Et notandum, quum motus illorum tardatur, particulæque quibus constant sibi invicem satis propinquæ sunt, ut una aliam attingat, illas jungi, & in diversos exiguos cumulos coire, qui sunt totidem guttæ aquæ vel flocculi glaciei; unde fit ut tunc hi vapores aëro puro minus pellucidi evadant. Quippe cum omnino separati in aëre fluctuant, luminis transitum non multum impedire queunt; at coacti possunt. licet enim guttæ aquæ, aut glaciei particulæ, quas componunt, sint pellucidæ; tamen cum singulæ earum superficies aliquot radios reflectant, (ut in Dioptrice de cunctis pellucidis corporibus dictum fuit,) facile tam numerosæ superficies ibi occurrunt, ut omnes vel fere omnes radios alio reflectere possint.

II.  
*Quomodo vapores in aqua guttas vertantur. Et cur gutta aqua sint accuratae rotunda.*

Et quantum ad guttas aquæ, illæ formantur, cum materia subtilis, circa exiguas vaporum partes fusa, non quidem satis virium habet ad efficiendum, ut se extendentes atque in gyrum vertentes, unæ alias loco pellant, sed satis adhuc retinet ad illas multiplicandas, & omnes quæ se mutuo attingunt jungendas, atque in sphaerulam glomerandas. Et superficies hujus sphaerulæ tota æqualis statim & polita evadit, quia partes aëris illam contingentes, longe aliter quam partes illius inveniuntur; itemque materia subtilis, per poros illius fusa, longe aliter quam quæ est in aëris poris; ut supra diximus, de maris superficie verba facientes. Atque ex eadem causa hæ guttæ exacte rotundæ sunt. Vt enim sæpius notare potuimus, aquam fluminum in vortices agi; ubi aliquid impedit quo minus tam celeriter motu recto procedat quam incitatio ejus requirit: Ita putandum etiam est, materiam subtilem per corporum terrestrium poros, eadem ratione qua fluvius per intervalla herbarum in alveo suo crescentium vehitur, labentem,

tem, & liberius ex una aëris parte in aliam ineamtem, iteinque ex una aquæ in aliam, quam ex aëre in aquam, aut viceversa ex aqua in aërem, ut alibi notamus; intra unamquamque guttam circumagi debere, ut & extra in aëre circumfuso, sed aliter hîc quam illic; & propterea omnes partes ejus superficiei rotundare. Cum enim aqua sit corpus liquidum, non potest non se ad hanc materiæ subtilis circuitiunculæ accommodare. Et sine dubio hoc sufficit ad intelligendum, guttas aquæ rotundas accurate esse, secundum sectiones horizonti parallelas. Nulla enim omnino causa est, ob quam una circumferentiæ pars propius, quam alia non magis ab Horizonte distans, ad centrum guttæ accedat, aut longius ab eodem recedat; cum neque magis neque minus una quam alia ab aëre prematur, præsertim si tranquillus sit, qualem hîc intelligere oportet. Sed quoniam, si guttas secundum alias sectiones consideremus, dubium esse potest, an non, cum sunt ita exiguæ, ut pondere suo aërem descensui nequant aperire, planiores & minus in latitudine quam in longitudine crassæ fieri debeant, ut T vel V: Observandum est, illas aërem tam à lateribus quam infra circumfusum habere; atque si pondus earum non sufficiat ad illum quem infra se habent loco movendum, ut descendant, non magis posse illum qui est circa latera, inde pelli, ut in latitudinem diffundantur. Et quum è contra dubitare possimus, an non, cum pondere suo pressæ descendant, aër quem dividunt illas aliquo modo oblongas reddat, ut representantur ad X aut Y: notandum est, ipsas aëre undique cingi, atque ideo illum, quem ita dividunt, & cujus locum occupant descendendo, eodem tempore debere supra ipsas ascendere ad replendum spatium quod relinquunt; quod non aliter fieri potest, quam si juxta ipsarum superficiem fluat; ubi viam magis compendiosam & expeditam inveniet, si globosæ sint quam si cujuslibet alterius figuræ. Cuivis enim liquet, figuram rotundam omnium capacissimam esse, id est, minimum superficiei habere, pro ratione magnitudinis corporis sub ea contenti. Et ita, quomodocunque demum illas guttas consideremus, perpetuo rotundæ esse debent, nisi forsan impetus venti aut alia causa particularis obstitit.



Quod ad illarum magnitudinem attinet, pendet ex eo quod particularæ vaporis magis vel minus ab invicem distent, cum illas com-  
ponere

111.  
Quomodo  
sint parva  
vel magna.

ponere incipiunt; itemque ex eo quod postea magis vel minus agitentur; & denique à copia aliorum vaporum, qui ad illas accedere possunt. Nam initio singulæ guttæ ex tribus tantum aut quatuor concurrentibus vaporis particulis componuntur; sed statim postea, saltem si hic vapor fuerit satis densus, duæ aut tres ex guttis, inde factis, sibi invicem occurrentes in unam coalescunt, & denuo duæ aut tres harum in unam, & ita porro donec amplius concurrere nequeant. Et dum in aëre suspensæ feruntur, supervenientes alii vapores iis adjungi queunt, atque ita illas crassiores reddere, donec urgente pondere in rorem vel in pluviam decidunt.

## IV.

*Quomodo vapores in glaciæ particulas mutantur. Cur hæ glaciæ particulae fiant interdum rotundæ & transparentes, interdum minutæ & oblongæ, interdum rotundæ & albæ. Et cur hæ ultimæ quibusdam quasi pilis perexiguis tellæ sint; quidque eas majores aut minores reddat, earumque pilos crassiores vel tenuiores.*

## V.

*Solum frigus non sufficere ad vapores in aquam aut glaciem vertendos.*

Exiguæ vero glaciæ particulae formantur, dum frigus adeo intensum est, ut vaporum partes à materia subtili iis immixta flecti nequeant. Et siquidem hoc frigus demum guttis jam formatis supervenerit, eas congelat, sphaerica quam habebant figura invariata; nisi ventus satis vehemens simul adfuerit, cujus impulsu ea parte qua illi obvertuntur planiores fiant. Contra vero frigore antequam formari cœperint superveniente, particulae vaporis in longum tantum porrectæ junguntur, & filamenta glaciæ admodum tenuia constituunt. At si medio tempore (quod ut plurimum accidit) supervenerit, partes vaporum paulatim ut plicantur & glomerantur congelat; neque tantum temporis iis relinquitur, ut satis perfecte ad guttas formandas jungi possint. Atque ita exigui glomi, aut pilulae glaciæ sunt albæ, quia plurimis capillamentis constant, quorum singula superficies distinctas & ab aliis sejunctas habent, licet invicem accumulata implicentur; & hæ pilulae circumcirca pilosæ sunt, quia plurimæ semper vaporis partes, quæ non tam cito quam aliæ flecti & coacervari possunt, erectæ ad illas accedunt, & capillamenta quibus teguntur efficiunt: & prout hoc frigus vel lentius advenit vel celerius, & vapor densior, aut rarior est, hæ pilulae etiam majores vel minores fiant, & capillamenta illas cingentia vel crassiora & simul breviora, vel tenuiora & longiora evadunt.

Atque ex his videmus: duo semper requiri ad vapores in glaciem vel aquam mutandos; nempe ut illorum partes sint tam propinquæ, ut se mutuo contingere queant, & satis frigoris adsit ad illas, dum se ita invicem tangunt, sistendas & connectendas. Non enim sufficeret frigus vel intensissimum, si particulae vaporum, per aërem sparsæ tam remotæ essent ab invicem, ut nullo modo jungi possent; nec sufficeret etiam, ipsas esse valde vicinas, si tanta esset caloris agitatio,

tatio, ut impediret illarum nexum. Ita non semper in sublimi aëre nubes cogi cernimus, licet frigus ibi ad hanc rem perpetuo satis vehemens sit: sed insuper requiritur ut vel ventus Occidentalis, ordinario vaporum cursui obnitens, illos colligat & condenset, in locis in quibus ejus cursus finitur; vel etiam ut duo alii venti, à diversis regionibus flantes, illos medios premant atque accumulent, vel ut alter eorum illos in nubem jam formatam impellat; vel postremo ut ipsi vapores inferiori nubis alicujus parti occurrentes, dum à terra elewantur, sponte ad invicem accedant. Neque etiam perpetuo nebulae circa nos generantur; licet hyeme quidem aër sit satis frigidus æstate vero magna satis vaporum copia adsit; sed duntaxat cum aëris frigus & vaporum copia simul concurrunt; quod sæpius versperi aut noctu accidit, quum dies tepidus & insolatus præcessit. Et frequentius vere quam aliis anni temporibus, etiam quam Autumno, quia tunc major est inæqualitas inter calorem diurnum & nocturnum frigus; frequentius etiam in locis maritimis aut paludosis, quam in terris longe ab aqua remotis, aut in aquis longe à terra dissitis, quoniam aqua ibi suum calorem citius amittens quam terra, frigefacit aërem, in quo porro vapores, quos terræ calidæ & humentes magna copia exhalant, condensantur.

Maxime autem nebulae formantur in locis, quibus duorum aut plurium ventorum cursus terminatur. Hi enim venti plurimos vapores eò compellunt, qui vel in nebulas coguntur, sine inpe aër in terræ vicinia admodum frigidus est; vel in nubes, si non nisi altior satis frigidus sit iis condensandis. Et notemus, aquæ guttas, aut particulas glaciæ ex quibus nebulae componuntur, valde exiguas esse: Nam si vel tantillum intumescerent, statim ad terram pondere suo deducerentur; adeo ut non amplius nebulam, sed pluviam aut nivem diceremus. Et præterea nullum unquam ventum spirare posse, ubi illæ sunt, quin statim dissipentur, præsertim cum aquæ guttis constant. minima enim aëris agitatio plurimas guttas jungens, singulas intumescere atque in pluviam aut rorem destillare cogit.

*las in aëre inferiore nebulas esse solere ubi stat ventus, vel statim ipsas tolli.*

Id etiam insuper circa nubes observandum, illas in diversis à terra distantis produci posse, prout vapores altius aut minus alte eniuntur, antequam satis condensati sint ad illas formandas; unde fit ut plures interdum, unas sub aliis latas, & etiam diversis ventis agi-

*Qua causa vapores in nubes cogant; & quæ eosdem in nebulas congregent. Quia e veris tempore plures nebulae appareant; & plures in aquosis locis, quam in siccis.*

VI.  
*Maximas nebulas aut nubes oriri ex duorum vel plurium ventorum occursu. Aqua guttas, aut particulas glaciæ ex quibus nebulae componuntur, non posse non esse perexiguas. Nul-*

VII.  
*Multas sæpe nubes unam supra aliam existere,*

*præferimus  
in locis  
montanis.*

VIII.

*Superiores  
nubes solis  
particulis  
glaciei com-  
positæ solere.*


tatas, cernamus. Atque hoc imprimis in locis montanis evenit, ubi calor vapores attollens inæqualius quam alibi agit.

Notandum quoque, has nubes, vel saltem harum celsissimas, nunquam fere ex guttis aquæ componi posse, sed tantum ex particulis glaciei. Certum enim est, aërem in quo consistunt, frigidiori, vel ad minimum æque frigidum esse, ac est ille qui summis editorum montium jugis incumbit; qui tamen, etiam in media æstate, nives ibi solvi non patitur. Et quoniam vapores quo altius enituntur, tanto plus frigoris ipsos constringentis inveniunt, minusque à ventis premi possunt, propterea ut plurimum, maxime sublimes nubium partes, tantum ex tenuissimis glaciei capillamentis, longe à se invicem distitis, constant. Deinde paulo inferius glomi hujus glaciei admodum exigui & pilosi formantur, & gradatim; adhuc inferius alii paulo majores; & postremo interdum in infimo loco guttæ aquæ colliguntur. Atque aëre quidem omnino placido & tranquillo, vel etiam æqualiter aliquo vento vecto, tam hæ aquæ guttæ quam particulæ glaciei, satis laxæ, & sine ordine dispersæ, ibi morari possunt; ita ut forma nubium tum nihil à nebula differat.

IX.

*Nubium su-  
perficies à  
ventis pre-  
mi, perpoli-  
ri & planas  
reddi. In  
his planis  
superficie-  
bus globulus  
glaciei ex  
quibus com-  
ponuntur,  
ita dispositi  
ut unum-  
quemque  
sex alii cir-  
cumpleant.*


Sed ut plurimum ventis impelluntur. Qui quoniam non tam late patent, ut omnes earum partes simul cum aëre circumfuso movere possint, supra vel infra feruntur; & illarum superficies radendo sic premunt, ut eas valde planas & læves reddant. Quodque in primis hic notari debet, omnes exigui nivium gloni, qui in his superficiebus inveniuntur, accurate ita ordinantur, ut singuli eorum sex alios circa se habeant, se mutuo tangentes, vel saltem æqualiter ab invi-



cem distantes. Fingamus exempli gratia, supra terram AB ventum spirare ab Occidente D, ordinario aeris cursui reluctantem, aut, si maluerimus, alteri vento flanti ab Oriente C; Atque hos ventos initio mutuo se stitisse circa spatium FGP, ubi quosdam vapores condensarunt, ex quibus molem confusam effecerunt, dum vires utriusque collatae & aequales aërem ibidem tranquillum & placidum reliquerunt. Sæpius enim evenit ut duo venti hac ratione opponantur, quia semper multi diversi eodem tempore circa terram spirant, & singuli eorum rectâ excurrunt, donec alium contrarium sibi obfistentem inveniunt.

Sed horum ventorum, quorum unus à C, alius à D, versus PGF spirat, non diu vires paribus momenti ita libratae ibi manere possunt, eorum materia continuo magis magisque eo affluente. nisi uterque simul cesset, (quod raro fit) fortior tandem vel infra vel supra nubem prorumpit, vel etiam per ejus medium, vel per ambitum, prout via ipsi commodior occurrit; quo ipso nisi aliam plane supprimat, ad minimum illum cedere cogit. Ut hic suppono, ventum Occidentalem, erumpentem inter G & P, Orientalem coëgisse ut inferius transeat ad F, ubi in rorem solvit nebulam, quæ infima pars erat molis PGF: Et consequenter nubem G, quæ

X.  
*Quomodo interdum duo venti diversi, in eodem terra loco simul flantes, unus inferiorem, alius superiorem ejusdem nubis superficiem perperat.*



fuit pars media ejusdem molis, inter hos duos ventos suspensam, ab his utrinque complanari & lævigari: itemque parvas glaciæ pilulas, quæ in ejus superficie tam superiori quam inferiori reperiuntur, easque etiam quæ in superficie inferiori nubis P, ita ordinari, ut singulæ sex alias circa se habeant æqualiter ab invicem distantes. Nulla enim est ratio quæ illud impedire possit. Et naturali-

ter omnia corpora rotunda & æqualia, in eodem plano satis similiter mota, hac ratione disponuntur: ut facile est experimento cognoscere, si margaritas aliquot rotundas ejusdemque magnitudinis hilo solutas in vasculi alicujus operculum, quod planum sit, confuse projiciamus: hoc enim leniter concusso, vel tantum margaritis flatu impulsis, ut quàm proximè ad invicem accedant, videbimus illas sponte ita disponi.

## XI.


*Circumferentias nubium non idcirco ita perpoliri, sed solere esse valde irregulares.*

Sed notemus hic, nos tantùm de superficiebus nubium, inferiori & superiori, esse locutos, non verò de lateralibus; quia inæqualis materiæ quantitas, quam singulis momentis venti iis adjicere & avellere possunt, figuram earum ambitus plerumque inæqualem & irregularem facit. Hic non addo, exiguas pilulas glaciæ quæ sunt in interiori nube G, eadem ratione, qua illæ quæ in superficiebus, ordinari debere; quia non adeò manifestè liquet.

## XII.

*Multas interdum glaciæ particulas infra nubem aliquam congregari, ibique in variis planis foliorum instar tenuibus ita disponi, ut unaquæque sex aliis æquidistantibus cingatur. Sepe illas quæ in unoquoque sunt plano, separatim ab aliis moveri. Nonnunquam etiam integras nubes ex solis glaciæ particulis sic dispositis componi. Aqua*

Sed dignæ consideratione sunt illæ, quæ interdum inferiori ejus superficie, postquam jam tota formata est, adhærent. Si enim interea dum illa pendet in spatio G, quidam vapores ascendant è terra, quæ est versus A, qui, frigescentes in aëre paullatim in exiguas glaciæ pilulas concrecant, & per ventum agantur ad L; nullum omnino dubium est, quin hæ pilulæ ita debeant ordina-



ri, ut singulæ earum sex aliis cingantur, quæ æqualiter illas premant, & omnes in eodem plano existant. Atque ita componunt primò unum folium, sub hujus nubis superficie expansum; deinde aliud sub hoc protensum, & ita alia deinceps, quamdiu nova materia accedit. Præterea quoque notandum, ventum qui ipse hanc nubem & terram fertur, fortiùs in inferius horum foliorum agen-

agentem, quàm in illud quod proximè superiùs illi incumbit, atque adhuc fortius in hoc quàm in id quod huic incumbit, & ita porro, illa ducere & singula separatim movere posse, atque hac ratione superficies illorum polire, detritis ab utraque parte capillamentis, quæ exiguis pilulis glaciæ, ex quibus componuntur, adhærent. Partem quoque horum foliorum, extra inferius hujus nubis spatium G, propellere & inde transferre potest, velut ad N, ubi nova nubes ex pluribus ejusmodi foliis tota conflatur. Et licet hic tantum pilularum glaciæ fecerimus mentionem, facillimè tamen idem etiam de aquæ guttis intelligi potest; modò ventus non ita sit vehemens ut collidantur; vel si exhalationes nonnullæ iis circumfusæ, aut, quod frequenter accidit, quidam vapores nondum ad accipiendam aquæ formam dispositi, interjectu suo eas ab invicem separent. Nam aliàs simul ac concurrunt, plures in unam coeunt, & tam crassæ ac ponderosæ fiunt, ut necessariò decidant.

Cæterum quod paulò ante dixi, figuram ambitus cujusvis nubis maximè pleruniquè irregularem & inæqualem esse, de iis tantummodò intelligendum quæ minùs spatii in altitudine & latitudine occupant, quàm venti circumlabentes. Aliquando enim tanta vaporum copia in iis plagis, ubi duo aut plures venti occurrunt, hæret, ut illis nec infra nec supra se transire permittant, sed circa se rotari cogant, & sic nubem valde magnam formant. quæ, ubi vis æqualiter per hos ventos pressa, ambitum plane rotundum & lævigatum habet; quæ etiam, cum hi venti sunt paulò calidiores, vel cum à Sole nonnihil ejus superficies incalescit, quædam veluti crustâ ex plurimis glaciæ particulis compositâ obducitur. Atque hæc crusta satis crassa fieri potest, & tamen pondere non obstante, in aëre suspensa remanere; quoniam à reliqua tota nube sustinetur. Cujus rei memores esse infra oportebit, ad ea quæ de parheliis dicentur intelligenda.

## XIII.

*Quarundam maximarum nubium ambitum fieri aliquando circularem, & crustâ glaciæ satis crassâ circumtegi.*

## CAPVT VI.

*De nive, pluvia & grandine.*

Multæ sunt quæ vulgò impediunt, quò minus statim formatae nubes ex alto delabantur. Nam primò particulæ glaciæ, vel aquæ guttæ, quibus constant, valde exiguæ, & consequenter multum superficiei pro ratione suæ materiæ habentes, sæpe magis impediuntur

## I.

*Quare nubes solo aëre suffulti non cadant.*



tur ab aëris resistentia ne descendant, quàm à pondere suo impelluntur. Deinde venti, qui communiter validiores sunt prope terram, ubi materia ex qua constant crassior est, quàm in aëre sublimi, ubi subtilior; quique idèò frequentius ex humili sursum tendunt quàm ex alto deorsum; illos non tantum suspendere, sed etiam sæpius ultra regionem aëris in qua consistunt, attollere queunt. Idem etiam vapores possunt, qui terrâ egressi, aut aliunde venientes, aërem nubibus istis subjectum distendunt; vel etiam solus calor, qui hoc aëre dilatato illas repellit; vel etiam frigus aëris superioris; quod illo compresso nubes sursum attrahit. Et præterea particulae glaci, ventis impulsæ, contiguæ quidem evadunt, sed non tamen idcirco omnino uniuntur; quinimò corpus adèò rarum, leve atque extensum componunt, ut nisi calor aliquas harum partium liquefaciens superveniat, atque hac ratione illas condenset, ac graviore reddat, vix unquam ad terram descendere possint.

## II.

*Quomodo calor, qui alia multa corpora rarefacit, nubes condensat.*

Sed ut supra monuimus, aquam congelantem frigore quodammodo dilatari, ita hic notandum, calorem qui alia corpora solet reddere rariora, communiter nubes condensare. Atque hoc in nive experiri licet, quæ plane ejusdem materiæ est ac nubes, nisi quod jam magis sit condensata. Illa enim in calido loco posita constringitur, & mole valde minuitur, ante etiam quam ulla aqua ex ea profluat, aut de pondere suo aliquid amittat. Quod accidit, quia capillamenta particularum glaci ex quibus componitur, cum sint earundem particularum medio tenuiores, illo facilius liquefcunt, & ex parte tantum liquefcendo, id est, sese hinc & inde inflectendo, ob agitationem circumfusæ materiæ subtilis, amplexatum eunt vicinas glaci particulas; non interea relictis iis, quibus ante innectebantur; atque ita efficiunt, ut unæ aliis appropinquent.

## III.

*Quomodo in nubibus particulae glaci multæ simul in floccos congregantur. Et quomodo isti flocci in nivem, vel pluviam, vel grandinem cadunt.*

Sed quia particulae glaci quæ nubes componunt, ut plurimum longius ab invicem distant, quàm quæ nivem in terra; non ita ad quoddam ex vicinis accedere possunt, quin simul ab aliis quibusdam recedant. Et propterea cum prius æqualiter per totum aërem spargerentur, in plurimos deinde exiguos cumulos aut floccos separantur: Suntque hi flocci eo majores, quo nubes fuit antea densior, & quo lentius in eam calor egit. Et præterea vento aliquo, aut dilata-tione totius aëris superioris, supremos horum floccorum prius quam inferiores deturbante, his inferioribus quibus descendendo occurrunt adhærent, atque ita majores fiunt, calorque postea illos condensans,

densans, & magis magisque graves reddens, facile in terram deducit. Et quum ita non omnino liquefacti descendunt, nivem componunt. Sed si aer per quem transeunt sit tam calidus, ut solvantur, (qualis hic apud nos tota æstate est, & sæpe etiam aliis anni temporibus) convertuntur in pluviam. Interdum etiam accidit, ut ita solutis, aut propemodum solutis, ventus frigidus superveniat, qui eos rursus constringendo in grandinem convertit.

Hæc autem grando varia esse potest. Nam primò si ventus frigidus illam efficiens, guttas aquæ jam formatas deprehendat, globulos glaciei pellucidos & rotundos efficit, nisi quod interdum eâ parte quâ illos impellit aliquantò planiores reddat. Et si floccos nivis fere solutos deprehendat, sed nondum in aquæ guttas glomeratos, tunc fit illa grando cornuta; cujus figuræ valde diversæ & irregulares esse solent; ejusque grana interdum valde magna sunt, quoniam à vento frigido formantur, qui nivem è sublimi in inferiora præcipitans, plurimos ejus floccos simul compellit, & gelu in unam massam constringit. Atque hic notandum est, hunc ventum, dum floccis liquecentibus appropinquat, pellere in illorum poros calorem, id est, materiam subtilem maxime agitaram & minùs subtilem reliquâ, quæ tunc in aëre circumstante reperitur; quia ipse ventus non tam facilè nec tam citò atque hic calor potest eas pervadere. Eadem ratione, quâ interdum hic in terra sentimus, calorem, qui in domibus est, augeri, cum repentino aliquo vento vel pluvia totus aer exterior subito refrigeratur.

Calor autem poris horum floccorum ita inclusus, quantum potest, ad ipsorum circumferentias potius, quàm ad centra, accedit; quoniam ibi materia subtilis in cujus agitatione consistit, liberius movetur: & ita eas ibi magis & magis liquefacere pergit, priusquam incipiant rursus in glaciem concrelescere: atque etiam liquidissimæ, id est maxime agitatæ particularum aquearum, quæ alibi in istis floccis reperiuntur, ad eorum circumferentias accedunt; his contra quæ non tam citò possunt liquefcere, circa centra manentibus. Unde fit ut, cum exterior superficies cujuscunque grani ex glacie continua & pellucida constare consueverit, in ejus tamen centro nonnihil nivis sæpe reperiatur, quod hæc grana frangentibus sese offert. Et quia fere nunquam nisi per æstatem talis grando decedit, ea certos nos reddit; tunc non minùs quam ipsa hyeme, nubes ex glaciei particulis sive ex nive constare consuevisse. In hyeme autem ejusmodi grando

IV.

*Cur singula grandinis grana interdum sint pellucida & rotunda; Cur aliquando etiam sint unâ parte depressiora. Quomodo crassiora grandinis grana, quæ irregularis figura esse solent, generentur. Cur interdum solito major assus in eisdus sentiantur.*

V.

*Cur crassiora grandinis grana in superficie sint pellucida, & intus alba. Et cur fere tantum in æstate decident salis grando. Quomodo alia grande in istar facchari alba generetur.*

grando râtissime cadit, vel saltem grana non magna habet, quia tunc tantum caloris, quantum ad illam formandam requireretur, ad nubes usque vix potest pertingere; nisi certè ad nubes, quæ sunt terræ tam vicinæ, ut postquam earum materia liquefacta, aut fere liquefacta est, cœpitque in pluviam aut nivem delabi, ventus frigidus superveniens non satis temporis habeat ad illam denuò constringendam, priusquam plane delapsa sit. Si autem nix nondum sit liquefacta, sed tantum aliquantulum emollita, dum ventus illam in grandinem mutans advenit, minimè fit pellucida, sed alba instar sacchari manet.

## VI.

*Cur ejus  
grana in-  
terdum sint  
rotunda,  
& in super-  
ficie quâ n-  
versus cen-  
trum du-  
riora. Cur  
aliquando  
sint oblonga  
& pyrami-  
dis habeant  
figuram.*

Et, si flocci hujus nivis exigui sint, nempe pisi instar, aut minores, singuli illorum in granum grandinis fati rotundum mutantur. At si fuerint majores, dissiliunt; atque in plurima grana, in acutum ut pyramides desinentia, convertuntur. Calor enim eodem momento quo ventus frigidus incurrit, in poros horum floccorum se recipiens condensat omnes illorum partes, easque retrahit à circumferentia versus centrum; quo ipso satis rotundi fiunt: & frigus paullo post penetrans & constringens, illos nive multo duriores reddit. Sed quoniam cum paullo majores sunt, calor inclusus partes illorum interiores adhuc centrum versus agere & condensare pergit; dum exteriora jam indurata & frigore vineta, sequi non possunt; necessariò intrinsecus findi debent secundum plana vel lineas rectas, quæ ad centrum tendunt; & his fissuris magis magisque augescenribus, ut frigus altius penetrat, tandem dissilire ac dividi in plures particulas acuminatas, quæ totidem grandinis grana sunt. Non quidem hic determinamus, in quot hujusmodi grana singuli flocci dividi possint; ut plurimum tamen videtur in octo ad minimum id fieri debere; forsitan etiam interdum accidere posse, ut in duodecim, viginti, vel quatuor & viginti; sed facilius adhuc in duo & triginta, & nonnunquam etiam in numerum multo majorem, prout vel majores sunt, vel ex nive subtiliori constant, vel frigus, illas in grandinem convertens, vehementius aut velocius irruit. Et non semel hujusmodi grandinem observavi, cujus grana eandem fere figuram habebant, quam segmenta globi, in octo partes æquales tribus sectionibus, ad angulos rectos se mutuo secantibus, divisi. Deinde alia quoque observavi, quæ, longiora & minora, quarta circiter pars illorum videbantur; licet, ob angulos inter condensandum rotundatos & obtusos, figuram propemodum conii sacchari haberent. Item ante,

vel

vel post, vel etiam cum his grandinis granis, vulgo alia rotunda decidebant.

Hæc autem diversæ grandinis figuræ nihil singulare, aut notatu dignum habent, si comparentur cum illa nive quæ generatur ex parvis globulis seu gloinis glaciæ, vi ventorum in formam foliorum, eo modo quo dixi, dispositis. Nam calore exigua capillamenta horum foliorum liquefacere incipiente, primum, quæ infra & supra, decurrit, ut maxime suæ actioni obvia: paucillumque illud liquoris, in quod solvuntur, per foliorum superficies diffusum, exiguas inæqualitates, ibi occurrentes, omnes replet; atque ita æque planas & politas illas reddit, ac ex corporum liquidorum sunt, quamvis ibi statim iterum concresecat. Cum enim tunc calor non vehementior sit, quàm requiritur ut exigua illa capillamenta aëre undique cincta, reliquis integris, in aquam solvat; non satis virium habere potest ad impediendum ne illud paucillum aquæ, glacialibus his superficiebus illapsum, earum frigore iterum astringatur. Postea hic calor pervadens etiam alia capillamenta, quæ singuli gloini in ambitu, ubi similibus aliis sex cinguntur, habent, ea ex iis capillamentis, quæ maxime à sex vicinis globulis sunt remota, indifferenter huc illuc flectit; & hoc ipso iis quæ è regione sex horum globulorum consistunt adjungit. Hæc enim, eorundem sex globulorum vicinia refrigerata, non liquefcunt; sed contra denuo materiam aliorum sibi junctorum protenus glaciant. Atque ita sex cuspides aut radii circa singulos globulos formantur, qui diversas figuras recipere possunt, prout hi gloini magis aut minus crassi & compressi sunt, capillamenta item densa & longa, calor quo coguntur lentus ac moderatus; prout denique ventus qui hunc calorem comitatur (modo aliquis comitetur) magis aut minus vehemens est. Et ita frons nubis exterior, qualem videmus ad Z vel M, talis postea evadit, qualem videmus ad O vel Q; & singulæ glaciæ particule ex quibus constat, figuram exiguæ rosæ aut stellæ affabre factam repræsentant.

Ne autem me hæc fingere vel ex levi tantum conjectura scribere putetis, referam ea quæ proxima hyeme anni 1635, Amstelodami, ubi tunc eram, circa hanc rem observavi. Quarto Februarii, quum dies admodum frigida præcessisset, vespere paululum pluvix decidit, quæ in glaciem vertebatur simul ac terram contingebat: postea sequuta est grando exigua, cujus grana, quæ ejus magnitudinis erant quam repræsentatam videmus ad H, ejusdem pluvix guttas in aëre

VII.

*Quomodo  
nervis par-  
ticula in  
stellulis sex  
radiis dis-  
simulas ef-  
fermentur*

NB

*Vid. fig.  
pag. seq.*

VIII.


*Inde etiam  
fuit ut quæ-  
dam gran-  
dinis pelu-  
cida grana  
tres exi-  
guas quasi  
radios, ex  
albissima*

b b

gela-

nive com-  
positos, cir-  
ca se ha-  
bent.

gelatas arbitrabar. Tamen loco illius figuræ accurate rotundæ, quam line dubio hæ guttæ ante habuerant, notabiliter ab una quam ab alterâ parte planiores erant; ita ut figuram fere similem haberent parti oculi nostri, quam vulgo crystallinum humorem dicimus. Unde ventum, qui tum temporis validissimus & frigidissimus erat, tantum virium habuisse didici, ut figuram illam guttarum inter glaciandum potuerit immutare. Sed omnium maxime admirabar, quædam ex his granis, quæ postrema deciderunt, parvos sex den-



tes circa se habere, similes iis qui in horologiorum rotis, ut videmus ad 1. Et hi dentes, qui candidissimi erant sacchari instar, quum contragrana ex pellucida glacie fere nigra viderentur, satis testabantur, se factos ex nive subtilissima, guttis jam formatis aspersa, quemadmodum plantis pruina adhæret. Atque hac de re certior sum factus ex eo, quod sub finem nonnulla notavi, quæ circa se habebant innumera exigua capillamenta, composita ex nive pallidiori & subtiliori, quam illa erat, qua dentes jam memorati constabant. Adeo ut illi comparari possent eodem modo quo cineres intacti, quibus prunæ flamma destitutæ sensim obducuntur, iis qui jam recocti sunt atque in foco cumulati. Ægre tantummodo poteram conjicere, quidnam in aëre libero, turbantibus ventis, adeo accurate hos sex dentes formare, & circa singula grana disponere potuisset: donec tandem in mentem venit, fac illime fieri potuisse,

ut

ut ventus nonnulla ex his granis versus aliquam nubem expulerit, eaque infra illam vel ultra suspensa aliquamdiu detinuerit; satis enim ad hoc exigua erant; atque ibi procul dubio ita disponi debuissent, ut singula sex aliis in eodem plano sitis cingerentur, quia talis est ordo naturæ; & præterea verisimile esse; calorem (quem paulo ante in aëre sublimi fuisse, argumento erat pluvia quam observaram) aliquos ibi vapores excitasse, quos idem ventus compulerat ad hac grana; ubi, in formam tenuissimorum capillamentorum concreti, forsitan etiam aliquid ad eorum librationem contulerant; adeo ut facillime ibi hæreere potuerint, usque dum alius calor superveniret. Et hoc calore statim exigua capillamenta unumquodque granum cingentia liquefaciente, exceptis tantum iis quæ versus centra sex vicinorum granorum respiciebant, quia nempe horum granorum frigus ejus actioni repugnabat, materiam eorum quæ liquecebant, sex acervis aliorum quæ remanserant, se miscuisse, iisque hac ratione densioribus redditis & calori minus perviis, eam ibi rursus congelasse; atque ita hos dentes fuisse formatos. E contra vero, innumera illa capillamenta, quæ notaveram circa aliquot ex iis granis, quæ postremo loco deciderant, isto calore nullo modo contacta fuisse.

Postridie hora circiter octava, aliud præterea genus grandinis, seu potius nivis, observavi, de quo nunquam antea audiveram.


Parvæ laminæ glaciæ erant, planæ, politæ & pellucidæ, ejus crassitiei cujus esse solet charta cum paulo densior est, ejusque magnitudinis, quam videmus ad K; sed tam accurate sexangulatas, lateribus tam rectis, & angulis tam æqualibus, ut nihil simile humana industria efficere possit. Statim agnovi, has laminas primo exiguos glaciæ globulos fuisse, eo modo dispositos quo ante dixi; & pressos validissimo vento, satis caloris secum rapiente: adeo ut hic calor omnia illorum capillamenta liquefecerit, & humore inde orto omnes eorundem poros ita impleverit, ut eo mox ibi rursus congelato, ex albis quales antea fuerant, omnino pellucidi facti sunt. Atque hunc ventum ipsos eodem tempore ita compressisse, ut nullum interjectum spatium remaneret; hoc est ut nulla in uniuscujusque circuitu esset pars, quæ non aliquem ex sex vicinis attingeret; simulque hunc eundem ventum superficies foliorum, quæ ex his globulis componebantur, super & subter labendo complanasse. Ex quibus omnibus accurata

IX.  
*Quare etiam interdum decedant laminæ glaciæ pellucidæ, quarum circumferentia est hexagona.*

istarum laminarum figura non potuit non exurgere. Supererat tantum nonnulla difficultas, in eo quod hi globuli sic fere liquefacti & eodem tempore collisi, non cohaesissent; licet enim curiose scrutarer, nunquam tamen duos junctos potui invenire. Mox autem hac etiam in parte mihi satisfeci; advertendo, quia ratione ventus, per aquam labens, assiduo illam agitet, omnesque ejus superficiei partes unam post alteram inflectat, nec illas tamen propterea scabras aut asperas efficiat. Inde enim cognovi; ventum, qui procul dubio superficies etiam nubium inflectit, ibique continuo singulas glaciæ particulas paulo aliter quam vicinas impellit, non permittere illas omnino conglutinari; licet interim illarum ordinem non turbet, & nihilominus exiguas singularum superficies accurate poliat & complanet: non aliter quam videmus etiam illum singulas partes undarum, quas in pulvere vel arena interdum format; satis politas efficere.

Hanc nubem sequuta est alia, nihil aliud quam rotulas aut rosas

X.  
Et alia,  
quam tan-  
quam rose,  
vel dentata  
horologii-  
rum rotæ,  
circumfe-  
rentiam sex  
crenæ, in  
modum se-  
micirculi  
rotundatis,  
incisam ha-  
bent.



exiguas effundens, omnes sex radiis, instar dimidii circuli rotundatis, insignes, plane quales videmus ad Q; pellucidas etiam omnes & planas, ejusdem fere crassitiei, cujus laminæ illæ superiores, ac supra quam dici potest accurate dimensas; in medio etiam quarundam punctum album perexiguum animadverti, quasi pede circini quo rotundatæ fuerant, illic impressum. Sed facile intellexi, ab iisdem

dein causis illas fuisse formatas, à quibus laminæ glaciei quæ præcessant; hoc tantum excepto, quòd vento non tam vehementer pressæ; nec forsan etiam calore tam intenso circumdatæ fuerint; ideoque earum cuspides non omnino liquefactæ sint, sed tantum paulo breviores evaserint, & in extremitate rotundæ, instar dentium qui sunt in horologiorum rotis.

Punctum autem quod in medio quarundam album apparebat, ex eo esse mihi facile persuasi; quòd calor iis formandis interveniens tam moderatus fuisset, ut quavis cæteras earum partes ex albis omnino pellucidis effecisset, non tamen usque ad centra penetrasset, quæ ideo alba remanserant. Plures aliæ ejusmodi rotulæ postea deciduerunt, binæ uno axe conjunctæ: vel potius, quoniam isti axes erant initio satis crassi, tot exiguas columnas crystallinas dixisses, quarum singulæ singulis rosis, sex folia habentibus, & nonnihil eminentibus ultra basin suam, erant exornatæ. Sed paulo post minus crassas alias ejusmodi columnas animadverti, rosis itidem, aut stellulis, interdum æqualibus, interdumque inæqualibus, in utraque extremitate exornatas.

Breviores etiam deinde notavi axes, sive columnas; & gradatim adhuc breviores, donec tandem stellulæ omnino jungerentur, caderentque duplices, duodecim insignes radiis, satis longis & accuratè dimensis, in aliis æqualibus, & in aliis alternatim inæqualibus, ut videmus ad F & E. Quæ omnia dederunt mihi occasionem existimandi, particulas glaciei diversorum foliorum, sibi invicem in nubibus impositorum, facilius coherere, quam illas plani aut folii ejusdem. Licet enim ventus ut plurimum fortius in folia inferiora, quam in superiora agens, paulo celerius, ut jam audivimus, illa moveat: æqualiter tamen etiam aliquando utrumque folium impellere potest, ut ita eodem modo fluctuent: præsertim cum non ultra duo vel tria ita sunt una aliis imposita, & tunc per oras glomorum ex quibus componuntur cribratus, efficit ut ii ex his glomis, qui in duobus aut pluribus foliis è regione opponuntur, eundem semper inter se situm servant, & velut immoti, se mutuo respiciant: licet interim nihilominus folia undatim agitentur, quoniam eo ipso viam quam maxime expeditam sibi facit. Atque interea calor (vicinia glomorum, qui in duobus foliis sunt, non minus impeditus, ne eorum capillamenta directe interposita liquefaciat, quam vicinia eorum qui sunt in eodem) liquefacit tantum alia circumcirca: quæ deinde integris juncta, atque cum iis

XI.  
*Cur quedam ex ipsis punctum quoddam album in centro habeant: & bina interdum scapo exiguo conjuncta sint, unamque alia majorem esse contingat.*

XII.  
*Cur nonnullæ duodecim radiis distinctæ sint: & alia sed per pauca esse radios habeant.*




conglaciata, axes aut columnas illas cunponunt, quæ hos glomos interea dum in rosas aut stellulas mutantur, conjungunt. Crassitiem autem quam initio in his columnis animadverteram, ininimè mirabar; quamvis in materiam adhærentium capillamentorum illi producendæ non sufficere satis nossem. Fieri enim potuisse cogitabam, ut, quatuor aut quinque foliis superingestis, calor fortius agens in duo aut tria intermedia, (utpote ventis minus exposita) quam in superius vel inferius, glomos quibus illa constarent, fere totos liquefecerit, atque ita ex eorum materia composuerit has columnas. Neque magis stellas diversæ magnitudinis eodem axe interdum junctas admirabar; quum enim notassem, radios majoris semper longiores & acutiores radiis minoris esse; calorem magis intensum circa hanc minorem, quam circa alteram, magis solvisse & retudisse cuspides radiorum ejus, judicabam, atque etiam eandem minorem ex glomo glaciæ minore potuisse componi. Postremò neque has stellas duplices duodecim radiorum, quæ postea decidebant, admirabar; singulas enim earum ex duabus simplicibus sex radiorum compositas judicabam, per calorem, qui fortior intra duo folia, quorum partes erant, quam extra eadem, exigua capillamenta glaciæ, quibus necessebantur, liquefecerat, atque ita illas conglutinaverat, ut etiam breviores reddidisset columnas, quæ jungebant alias stellas paulo ante mihi visas. In multis autem stellarum millibus, quæ illa die observavi, ne unam quidem, quamvis curiose inquirerem, potui invenire, quæ plures aut pauciores sex radiis haberet; exceptis paucissimis, quæ duodecim, & quatuor aut quinque aliis quæ tantummodo octo habebant. Atque hæc non accurate rotundæ erant, quemadmodum reliquæ, sed oblongæ; atque omnino tales, quales videmus ad O; unde judicabam, illas in conjunctione extremitatum duorum foliorum vento collisionum formatas, eodem momento quo calor exiguas illorum pilulas in stellas converterat: Nam accurate figuram habebant, quæ inde naturaliter exsurgit. Atque hæc connexio cum secundum lineam rectam fiat, non tatum impediri potest fluctuatione, quam venti concitant, quantum illa glomorum qui idem folium componunt. Et præterea ipse etiam calor, in oris foliorum dum accedunt ad invicem, major reperitur quam alibi, adeo ut facile duos radios cujusque ex stellulis quæ ibi occurrunt, liquefaciat; Et frigus quod huic calori succedit, statim ac duo folia se mutuo contingunt, stellulas istas quatuor tantum radios reliquos habentes unam alteri conglutinat.

Caterum

Cæterum præter illas stellas pellucidas, de quibus hæcenus loquuti sumus, innumeræ aliæ eadem die omnino albæ instar sacchari deciderunt, quarum quædam eandem fere figuram, quam pellucidæ habebant, plurimæ autem radios magis tenues & acutos; sæpe etiam divisos, interdum in tres ramos, qui, utroque extremo forissecus inflexo, & medio manente recto, lilium repræsentabant, ut videntur ad R; interdum etiam plures, plumas, aut folia lili-

XIII.  
Cur quædam sint pellucidæ, aliæ albæ instar nivis; & quarundam radii sint breviores & in semicirculi formam reclusi, alii longiores & acutiores, ac sæpe in varios divisi, qui nunc plumulas aut filicis folia, nunc lili flores repræsentant.




cis, aut simile quid, imitantes. Atque etiam simul cum his stellis multæ aliæ glaciei particulæ in formam capillamentorum, vel etiam plane informes decidebant, quorum omnium ratio ex dictis manifesta est. Albedo enim stellarum inde erat, quod calor non penetrasset ad ipsorum materiæ fundum: ut facile agnoscebatur ex eo, quod omnes quæ valde tenues erant & exiles, simul etiam essent transparentes. Si verò interdum radii stellarum, quæ albæ erant, non minus breves atque obtusi essent, quàm earum quæ pellucidæ, non ideo calore eos tantundem liquefecerat, sed venti vehementius compresserant: Et communiter longiores atque acutiores erant, quia defectu caloris minus soluti. Quando autem hi radii in plures ramos dividebantur, hoc fiebat ex eo, quod calor exigua capillamenta, quibus componebantur, destitueret, cum jam erant in motu ut ad invicem accederent & priusquam in unum corpus coaluissent. Cumque in tres tantum ramos divisi erant, hoc erat ex eo quod calor paulo tardius excessisset; Et duo exteriores rami

extior-

extrorsum replicabantur, quia vicina medii rami frigidioris magis rigida, quâ parte illi obvertebantur, reddebat; atque ita singuli ex istis radiis lilii figuram assumebant. Reliquæ autem particulæ glaciæ, quæ non erant sic formatae in stellas, certum me reddebant, non omnes nubes ex parvis glomis aut pilulis componi, sed multas etiam solis capillamentis confusè junctis constare.

XIV.  
*Quomodo  
ista nives  
quasi stel-  
lulae ex nu-  
bibus dela-  
bantur. Cur  
cadentes  
aëre tran-  
quillo, ma-  
jorem nivis  
copiam præ-  
muniunt,  
non autem  
vento flante.*

Causam autem cur hæ stellulæ deciderent, vehementia venti continua totum illum diem perseverans manifestam mihi reddebat: nam judicabam, hunc ventum non posse non lacerare interdum & disturbare folia quæ componebant; statimque illas, ab invicem disjunctas, latera in terram inclinare, atque hoc situ facile aërem dividentes delabi, quoniam cætera planæ erant, & satis ponderosæ ad descendendum. Si verò interdum aëre tranquillo hujusmodi stellæ deciderent, id accidit vel ob aërem inferiorem, qui condensatus totam nubem ad se trahit, vel ob superiorem, qui dilatatus illam deorsum agit, atque eadem opera illas divellit, & propterea major tum nivium copia sequi solet: hoc autem illâ die non contigit. Die verò sequenti flocci nivium delapsi sunt, qui ex innumeris exiguis stellis simul junctis compositi videbantur: verum tamen penitiùs introspectiens, animadverti, interiores non tam perfectè formatas esse quam exteriores, & facile ex dissoluta hujusmodi nube, qualem supra littera G notavimus, ori-



ri potuisse. Postea cessante hac nive, ventus instar tempestatis subitò

tò coortus, paululum albæ grandinis effudit, oblongæ & pertenuis, cujus singula grana sacchari conuin exprimebant: & quoniam statim aëris serenitas insecuta est hanc grandinem, in altissima nubium parte generatam judicabam, cujus nives maximè subtiles & capillamentis tenuissimis compositæ erant, quales paulò antè descriptæ sunt. Denique tertiâ inde die nivium parvos globulos aut glaciæ pilulas delabentes videns, magno numero capillamentorum, sine ordine positorum, cinctas, nec quidquam stellis simile habentes, quæcunque prius de causis harum nivium fueram suspicatus, nihi certa & explorata visâ sunt.

Nunc autem, ex iis quæ diximus, facile intelligitur qua ratione nubes solis aquæ guttis constantes depluant: nempe vel pondere proprio, cum guttæ fatis crassæ sunt; vel cum aër inferior recessu, vel superior incurfu, illas ad descensum invitat; vel etiam quando plures ex his causis simul concurrunt. Atque inferiori aëre se contrahente, pluvia maximè minuta, & veluti torans generatur; imò aliquando adedò minuta est, ut sæpissime delabentem non pluviam sed nebulam potius dicamus; magna contrâ, seu grandibus guttis, colligitur, quoties nubes solo aëre superiori pressa descendit; sublimes enim illius guttarum primò delapsæ alias in via inveniunt quibus crassescunt.

Imò etiam æstate aliquoties vidi, aëre tranquillo atque æstu vehementi & velut suffocante, hujusmodi pluviam decidisse, antequam ulla nubes appareret. Cujus hæc erat ratio, quod existente magna vaporum copia in aëre, qui procul dubio ventis aliunde spirantibus premebantur, ut tranquillitas aëris & densitas ejusdem testabantur, guttæ in quas hi vapores coibant cadendo augescerent, ut formabantur, deplerent.

Nebulæ autem, cum terra refrigeratur, & aër qui est in ejus poris condensatur, occasionem habent descendendi; tuncque in rorem abeunt, si ex aquæ guttis componantur; & in pruina, si ex vaporibus jam gelatis, seu potius qui gelantur, ut terram contingunt. Atque hoc præsertim noctu aut sub diluculum accidit, quia tunc quàm maxime terra à Sole averfa refrigeratur. Sed ventus etiam sæpissime nebulas solvit; materiamque illarum alio transferre solet, atque inde rorem aut pruina componere in locis ubi ipse non existerunt; & tunc videmus hanc pruina plantis non adhærere, nisi ea parte quam ventus tetigit.

XV.  
*Quomodo  
pluvia ex  
nubibus ca-  
dat: & quid  
ejus guttas  
tenuiores  
aut crassio-  
res efficiat.*

XVI.  
*Cur interdum pluvie  
incipiunt  
antequam  
nubes in  
calo appa-  
reant.*

XVII.  
*Quomodo  
nebula in  
rorem vel  
pruinam  
vertantur*

XVIII.  
*Quæ sit au-  
railla ve-  
stertina,  
quæ celo  
serenotime-  
ri solet.*

Quod ad afflatum illum dies serenos consequentem attinet, qui nunquam nisi vespere decedit, & solis catharris & capitis doloribus agnoscitur, quos in quibusdam regionibus excitat; is constat certis exhalationibus subtilibus & penetrantibus; quæ cum minus volatiles sint quàm vapores, non levantur nisi è regionibus satis calidis, sereno & sudo aère, & simul ac calore Solis destituuntur iterum decidunt. Vnde fit ut pro regionum diversitate, diversis qualitatibus sit præditus, & multis in locis sit incognitus. Non quidem nego, rorem qui sub vespere decedere incipit, sæpe isti afflatui comitem esse; sed nego mala de quibus accusatur rori esse adscribenda.

XIX.  
*Vnde Man-  
na oriatur.*

Non etiam Manna, nec alii hujusmodi succi, qui noctu ex aère decidunt, rore vel vaporibus constant, sed exhalationibus solis. Atque hi succi, non modo in diversis regionibus sunt diversi, sed etiam in quibusdam non nisi certis corporibus adhærent; quod procul dubio ex eo fit, quod particulæ quibus constant sint talis figuræ, ut cum iis aliorum corporum necti non possint.

XX  
*Cur si ros  
mane non  
decidat,  
pluvia se-  
quantur.*

Cum ros noctu non decedit, & nebula mane sursum recedens terram omnino siccam relinquit, pluviam brevi sequuturam esse credere licet. Nam hoc vix accidere potest, nisi quum terra noctu non satis refrigerata, vel mane supra modum calefacta, multos vapores expirat; qui nebulam in altum pellentes, efficiunt ut ejus guttæ sibi invicem occurrentes jungantur, atque ita tam crassæ evadant, ut paulo post in pluviam decedere cogantur.

XXI.  
*Cur si Sol  
mane lu-  
ceat, cum  
nubes in  
aère con-  
spiciuntur,  
pluviam  
etiam præ-  
monet.*

Prælagit etiam venturam pluviam aër nubibus obductus, cum Sol nihilominus in ortu lucide splendet. hinc enim liquet, nullas alias nubes in vicinia nostri aëris versus Orientem esse, quæ obstant ne Solis calor eas quæ supra nos hærent, condenset, vel novos vapores quibus augeantur à terrâ nostrâ attollat. Hæc autem causa cum matutino tantum tempore locum habeat, si ante Meridiem non pluât, quid in vespere accidet, minime poterit docere.

XXII.  
*Cur omnia  
pluvia si-  
gna incerta  
sint.*

Plura hic addere de multis aliis pluviae signis non libet, quum maximam partem incerta sint. Et si consideremus, eundem calorem, qui requiritur ad condensandas nubes, & pluviam inde defundendam, illas etiam dilatare & in vapores mutare posse, qui vel paulatim in aërem evanescant, vel ventos ibi generent; (prout nempe nubium partes magis comprimuntur aut disperguntur; aut calor paulo majorem vel minorem humiditatem adjunctam habet; aut aër circumfusus magis aut minus dilatatur, vel condensatur;) facillime judi-

judicabimus, omnia illa magis incerta & dubia esse, quàm ut hominum ingenio prænosci queant; saltem in his regionibus, ubi magna terrarum & marium inæqualitas ventos admodum inconstantes producit: in locis enim ubi certis anni temporibus iidem semper venti recurrunt, haud dubie pluvix impendentes facilius prænoscuntur.

## CAPVT VII.

*De tempestatibus, fulmine, & ignibus aliis  
in aere accensis.*



Alterum nubes non tantum ventos generant, cum in vapores dissolvuntur; sed etiam interdum totæ simul tam subito motu ex alto descendunt, ut, omnem subiectum aërem magna vi propellentes, ventum ex eo componant, qui validissimus quidem, sed non diuturnus esse potest: ejusque similem facile experiemur, si velo in sublimi aëre ita expanso, ut omnes ejus partes à terra æquidistant, illud totum simul decidere permittamus. Fortes pluvix plerumque hujusmodi ventum antecursorem habent, qui manifeste ex alto deorsum agit, & cujus frigus abundè monstrat illum ex nubibus venire, ubi aër communiter frigidior est quàm circa nos.

Atque hic ventus efficit ut hirandines solito humiliùs volantes, pluvix secuturæ præbeant argumentum: certas enim muscas, pabulum illarum, deprimit, quæ, abblandiente aëris serenitate, in altum evolare solent. Idem etiam est, qui nonnuquam, cum nubes adeo parva est, vel tam parum descendit, ut ipse valde debilis vix in aëre libero sentiatur, caminis illapsus, cineres & festucas in angulo foci contorquet, ibique parvos quasi turbines excitat, satis mirabiles iis qui eorum causam ignorant, & quos plerumque nonnulla pluvia consequitur.

*juxta focum in modum turbine gyrent.*

Nube autem descendente, ponderosâ admodum & latè diffusâ, (qualis faciliùs in vasto mari, quàm alibi colligitur, quum vaporibus æqualiter ibi dispersis, simul ac minima nubes in parte aliqua cogi cœpit, statim etiam se per omnia vicina loca extendit,) necessario tempestas surgit, tanto gravior quanto nubes major & ponderosior, atque hoc pertinacior quo ex altiori loco descendit. Atque ita vehementes illos turbines generari arbitror, quos *Travades* dicunt,

I.  
*Quomodo nubes suo descensu ventos aliquando validissimos efficiant: & cur sæpe maximas & repentinas pluvias præcedat talis ventus.*

II.  
*Cur hirundines solito demissius volantes, pluviam prænuntient: & cur aliquando cineres aut festuca,*

III.  
*Quomodo fiant istæ majores procellæ, quas voce barbarâ Travades vocant.*

cunt, nautis nostris in longinquis navigationibus maximè formidabiles; præsertim paulo ultra Promontorium Bonæ Spei, ubi vapores, magnâ copiâ ex mari Æthiopico surgentes, quoniam est latissimum & Solis radiis maxime incallescit, facillimè ventum Occidentalem efficere possunt, qui cursum naturalem (ab Oriente scilicet in Occasum) aliorum, quos mare Indicum emittit, sistens, illos in nubem cogit; quæ nubes quoniam oritur ex inæqualitate, quæ est inter hæc duo maria vastissima, & hanc terram quæ etiam est valde lara, multo major evadere debet, quàm illæ quæ in nostris regionibus generantur, ubi tantum pendent à minoribus istis inæqualitatibus, quæ sunt inter nostras planities, lacus, & montes. Et quia fere nunquam aliæ nubes in iis locis cernuntur, statim ac nautæ aliquam coire animadvertunt; licet interdum initio tam parva esse videatur, ut illam Batavi cum bovis oculo compararint, atque inde appellarint; & licet omnis reliquus ær valde serenus, & desæcatus appareat; nihilominus vela contrahunt & contra magnam tempestatem se muniant, quæ statim etiam insequitur. Eo quoque majorem illam esse solere existimo, quo minor initio hæc nubes apparuit. cum enim fieri nequeat satis crassa, ut ærem obscurando sit conspicua, nisi simul etiam fiat satis lata, ita exigua videri non potest, nisi ex eo quod sit valde remota; & notum est, quo ex altiori loco descendit corpus grave, hoc impetum ejus esse validiorem. Ita hæc nubes sublimis, & subito magna & ponderosa facta, tota delabitur, magna vehementia omnem ærem subjectum agens, & tempestatem hoc ipso ciens. Notandum etiam, vapores huic æri immixtos illa agitatione dilatari; multos quoque alios Oceanum emittere ob fluctus suos ita concussos, qui vim venti augentes, & tardantes descensum nubis, diutius tempestatem sævire cogunt.

## IV.

*Quomodo  
ignes Castor  
& Pollux  
vocati ge-  
nerentur.  
Quare ge-  
mini isti  
ignes specie  
augurii o-  
lim habiti  
sint, unus  
vel tres in-  
felices. Et  
cur hoc*

Præterea exhalationes his vaporibus immisceri solent, quæ cum tam longe ac illi à nube descendente propelli non possint, ob partes minus solidas, & figurarum magis irregularium, æris agitatione ab iis separantur: Eodem modo, quo, ut supra diximus, rusticæ, cremorem lactis tundentes, butyrum à sero secernunt. Atque ita hæc exhalationes, hinc & inde in diversos acervos congregatæ, & quàm altissime possunt, juxta nubem fluctuantes, tandem malis aut funibus navium adhærent; cum nubes ad finem sui motus accedens, illas eo usque depreßit. Et ibi violenta æris agitatione accensæ ignes illos componunt, qui S<sup>ti</sup> Helmi dicuntur, & nautas spe serenitatis brevi

futuræ

futuræ solantur. Notandum tamen est, has tempestates in fine vehementissimas esse, & interdum plures nubes unas aliis iucumbere posse; infra quarum singulas ejusmodi ignes reperiantur: quod forte antiquis occasionem dedit, cum unicum viderent, quem Helenam appellabant, illum mali ominis existimandi, quia nempe tunc gravissimum tempestatis impetum adhuc expectabant; & tunc demum illos serenitatem prænunciare credendi, cum duos videbant, quos Castorem & Pollucem vocabant; quippe raro plures notarunt, nisi forte cum tempestas ultra solitum vehementer erat; quo tempore interdum tres numerabant, quos ideo etiam mali ominis esse arbitrati sunt. Sed audio, nunc à nautis etiam quatuor aut quinque simul solere observari; forsan quia navigia majora, & plures in iis malos habent, aut quia per loca navigant, ubi exhalationum copia major attollitur. Quid enim in latioribus Oceani partibus accidat, sola conjectura assequi possum, quum nunquam in iis navigaverim, nec mihi valde dubias & incertas de ipsis relationes habeam.

Quod autem ad illas tempestates attinet, quæ tonitru, fulgure, turbinibus, & fulmine comitata esse solent, quarumque nonnulla exempla in terra notare potui; non dubito quin oriantur ex eo quod, cum plures nubes, tabulatorum instar, unæ aliis superstratæ

V.  
Quæ sit  
causa toni-  
trui.

sunt, interdum contingit, superiores magno impetu in inferiores dilabi: Vt si duabus nubibus A & B è nive rara & maxime expansa conspitis, aer calidior circa superiorem A feratur, quam circa inferiorem B, manifeste liquet, calorem hujus aeris illam paulatim condensare & ponderosiores reddere posse; Ad-



eo ut ex ejus partibus quæ altissimæ sunt, primæ descendentes, alias quæ ipsis in via occurrunt, deturbent & secum rapiant; atque ita omnes simul magno fragore & sonitu in nubem inferiorem ruant. Eodem modo, quo in Alpibus olim circa mensem Maium me vidisse memini, vi Solis calefacta nive & ponderosiori red-  
dita, minimum aeris innotui subito magnas illius moles devol-



visse, quæ in vallibus resonantes, satis bene tonitruum sonitum imitabantur.

## VI.

*Cur varius  
audiat  
hyeme  
quam æsta-  
te. Et cur  
aura calida  
& gravis,  
vento Bo-  
reali succe-  
dens, illud  
præsumit.*

Atque hinc liquet quare hyeme rarius hic apud nos tonet, quam æstate. tum enim non tam facile calor sufficiens nubibus dissolvendis ad superiores usque pertingit. Liqueat etiam quare tempore vehementis æstus, quando vento Septentrionali, qui diu non duraverit, calor humens & veluti suffocans denuo succedit, tonitruum postea sequi solet. Hoc enim testatur, ventum illum Septentrionalem, ad terram accedendo, calorem inde in illam regionem aeris egressum, in qua nubes sublimiores formantur; ipsumque etiam ventum postea à vicinia terræ fuisse expulsum ad illam regionem aeris, in qua sunt nubes inferiores; nempe à vaporibus tepidis qui à terra calente egredientes, aerem infimum dilatarunt. Unde fit ut non modo superiores nubes condensari debeant & delabi, sed etiam inferiores adeo raras atque extensas remanere, aerisque subiecti dilatatione ita sursum protrudi, ut alias in se cadentes excipiant, ibique sistant, & sæpe etiam, ne quid omnino ex iis ad terram usque descendat, impediant.

## VII.

*Cur ejus  
fragor tan-  
tus sit; &  
unde orian-  
tur omnes  
ejus differe-  
ntia.*


Notandumque est, illum strepitum, qui supra nos ita excitatur, melius exaudiri debere, ob aeris circumquaque positi resonantiam, majoremque esse pro copia nivis decidentis, quam cum ingentes nivium moles à montibus in valles delabuntur. Notandum etiam, ex hoc solo quod partes nubium superiorum, vel omnes simul decident, vel una post aliam, vel tardius vel celerius, vel quod inferiores majores aut minores, crassiores aut tenuiores sunt; & magis aut minus obnituntur, facillime omnes diversos tonitruum sonos effici posse.

## VIII.

*Quenam  
etiam differe-  
ntia sit  
inter fulge-  
tra, turbi-  
nem & ful-  
men; & un-  
de fulgetra  
precedant.  
Curque in-  
terdum ful-  
guret cum  
non tonat,  
vel contra.  
Quomodo  
fiant turbi-  
nes.*

Differentiæ autem quæ sunt inter fulgura, turbines & fulmina, non pendunt nisi à diversa natura exhalationum, quæ in spatio quod duas nubes interjacet reperiuntur, & à modo quo harum nubium superior in inferiorem cadit. Si enim magnus æstus & siccitas præcesserit, atque ita hoc spatium exhalationes copiosas, maxime subtiles & ad concipiendam flammam aptas, contineat, superior nubes fere tam exigua esse nequit, nec tam lente descendere, quin impulsu aëre, inter se & inferiorem medio, fulgur aliquod elidat, id est flammam levem eodem momento nascentem. Atque ita tum hujusmodi fulgura cernere possumus, nullo omnino tonitruum murmure exaudito, interdum etiam nubibus non ita densis, ut conspici possint: Contra vero si nullæ in aëre exhalationes inflammationi idoneæ adint, boatura quæ-

quendam tonitrus audire possumus, nulla coruscatione apparente. Et cum superior nubes non nisi per partes se mutuo consequentes delabitur, vix quidquam aliud quam fulgura & tonitrua producit. Sed cum tota simul satis velociter decedit, potest etiam turbines & fulmina generare. Ejus enim extremitates, ut C & D, paulo celerius quam



eiusdem medium descendunt: quia cum aer illis subjectus minus itineris conficiendum habeat, ut inde egrediatur, quam ille qui medio subicitur, facilius iis locum cedit; & his ita nubem inferiorem citius contingentibus, multum aeris versus medium includunt, ut hic videtur in E; statinique postea hic aer magna vi pressus, & expulsus ab eodem nubis superioris medio, quod pergit descendere, viam necessario sibi facit, vel perumpendo nubem inferiorem, ut videmus ad F, vel aliquam ex ejus extremitatibus divellendo, ut ad G. Atque ita aperta hac nube, magno impetu in terram ruit, unde statim rursus ascendit, se celerrime circumagendo; quoniam alius aer, aut alia corpora ipsi occurrentia impediunt, ne secundum lineam rectam moveri pergat æque velociter ac agitatio ejus requirit; quo fit ut turbine componat. Et quidem hic turbo sine fulmine & fulgure esse potest, si nullæ sint prorsus in isto aëre exhalationes, ad concipiendam flammam idoneæ.

Sed contra si satis multæ sint, omnes in unum cumulum coeuntes, & magno impetu simul cum ipso in terram ruentes, incenduntur, & fulmen componunt. Potestque hoc fulmen interdum, hominum corpora non lædendo, ipsorum vestimenta comburere, pilosque ad cutem depascere: cum nempe exhalationes quibus constat,

IX.  
Quomodo  
fiat fulmen,  
quod interdum vestes  
comburas,  
quæ corpore illa-


*fo, vel contra  
gladium  
liquefaciat,  
vagina in-  
sarta, &c.*

quæque sulphur solent redolere, non aliam quam oleorum naturam participant; adeo ut levem tantum flammam nutriant; quæ non nisi corporibus combustioni magis idoneis adhæret. Ut è contra, interdum ossa carnibus integris confringere, vel vagina illæsa, gladium liquefacere potest, si hæ exhalationes maxime subtiles & penetrantes, solam salis volatilis, aut aquæ fortis naturam habeant: tum enim sine injuria cedentia corpora perlapsum, quidquid resistit comminuit ac diffringit. Ut & aqua fortis, durissima metallorum corpora resolvens, vix quicquam agit in ceram.

## X.

*Quomodo  
etiam lapis  
in fulmine  
generetur:  
& cur sæpius  
cadat in montes  
vel turres  
quam in lo-  
ca humi-  
liora.*

Postremo fulmen interdum in lapidem durissimum, omnia obvia rumpentem & disjicientem, converti potest, si penetrantibus his exhalationibus, multæ aliæ pingues, & sulphureæ immisceantur; præsertim si crassiores etiam adint, similes ei terræ, quæ in fundis vasorum, in quibus collecta est aqua pluvia, subsidit. Quemadmodum experientia discimus, si hujus terræ, nitri, & sulphuris certas partes simul misceamus, misturamque istam incendamus, illam momento temporis in lapidem quendam concrefcere. Iam vero si nubes à latere dehiscat, ut in G, fulmen obliquo itinere libratum, facilius turrium fastigia, vel montium vertex tangit, quam loca hu-



milia, ut videmus ad H. Nec deest etiam ratio propter quam, cum nubes infra perumpitur, sæpius loca edita & eminentia quam humilia fulmine feriantur. Si enim, ex. gr. nubes B, non magis hic quam alibi, aliunde disposita sit ad dehiscendum, certum est, illam apertum iri in F, ob resistantiam subjæctæ turris.

## XI.

*Cur sæpe*

Nec imago deest ratio, quare singulas vices, quibus tonitru auditur,

ditur, nonnihil pluviae subito decidentis consequi soleat; & quare cum hæc pluvia satis copiose effunditur, postea non multum tonet. Nam si illa vis, quæ superior nubes, in inferiorem decidendo, illam concutit, satis valida sit ad eandem omnino deiciendam, manifestum est, fulmina cessare debere. Et quamvis sæpe sit minor, nihilominus tamen ex ea fere semper aliquos nivis floccos excutit, qui decedentes aeris inferioris calore in pluviam solvuntur.

Denique non sine ratione vulgo creditur, vehementes sonitus, quales companarum, aut bombardarum, fulminis vim infringere: nam concutiendo nivem, ex quâ nubes inferior constat, illam ad descensum invitat & discutit. Ut ii satis sciunt qui in vallibus, ubi moles nivium è montibus cadentium timentur, iter facere sunt assueti. Nam ibi ne quidem loqui aut tussire audent, ne sonus vocis nives commoveat.

Sed ut supra notavimus, aliquando sine tonitru fulgurare posse, ita in regionibus aeris, ubi multæ exhalationes detinentur & pauci vapores, nubes ita leves & parum densæ formari queunt, ut aliâ in aliam ex loco satis edito ruente, nullus fulminis sonus audiatur, neque tempestas in aëre excitetur, licet plurimas exhalationes convolutas jungant; unde non tantum illæ minores flammæ oriuntur, quæ stellæ cælo cadentes vel trajicientes dici solent, sed interdum etiam globi ignei satis crassi, qui ad terram usque delabentes, pro quadam specie fulminis alio minus vehementis sumi possunt.

Et præterea quoniam valde varia est & multiplex exhalationum natura, mihi facile persuadeo, fieri posse interdum, ut à nubibus compressæ materiam quamdam componant, quæ calore & specie externa lac, carnem, aut sanguinem, aliquo modo referat; vel quæ subito accensa & combusta fiat talis, ut pro ferro aut lapidibus sumi possit, vel quæ denique corrupta & putrescens, in exigua quadam animalia brevi tempore convertatur. Ut inter prodigia sæpe legimus, ferro, sanguine, locustis aut similibus pluisse.

Præterea quoque aëre nullis nubibus obducto, exhalationes solo ventorum flatu cogi, atque incendi possunt, præsertim si duo aut plures venti contrarii simul concurrant. Et denique etiam si nulli venti nec nubes adsint, si tantum exhalatio subtilis & penetrans, quæ nempe salis naturam participet, alterius pinguis & sulphureæ poros ingrediatur, hoc ipsum sufficere potest ad tenues quasdam flammæ tam in sublimi, quam in infimo aëre excitandas.

dd

das.

*singulas tan-  
trus fra-  
geres repen-  
tina plu-  
via conse-  
quatur; &  
cum mul-  
tum plus  
non amplius  
tonet.*

XII.

*Cur sonitu  
campana-  
rum, aut  
bombarda-  
rum, vis  
tempestatis  
minuatur.*

XIII.

*Quomodo  
generentur  
illi ignes  
qui stellæ  
cadentes  
dicuntur.*

XIV.

*Quemodo  
interdum  
pluvie lacte,  
sanguine,  
ferro, lapi-  
dibus, &c.*

XV.

*Quomodo  
siant stellæ  
trajicien-  
tes; & i-  
gnes satui;  
atque ignes  
lambentes.*

das. Nempe quales sunt in sublimi stellæ trajicientes; & hic apud nos, tum ignes illi per aërem volitantes, qui fatui dicuntur, tum alii lambentes dicti, qui puerorum capillis, equorum júbis, hastarum ferro pinguedine aliqua inuncto, vel aliis ejusmodi corporibus, adhærent. Certum quippe est, non tantum violentam agitationem, sed sæpissime etiam solam diversorum corporum mixturam, igni producendo sufficere. Ut videmus in calce aqua conspersa, aut in sæno, si priusquam siccum sit recondatur, & in multis aliis exemplis, quotidie Chymicis occurrentibus.

XVI.  
*Cur minimi  
visi  
ignium  
contra au-  
tem fulmi-  
nis maxi-  
ma.*

Sed omnes isti ignes si cum fulmine comparentur, valde parum roboris habent: non enim nisi ex mollissimis & maxime glutinosis oleorum partibus componuntur. Et quanvis maxime penetrantes & vividæ salium partes ad eorum productionem quoque concurrant, tamen hæ aliis permixtæ non manent, sed celerrime in liberum aërem dissiliunt, simul ac illas inflammarunt. At è contra, fulmen præcipue ex his maxime penetrantibus & vividis constat, quæ violententer pressæ, & nubibus illis, reliquas secum in terram abripiunt. Atque si qui norunt, quanta vi & celeritate polleat ille ignis, quisit ex nitro & sulphure permixtis; quinque è contra debilis sit illa flamma, quam pars oleaginea sulphuris à sale aut spiritibus separata potest producere; facile illa quæ hic dicta sunt sibi persuaderi permittent.

XVII.  
*Ignes, qui  
juxta ter-  
ram gene-  
rantur, ali-  
quando  
durare pos-  
se, qui au-  
tem in sum-  
mo aëre,  
celerrime  
debere ex-  
tingui. Nec  
ideo Come-  
tas, nec  
Tribes, per  
aliquot dies  
in cælo lu-  
centes, ejus-  
modi ignes  
esse.*

Ignes autem fatui & lambentes diutius durant, aut citius evanescent, prout flamma eorum magis aut minus tenax est, & materia eorum magis aut minus densa & compacta. Sed illi qui altius in aëre, stellarum instar, apparent, non nisi per brevissimam moram durare possunt. Nisi enim materia valde rara & tenui constarent, proprio pondere in terram deducerentur. Et ideo Philosophi optime illos compararunt ei flammæ, quæ secundum fumum lucernæ recens extinctæ decurrit, cum hæc lucerna ad flammam alterius ab ea nonnihil remotæ rursus accenditur. Sed magnopere miror, eosdem postea credidisse, cometas, itemque columnas, aut trabes igneas, quæ aliquando in cælo apparent, nihil aliud esse, quam exhalationes accensas: nam talium phænomenon duratio, quæ satis longa esse solet, cum brevissima illa mora, quæ consumendis exhalationibus in aëre pendentibus sufficit, conteri plane non potest.

XVIII.  
*Quomodo*

Et quoniam generationem & naturam illorum in alio tractatu curiose

riose explicare annis sum; neque illa magis ad Meteora pertinere arbitror, quam terræ motus & mineralia, quæ plurimi scriptores eo congerunt; iis omiſſis, non amplius hic loquar niſi de luminibus quibusdam, quæ, noctu ſereno aëre & tranquillo apparentia, populis otioſis occaſionem dant, acies ſpectrorum in aëre depræſtantium fingendi, & victoriam aut cladem partis, cui ſavent, ex eo præſagienti, prout timor aut ſpes in animis eorum præpollet. Et quidem quia nulla unquam ejuſmodi ſpectacula ipſemet vidi, neque me fugit quantum ſuperſtitio & ignorantia relationes quæ de iis ſunt corrumpere ſoleat & augere; hic ſatis habeo, leviter attingere cauſas omnes, ex quibus aliquid tale produci poſſe mihi videtur. Prima eſt, cum variæ nubes in cælo exiſtunt, tam exiguæ ut totidem milites videri poſſint, & unæ in alias decidentibus ſatis multas exhalationes involvunt, ad parva quædam fulgura excitanda, interdumque ignis globulos ejaculandos, & nonnullos ſonitus emittendos; quo ipſo hi milites conſpiciuntur. Secunda eſt, cum, huiusmodi nubibus in cælo exiſtentibus, non quidem unæ in alias decidunt, ſed diverſimode micant, & lumen illud refleſcunt, quod coruſcationes & ignes alicujus magnæ tempeſtatis, tam longe inde ſævientis, ut ibi ex terra non percipiatur, ad illas uſque transmittunt. Tertia denique, cum hæ nubes, aut aliæ quædam magis ad Septentrionem accedentes, à quibus lumen accipiunt, ſunt in regione aeris tam excelsa, ut radii Solis, jam infra horizontem deliteſcentis, ad illas poſſint pervenire. Si enim attendamus ad refractiões & reflexiões, quas duæ aut tres ejuſmodi nubes, variis in locis ſitæ, lumen unæ ab aliis accipientes, efficere poſſunt, facile intelligemus, non opus eſſe, ut ſupra modum excelsæ ſint, ad inſolitas quaſdam lucas noctu exhibendas; atque etiam interdum ad efficiendum ut ipſe Sol ſupra noſtrum horizontem appareat, eo tempore quo illum infra eſſe certum eſt. Sed iſta minus ad hanc priorem huius tractatus partem videntur pertinere, quam ad ſequentem, in qua de iis omnibus quæ in ſublimi aëre aliter quam ſint apparent, loqui deinceps inſtitui, poſtquam hætenus omnia, quæ ibidem videntur ut ſunt, explicare conatus ſum.

*quædam prætorum ſimulacra, & talia quæ inter prædicia ſolent numerari, poſſint apparere in cælo. Et Sol etiam nocte videri poſſit.*

## C A P U T VIII.

## De Iride.


I.  
*Non in va-  
 poribus, nec  
 in nubibus,  
 sed tantum  
 in aque  
 guttis Iri-  
 dem fieri.*



Am mira est Iridis natura, & tam curiosè à multis e-  
 gregiis viris fuit investigata, tamque parum cognita,  
 ut nullam aptiorem materiam eligere possim, ad osten-  
 dendum, ope Methodi quâ utor, posse perveniri ad  
 nonnullarum rerum scientiam, quam ii quorum scripta  
 ad nos pervenere non habuerunt. Primò, postquam notavi, hanc  
 Iridem non tantum in cœlo apparere, sed etiam in aëre nobis vici-  
 no, quoties multæ in eo aquæ guttæ, à Sole illustratæ existunt; ut  
 in fontibus quibusdam per fistulas aquam ejaculantibus experimur:  
 facilè mihi fuit judicare, à solo modo quo radii luminis in guttas a-  
 gunt, atque inde ad oculos nostros tendunt, eam procedere. Dein-  
 de quum scirem, has guttas rotundas esse, ut supra ostensum est, &  
 sive parvæ sive magnæ sint, Iridem semper eodem planè modo in il-  
 lis repræsentari, statui aliquam valde magnam considerare, ut tanto  
 facilius in ea, quid in singulis contingeret, agnoscerem.

II.  
*Quomodo  
 ejus causa  
 ope globi  
 vitrei aquæ  
 pleni detegi  
 possit.*

Cumque in hunc finem pilam vitream, satis accuratè rotundam  
 & valde pellucidam, aqua implevissem, deprehendi, Sole, exem-  
 pli gratiâ, lucente ex parte cæli A F Z, & oculo posito in puncto  
 E, si locarem hanc pilam in regione B C D, partem illius D ro-  
 tam rubram, & multò illustriorem quàm reliquum videri. Et sive  
 propius illam adducerem, sive ulterius removerem, sive ad dextram  
 sive ad sinistram verterem, vel etiam circa verticem meum rotarem;  
 dummodo linea D E cum altera E M, quæ inaginatione ab ocu-  
 li centro ad centrum Solis est proferenda, angulum duorum & qua-  
 draginta circiter graduum constitueret; pars illa D semper æqua-  
 liter rubeat: sed simul ac hunc angulum paulò magis dilatabam,  
 rubor evanescebat: & si contraherem, non ita simul omnis evanes-  
 cebat, sed antea velut in duas partes, minùs scintillantes; divideba-  
 tur, in quibus flavus, cæruleus, & alii colores apparebant. Dein-  
 de regionem etiam K hujus pilæ respiciens, notavi, factò angulo  
 K E M, duorum & quinquaginta circiter graduum, hanc partem  
 K etiam rubram apparere, sed non tam lucidam ut D: & paulo  
 tantum ampliore eodem angulo factò, alios ibidem colores magis  
 dilutos existere; sed eodem aliquantulum contracto, vel satis mul-  
 tum




tum ampliore facto, illos omnino disparere. Vnde manifeste didici, toto aëre ad M, huiusmodi pilis, aut earum loco guttis, refer-to, punctum aliquod admodum rubrum in singulis earum relucere debere, à quibus lineæ ductæ ad oculum E, cum lineâ EM, angulum duorum & quadraginta circiter graduum constituunt; quales illas suppono quæ littera R signatæ sunt; atque hæc puncta simul considerata, loco in quo consistunt non observato nisi per angulum sub quo videntur, instar circuli continui rubro colore perfusi apparere: & similiter puncta quædam esse debere in iis guttis quæ sunt in S & T, è quibus lineæ ductæ ad E, angulos paulo acutiores cum EM constituunt, à quibus circuli colorum dilutionum



componuntur; atque in hoc primum & principem cœlestem arcum consistere. Deinde eodem modo supponendo, angulum MEX, duorum & quinquaginta graduum esse, in guttis X rubrum circum debere apparere, & alios circulos minus saturo colore imbutos in guttis Y; atque in hoc secundarium Irdiem consistere. Et denique in omnibus aliis guttis notatis littera V nullos ejusmodi colores esse debere.

III.  
Videm in-  
teriorẽ &

Postea cùm accuratius examinarem in pila B C D, unde rubeus color in ejus parte D conspicuus oriretur, notavi, illum pendere




primariam à radiis Solis, qui venientes ex A & B, aquam ingrediendo frangebantur in puncto B, & ibant ad C, unde reflexi ad D, & ibi aquam

aquam egrediendo iterum fracti tendebant ad E. Nam simul ac corpus aliquod opacum & obscurum alicui linearum AB, BC, CD, vel DE opponebam, rubicundus calor evanescebat; & licet totam pilam, exceptis duobus punctis B & D obnuberem, & corpora obscura ubivis circumponerem, dummodo nihil actionem radiorum ABCD impediret, lucide tamen ille resulgebat. Postea eodem modo investigatâ causâ rubri illius coloris, qui apparebat in K, inveni, illum esse à radiis Solis, qui venientes ab F ad G, ibi refrangebantur versus H, & in H reflexi ad I, rursusque ab I reflexi ad K, tandemque iterum fracti in puncto K, tendebant ad E. Atque ita primaria Iris fit à radiis post duas refractiones & unam reflexionem ad oculum venientibus: secundaria verò à radiis, qui non nisi post duas refractiones & duas reflexiones eodem pertingunt. Ideoque hæc semper alterâ minus est conspicua.

*oculum perveniunt post duas refractiones & unam reflexionem: exteriorem autem sive secundariâ ex radiis post duas refractiones & duas reflexiones ad oculum pervenientibus; quo fiat ut illa sit æbiliter.*

Sed supererat adhuc præcipua difficultas, in eo quod, etiamsi posito alio ejus pilæ situ, radii etiam post duas refractiones & unam aut duas reflexiones, ad oculum possint pervenire, nulli tamen nisi in eo situ, de quo jam locuti sumus, ejusmodi colores exhibeant. Atque ut hanc amolirer, inquisivi an non aliqua alia res inveniri posset, cujus ope colores eodem modo apparerent, ut factâ ejus comparatione cum aquæ guttis, tanto facilius de eorum causa judicarein. Et commodum recordatus, per prismâ vel triangulum ex Crystallo similes videri, unum consideravi, quale est MNP, cujus duæ superficies MN, & NP sunt omnino planæ, & una in alteram ita inclinata, ut angulum 30 vel 40 circiter graduum contineant; atque ideo si radii Solis ABC, penetrent MN ad angulos rectos, aut fere rectos, ita ut nullam notabilem refractionem vitrum ingrediendo patiantur, satis magnam exeundo per N de-

*IV. Quomodo etiam ope vitrei prismatis colores Iridis videantur.*



beant

beant pati. Et testâ alterutrâ ex his superficiebus opaco aliquo corpore, in quo sit angustum foramen, quale est DE, observavi, radios per illud foramen transcentes, atque inde effusos in lintheum aut chartam albam FGH, omnes colores Iridis ibi depingere, & quidem semper rubrum in F, & cæruleum seu violaceum in H.

V.  
*Nec figuram corporis pellucidi, nec radiorum reflexionem, nec etiam multiplicationem refractionem ad eorum productionem requiri: sed unâ saltem refractione & lumine & umbrâ opus esse.*

Vnde primum didici, curvaturam superficiæ guttarum, generationi colorum minime necessariam esse. Hæc enim crystal-  
lus superficiem nullam habet, quæ non sit plana; neque anguli magnitudinem sub quo apparent. hic enim permanentibus illis, mutari potest. Et licet fieri possit ut radii tendentes ad F, jam magis, jam minus incurventur, quàm euntes ad H, semper tamen qui ad F, rubrum depingent, & cæruleum qui ad H. Neque etiam reflexionem; hic etenim nulla omnino est. Nec denique sæpius iteratas refractiones, quum hic tantummodo unica fiat. Sed judicabam, unicam ad minimum requiri, & quidem talem ut ejus effectus aliâ contrariâ non destruat. Nam experientia docet, si superficies MN & NP parallelæ forent, radios tantundem per alteram iterum erectos, quantum per unam frangerentur, nullos colores depicturos. Neque dubitabam, quin & lumen necessarium sit ad horum colorum productionem; sine illo enim nil cernimus. Et præterea observavi, umbram quoque aut limitationem luminis requiri: deimpto enim corpore opaco quod in NP, colores FGH statim evanescunt. atque si satis laxam aperturam DE faciamus, rubrum, croceum & flavum quæ ad F, non latius propterea expanduntur, ut nec viride, cæruleum & violaceum, quæ ad H; sed totum spatium intermedium, littera G notatum, album remanet.

VI.  
*Vnde oratur colorum diversitas.*


Quibus animadversis intelligere conatus sum, quare hi colores alii sint in H quàm in F: quum tamen refractione, umbra, & lumen, eodem modo in utroque concurrant. Et consideratâ luminis naturâ quemadmodum illam in Dioptrica descripsi, nempe tanquam actionem vel motum materiæ cujusdam valde subtilis, cujus partes tanquam exiguæ sphaerulæ per poros corporum terrestrium devolutæ concipiendæ sunt; agnovi, has sphaerulas, pro diversitate causarum, quæ harum motus determinant, diversimode moveri; & speciatim omnes refractiones, quæ in eandem partem fiunt, illas ita disponere, ut in eandem  
etiam


etiampartem rotentur : sed quum nullas vicinas ipsis multo celerius aut tardius decurrentes habent, motum illarum circularem propemodum motui rectilineo æqualem esse. Quum vero in una parte vicinas habent, quæ ipsis tardius decurrunt, & in adversâ alias quæ celerius, vel saltem æquè celeriter, ut in confinio Luminis & Vmbræ contingit; si occurrant

eis quæ tardius moventur, eâ parte, secundum quam rotantur, ut accidit iis quæ componunt radium EH, hoc efficere, ut earum motus circularis motu rectilineo tardior sit: & plane contrarium fieri, si eisdem occurrant parte adversa, ut accidit iis, quæ componunt radium DF. Quæ

ut melius intelligantur, supponamus, pilam 1 2 3 4 sic impulsam esse ab V ad X, ut recto tantum motu incedat, & duo illius latera, 1 & 3, æquali celeritate delabantur, usque ad superficiem aquæ

YY, ubi motus lateris 3; quod priusquam aliud istam superficiem contingit, retardatur, non mutato illo lateris 1; unde fit ut tota pila necessario rotari incipiat secundum ordinem numerorum 1 2 3. Et prætereaimaginemur, illam quatuor aliis pilis, Q, R, S, T, circumdatam; quarum duæ Q & R majori vehementiâ quàm illa, tendunt versus X, & duæ aliæ S & T minori. Vnde liquet, pilam Q urgentem motum lateris 1, & pilam S, remorantem motum lateris 3, rationem illius augere, neque pilas R & T quidquam obstore; quoniam R ita impulsâ supponitur, ut celerius feratur ad X, quam illa sequitur, & T ut minus celeriter sequatur, quam illa præcedit. Atque hoc explicat actionem radii DF. Contra vero, si pilæ Q & R, tardius quam pila 1 2 3 4, ferantur ad X; S autem & T velocius; R impedit rotationem partis 1, & T illam partis 3; nihil agentibus duabus reliquis Q & S: quo actio radii HE innotescit. Sed notandum,






quum hæc pila 1 2 3 4 accuratissime rotunda esse supponatur, facillime accidere posse, ut, quando satis fortiter premitur à duabus R & T, rotationem suam ideo non sistat, sed se vertat in orbem circa axem 2 4, & ita, minimo momento mutato situ, deinceps in contrariam partem rotetur. Dux enim R & T, quæ primæ occasionem se vertendi illi dedere, ut postea perseveret efficiunt; donec hoc motu dimidium circulum impleverit, illæque non amplius tardare ejus rotationem, sed contra augere possint. Cujus rei consideratio difficultatem mihi expedivit, quam totius hujus materiæ præcipuam esse existimo.

VII.  
In qua scia  
sit natura  
rubri coloris,  
& flavi,  
& viridis,  
& cærulei;  
prout in  
prismate  
visreo con-  
spiciuntur:  
& quomodo  
cæruleo ru-  
beus misceatur;  
unde sit viola-

Et mea quidem sententia, manifeste ex his omnibus liquet, naturam colorum qui pinguntur in F, tantum in eo consistere, quod particulæ materiæ subtilis, actionem luminis transmittentes, majori impetu & vi rotari nitantur, quam secundum lineam rectam moveri: ita ut qui multo validius rotari nituntur, rubicundum colorem efficiant, & qui non nisi paulo validius, flavum. Ut contra natura eorum qui videntur ad H, tantum in eo consistit, quod hæ particulæ non tam velociter rotentur, quam alias solent, cum nulla talis causa earum motui resistit; ita ut viride appareat, ubi non multo tardius solito rotantur; & cæruleum, ubi multo tardius: & sæpe in extremitatibus hujus cærulei ruti-

rutilus quidam color ei miscetur, qui fulgorem suum ipsi communicans, in violaceum siue purpureum illum mutat. Quod procul dubio ex eo est, quod eadem causa, quæ rotationem particularum materiæ subtilis tardare consuevit, quum tunc satis valida sit ad quasdam invertendas, & earum situm immutandum, earundem rotationem accelerare debeat, dum interim illam aliarum tardat.

Et in his omnibus tam unanimes ratio & experientia conspirant, ut non putem, ullum, ex iis qui ad utrumque satis attendent, credere posse; naturam colorum aliam esse quam explicui. Si enim verum est, sensum luminis à motu esse, aut ab inclinatione ad motum, cuiusdam materiæ oculos nostros tangentis; ut multa passim testantur & manifestum reddunt; certum quoque, diversos ejus materiæ motus, alios atque alios sensus in nobis effecturos. Et quemadmodum diversitas alia in his motibus esse nequit, quam illa jam nobis explicata; ita neque experientia, ullam aliam, in eo quem habemus horum motuum sensu, præter illam colorum esse, testatur. Et nihil inveniri potest in crystallo MNP, quod colores producere queat, præter modum, quo particulas materiæ subtilis, ad linteam, atque inde ad oculos, mittit. Unde satis liquere arbitror, nihil etiam, præter hoc, in coloribus aliorum corporum querendum esse: Nam ipsa experientia quotidiana docet, lumen seu album, & umbram seu nigrum, cum coloribus Iridis hic explicatis, compositioni omnium aliorum sufficere. Neque illam distinctionem Philosophorum probare possum, qua dicunt, alios colores veros esse, & alios falsos, seu tantummodo apparentes. Quum enim genuina & sola colorum natura sit, apparere, contradictio esse videtur, illos apparentes & tamen falsos esse dicere.



*causæ  
purpureæ.*

VIII.  
*In quo etiam aliorum corporum colores consistant; & nullos falsos esse.*

IX.

*Quomodo  
in ride pro-  
ducantur;  
& quomodo  
ibi lumen  
ab umbra  
terminetur.  
Cur prima-  
ria Iridis  
semidiamete-  
ter 42  
gradibus  
major esse  
videatur,  
nec secun-  
daria semi-  
diameter  
51 gradibus  
minor. Cur  
que illius  
superficies  
exterior,  
magis de-  
terminata  
sit quam in-  
terior; hu-  
jus autem  
contra, in-  
terior magis  
quam exte-  
rior.*

Concedo quidem, umbram & refractionem non perpetuo iis ge-  
nerandis necessarias esse; sed magnitudinem, figuram, situm, cor-  
poris colorati vulgo dicti, illorum loco diversimode cum lumine  
concurrere posse, ad augendam aut imminuendam rotationem par-  
tium materiæ subtilis. Ita ut initio quoque dubitarim, an omnino  
eadem ratione, qua in crystallo MNP, colores etiam in Iride ge-  
nerarentur; nullam quippe umbram lumen terminantem ibi nota-  
ram, neque dum noram, quare tantum sub certis quibusdam angu-  
lis apparerent; donec tandem sumpto calamo, & curiose singulis ra-  
diis, qui in diversa puncta unius guttæ cadunt, ad calculum revoca-  
tis; ut discerem sub qualibus angulis, post duas refractiones, &  
unam aut duas reflexiones, ad oculos nostros venire possint; inveni,  
post unam reflexionem & duas refractiones, multo plures videri  
posse, sub angulo graduum ab uno & quadraginta ad duo & quadra-  
ginta, quam sub ullo minore, & nullum omnino sub majori appa-  
rere. Deinde etiam inveni, post duas reflexiones, & refractiones  
totidem, multo plures ad oculum manare, sub angulo graduum  
unius & quinquaginta, vel duorum & quinquaginta, quam sub ullo  
majori, neque ullum sub minori conspici. Ita ut ab utraque parte  
umbra lumen terminans adsit; quod lumen infinitas pluvie guttas  
Sole illuminatas perineans, denique ad oculum sub angulo duorum  
fere & quadraginta graduum venit; atque ita primariam Iridem ge-  
nerat. Itemque est umbra quæ terminat lumen, sub angulo unius &  
quinquaginta graduum, aut paulo amplius; atque hoc pacto exte-  
riorem arcum producit. Nullos enim luminis radios, aut multo  
pauciores ab uno objecto quam ab altero vicino, in oculos suos re-  
cipere, hoc est, umbram videre. Atque hinc satis perspicue patet,  
colores horum arcuum ab iisdem causis esse, à quibus illi qui per cry-  
stallum MNP apparent; & semidiametrum arcus interioris, duo-  
bus & quadraginta gradibus minorem esse non debere; nec illam ex-  
terioris uno & quinquaginta minorem. Et denique priorem accu-  
ratius in exteriori superficie terminatam esse debere, quam in in-  
teriori; & alteram plane contra; quod accurate cum experientia  
consentit.

Verum ut Mathematici videant, an calculus, quo angulos qui  
hic à radiis luminis fiunt examinavi, satis sit accuratus, illum hic  
placet explicare.


Sit AFD aquæ gutta, cujus semidiametrum CD, aut AB,

in

X.  
*Quomodo*

in tot æquales partes divido, quot radios calculo examinare volo; ut tantundem luminis uni quam alteri attribuat. Deinde unum horum radiorum speciatim considero, ut ex. gr. EF, qui non recta tendit ad G, sed in F refractus decedit ad K, & inde reflectitur ad N, ubi iterum refractus tendit ad oculum P: vel etiam adhuc semel ab N ad Q reflexus, refringitur in Q versus oculum R. Et ductâ CI ad angulos rectos in FK, ex iis quæ in Dioptrice dicta fuere, cognosco, AE, aut HF, & CI, illam inter se

*ista mathematicè demonstratur.*



proportionem habere, per quam aquæ refractionis dimetienda est. Adco ut si HF constet octo millibus partium, qualium AB constat decem millibus, CI constabit 5984 aut circiter; quoniam refractionis aquæ paulo major est quam quatuor ad trium; & quam accuratissime illam dimetiendo, invenio esse ut 250 ad 187. Cognitis ita duabus lineis HF & CI, facillime duos arcus cognosco, FG, qui est 73 graduum & 44 minutorum, & FK, qui est 106.30. Deinde subducendo duplum arcus FK ex aggregato arcus FG, & arcus 180 graduum, hoc est, dimidii circuli, fit 40.44 pro quantitate anguli ONP. suppono enim, ON & EF

esse

esse



esse parallelas. Præterea tollendo hos 40. 44 ex FK, fit 65. 46 pro angulo SQR; suppono enim, SQ & EF esse etiam parallelas. Atque ita omnes alios radios parallelos ipsi EF, & per omnia puncta quibus divisa est semidiameter CD vel AB transcurrentes examinando, tabulam sequentem compono.

Linea HF	linea CI	arcus FG	arcus FK	angulus ONP	angulus SQR
1000	748	168. 30	171. 25	5. 40	165. 45
2000	1496	156. 55	162. 48	11. 19	151. 29
3000	2244	145. 4	154. 4	17. 56	136. 8
4000	2992	132. 50	145. 10	22. 30	122. 4
5000	3740	120.	136. 4	27. 52	108. 12
6000	4488	106. 16	126. 40	32. 56	93. 44
7000	5236	91. 8	116. 51	37. 26	79. 25
8000	5984	73. 44	106. 30	40. 44	65. 46
9000	6732	51. 41	95. 22	40. 57	54. 25
10000	7480	0.	83. 10	13. 40	69. 30

Et facillime in hac tabula videmus, radios longe plures esse, qui angulum ONP, 40 circiter graduum faciunt, quam qui minorem; vel SQR 54 circiter, quam qui majorem. Deinde ut adhuc accuratius horum angulorum quantitatem inveniam, facio tabulam sequentem.

Linea

Linea HF	linea CI	arcus FG	arcus FK	angulus ONP	angulus SQR
8000	5984	73. 44	106. 30	40. 44	65. 46
8100	6058	71. 48	105. 25	40. 58	64. 37
8200	6133	69. 50	104. 20	41. 10	63. 10
8300	6208	67. 48	103. 14	41. 20	62. 54
8400	6283	65. 44	102. 9	41. 26	61. 43
8500	6358	63. 34	101. 2	41. 30	60. 32
8600	6432	61. 22	99. 56	41. 30	58. 26
8700	6507	59. 4	98. 48	41. 28	57. 20
8800	6582	56. 42	97. 40	41. 22	56. 18
8900	6657	54. 16	96. 32	41. 12	55. 20
9000	6732	51. 41	95. 22	40. 57	54. 25
9100	6806	49. 0	94. 12	40. 36	53. 36
9200	6881	46. 8	93. 2	40. 4	52. 58
9300	6956	43. 8	91. 51	39. 26	52. 25
9400	7031	39. 54	90. 38	38. 38	52. 0
9500	7106	36. 24	89. 26	37. 32	51. 54
9600	7180	32. 30	88. 12	36. 6	52. 6
9700	7255	28. 8	86. 58	34. 12	52. 46
9800	7330	22. 57	85. 43	31. 31	54. 12

Et


Et hic videmus, maximum angulum ONP 41 graduum & 30 minutorum esse posse, & minimum SQR 51. 54; cui addentes aut subducentes 17 circiter minuta pro semidiametro Solis, invenimus 41. 47 pro maxima semidiametro Iridis interioris, & 51. 37 pro minima exterioris.

## XI.

*Aqua calida refractionem minorem esse quam frigida, atque idcirco primariam Iridem paulo majorem, & secundariam minorem exhibere. Et quomodo demonstratur, refractionem ab aqua ad aërem esse circiter ut 187 ad 250. Ideoque semidiametrum Iridis 45 graduum esse non posse.*

## XII.

*Cur pars exterior primaria Iridis, & contra interior secundaria sit rubra.*




Cæterum facile intellexi, quare rubeus color exterior sit in Iride interiore; & contra interior in exteriore: Nam eadem causa, ob quam potius in F, quam in H, conspicitur per crystallinum MNP, efficit, ut, si oculum in linei locum FGH transferentes, crystallum respiciamus, rubrum ibi versus partem crassiorem MP videamus, & caeruleum versus N. Radius enim rubro colore tinctus, qui tendit versus F, venit à parte Solis C, quæ versus MP crassiorem partem crystalli est sita. Atque ob hanc eandem

dem rationem, quia centrum guttarum aquæ, & per consequens illarum pars craffior, exterior est respectu punctorum coloratorum, quæ formant arcum interiorem; ideo rubrum in exteriori ejus limbo debet apparere. Et eodem modo, quia interior est respectu eorum quæ formant exteriorem, ideo in eo rubrum intus apparet.

Atque ita nullam difficultatem in hac materia superesse arbitror; nisi forte circa illa, quæ præter ordinem affuetum naturæ in ea contingunt. Vt quum arcus non accuratè rotundus est, aut centrum illius in rectâ lineâ Solem & oculum transeunte non jacet. Quod accidere potest, vento guttarum figuram immutante: nunquam enim tantum parum à sphaerica sua figura discedere possunt, quin statim illud notabilem differentiam in angulo, sub quo colores videri debent, efficiat. Audivi etiam, aliquando arcum cælestem inversum cornibus in altum erectis apparuisse, qualem hic repræsentatum videmus FF. Quod vix crediderim accidisse, nisi per reflexionem radiorum solarium incurrentium in superficiem maris aut lacus alicujus. Vt si à parte cœli SS effusi, caderent in aquam DAE, & inde ad pluviam CF resilirent, oculus B videret arcum FF, cujus centrum in puncto C; ita ut prolata lineâ CB usque ad A, & AS

XIII.  
Quomodo  
possit con-  
tingere, ut  
ejus arcus  
non sit ac-  
curate ro-  
tundus:  
item ut in-  
versus ap-  
pareat.



transcunte per centrum Solis, anguli SAD & BAE æquales  
sint, & angulus CBF duorum & quadraginta circiter graduum.

Ad hoc tamen etiam requiritur summa aëris tranquillitas, ne vel minimus ventorum flatus, aquæ E superficiem inæqualem reddat; & forte insuper, ut nubes quædam isti aquæ superincumbat, qualis G, quæ impediatur ne lumen Solis rectâ ad pluviam tendens, illud quod aqua eo reflectit, supprimat atque extinguat: unde fit ut non nisi rarissime videatur. Oculus præterea in tali situ respectu Solis & pluvie esse potest, ut videat partem inferiorem circuli, quo integra Iris constat, non videndo superiorem; atque ita ut illum pro Iride inversâ sumamus, etiam si tunc non versus cælum, sed tantummodo versus terram aquam respicientibus appareat.


XIV.  
*Quomodo  
tres Irides  
videri  
queant.*

Quidam etiam mihi narrarunt, tertiam Iridem duas ordinarias cingentem se aliquando vidisse, sed multo pallidiorem, & tantum circiter à secundâ remotam, quantum ab illâ prima distat. Quod vix accidisse arbitror, nisi forsan quædam grandinis grana, maxime rotunda & pellucida, huic pluvie fuerint immixta: in quibus cum refractione multo quam in aëre major fiat, arcus cælestis exterior multo etiam major in illis esse debuit, & ita supra alterum apparere. Interior vero qui ob eandem rationem longe minor debuit fuisse, quam interior pluvie, fieri potest, ut ob insignem huius fulgorem ne quidem fuerit notatus, vel ut uterque limbis commissis pro uno fuerit habitus, sed pro uno cuius colores aliter quàm in Iride ordinaria dispositi esse debuerunt.

XV.  
*Quomodo  
alia prodigi-  
osa Irides  
varias fi-  
guras ha-  
bentes, pos-  
sint arte  
exhiberi.*

Atque hoc in mentem mihi revocat artificium quoddam, ad varia signa in cælo repræsentanda, quæ valde mirabilia viderentur iis, qui eorum causas ignorarent. Existimo, jam omnes nôsse, quo artificio in fonte arcus cælestis repræsentari possit: nempe, si aqua per exigua foramina A B C satis alte erumpens, quaquaversum in aëre dispergatur ad R, Sole lucente ex Q; ita ut Q E M jacente in lineâ rectâ, angulus M E R duorum & quadraginta circiter graduum sit; oculus E Iridem plane similem illi, quæ in cælo appareret, videbit. Cui nunc addendum, quædam esse olea, & spiritus sive aquas distillatas, aliosque huiusmodi liquores, in quibus refractione insigniter major aut minor efficitur, quam in aqua communi; quæ tamen propterea non minus clara & pellucida sunt, quàm ipsa: Atque ita plures ordine fistulas disponi posse, quæ aliis atque aliis liquoribus refertæ, magnam cæli partem coloribus Iridis pingerent: si nempe liquores, quorum refractione esset maxima, spectantibus proximi ponerentur; & non tam alte in aërem exilirent, ut consp-

ctum



Etum remotiorum impedirent. Ex quibus, quoniam parte foraminum ABC obturata, ea pars Iridis RR, quam volumus, evanescit, reliquis omnino inviolatis, facile est intelligere, si eodem modo claudantur & aperiantur apposite diversa foramina fistularum, hos liquores ejaculantium, fieri posse ut ea partes cœli, quæ coloribus Iridis pictæ erunt, figuram habeant nunc crucis, nunc columnæ, nunc cujuscumque alterius rei, quam spectatores admirentur. Vbi tamen fateor nonnullâ industriâ & sumptibus opus esse, ut his fistulis aptissime dispositis, & liquores admodum alte ejaculantibus, hæ figuræ ex loco valde remoto videri possint, illasque multi homines simul, artificio non detecto, conspiciant.

## CAPVT IX.

*De nubium colore & de halonibus, seu coronis, quæ circa sidera interdum apparent.*

**P**ost illa, quæ de colorum natura diximus, non multa credo addenda esse de iis quos in sublimi videmus. Quantum enim primo ad albedinem, & opacitatem seu nigredinem nubium, ex hoc solo illæ oriuntur, quod hæ nubes magis aut minus exponantur astrorum luminis, vel etiam umbræ, tani suæ, quàm aliarum nubium vicinarum. Et duo hîc tantummodo notanda sunt. Quorum primum, superficies corporum pellucidorum, partem radiorum in eas incidentium

1. Quam ob causam nubes interdum nigre apparent. Et cur nec vitrum consumum, neque nix,

*bes paulo  
densiores,  
luminis ra-  
dios trans-  
mittant.  
Quoniam  
corpora sunt  
alba: &  
cur spuma  
vitrum in  
pulverem  
redactum,  
nix & nu-  
bes, alba  
sint.*

reflectere, ut supra quoque monuimus: unde fit, ut lumen facilius ad trium hastarum altitudinem in aquam penetret, quam per paululum spumæ, quæ tamen nihil præter aquam est, sed aquam plures superficies habentem, quarum primâ partem hujus luminis reflectente, secundâ aliam, & ita porro, nihil omnino, vel nihil fere, superest, quod ulterius pergat: & propterea nec vitrum in pulverem comminutum, nec nix, nec nubes paulo densiores, pellucidæ esse possunt. Alterum eorum, quæ hic observanda est, etiam si actio luminosorum corporum in eo tantum consistat, ut pellant secundum lineas rectas materiam illam subtilem, quæ oculos nostros attingit, particulas tamen hujus materiæ ut plurimum etiam circulariter moveri, saltem eas, quæ hic sunt in aëre nobis vicino. Eadem ratione, quâ pila se circumvolvitur, dum terram tangendo movetur, etiam si non nisi secundum lineam rectam fuerit impulsæ. Suntque ea corpora, quæ sic efficiunt ut partes materiæ subtilis volvantur æque celeriter, ac ea quæ secundum lineam rectam feruntur, quæ alba proprie appellantur: qualia procul dubio sunt illa omnia quæ à sola suarum superficierum multitudine impediuntur, quo minus sint pellucida: ut spuma, vitrum comminutum, nix, & nubes.

II.  
*Cur cælum  
appareat  
cæruleum  
aëre puro,  
& album  
aëre nubi-  
loso: Et cur  
mare, ubi  
ejus aqua  
altissima ac  
purissima  
sunt, cæru-  
leum videat-  
ur.*

Vnde intelligere possumus, quare cælum serenum & defæcatum, non album, sed cæruleum appareat, dummodo sciamus, illud ex se ipso nullum plane lumen emitte, maximeque tenebrosum esse appariturum, si nulli omnino vapores, nec exhalationes supra nos essent; Semper autem esse nonnullos, qui radios aliquot ad nos remittunt, hoc est, qui repellunt particulas materiæ subtilis, quas Sol aut alia sidera in illos impulerunt. Et cum hi vapores satis copiosi adsunt, materia subtilis ab unis eorum particulis repulsa, statim aliis occurrit; quæ ejus particulas in gyrum agunt, antequam ad oculos nostros perveniant; quo ipso tunc cælum album apparet. Sed cum è contrario hi vapores valde rari sunt, particulæ materiæ subtilis non satis multis eorum particulis occurrunt, ut æque celeriter in orbem ac secundum lineam rectam moveantur: ideoque cælum non nisi cæruleum videri debet, juxta ea quæ de natura coloris cærulei paulo ante dicta sunt. Et ob eandem causam aqua marina, ubi admodum alta est & pellucida, cærulea videtur; pauci quippe tantummodo radii ab ejus superficie resiliunt, & nulli eorum, qui illam subeunt, revertuntur.

Hic

Hic præterea intelligere licet, quare Sole Oriente aut occidente tota cœli pars in qua est, rubro colore sæpe tingatur: Quod accidit, cum inter illum & nos non tot nubes nec tot nebulæ interjacent, ut radios illius plane excludant, sed tamen adsunt nebulæ nonnullæ quæ impediunt, ne tam facile isti radii per ærem terræ maxime vicinum transmittantur, quam per illum, qui paulo ab eâ remotior est, & gradatim etiam ne tam facile per hunc quàm per multo remotiorem. Manifestum enim est, hos radios, refractionem in his nebulis passos, partes materiæ subtilis, quam permeant, determinare, ut eodem modo volvantur, quo volveretur pila per terram ex eadem parte labens, ita ut rotatio inferiorum, semper actione superiorum intendatur, quum fortiori hanc supposuerimus: & novimus, hoc sufficere ad rubedinem repræsentandam, quæ postea reflexa à nubibus, quaquaversum per cœlum dispergi potest. Et notandum, hanc rubedinem mane apparentem, ventum præfagire aut pluviam, quoniam hoc testatur, paucissimis nubibus ibi in Oriente existentibus, Solem ante Meridiem multos vapores attollere posse, & nebulas, quæ illum exhibent, jam surgere; quum contra vesperi hæc rubedo serenitatem polliceatur, quia signum est, nullas aut paucissimas nubes in occasu collectas esse; unde fit, ut venti Orientales dominantur, & nebulæ noctu descendant. Non hic diutius speciali explicationi aliorum colorum, qui in nubibus videntur, immoror. eorum enim causas omnes in iis, quæ jam dicta sunt, satis manifeste contineri existimo.

Sed aliquando circuli quidam sive coronæ circa sidera apparent, de quibus deinceps est agendum. In eo Iridi sunt similes, quod rotundæ sint vel propemodum rotundæ; & semper Solem vel aliquod aliud astrum pro centro habeant: manifesto argumento illas aliqua reflexione aut refractione generari, quarum anguli omnes æquales, vel propemodum æquales sunt. Itemque in eo cum Iride conveniunt, quod interdum sint coloratæ; unde liquet aliquam refractionem, & umbram lumen terminantem, ad earum productionem requiri. Sed in eo differunt, quod Iris nunquam appareat nisi plucete cœlo ubi videtur, licet sæpius non pluat ubi spectator consistit: hæ autem nunquam conspiciantur ubi pluit. Vnde liquet, eas minime generari per refractionem, quæ fit in aquæ guttis aut grandine; sed per eam quæ in iis stellulis ex glacie pellucidâ compositis, de quibus supra locuti sumus: quippe non aliam causam in nubibus pos-


III.  
*Cur sæpe  
Oriente vel  
Occidente  
Sole cœlum  
rubeascat: &  
ista rubedo  
maniplu-  
viam aut  
ventos, ve-  
spersere-  
nitatem  
prænuunciet.*

IV.  
*Quomodo  
halones vel  
coronæ cir-  
ca Astra  
produc-  
tur: & cur  
varia sit  
earum ma-  
gnitudo.  
Cur cum  
sunt colo-  
ratæ, inter-  
ior circulus  
sit ruber, &  
exterior ca-  
ruleus. Et  
cur inter-  
dum duæ,  
una intra  
alteram,*



*apparent,  
& interior  
sit maxime  
conspicua.*

sumus invenire, quæ tale quidquam efficiat. Et licet numquam huiusmodi stellas decidere videamus, nisi frigidiore cælo, ratio tamen nos certos facit, illas quovis anni tempore formari. Quumque etiam calore opus sit, ut ex albis, quales sunt initio, pellucidæ, ut hic effectus requirit, fiant, verisimile est, æstatem iis producendis hyemæ commodiorem esse. Et quamvis hæ stellulæ cum decidunt, planas superficies habere videantur, certum tamen est, illas in medio magis quam in extremitatibus intumescere; quod etiam in quibusdam oculus deprehendit: & prout tumor ille major aut minor est, hos circulos etiam majores efficit aut minores: diversarum enim procul dubio magnitudinum sunt. Et siquidem, qui sæpius observati fuerunt, diametrum 45 circiter graduum, ut quidam testan-



tur, habuerunt, facile mihi persuadeo, convexitatem particularum glaciæ, quæ illos tantæ magnitudinis efficit, eam esse quam ipsæ frequentissime habere solent, & forte etiam quæ est maxima, quam possint acquirere priusquam omnino liquefiant. Sit A B C, exempli gratiâ, Sol, D oculus, E F G plurimæ glaciæ particulæ pellucidæ, aliæ juxta alias jacentes, plane quemadmodum esse debent ut in stellulas formentur, & quarum convexitas talis est, ut radius ex. gr. ex puncto A ad extremitatem stellulæ G

lulæ G perveniens, & radius ex puncto C ad extremitatem stellulæ F, refringantur versus D; & ut etiam alii plures radii perveniant ad D, ex iis qui in illas incidunt, quæ sunt extra circulum GG. Manifestum est, præter radios AD, CD, & similes, qui recta linea tendentes, Solem naturali magnitudine repræsentant, alios refractos in EE, ærem comprehensum hoc circulo FF satis lucidum reddituros, & circumferentiâ illius inter circulos FF, & GG, speciei coronæ Iridis coloribus variegatæ exhibituros. Ipsum etiam rubrum intrinsecus ad F, & cæruleum extrinsecus ad G, visum iri, plane quemadmodum observatur. Et si duo aut plures ordines particularum glaciæ congesti sint, dummodo radios solares non ideo plane excludant; illi radiorum qui per duos ordines in stellarum extremitatibus penetrant, bis fere tantundem incurvati, quantum alii qui per unum tantum, alium circulum coloratum producent, ambitu quidem prioris longe majorem, sed minus lucidum; ut ita tum duæ coronæ, quarum una alteram cingat, & quarum exterior interiori minus picta sit, appareant: Vt etiam interdum fuit observatum.

Præterea hic manifestum est, quare non soleant hæ coronæ apparere circa sidera, dum sunt horisontis valde vicina. nam tunc radii obliquius in glaciæ particulas incidunt, quam ut illas penetrare possint. Et quare harum colores, coloribus Iridis dilutiores sint; nam per refractiones multo minores efficiuntur. Et quare frequentius illæ circa Lunam appareant, curque etiam interdum circa stellas notentur; nempe cum particulæ glaciæ tam parum convexæ sunt, ut illas admodum parvas efficiant. Cum enim ex reflexionibus & refractionibus tam multis non pendeant, quam arcus cœlestis, neque etiam lumine egent tam vehementi, ut producantur. Sed sæpe non nisi albæ apparent, non tam ob luminis defectum, quam quia tunc materia, in qua formantur, non est omnino pellucida.

*reant; interdumque etiam circa stellas conspiciuntur. Cur ut plurimum albæ tantum sint.*

Alias præterea coronas imaginari possemus, quæ ad imitationem arcus cœlestis in aquæ guttis formarentur, primo scilicet per duas refractiones, sine ulla reflexione: sed nec earum diameter ulla re determinari potest; nec lumen in iis umbra limitatur, quemadmodum postulat colorum productio. Deinde per duas refractiones, & tres aut quatuor reflexiones; sed lumen illarum, tum maxime debile, facillime extinguitur per illud quod à superficie earundem guttarum reflit;

V.

*Cur non videri soleant circa Astra, cum oriuntur vel occidunt. Cur earum colores dilutiores sint quam Iridis. Et cur sæpius*

*quam illa, circa Lunam appa-*


VI.

*Cur in aqua guttis inftar Iridis non formantur.*

refilit; unde dubito, an unquam appareant; & calculus docet, diametrum illarum multo majorem esse debere, quam deprehendatur in iis, quæ vulgo observantur.

VII.  
Quæ sit  
causa corona-  
rum,  
quæ etiam  
interdum  
circa flam-  
mam can-  
dela conspi-  
cimus. Et  
quæ causa  
transversa-  
rum radio-

Cæterum quantum ad eas attinet, quæ aliquando circa lampades aut candelas apparent, illarum causa non in aëre, sed tantum in oculo quaerenda est. Cujus rei æstate proxima experimentum manifestum vidi. Quin enim noctu navigarem, & tota illa vespere caput cubito innisus, manu oculum dextrum clausissem, altero interim versus cælum respiciens, candela ubi eram allata est, & tunc aperto utroque oculo, duos circulos flammam coronantes aspexi, colore tam acri & florido quam unquam in arcu cælesti me vidisse memini. AB est maximus, qui ruber erat in A,




rum, quos  
aliquando  
ibidem vi-  
dimus. Cur  
in his co-  
ronis ex-  
terior am-  
bitus sit ru-  
ber contra  
quam in iis  
quæ appa-  
rent circa  
stellas. Et  
cur refra-  
ctiones, quæ  
in humori-  
bus oculi  
fiunt, nobis  
iridis colores

& cæruleus in B: CD minimus, qui etiam ruber in C, sed albus versus D, ubi ad flammam usque extendebatur. Oculo dextro postea iterum clauso, notavi, has coronas evanescere; & contra illo aperto & sinistro clauso, permanere. Vnde certo cognovi, illas non aliunde oriri, quam ex nova conformatione vel qualitate, quam dexter oculus acquisiverat, dum ipsum ita clausum tenueram, & propter quam non modo maxima pars radiorum, quos ex flamma admittebat, ipsius imaginem in O, ubi congregabantur, pingebant, sed etiam nonnulli ex iis ita detorquebantur, ut per totum spatium FO spargerentur, ubi pingebant coronam CD, & nonnulli alii per totum spatium FG, ubi coronam AB etiam pingebant. Non determinate hic dico, qualis ista conformatio fuerit; plures enim diversæ idem possunt efficere; vt si tantum una aut duæ perexiguæ rugæ sint in aliqua ex superfi-

ciebus

tiebus tunicarum EMP, quæ ob figuram oculi sint circulares, & *ubique non exhibeant.* centrum habeant in linea EO; quemadmodum ibidem etiam sæpe alix sunt, secundum rectas lineas extensæ, quæ se mutuo decussant in hac linea EO, efficiuntque ut magnos quosdam radios hinc inde sparfos circa facies ardentes videamus: ut etiam siquid opaci occurrat, vel inter E & P, vel alicubi ad latus, modo ibidem circulariter se diffundat. Vel denique si humores aut tunicæ oculi aliquo inodo temperamentum aut figuram mutarint. Adinodum enim commune est iis, qui oculis laborant, tales coronas videre; & non omnibus eodem modo apparent. Superest hic tantum, ut notemus, earum ambitus exteriores, quales hic sunt A & C, ut plurimum rubros esse, plane contra quam in iis, quas circa astra in nubibus pictas videmus. Cujus rei ratio manifesta nobiserit, si consideremus, in productione colorum quibus constant, humorem crystallinum PNM fungi officio ejus primatis PNM, de quo supra sumus locuti, & retinam FGF officio lintei albi, radios per hoc prisina



transcuntes excipientis. Sed dubitabit forte quispiam, cum humor crystallinus hoc possit, cur non eodem modo reliqua omnia objecta quæ cernimus, coloribus Iridis pingat. Quare notandum est, ex singulis objectorum punctis multos radios ad singula retinæ puncta pervenire; quorum uni cum transeant per partem N humoris crystallini; & alii per partem S; contrario plane modo in illa agunt, & se mutuo destruant, saltem quantum ad colorum productionem attinet: hic autem eos omnes qui ad partem retinæ FGF perveniunt, non nisi per partem N humoris crystallini transire, ideoque rotationem quam ibi acquirunt posse sentiri. Atque hæc omnia

tam apte cum iis, quæ de naturâ colorum supra dixi, conveniunt, ut eorum veritatem non parum mihi videantur confirmare.


## CAPVT X.

## De Parheliis.

I.  
Quomodo  
producantur  
ea nubes,  
in  
quibus Par-  
heliū viden-  
tur. Ma-  
gnū quē-  
dam glaciē  
circulū in  
ambitu ista-  
rum nubium  
reperi, cu-  
jus superfi-  
cies equalis  
& levis esse  
solet. Hunc  
glaciē cir-  
culū cras-  
siorem esse  
solere in  
parte Soli  
obversa  
quam in  
religuis.  
Quid ob-  
stet, quo  
minus ista  
glaciē ex  
nubibus in  
terram ca-  
dat. Et cu-  
aliquando  
in sublimi  
appareat  
magnus  
circulus al-  
bus, nul-  
lum filus  
in centro  
suo habens.



Uterdum & aliū in nubibus circuli videntur, differen-  
tes ab iis, de quibus diximus, eo quod tantum albi  
appareant, neque astrum in centro habeant, sed ipsi ut  
plurimum Solis aut Lunæ centra permeent, & paral-  
leli aut fere paralleli horizonti videantur. Sed quia  
non nisi in magnis & rotundis illis nubibus, de quibus supra locu-  
ti sumus, conspiciuntur, & in iisdem etiam quandoque plures So-  
les aut Lunæ repræsentantur, conjunctim utrumque hic est expli-  
candum. Sit ex. gr. A meri-  
dies, ubi Sol consistit, comi-  
tatus vento calido tendente ad  
B; & C Septentrio, unde ven-  
tus frigidus etiam ad B nititur.  
& ibi suppono, hos duos ven-  
tos vel invenire, vel cogere nu-  
ben, ex glaciē particulis com-  
positam, quæ tam lata est &  
profunda, ut non possint unus  
super, alius subter vel per ejus  
medium labi, quemadmodum  
alias solent, sed cursum suum  
circumcirca tenere cogantur.  
qua opera non tantum illam ro-  
tundant; sed etiam qui à Meri-  
die calidius spirat, nivem ejus  
ambitus paululum liquefacit;  
quæ statim iterum gelata, tam  
frigore venti Borealis, quam



vicinia nivis interioris nondum liquefactæ, magnū quendam ve-  
lut annulū ex glaciē continua & pellucida componit; cujus super-  
ficies satis polita est, quoniam venti illam rotundantes, admodum  
uniformes sunt. Præterea etiam hæc glaciē crassior est à latere

DEF;


DEF, quod Soli & calidiori vento expositum suppono, quam à latere GHI, ubi tam facile liquefieri nix haud potuit. Et postremo notandum, hac aëris constitutione manente, sufficientem calorem circa nubem B vix esse posse, ad glaciem ibi formandam, quin etiam terra subiecta satis calida sit ad multos vapores emittendos, qui totum nubis corpus sursum pellentes, hanc glaciem in aëre suspensam sustineant. Quibus positis, facile intelligitur, Lumen Solis (quem satis altum versus meridiem esse suppono) undiqueque glaciem DEFGHI illustrans, & inde resiliens in nivem nubis, quam cingit, debere hanc nivem ex terra subiecta spectantibus, instar magni circuli albi exhibere. quinimo etiam ad hoc satis esse, si nubes sit rotunda, & ejus nix paulo densior in ambitu, quam in medio, licet annulus glaciæ non sit formatus.

Sed quum formatus est, possunt etiam apparere stantibus in terra circa punctum R usque ad sex Soles, qui circulo albo, tanquam annulo totidem adamantes, inserti sint. Primus, scilicet in E, ob ra-

dius directe fluentes à Sole, quem suppono in A: duo sequentes in D & F, per refractionem radiorum, qui glaciem iis in locis permeant, ubi crassitie illius paulatim decrescente, introrsum ab utraque parte incurvantur, quemadmodum ii, qui prisina crystallinum, de quo supra, perlabuntur. Et propterea hi duo Soles in oris rubrum colorem ostentant, eâ parte qua E respiciunt, ubi glaciæ crassior est: & cæruleum in altera, ubi tenuior.

Quartus in H per reflexionem appareat. Duo itidem postremi per reflexionem in G & I. per quæ puncta G & I suppono circulum describi posse, cujus centrum in puncto K, & qui transeat per B, nubis centrum: ita ut anguli KGB, & KBG, aut BGA æquales

sint; ut & KIB, & KBI, aut BIA. Novimus enim, reflexionem semper ad angulos æquales fieri; & hujus glaciæ partes omnes, ex



II.  
*Quomodo  
sex Soles di-  
versimodo  
circulo vi-  
deri possint;  
unus visio-  
ne directa,  
duo per re-  
fractionem,  
& tres alii  
per reflexio-  
nem. Cur ii  
qui per re-  
fractionem  
videntur,  
in una par-  
te rubri, &  
cur qui per  
reflexionem,  
albi tantum  
sint & mi-  
nus fulgen-  
tes.*

quibus Solis radii possunt versus oculum reflecti, ejus imagini referendæ aptas esse. Sed quoniam recti radii semper refractis acriores sunt, hi tamen magis adhuc vegeti quam reflexi, illustrior Sol apparebit in E, quam velin D, vel etiam in F; rursusque in D & F illustrior, quam vel in G, vel in H, vel in I; & hi tres, G, H, & I, nullo colore in oris insignes erunt, ut D & F, sed tantum albicabunt.

## III.


*Cur aliquando tantum quinque, vel quatuor, vel tres conspiciuntur. Et cur, cum tres tantum sunt, sæpe non in albo circulo, sed solum in alba quadam rabe appareant.*

## IV.

*Quamvis Sol ad con-*

Iam si spectatores non sint in loco K, sed alicubi viciniore puncto B, ita ut circulus, cujus centrum in illorum oculis statuatur, & qui transeat per B, circumferentiam nubis non secet; duos Soles G & I videre haud poterunt, sed tantum quatuor reliquos. Et si contra multum recedant ad H, vel paulo ulterius ad C, quinque tantum videbunt, D, E, F, G, & I. Et longe ulterius recedentes, videbunt tantum tres, eosque non amplius albo circulo insertos, sed alba quadam veluti trabe trajectos. Itemque manifestum est, si Sol non satis altus sit supra horizontem, ad illuminandam partem nubis GHI, vel etiam hæc pars nubis GHI nondum sit plane formata, tres tantum Soles DEF posse apparere.

Cæterum hucusque non nisi latitudinem hujus nubis consideravimus; at multa alia in ejus altitudine notanda occurrunt, quæ hic melius videbuntur, si eam, tanquam si per medium secta esset, exhi-



*speciem al-*  
*tior vel hu-*

beamus. Primo, licet Sol non sit præcise in linea recta, quæ tendit ab


ab E ad oculum K, sed aliquanto altior vel demissior, non ideo minus versus E conspici debet: præsertim si glacies non nimis in altum aut profundum extendatur. Tum enim superficies hujus glaciei tantum curvabitur, ut, ubicunque demum sit, perpetuo sere suos radios reflectere possit ad K. Vt, si habeat in sua crassitie figuram comprehensam lineis 1 2 3 & 456, manifestum est, non tantum Sole existente in rectâ A 2, radios illam per lapsos, ire posse ad oculum K, sed etiam si longe inferior sit, velut in linea S 1, vel multo superior, ut linea T 3; & ita semper illum exhibere, ac si esset in linea rectâ EK. Quum enim annuli glaciei latitudo (quæ secundum nubis crassitiem sumenda est) non valde magna supponatur, differentia, quæ est inter lineas 4 K, 5 K, & 6 K, non multum in rationem venit.

Notandumque est, hoc efficere posse, ut Sol, postquam jam plane occubuit, rursus appareat; Itemque in horologiis ut umbræ plus justo accedant, vel recedant, atque ita horam plane aliam, quam revera est, designent. Veruntamen si Sol multo humilior sit, quam appareat in E, adeo ut ejus radii etiam per inferiorem glaciei partem ad oculum K ferantur secundum lineam rectam, qualis est hic S 7. K, quam suppono parallelam lineæ S 1, tunc præter sex Soles jam expositos, septimus infra ipsos apparebit, qui multo magis iis refulgens, umbram quam in horologiis efficere possent, delebit. Eadem ratione, si adeo sublimis sit, ut radios secundum lineam rectam, per superiorem glaciei partem agere possit ad K, ut per lineam T 8 K, parallelam lineæ T 3, & nubes non ita sit opaca, ut illos excludere possit, supra sex alios septimum Solem videbimus. Si vero glacies 1 2 3, 4 5 6 latius extendatur, usque ad puncta 8 & 7, Sole posito in A, tres, unus supra alterum, ad E poterunt apparere, nempe in punctis 8, 5 & 7; & tunc etiam alii tres unus supra alterum, ad D, & tres ad F poterunt apparere; ita ut usque ad duodecim circulo albo DEFGHI inserti conspiciantur. Item si Sol paulo humilior sit, quam in S, aut sublimior, quam in T, tres iterum ad E apparebunt; duo nempe in circulo albo, & infra aut supra tertius: Et tum poterunt adhuc duo apparere in D, & duo in F. Nunquam autem meumini, tot simul observatos fuisse; Neque etiam cum tres, alius supra alium, visi fuerunt, quod sæpius accidit, alios quosdam laterales fuisse conspectos; vel tribus visis qui horizonti æquidistant, quod etiam satis fre-

*milior sit  
istò circulo,  
semper tam-  
en in eo  
videri.*

V.  
*Hac de  
causâ Solem  
aliquando  
conspici pos-  
se, cum est  
infra Hori-  
zontem, &  
umbras Ho-  
rlogiorum  
retrocedere  
vel promo-  
veri. Quo-  
modo septi-  
mus Sol, su-  
pra vel in-  
fra sex alios  
videri pos-  
sit. Quomodo  
etiam  
tres diversi,  
unus supra  
alium stan-  
tes, appa-  
reant; &  
quare tunc  
plures con-  
spici non so-  
leant*





quens est, alios quosdam supra vel infra apparuisse. Cujus ratio sine dubio ex eo pender, quod latitudo glaciei, notata inter puncta 7 & 8, plerumque nullam proportionem habeat cum magnitudine ambitus totius nubis: adeo ut oculus puncto E admodum propinquus esse debeat, quum hæc latitudo satis magna ipsi apparet, ad tres Soles, alium supra alium, in ea distinguendos: & contra valde remotus, ut radii fracti in D & F, ubi maxime crassities glaciei minuitur, ad illum pertingere possint. Et rarissime accidit, nubem adeo integram esse, ut plures quam tres simul appareant.


VI.  
*Explicatio  
quarun-  
dam obser-  
vationum  
hujus pha-  
nomeni: ac  
præcipuè  
illius quæ  
Romæ facta  
est Martii  
29 anni  
1629.*

Fertur tamen Poloniæ Rex anno 1625 usque ad sex vidisse. Et ante tres annos Mathematicus Tubingensis quatuor illos, qui hic literis D, E, F, & H designati sunt, observavit: notavitque inter cætera in scripto quodam, quem eâ de re tunc vulgavit, duos D & F rubros fuisse, quâ parte medium, quem verum ille Solem appellat, respiciebant, & cæruleos aversâ; quartumque H valde pallidum, & vix conspicuum fuisse. Quod multum confirmat ea, quæ dixi.

Sed observatio pulcherrima & maximè omnium memorabilis, quas unquam in hac materiâ vidi, illa est quinque Solium, qui 29 Martii anni 1629 Romæ apparere, horâ secundâ & tertiâ pomeridianâ. Et ut accuratius percipi possit, an etiam iis, quæ diximus, congruat, iisdem verbis, quibus tum vulgata fuit, illam hic adscribam.

A ob-

*A* observator Romanus. *B* vertex loco observatoris incumbens. *C* Sol verus observatus. *AB* planum verticale, in quo & oculus observatoris, & Sol observatus existunt, in quo & vertex loci *B* jacet, ideoque omnia per lineam verticalem *AB* representantur: in hanc enim totum planum verticale procumbit. Circa Solem *C* apparuerunt dua incompleta Irides eidem homocentrica, diversicolores, quarum minor, sive interior



*DEF*, plenior & perfectior fuit, curta tamen sive aperta à *D* ad *F*, & in perpetuo conatu sese claudendi stabat, & quandoque clauderat, sed mox denuo aperiebat. Altera, sed debilis semper, & vix conspicabilis, fuit *GHI*, exterior & secundaria, variegata tamen & ipsa suis coloribus, sed admodum instabilis. Tertia, & unicolor, eaque valde magna Iris, fuit *KL MN*, tota alba, quales saepe visuntur in paraselenis circa lunam. haec fuit arcus excentricus integer ab initio solis per medium incedens, circa finem tamen ab *M* versus *N* debilis & lacer, imo quasi nullus. Caterum in communibus circuli hujus intersectionibus

cum

cum Iride exteriore GHI emerferunt duo parhelia non usque adeo perfecta, N & K, quorum hoc debilius, illud autem fortius & luculentius splendefcebat: amborum medius nitor amulabatur solarem, sed latera coloribus Iridis pingebantur; neque rotundi ac præcisi, sed inæquales & lacunosi ipsorum ambitus cernebantur. N, inquietum spectrum, ejaculabatur causam spissam subigneam NOP, cum jugi reciprocatione. L & M fuere trans Zenith B, prioribus minus vivaces, sed rotundiores & albi, instar circuli sui cui inhærebant, lac seu argentum purum exprimentes; quanquam M mediâ tertiâ jam prope disparuerat, nec nisi exigua sui vestigia subinde præbuit; quippe & circulus ex illa parte defecerat. Sol N defecit ante Solem K, illoque deficiente roborabatur K, qui omnium ultimus disparuit, &c.


CKLM circulus albus erat, in quo Soles quinque apparebant. Et imaginandum, spectatorem, locatum ad A, circulum hunc interea supra se in aëre habuisse, ita ut punctum B vertici illius incubuerit, ac duos Soles L & M habuerit à tergo, quum alios tres KCN antrorsum objectos videret: quorum duo K & N in oris colorati, nec tam rotundi, neque tam fulgentes erant, quàm qui in C. Vnde liquet, illos ex refractione generatos; cum viceversa duo L & M satis quidem rotundi, sed minus fulgentes essent, & plane albi, nullo alio colore in extremitatibus pernixto. Vnde constat, à reflexione illos fuisse.

VII.  
Cur quinque tantum Soles tunc apparuerint. Et cur pars circuli albi à Sole remotior, visa sit major, quam re vera esset?

Et plurimæ causæ potuerunt impedire, quo minus sextus alius Sol apparuerit in V, quarum omnium tamen maxime verisimilis est, oculum tan propinquum illi fuisse, pro ratione altitudinis nubis, ut omnium radii, in glaciem, quæ ibi erat, incidentes, ulterius resiliirent quam ad punctum A. Et quamvis punctum B non tam propinquum Solibus L & M, quàm centro nubis, hic repræsentetur, hoc tamen non impedit, quin regula, circa locum apparitionis horum Solium, jam à nobis tradita, ibi fuerit observata. Cum enim spectator vicinior esset arcui LVM, quàm aliis circuli partibus, illum majorem earum respectu, quam revera erat, debuit judicare. Ac præterea hæc nubes procul dubio vix unquam accurate rotundæ existunt, etiamsi tales appareant.

Sed

*Cur una ex  
istis Solibus  
caudam  
quandam  
subigneam  
habuerit.*



Sed duo adhuc notatu digna hic supersunt. Quorum primum est, Solem N, qui versus Occidentem situs erat, figuram mutabilem & incertam habuisse, de seque caudam spissam subigneam ejaculatum esse, quæ mox longior, mox brevior apparebat: Quod procul dubio non aliunde fuit, quàm ex eo quòd imago Solis ita deformata & irregularis erat versus N, ob glaciei inæqualitatem: Vt eadem sæpe videtur, quum aquæ paululum trementi innatat, aut cum per vitrum inæqualium superficierum adspicitur. Glacies enim verisimiliter aliquantulum in illa parte agitata erat, nec superficies tam regulares habebat, quoniam ibi dissolvi incipiebat: quod circulus albus interruptus, & velut nullus inter M & N, itemque Sol N evanescens, ante Solem K, qui roborabatur, ut alter deficiebat, satis probant.

Secundum quod hic notandum occurrit, sunt duæ coronæ, cingentes Solem C, iisdem coloribus quibus arcus cœlestis variegatæ: quarum interior, DEF, illustrior & inagis conspicua erat, quam exterior GHI; ita ut minime dubitem, quin eo modo, quem paulo ante explicui, fuerint generatæ per refractionem, quæ fiebat, non in continua glacie, in qua Soles K & N apparebant,


h h

XI.

*Cur dua  
Corona  
præcipuum  
Solem cinxe-  
rint; & cur  
non semper  
tales coro-  
næ simul*

sed

cum Par-  
helis appa-  
reant. Ha-  
rum Coro-  
narum lo-  
cum non  
pendere à  
loco Parhe-  
liorum :  
Ipsarumque  
centra non  
accurate  
coincidere  
cum centro  
Solis ; nec  
etiam cen-  
trum unius  
cum centro  
alterius.



sed in aliâ , in mul-  
tas exiguas particu-  
las divisâ , quæ su-  
pra & infra invenie-  
batur . Verisimile  
quippe est , eandem  
causam quæ ex qui-  
busdam partium na-  
bis exteriorum inte-  
grum aliquem circu-  
lum glaciei potuit  
componere , alias vi-  
cinis disposuisse ad  
repræsentandas has  
coronas . Adeo ut si  
non semper tales vi-  
deantur , quoties plu-  
rimi Soles apparent ,  
caussa ex eo sit , quod  
crassities nubis non  
semper ultra circu-  
lum glaciei , quo cin-  
gitur , se extendat ;  
vel etiam quod tam  
opaca sit atque obs-  
cura , ut per illam ne-  
queant apparere .

Quod ad locum harum coronarum ; non alibi quam circa verum  
Solem apparent , neque ullo modo à Parheliorum locis dependent .  
Quamvis enim duo Parhelii K & N hic in sectione mutua ex-  
terioris coronæ & circuli albi occurrant , casu tantummodo id ac-  
cidit : & pro certo mihi persuadeo , idem in locis paululum ab Vr-  
be Roma remotis , ubi idem phænomenon apparuit , non visum  
fuisse . Sed non propterea judico , centrum illarum semper in re-  
cta linea , ad Solem ab oculo ducta , tam accurate ut illud Iridis ,  
existare ; hoc enim interest , quod aquæ guttæ cum sint rotundæ , sem-  
per eandem refractionem efficiant , quemcumque demum obtineant  
situm ; quodque è contra glaciei particulæ , cum sint planæ , hoc ma-  
jorem

jorem efficiant, quo magis oblique Solis radios transmittunt. Et quoniam, cum formantur in circumferentia nubis, vi venti, illam circumquaque lambentis, alio situ ibi jacere debent, quam cum in plana nubis superficie sive superiori sive inferiori fiunt, accidere potest, ut duæ simul coronæ appareant, una in altera, ejusdem fere magnitudinis, & non accurate idem centrum habentes.

Præterea quoque accidere potest, ut, præter ventos hanc nubem cingentes, alius aliquis infra vel supra feratur, qui, denuo superficiem aliquam ex glacie ibi formans, alias varietates in hoc phænomeno efficiat. Quod etiam interdum possunt nubes circumjacentes, aut pluvia, si forte tunc cadat. Nam radii à, glacie alicujus harum nubium resiliences ad pluviam guttas, partes Iridis, diversi admodum situs, ibi repræsentabunt. Et præterea etiam quum spectatores non sunt sub aliqua tali nube locati, verum à latere, inter plures alios circulos, & alios Soles videre possunt. De quibus plura hic dicere supervacuum arbitror; spero enim, illos, qui omnia satis intelligent quæ in hoc tractatu continentur, nihil in posterum in nubibus visuros, cujus non facile causam animadvertant, nec quod pro miraculo sint habituri.

X.  
*Quæ sint  
causæ gene-  
rales alia-  
rum insoli-  
tarum ap-  
paritionum,  
quæ inter  
Meteora  
censenda  
sunt.*

F I N I S.

h h 2

Se-


*Sequuntur nonnullæ Animadversiones in Dioptricam ,  
à Clarissimo Viro, D. FRANCISCO  
à SCHÖÖTEN, subornatæ.*

Pag. 105.  
lin. 4.

• Per 23.  
Tertii E-  
lem. Euclid.  
Pag. 129,  
lin. 6.

**Q**ua, ut videmus (nempe GI) tantò major est quàm gi; quantò SL major quàm Sl. Vel ut in Gallico textu, qui hæc clarius habet, qui, *comme vous voyez, est plus grand que gi, en mesme proportion, que la ligne SL surpasse Sl.*] Est enim GI ad SH, ut km ad Sl; & SH ad gi, ut SL ad KM seu km: quare ex æquo erit in proportionē perturbata \*, ut GI ad gi, sic SL ad Sl.

Et in hac re vitrum Ellipticum NOP (quod tam magnum supponimus, ut extremitates illius N & P sint puncta determinantia minimam Ellipsis diametrum) Hyperbolicum QRS superat, licet pro arbitrio magnum fingatur.] Etenim cum, per ea, quæ habentur paginis 110 & 117,



OB sit ad CT, sicut GT ad RF, & quadrata ex ND seu DP &

DP & IH seu HK rectangulis OCB seu OTB & GRT  
seu GFT sint æqualia: erit quoque TD ad NP, ut FH ad  
IK. Æqualis est igitur angulus NTP angulo IFK, hoc est, an-  
gulo LHM. Vnde cum LH, HM sint Asymptoti Hyperbolæ  
QRS, & angulus LHM seu QHS \* major sit angulo  
QTS, hoc est, omni angulo, qui continetur rectis, quæ ex fo-  
co T ad Hyperbolam QRS duci possunt: erit similiter an-  
gulus NTP eodem angulo QTS major. Atque adeò plures  
radii effundentur ex foco T in vitrum Ellipticum NOP, quàm  
ex foco T in Hyperbolicum QRS, quantumvis id fingatur  
magnum.

\* Per 21.  
Primi E-  
lem. Euclid.

*Demonstratio eorum, qua de inveniendâ ratione linearum,  
vitri refractionem dimetientium, Auctor pag. 142  
articulo 2<sup>do</sup> exposuit.*

Cum demonstratio haud inelegans hujus rei à Clarissimo Viro,  
D<sup>no</sup> Gerardo Gudtschovio, apud Lovanienses Matheſeos professore,  
jam pridem mihi transmissa sit, placuit eam, ipsius vestigiis insisten-  
do, qualem postea in hunc modum contraxi, Lectori ob oculos  
ponere.

Ex centro B descripto per punctum P circulo NPTA, du-  
cta quæ recta CBF, secante RP ad angulos rectos in B, demit-  
tantur in eam perpendiculares AC, TF. quæ, juxta ea, quæ ha-  
bentur pag. 61, vitri RPQ refractionem mensurabunt. Tum  
deductis ex B, P, in EI, BH, perpendicularibus BG, PL,  
seſe ſecantibus in S: quoniam ex angulis rectis ABG, CBP,  
ablato communi CBG, relinquuntur æquales ABC, GBP;  
sicquæ triangulorum ABC, GBP latera AB, BP æqualia  
sint, ut & anguli ACB, ABC, ipsis BGP, GBP: erit quo-  
que a latus AC lateri GP æquale. Porro, quoniam triangula  
BFT, LBP rectangula sunt ad F & L, & propter parallelas  
BP, FT angulus BTF b æquatur alterno PBT, hoc est, ipsi  
PBH, sicut & latus BT ipsi BP: erit similiter FT ipsi LB c  
æquale. Iam, eductâ ex O per P rectâ OPV, occurrente ipsi  
BH productæ in V, cum d ex æqualitate triangulorum PBO,  
PBH, OP æquetur PH, & anguli POI, OPI, ipsis PHV,  
hh 3

a Per 26.  
Primi E-  
lem. Euclid.  
b Per 29.  
Primi Elem.  
Euclid. &  
conſtructionem.  
c Per 26.  
Primi E-  
lem. Eucl.  
d Per 4.  
Primi E-  
lem. Euclid.

HPV






fit communis, erit itidem  $\angle$  LPB ipsi BVX  $\angle$ qualis. <sup>\* Per 32. Primi E-lem. Eucl.</sup> Erat autem &  $\angle$  PSB  $\angle$  angulo VHI  $\angle$ qualis. Quare similia sunt triangu-  
la PSB, VHI. Vnde erit, ut PS ad SB, ita VH vel OI ad HI. Sed ut PS ad SB, sic est PG ad LB, seu AC ad TF. (quandoquidem similia sunt triangu-  
la GSP & LBS: cum sint rectangula, habeantque  $\angle$ s ad S  $\angle$ quales.) Quocirca erit ut OI ad HI, ita AC ad TF. Quod erat demon-  
strandum.

*Quod idem non minus concinnè Nobilissimus*

D. CHRISTIANVS HUGENIUS *sic perfecit.*

Triangulo BPI, ut jubet Cartesius, in chartam translato,



ducatur tantum PX ipsi PR perpendicularis, donec occurrat ipsi BI in X: eritque PI ad IX ratio seu mensura refractionis quaesita.

Ad quod demonstrandum, agatur, ut ante, recta CBF, secans RP ad  $\angle$ s rectos in B.

Quoniam itaque AB radius refert, qui postquam prismatis superficiem RQ absque refractione penetravit, refringitur in B, tenditque ad I: constat, rationem refractionis, per ea, quae pag. 61 ostensa sunt, esse eam, quam habet sinus  $\angle$ uli FBX ad sinus  $\angle$ uli ABC. Est autem  $\angle$ ulo FBX  $\angle$ qualis  $\angle$ ulo BXP,

BXP, & angulo ABC æqualis angulus XPI: quia utrique horum si addatur angulus rectus constituunt angulos æquales ABP & BPL. Quocirca & sinus anguli BXP ad sinum anguli XPI rationem eam habet, quæ est refractionis. Verum in triangulo PXI latus PI habet ad latus IX rationem eam, quam sinus anguli PXI sive BXP ad sinum anguli XPI. Patet igitur, PI ad IX esse rationem seu mensuram refractionis quæsitam. Quod erat ostendendum.

F I N I S.



Ad L. 14<sup>o</sup> 3917